


$\frac{I}{11}$

3

E
D



201.16.77.20

204. 16. A. 50

A. R. P.

FR. MARCI

SERRAE.

ALCODIANI.

Sacrae Theologiae Magistri;

ORD. PRÆDIC.

S V M M A

COMMENTARIORVM

In Primam Secundæ S. Thom.

T O M V S III.



R O M A E.

Apud Franciscum Caballum, 1653.

Superiorum permissu.

THE NEW YORK

LIBRARY

OF THE

ALBANY

ACADEMY

OF THE

LIBRARY

OF THE

LIBRARY

OF THE

LIBRARY

OF THE

LIBRARY

INDEX
QVAESTIONVM,
ARTICVLORVM,
ET DVBIORVM.



QVAESTIO XC.

De Legibus.



ARTICVLVS 1.

Vtrum lex sit ali-
quid rationis. pa-
gina 1.

Dub. An cōclusio
sit vera. ibid.

Art. 2. Vtrum lex ordinetur semper
ad bonum commune. 5

Art. 3. Vtrum ratio cuiuslibet sit sa-
cra legis. 7

Dub. Qui sint, qui condere leges
possunt. ibid.

Art. 4. Vtrum promulgatio sit de ratione legis. 13

Dub. Quznam promulgatio ad rationem legis requiratur, & sufficiat. ibid.

QVAESTIO XCIII.

De lege aeterna.

Art. 1. Vtrum lex aeterna sit summa ratio in Deo existens. 29

Dub. An lex aeterna sit verè, & propriè lex. ibid.

QVAESTIO XCIV.

De lege naturali.

Art. 1. Vtrum lex naturalis sit habitus. 35

QVAESTIO XCV.

De lege humana.

Art. 2. Vtrum lex humanitus posita à lege naturali deriuetur. 38

Art. 3.

Art. 3. Vtrum Isidorus conuenienter
qualitatem legis positivæ descri-
bat. 42

Dub. An Populi consensus, & acce-
ptatio sit conditio necessario re-
quisita ad legem positivam hu-
manam. 46

Art. 4. Vtrum Isidorus conuenien-
ter ponat diuisionem humana-
rum legum. 53

QVÆSTIO XCVI.

De Potestate legis humana.

Art. 1. Vtrum lex humana debeat
poni in communi, magis quam
in particulari. 58

Art. 3. Vtrum lex humana præcipiat
actus omnium virtutum. 62

Dub. An possit lex humana omnes
omnium virtutum actus præcipe-
re. *ibid.*

Art. 3. Vtrum lex humana imponat
homini necessitatem in foro con-
scientiæ. 71

Dub. An leges humanae possint ad
culpam obligare, necessitatem.

que in foro conscientiae impone-
re. 71

Dub. 2. An omnes leges humanae
ad culpam obligent mortalem,
aut venialem. 74

Dub. 3. An leges poenales obligent
in foro conscientiae ad poenam
ante Iudicis sententiam. 97

Dub. 4. An leges humanae iniustae
obligent aliquando in foro con-
scientiae. 111

Dub. 5. An leges humanae iustae sem-
per, etiam cum vitae dispendio ser-
uandae sint. 115

Art. 5. Vtrum omnes subijciantur
legi. 120

Dub. Quomodo, & quibus legibus
omnes subijciantur. ibid.

Art. 6. Vtr. ei, qui subditur legi liceat,
praeter verba legis agere. 136

Dub. In quibus casibus liceat ei, qui
subditur legi, praeter verba legis
agere: ibid.

QVAESTIO XCVII.

De Mutatione Legum.

Art. 3. Vtrum Consuetudo possit
ha-

habere vim legis. 147

Dub. An vt consuetudo vim legis habeat, & alios effectus prædictos requiratur Principis consensus. pag. 149

Art. 4. Vtrum rectores multitudinis possint in legibus humanis dispensare. 162

Dub. Quæ requirantur, vt dispensatio in legibus humanis valida sit, & licitè fiat à Rectoribus multitudinis. ibid.

QVÆSTIO XCVIII.

De lege veteri.

Art. 3. Vtrum lex vetus data fuerit per Angelos. 173

QVÆSTIO C.

De Præceptis mor alibus veteris Legis.

Art. 8. Vtrum præcepta Decalogi sint dispensabilia. 175

Dub. An Deus possit dispensare in Præceptis Decalogi. ibid.

Art. 9. Vtrum modus virtutis cadat
sub præcepto legis. 185

QVÆSTIO CIII.

*De duratione præceptorum Cere-
monialium.*

Art. 3. Vtrum ceremoniæ veteris le-
gis cessauerint in aduentu Chri-
sti. 191

Art. 4. Vtrum post passionem Chri-
sti legalia possint seruari sine pec-
cato mortali. 195

QVÆSTIO CIX.

*De exteriori principio humano-
rum actuum, scilicet de
gratia Dei,*

Art. 1. Vtrum homo sine gratia ali-
quod verum cognoscere possit.
pag. 197

Dub. An ad cognitionem cuiuscun-
que veritatis naturalis indigeat
homo auxilio gratiæ. 198

Art. 2. Vtrum homo possit velle, &
facere bonum absque gratia. 204

Du.

Dub. 1. An possit homo in natura lapsa sine auxilio gratiæ specialis velle, & facere aliqua bona opera moraliter. 211

Dub. 2. An in aliquo statu possit homo sine auxilio speciali gratiæ omne opus bonum morale operari. 229

Art. 3. Vtrum homo possit diligere Deum super omnia ex solis naturalibus sine gratia. 243

Dub. An hæ conclusiones veræ sint. pag. 244

Art. 4. Vtrum homo sine gratia per sua naturalia legis præcepta implere possit. 259

Dub. 1. An in aliquo statu possit homo per sua naturalia implere præcepta supernaturalia, quantum ad substantiam. ibid.

Dub. 2. An possit homo sine gratia implere omnis legis præcepta naturalia, etiam in natura lapsa. pag. 269

Art. 6. Vtrum homo possit seipsum ad gratiam præparare per se ipsū absque exteriori principio gratiæ. 277

Dub.

Dub. An per vires naturæ aliquo modo possit homo se disponere, sive ita se gerere, vt infallibiliter consequatur gratiam iustifican-tem, aut vocationis. 279

Art. 8. Vtrum homo sine gratia possit non peccare. 288

Dub. 1. An homo in natura lapsa indigeat gratiæ auxilio ad vincendas tentationes. 291

Dub. 2. An homo existens in peccato mortali possit diu noua peccata vitare, saltem contra præcepta naturalia. 299

Dub. 3. An homo iustus possit vitare omnia peccata venialia. pag. 304

Art. 9. Vtr. ille, qui consequutus est gratiam, per se ipsum operari possit bonum, & vitare peccatum, absque auxilio gratiæ. 315

Dub. An homo in gratia existens, utroque auxilio, generali scilicet, & speciali indigeat ad quodcunque bonum operandum, & quodcunque peccatum vitandum. 315

Art. 10. Vtr. homo in gratia constitutus.

tutus indigeat auxilio gratiæ ad
perseuerandum. 327

Dub. An donum perseuerantiæ sit
auxilium distinctum ab eo, quod
requiritur ad permanendum in
bono per multum tempus, & à
dono confirmationis in gratia.
pag. 328

QVÆSTIO CX,

*De gratia quantum ad eius
essentiam.*

Art. 3. Vtr. gratia sit idem quod vir-
tus. 339

Dub. An gratia sit eadem res cum
virtute Charitatis. ibid.

Art. 4. Vtrum gratia sit in essentia
animæ, sicut in subiecto, an in ali-
qua potentiæ. 344

QVÆSTIO CXI.

De diuisione gratiæ.

Art. 2. Vtrum gratia conuenienter
diuidatur per operantem, & coo-
pe-

petantem. 346.

Art. 3. Vtr. gratia conuenienter diuidatur in præuenientem, & subsequentem. 351

QVAESTIO CXII.

De causa Gratiae.

Art. 1. Vtr. solus Deus sit causa gratiae. 354

Dubium. An aliquis alius à Deo possit esse causa efficiens principalis physica gratiae. 354

Art. 2. Vtr. requiratur aliqua præparatio, & dispositio ad gratiam ex parte hominis. 362

Dub. An actus liberi arbitrii moti à Deo sint dispositiones physicae, & ex natura rei ad gratiam, an solum morales, & ex diuina motione. ibid.

Art. 3. Vtrum necessario detur gratia se præparanti ad gratiam, vel facienti, quod in se est. 373

Dub. An facienti, quod in se est ex sola facultate naturæ, Deus non denegat gratiam, sed hanc ei infal-

allibiliter, & ex certa lege con-
ferat. ibid.

rt. 5. Vtrum homo possit scire se
habere gratiam. 381

QVAESTIO CXIII.

De effectibus gratiae.

rt. 2. Vtrum ad remissionem cul-
pae, quae est iustificatio impij, re-
quiratur gratiae infusio. 391

Dub. 1. An in iustificatione impij ve-
rè peccata remittantur, & gratia
infundatur. ibid.

Dub. 2. An sola gratia habitualis
possit esse causa formalis iusti-
ficationis impij, & remissionis pec-
catorum. 396

Dub. 3. An saltem de potentia ab-
soluta Dei possit homini remitti
peccatum absque vlla gratia illi
inhazente. 408

Dub. 4. An per potentiam Dei ab-
solutam possit esse infusio gratiae
absque remissione culpae. 417

Art. 5. Vtrum ad iustificationem
im.

impij requiratur motus liberi arbitrij in peccatum. 428

Dub. An motus prædicti requirantur ad impij iustificationem, ut dispositiones ad illam. 429

Art. 8. Vtrum gratiæ infusio sit prima ordine naturæ inter ea, quæ acquiruntur ad iustificationem impij. 440

Dub. An motus liberi arbitrij in Deū, & in peccatum, quatenus est ultima dispositio ad iustificationem impij procedat efficienter à gratiæ habitualis infusione. pag. 441.

QVÆSTIO CXIV.

De merito.

Art. 1. Vtrum homo possit aliquid mereri à Deo. 456

Dub. 1. quæ conditiones requirantur, ut homo possit aliquid à Deo mereri. ibid.

Dub. 2. An meritum hominis apud Deum esse possit absque pacto, aut promissione Dei. 462

Dub.

ub. 3. An redditio pramij pro me-
ritis sit actus iustitiæ propriè sum-
ptæ. 475

rt. 2. Vtrum aliquis sine gratia
possit mereri vitam æternam.
pag. 487

rt. 3. Vtr. homo in gratia consti-
tutus possit mereri vitam æter-
nam ex condigno. 488

Dub. An opera iustorum, quatenus
procedunt à gratia, vt principio
merendi, sint meritoria ex condi-
gno vitæ æternæ. ibid.

Art. 4. Vtrum gratia sit principium
meriti principalius per charita-
tem, quam per alias virtutes.
pag. 495

Dub. 1. An meritum sit actus ali-
cuius virtutis specialis. ibid.

Dub. 2. An in homine iusto omne
opus bonum sit meritorium, &
ordinatum in Deum finem, &
obiectum charitatis. 503

Art. 5. Vtrum homo possit sibi me-
reri primam gratiam 518

Art. 7. Vtrum homo possit sibi me-
rerireparationem post lapsum.
pag. 523

Art. 9.

**Art. 9. Vtr. homo possit perseveran-
tiam mereri. 527**

**Art. 10. Vtrum temporalia bona
cadant sub merito. 528**



QVAE



QV AESTIO LXXX.

De Legibus.

ARTICVLVS

PRIMVS.

Vtrum lex sit aliquid rationis.

Conclusio est affirmans.

Dubium. An hac conclusio vera sit.



ARTEM negantem
tener Alphonsus de
Gastro. De potestate
legis poenalis lib. 1. c.
1. ubi legem definit.
Lex est *facta voluntas*
et. subditque, legem
esse voluntatem re-

A j

ctam

2 QVAESTIO XC.

Etiam, non vt voluntas significat ipsam animæ liberam potentiam, sed vt ipsos eiusdem potentiae actus denotat. Probat: non enim id quod Princeps nouit aut bene intellexit, sed quod Principi placuit legis habet vigorem, vt dicitur In L. 1. ff. De constitutionibus. Et S. August. lib. 4. de Ciu Dei cap. 6. ait: *Arbitria principum pro legibus, erant*. Et Cicero lib. 1. de Legibus docet, legem ab electione dictam esse: sed hæc actum voluntatis esse denotant; ergo &c.

Dicendum tamen est 1. Legem aliquid rationis esse, & non voluntatis actum. Docent hoc D. Thom. hic eius discipuli Caietanus, Conradus & alii, probantque late. M. Soto lib. 1. de iusticia quæst. 1. art. 1. Probatur deinde cum D. Thom. hic 1. *Lex quædam regula est, & mensura actuum: regula autem, & mensura humanorum actuum est ratio; ergo lex aliquid rationis est*.

Secundo, Dicitur *lex à ligando*, quia obligat ad agendam: sed vt idem D. Thom. qu. 23. de Verit. ar. 8. ad 3. concedit, *Non tenetur subditus facere, aut velle, quicquid scit prælatum velle quod faciat, nisi hoc expresse præcipiat*; ergo lex non est voluntatis superioris actus, sed rationis illius præceptum.

Tertio, *Rationis est ordinare in finem*. Voluntas enim quamuis moueat in finem quem appetit, non tamen in illum ordinat, aut dirigit propriè, cum hoc cognoscens sit; ergo cum lex sit quædam ordinatio in commune bonum, quod rationem
finis,

ARTICVLVS I. 3

finis habet, non voluntatis actus, sed aliquid rationis erit.

Quarto, *Ad legem pertinet precipere, & prohibere*: sed imperare est rationis, ut supra habitum est (scilicet quæ 17. art. 1.) Ergo lex est aliquid rationis.

Dicendum est 2. Legem esse quoddam dictamen, aut verbum practicum actus imperij: Docet hoc Conradus hic dicens: *Lex est aliquid rationis sicut dictamen eius ab ipsa, & in ipsa existens subiectiue tanquam terminus actus intelligendi practici, scilicet imperij*: Et inferius circa solutionem secundi: *Pertinet ad actum rationis practica: tanquam eius dictamen, & Verbum practicum*.

Probatur: nam ut cum S. Hieronymo ait D. Thom. hic art. 4. ad 3. *Lex à legendo vocata est: quia scripta est*: Sed quod legitur verbum est scriptum quidem, significans tamen verbum cordis; ergo & lex: de qua propterea ad Rom. 3. v. 19. dicitur: *Quicumque lex loquitur*: quia scilicet verbum est: vnde legis præcepta verba legis dicuntur. Confirmatur, per quemcumque actum intellectus producit verbum, ut patet ex dictis 1. par. quæst. 27. art. 1. Ergo per actum imperij, quo ratio superioris aliquid præcipit subditis, producit verbum, quod quid aliud est quam lex, vel præceptum.

Dicendum est 3. Legem conceptum mentis esse, non quidem simplicem, sed compositum, nempe propositionem quandam, non enunciativam, sed præceptivam.

4 *QVÆSTIO XC.*

Colligitur hoc ex D. Thom. hic enim ad 2. ait: *Propositiones universales rationis practice, ordinatae ad actiones habent rationem legis.* Et infra qu. 92. ar. 2. *Sicut enunciatio est rationis dictamen per modum enuntiandi, ita etiam lex per modum precipiendi.* Ergo cum propositio non sit conceptus simplex, sed compositus, lex non simplex, sed compositus erit conceptus, dictamen, aut verbum. Quod ut hic ad 2. dicit S. Thom. *Ita se habet ad operationem, sicut se habet propositio in ratione speculativa ad conclusiones.* Vnde lex principium est non inferens conclusionem in intellectu, in quo est, sed inducens ad operationem, hæcque est quædam legis conclusio; ut hic 5. *In responsione ad secundum,* docet Galetanus. Ut autem ex lege deducatur, conclusio, quæ sit de operatione in ipso intellectu existens; opus est, ut ex lege (sicut & ex definitione) constituatur enunciatio: ut ex hac lege, *Non occides*, hæc enunciatio, *Non est occidendum*, & sic de alijs.

Ad argumentum autem oppositæ sententiæ respondetur cum M. Soto ubi supra ad 3. negando minorem: illa enim non denotant legem esse actum voluntatis, sed solum illum præsupponere; nam quod Principi placuit legis habet vigorem, si mente prius, deinde voce præcipiatur, & arbitria principum pro legibus erant, cum edicto præcipiebantur, lexque ab eligendo dicitur, quia electionem principis sequitur, cum scilicet præcipitur, quod princeps eligit,

ARTICVLVS I. 5

git. Lex Dei in Scriptura Sacra sæpe voluntas Dei appellatur; sed hoc ideo est, quia voluntatis Dei est signum, iuxta ea, quæ diximus 1. par. qu. 19. art. 11. & 12.

ARTICVLVS II.

Vtrum lex ordinetur semper ad bonum commune.

Conclusio est affirmans.

Sensus huius apertissimus est, quem omnes D. Thom. discipuli expresserunt. legem debere commune bonum respicere vt finem: Vndè quia necesse est vt lex respiciat fœlicitatem communem, quæ est finis communis, ostendit D. Thom. legem debere ad bonum commune ordinari. Eundem sensus efficit. quod ait S. Isidorus lib. 5. Etym. cap. 21. & refertur à D. Thom. hic: *Lex est nullo privato commodo, sed pro communi utilitate ciuium conscripta.* Recentiores quidam existimant discipulos D. Thom. eius, & S. Isidori mentem non fuisse affecutos, sensumque eorum esse, legem debere esse commune præceptum, plures, non vnum tantum, aut alterum comprehendens: nam legem debere commune bonum respicere constat ex præcedentibus, quæ dixerat S. Isidorus, nempe

legem debere esse honestam & iustam ; talis namque non est quæ communi bono aduersatur ; illudque non respicit, sed solum legislatoris utilitatem propriam. Sed saluntur : nam legem debere esse commune præceptum plures personæ comprehensens ostendit D. Thom. non hic, sed infra quæst. 96. art. 1. ex doctrina hic tradita & confirmata prædictis verbis S. Isidori. Qui licet asserens legem debere esse iustam & honestam indicauerit debere commune bonum respicere ; id tamen distinctius explicuit in sequentibus verbis adductis.

Est ergo ad legem necessaria hæc conditio, vt commune bonum respiciat : vnde si communi bono aduersatur iniusta est, & vim obligandi non habet. Et idem est de præceptis particularibus : nam vt ait Caiet. *Præcepta, quæ bono communi non subordinantur præcepti vim non habent.*



ARTICVLVS II.

*Vtrum ratio cuiuslibet sit facti-
ua legis.*

Conclusio est negans.

*Dubium. Qui sint qui condere leges
possunt.*

Deum condere leges posse, ex S. Scri-
ptura constat, de eo namq; dicitur
Iob: 36. v. 22. *Nullus ei similis in
legislatoribus* Et Iacobi 4. v. 12. *Vnus est animi
legislator. Supremus scilicet.*

De Christo idem constat, cum legem
Euangelicam instituerit, præcepta Sacra-
mentorum dederit, Baptismi, Ioan. 3. v. 5.
Eucharistiæ Ioan. 6 v. 53 & dixerit Matt.
vlt. v. 19 *Data est mihi omnis potestas, &c.
quæcumque mandauero vobis.* Propter quod
in Concil. Trid. Sess. 6. can. 21. diffinitur:
*Si quis dixerit Christum Iesum à Deo homini-
bus datum fuisse, ut redemptorem, cui fideant,
non etiam ut legislatorem, cui obediant, ana-
thema sit.* De puris autem hominibus.

Dicendum est 1. Summum Pontificem
Christi Vicarium, & Petri successorem le-
gibus Ecclesiasticis ligare posse omnes Chri-
sti fideles ac omnes vbique terrarum exi-
scentes, Christo nullus successit; nam vt

8 *QVÆSTIO XC.*

ait S. Chriftost. Hom. 13. ad Hebræos, *Semper uiuit, & non habet successorem.* Et Sanct. Athanasius Orat. 3. contra Arianos: *Sine transitione, & sine successore Sacerdotium obtinens.* Vndè Petrus Christi Vicarius fuit, non tamen successor: nam successor mortuo queritur, qui parem cum illo consequitur dignitatem; Christus uero parem non habet, & ut dicitur ad Hebr. 7. v. 24. *Eo quod maneat in æternum sempiternum habet sacerdotium.* Petri successor est Summ. Pontifex, quicandem cum illo consequitur potestatem. At, ut patet ex Cap. Solita, De maioritate, & obedientia. *In Petro dixit) Christus scilicet) ad successores ipsius: Quodcumque ligaueris super terram, erit ligatum, & in cælis.* Ad eosdemque, ut ex eodem capite patet, in B. Petro dixit: *Pasce oues meas.* Ergo potest Sum. Pont. omnes Christi oues, ac fideles ubique terrarum existentes ligare legibus Ecclesiasticis. De legibus uero ciuilibus, illas in toto orbe seruandas edere potest, quæ concernunt causas spirituales, & quas ad bonum spirituale conseruandum necessarias duxerit. Quæ autem purè, ac omnino ciuiles sunt, solum in prouincijs suæ ditioni subiectis, quarum est temporalis Dominus, ferri ab eo possunt.

Idem est de concilijs generalibus. Vndè in Concil. Apostolorum, quod primum omnium fuit, hæc lex data est Act. 5. v. 28. *Vt abstineatis uos ab immolatis simulacrum, & sanguine, & suffocate, & fornicatione.*

De

ARTICVLVS III. 19

De sacra Congreg. Cardinalium certum est, posse illi concedi à Summ. Pont facultatem leges condendi, imo sunt multi qui dicunt declarationes eius vim legis habere. Alij tamen tales declarationes non facere ius, nec vim legis habere docent; quia non promulgantur, non obligareque proinde.

Dicendum est 2. Episcopos leges condere posse non quidem in mundo vniuerso, sed in suis Dioccesibus. De illis dicitur in Concil. Trid. Sess. 23. cap. 4. *In Apostolorum locum succēsserunt.* Quod non ita intelligendum est, vt Episcopi sint Apostolorum successores sicut Papa successor est Petri, sed similitudine & proportionē quadam: quia scilicet Episcopi sunt primi sub Papa, sicut Apostoli sub Christo. D. Th. 3. 2. q. 184. ar. 6. ad 1. cum Glossa docet Episcopos eodem modo in locum Apostolorum successisse, quo Presbyteri in locum 72. discipulorum. Presbyteri autem non propriè, sed solum per similitudinem, 72. discipulis successerunt; nam non omnes ij fuerunt Presbyteri, vt patet in S. Stephano, & alijs Diaconibus ordinatis ab Apostolis Act. 6. quos ex 72. discipulis fuisse testatur S. Epiphanius Hæresi 20. ergo nec Episcopi Apostolis successerunt propriè: Apostolis enim viuentibus iam erant Episcopi Timotheus, Titus, & alij. Vnde licet Apostoli potestatem iurisdictionis acceperint in totum orbem, & vbiq; gentium leges condere possent: hanc tamen potestatem Episcopi

A V non

10 QVAESTIO XC.

non consequuntur: imo quam habent in suis Diocessibus, communior opinio dicit non immediate & proxime à Christo, sed à Romano Pontifice accipere. Hoc apud omnes certum est, Episcoporum potestatem subiacere potestati Papæ, posseque Papam imponere modum Episcopis, discernendo ut non nisi hac vel illa forma, circa hanc vel illam materiam constitutiones edant: imo penitus prohibere, ne leges aliquas ferant, saltem ipso inconsulto. Dum tamen non restringit, possunt Episcopi inconsulto Papa in suis Diocessibus, quas expedire censuerint leges condere, quæ constitutiones synodales, vel statuta Episcoporum vocantur; hocque etiam extra synodum, ut colligitur ex cap. *Si quis* De maiorit. & obed.

Quod Episcopi possunt potiori in re competit Concilio Episcoporum Prouinciali, ut explicatur Cap. *Multis* Dist. 17.

Capitula verò Ecclesiarum, licet aliquot decreta, quæ & actus capitulares vocantur, efficiant statuta tamen, ut leges condere nequeunt sine consensu, aut commissione Episcopi, aut Papæ, de quo vide Syluestrum verbo *Lex*, quæstione 4.

Dicendum est 3. Prælati Religiosorum potestatem esse ferendi leges, & præcepta in suis Religionibus. Quidam hanc potestatem non ordinariam sed delegatam esse putant. Alij tamen ordinariam esse docent, quia ut cum Panormitano ait Syluester verbo *Prælati*, quæst. 1. potestas iurisdic-

ctio;

ARTICVLVS III. II

ctionis, quæ alicui cōuenit per electionem collegij ad aliquod officium accedente superioris confirmatione, qualis est Prælatorum regularium, ordinaria est. Nec obstat eam habere huiusmodi Prælatos à Papa: nam etiam Episcopi, vt diximus, iurisdictionis potestatem habent à Papa, quæ tamen ordinariam esse constat.

De Abbatibus, & Prioribus ait M. Soto in 4. dist. 20. q. 1. ar. 4. ratione sui officij non habere potestatem ponendi præcepta spiritualia, sed tantum ciuilia vt matres familias.

Dicendum est 4. Imperatorem potestatem habere condendi leges ciuiles in Regnis imperio subiectis; in non subiectis vero nequaquam. Vnde leges Cæsarium, quæ in iure ciuili continentur, in Regnis imperio non subiectis nullius roboris sunt, nec vim legis habent, nisi speciali eorum iure confirmata & introducta fuerint. Quia tamen in eis multa sapienter dicta continentur, regulæ etiam generales quibus discerni potest vis & sensus verborum, quæ in contractibus, instrumentis, testamentis, rescriptis &c. solent esse in usu, earum peritia utilissima est iudicibus, propter quod in Vniuersitatibus explicantur. Sed cum vim legum non habeant, ita ipsis vtendum est in Regnis Imperio non subiectis, vt nemo se illis adstrictum putet, nisi aliqua iuris etiam naturæ sint.

Dicendum est 5. Reges & Principes, absolutos, qui superiorem non habent, posse
¶ vi leges

leges ciuiles condere in suis Regnis, aut ciuitatibus. Hoc certissimum est. Solet tamen in dubium reuocari, an quando Regnum hæreditario iure deuoluitur ad fœminam, ipsi, aut marito competat legum institutio. De quo sunt tres sententiæ, Prima, Regina competere, vt pote legitimæ Regni heredi, & gubernationis capaci. Secunda, hoc ad maritum spectare, sicut & dotis administratio ad maritum pertinet, quamuis vxoris sit propria. Tertia, vtrique conuenire, quia tamen præstantius est ius Reginae, ac firmitus, si contingat eos inter se dissentire, seruandum esse quod Regina decreuerit. Hæc videtur probabilior.

Dicendum est 6. Marchiones, Comites, Duces, & alij Principes, aut domini temporales, qui supremo alteri Regi, aut Principi subiecti sunt, iure naturæ posse leges ciuiles condere, sicut Episcopi Ecclesiasticas; Cum tamen eorum potestas subordinata, & subiecta sit Principi supremo, potest hic eorum facultatem restringere, & omnino impedire, ne leges ferant, sicut & id eis prohibitum est in Hispania.

Dicendum est. 7. Ciuitatibus non licere leges ferre sine Regis consensu. Possunt tamen Rectores ciuitatum, sicut patres familias, aliquot præcepta facere, vt colligitur ex D. Thom. hic ad 3. quæ licet non tamen habeant rationem legis propriæ, obligant durante tempore officij eorum: ipsis enim amotis nulla remanet obligatio.

ARTICVLVS IV.

Vtrum promulgatio sit de ratione legis.

Conclusio est affirmans.

Dubium. Quanam promulgatio ad rationem legis requiratur, & sufficiat.

Quamuis huius dubij, sicut & articuli titulus generalis sit, solum de lege humana. hic agemus, de promulgatione enim legis diuinę positivę, naturalis, & æternę suis locis dicemus.

Dux fuerit de hac re Doctorum sententiarum. Prima est, ad rationem legis humanę sufficere, ut publicetur in Curia Principis eam statuentis, sicque promulgatam obligare omnes talis Principis subditos, pro quibus fertur, quantumvis in Prouincijs à Curia remotissimis commorentur. Hanc probant quidam recentiores i. ex consuetudine, stylo, & praxi Romanę Ecclesię: leges enim pontificiæ, non aliter, nec alibi, quam in Curia Romana promulgantur; nisi vnā, aut alteram legem sigillatim denuntiari specialiter præcipiatur: iuxta quas omnes causę, quę ex toto terrarum orbe ad Romanam Curiam deferuntur, definiuntur. Vnde Syluester verbo *Lex*, q. 6.

cum

cum Ioan. And. Panormitano & alijs hanc sententiam, quod attinet ad leges Papæ, tenendam esse dicit, oppositamque effe-
subdit, *Contra illud, quod seruatur in practica: & præterea cum nulla fortè decretalis publicata sit in omnibus prouincijs, nulla ubique ligaret.*

Secundo, Multa sunt in iure canonico decreta Pontificum, multæ etiam existunt Bullæ & Motus proprii, quorû publicatio solû fuit facta in Romana Curia, & tamen vt leges obseruantur. Simiter multæ obseruantur leges imperiales ac regię, quæ solû in Curia Imperatorum, aut Regum, vel in aliquibus comitiis fuerint, promulgatæ; ergo &c.

Tertio, vt lex obliget absentes sufficit, vt in eorum notitiam per alios deuenire possit promulgatione facta, vt hic ad 2. docet D. Thom. Sed promulgatione facta in Curia, lex in notitiam absentium per alios deuenire potest: nam cum ad Principis sedem recursus frequens sit, & conuersus ex ciuitatibus omnibus, quæ eius imperio subsunt, facile est, quod in Curia agitur, in omnium notitiam venire, ergo &c.

Secunda est, ad rationem legis non sufficere promulgationem in Curia Principis, sed requiri promulgationem in prouincijs præsertim remotis. Hanc probant alij recentiores 1. ex Authent. *Vt facta noua*, vbi dicitur legem debere promulgari in prouincijs per Metropolitans. Et licet ibi sit sermo de lege testamentorum, Glossa ad omnes leges extendit. Quod imperiale

ARTICVLVS IV. 15

le decretum seruandum etiam esse in legibus Ecclesiasticis, colligitur ex Cap. *Intelleximus*, De noui operis nunt. Vnde iuxta illud Cap. *Cum infirmitas*, De poenitent. & remis. statuitur legem Ecclesiasticam, qua præceptum est ibi medicis monere infirmos vt confiteantur, illos obligare, *Postquam per prelatos locorum fuerit publicata.*

Secundò, leges Conc. Trid. non seruantur in multis locis, quia ibi non fuerunt promulgatæ: at seruandæ essent si sufficeret promulgatio in Curia Romana; ergo &c. Nec obstat Pium IV. declarasse, *A Kal Maij omnes obligare cepisse*, nempe post tres menses à publicatione earum facta Romæ. Nam id declarauit Sum Pont. at tanta notitia, quæ de Conc. Trid. iam antea absoluto per Prouincias habebatur: vel intelligendum est de omnibus apud quos eius decreta fuerant iam promulgata: constat enim eos in quorum locis nunquàm fuerunt promulgata, nec nunc obligare, nec ab illis seruari.

Tertiò, ad sufficientem promulgationem legis humanæ requiritur, vt ex ea possit lex in omnibus, qui illa debent adstringi, notitiam venire: sed promulgatio facta in Curia non sufficit, vt lex moraliter loquendo possit venire in notitiam eorum, qui prouincijs remotis degunt; ergo neque vt respectu eorum habeat rationem legis. Maior patet, nam ideo facta sufficiente promulgatione legis, præsumit ius à nemine ignorari, & non admittit excusationem transgresso

gressorum allegantium legis ignorantiam : & quod ait Diu. Thom. hic ad 2. legem obligare absentes, ad quorum notitiam deuenire potest promulgatione facta, exponit Caiet. de potentia non logica, sed politica, quam moralem esse constat. Minor probatur, quia in Curia principis non est tantus concursus ex prouincijs remotis, ut facile sit in notitiam absentium in illis degentium venire legem: & quamuis omnes ciuitates, & Episcopi habeant in curia suos procuratores; si tamen ij nihil de legibus promulgatis scribant, vel Rectores ciuitatum, aut Episcopi eas suis ciuitatibus aut Ecclesijs non insinuent, aut promulgent, quomodo moraliter poterunt in notitiam subditorum venire?

Dicendum tamen est 1. Ad rationem legis humanæ requiri eius promulgationem. Probatur 1. ex Cap. *In istis*, dist. 4. ubi dicitur: *Leges instituuntur, cum promulgantur.*

Secundo probatur ratione D. Thom. hic: proprium est legis virtutem obligandi obtinere: sed hanc sine promulgatione nequit habere; ergo nec rationem legis. Minor probatur; ut lex virtutem obligandi habeat, debet per modum regulæ, & mensuræ imponi, & applicari hominibus, qui secundum eam regulari debent: *Talis autem applicatio fit per hoc; quod in notitiam eorum deducitur, ex ipsa promulgatione: unde promulgatio ipsa necessaria est: ad hoc quod lex habeat suam virtutem.*

ARTICVLVS IV. 17

Si ob ias ad reuocationem legis non requiritur promulgatio, ergo neque ad eius constitutionem. Respondent Capreolus in 1, dist. 1, quæst. 3. ad 1. contra 1. *Non est simile, quia plura requiruntur, ad construendum, quam ad destruendum: Et ad hoc quod sententia aliqua vel preceptum superioris liget, quam ad hoc quod non liget; quia ad secundum sufficit sola reuocatio, ad primum autem non sufficit sola institutio, sed requiritur promulgatio.* Quæ doctrina intelligenda est, de pura reuocatione: per hanc enim cessat voluntas Principis de obligatione legis: sicut autem cessante iustitia cessat lex sine promulgatione: ita & cessante voluntate Principis de obligatione. An verò ad cessationem legis sufficiat reuocatio illius per actum internum Principis, incertum est. Quidam retractionem voluntatis internam per se sufficere dicunt. Alij requiri etiam signum aliquod externum affirmant,, addunt tamen sufficere quamlibet manifestationem voluntatis pro his, quibus immediate fit, pro alijs satis esse diuulgationem illius notitiæ per somniam, aut testificationem. Si verò reuocatio legis fieret per aliquam aliam legem, promulgatio necessaria esset. Vnde licet multi scirent manasse Constitutionem Urbani VIII. qua reuocabantur leges, quibus preceptum erat, ut aliquæ festa Sanctorum colerentur, illamque iam esse Romæ promulgatam, adhuc tenebantur festa illa, nempe SS. Marci, Lucae, Domitici, Francisci &c. colere, quousque illis suffici-

cien.

cienter promulgata est in Diœcesi in qua debebant:

Dicendum est 2. Ex natura rei, & attendente potestate absoluta Principis legislatoris non requiri ad rationem legis, ut promulgetur in provincia, sed sufficere promulgationem illius in Curia, ex benignitate tamen & equitate voluntatis Principis legislatoris, & attendente potestate eius ordinaria, qua rectè suauiter ac prudenter debet gubernare, non sufficere promulgationem in Curia, sed requiri promulgationem in provincia. Docet hoc M. Soto lib. 1. de iustitia qn. 1. ar. 4. con 3 quæ est huiusmodi *Cum primum lex solemniter est promulgata in Curia vel in Regni Metropoli obligat, uniuersos. Nam lex in uniuersum promulgatur. haud quippe dicit, præcipimus cõtribus istius urbis, sed uniuersis sub ditione nostra de gentibus; ergo uniuersos tunc obligat. Quod intelligendum esse quantum est ex natura rei, colligitur, nam inferius subiungit: Non enim æquum esset ut lex Toleti promulgata ex tunc perstringeret Indos. Iudicans ex equitate ac benignitate voluntatis legislatoris illos non astringere. De legibus vero Pontificis subdit inferius: Crediderim nisi Papa aliter sua lege expresserit, numquam intendere obligare nisi à tempore promulgationis in Provincia. Insinuans apertè promulgationem in singulis provincijs nõ esse necessariam ex natura rei, sed ex intentione & voluntate benigna Pontificis.*

Primã deinde conclusionis partem docent

ARTICVLVS IV. 19

cent Auctores primæ sententiæ, secundam Auctores secundæ sententiæ. Vnde iuxta nostram conclusionem illas duas sententias conciliare possumus; & argumentis primæ, primam nostræ conclusionis partem probare, secundam vero argumentis secundæ sententiæ.

Probatür præterea prima pars conclusionis, nam vt ait M. Soto vbi supra ad 1. *Lex Christi vbi primum fuit Hierosolymis post eius Passione ac Resurrectionem promulgata vniuersum obligauit orbem: quoniam prædicatione Discipulorum non obligabat de nouo, sed ostendebat legem, cui Christus mundum subiugauerat; atque adeo tollebat ignorantiam illuc usque excusantem.* Et idē est de prædicatione, qua nouo orbi Indorū occidentaliū lex euangelica innotuit. Ergo similiter lex Ecclesiastica vbi primū fuerit Romæ publicata poterit legis rationem habere & vniuersum orbem obligare: quo non obstante ignorantes in prouincijs remotis degentes a culpa excusabuntur: & qui postea eis notitiam præbebunt legis positæ, non eos de nouo obligabunt, sed ignorantiam excusantem tollent.

Secunda pars conclusionis etiam probatur: Ex eo quod lex statim à promulgatione in Curia vim habeat respectu prouinciarum remotarum, innumera sequuntur inconuenientia magna recte, suauique, ac prudenti gubernationi contraria; ergo non est credendum, nisi aliud sua lege expresserit; velle Principem obligare a tali promul-

mulgatione antequam lex promulgetur in Provincia. Consequentia patet, nam sicut voluntas, cuius imperium exequitur potentia Dei ordinata, sequitur directionem sapientia instituentis ordinem seruandum in effectibus iuxta exigentiam causarum secundarum, ut diximus 1. p. q. 25. a. 5. ita voluntas Principis, cuius imperium exequitur eius potentia ordinaria, debet sequi directionem prudentia, rectam & suauem gubernationem disponentis, absque subditorum incomodis, aut vllis inconuenientibus. Antecedens verò probatur tripliciter.

Primò in legibus, rescindentibus contractus: nam si Pontifex legem conderet, qua prohiberet quintum gradum matrimonij, irritaque decerneret matrimonia contracta in quinto gradu consanguinitatis, vel affinitatis, & vellet hanc legem statim ab articulo promulgationis in Curia, vigorem habere, quis non videt graui inconuenientia, quæ inde sequerentur? Quamuis enim contrahentes in illo gradu excusarentur à peccato ob ignorantiam legis latae, nihil tamen efficerent, & non manerent matrimonio coniuncti. Propter hoc legem irritantem matrimonia clandestina, decreuit Concilium Trident. Sess. 24. cap. 1. Decreti de reformatione matrimonij, debere publicari in singulis Parochialibus Ecclesijs, & suum robur non habere, nisi post triginta dies à tali publicatione. Similiter si Bulla Pi; V. De censuris

ARTICVLVS IV. 21

fibus irritos multos censum contractus, qui antea celebrari consueuerant, vim habuisset à die promulgationis Romæ factæ; grania incommoda sequuta fuissent, multi enim tenerentur omnes pensiones receptas computare in sortem, & amissa sorte deberent etiam aliquas pensiones refundere. Propter hoc 2. 2. qu. 77. art. 4. dub. 4. con. 5. dicemus Bullam illam, ubi non est promulgata: non obligare. M. Soto, ubi supra ait: *Quia matrimonia non possunt dissolui sine iniuria, & si qua sunt alia id genus pacta, certe non debent lege interdici, nisi que vigero incipiat dum fuerit in provincia publicata; alias esset periculis plena.* Sicque recte gubernationi obstaret, ac contrariaretur: & idē est de alijs legibus contractus irritantibus: vnde non est credendum velle Principem vllum eas obligare ante promulgationem in Prouincia, nisi hoc in eis exprimat sua vtens potestate absoluta summoque rigore.

Secundo, in legibus reuocantibus privilegia, si enim statim à publicatione in Curia facta, vim haberent; magna sequerentur incommoda, vt patet in lege reuocante privilegia concessa per Bullam Cruciatæ; multæ enim confessiones inuaidæ, & absolutiones irritæ fierent ab ignorantibus talem legem. Propter quod M. Soto ubi supra dicit: *Hoc pro certissimo hic a. monuitur, quod leges privilegiorum reuocatorie vim non habent, quousque promulgatæ sint, non solum in Prouincia, verum in Diocesi.* Exempla

gratia dum indulgentia reuocantur, aut suspenduntur, quousque in Metropoli Ecclesia si reuocatio promulgata, quicumque potest concessis privilegijs citra culpam, uti v. Neque hoc tantum verum etiam si quis usque ad illum articulum, privilegio indulgentiarum fuerit a reuerentis Sacramentaliter absolutus, absolutio est valida. Alij etiam discipuli D. Thom. recentiores affirmant: si qui habitat Salmaticæ sciret Matriti esse aliquā legē promulgatam, quæ reuocat Bullam vel privilegium de ouis comedentis, & de confessore eligendo, posse uti antiquis privilegijs, donec sit illi per ciuitates, aut opida etiam parua promulgata. Hoc quibusdam iunioribus non placet, quia existimant ad reuocationem privilegij non esse necessariam promulgationem in diocesi propria, & multo minus in singulis opidis. Necessariam tamen esse asserunt notitiam reuocationis privilegiato, vt incipiat non frui privilegio, aut indulgentijs, quibus fruebatur. Ex quo colligunt validam esse confessionem, quam quis ex privilegio Bullæ faceret coram Presbytero a se electo virtute illius, etiam si tale privilegium reuocatum esset, ipsi tamen privilegiato non innotesceret. Sed mihi quod asserunt M. Soto & alij discipuli D. Thom. probabilius videtur: Nam quamuis reuocatio privilegij ab homine, seu priuatim facta non habeat effectum, antequam privilegiato specialiter intimeretur, seu ad eius notitiam perueniat: quia hæc priuata reuocatio non habet per se
alium

ARTICVLVS IV. 23

aliū modum promulgationis; si tamen reuocatio priuilegij fiat per legem communem, & publicam, cum hæc habeat definitum modum quo per se possit ac debeat publicari sicut & reliquæ leges, donec illa lex sit sufficienter promulgata non habet effectum reuocandi: quia ante promulgationem nondum est lex illa vera, & sufficienter constituta in ratione legis; & ideo sicut non habet alios effectus legis, ita nec habet hunc reuocandi scilicet priuilegium; etiam si priuilegiatus sciat alibi esse publicatam. Postquam verò sufficienter promulgata est, etiam si priuilegiatus illam ignoret in illo suum effectum habet, alias singulorum auribus esset eius notitia inculcanda, contra id quod dicitur Cap. *Ad hec*, De potest. Prælat. Cui autem placuerit, non habere effectum reuocandi antequam eius notitiam habeat priuilegiatus, legat Syluestrum verbo *Indulgentia*, quæst. 5. num. 8.

Tertio, in legibus, quæ nec irritatorix, nec reuocatorix sunt, quamuis enim de illis dicat M. Soto ubi supra: *Parum refert si dicamus statim Roma latus obligare; hoc si quidem non obstat, ante ignorantes excusantur a culpa, & poena*; mihi multum referre videtur. Nam earum notitiam habentes, eas seruare tenerentur antequam eas communitas prouinciæ, in qua morantur, seruare inciperet; quod non solum durum, sed & contra rectam gubernationem inconueniens videtur, cum partes debeant

con-

conformari toti, ex cuius opposito magna sequitur in republica perturbatio. Unde quamvis multi in Hispania morantes scirent constitutionem Urbani VIII. quae praecipiebatur coli festa SS. Sylvestri, Iosephi, & Annae, iam esse promulgatam Romae, nullus ad ea colenda se obligatum sensit, antequam fuit in eius Dioecesi promulgata.

Ad argumenta autem primae sententiae, quatenus militant contra secundam partem nostrae secundae conclusionis, respondetur: Ad primum respondent Auctores secundae sententiae, illam consuetudinem, stylum, & praxim fundari in probabilitate primae sententiae; non tamen adimire, quam habet secunda. Sed respondetur 2. negando talem consuetudinem, stylum & praxim esse: potius enim consuetudo Romanae Ecclesiae est procurare, ut leges in ea promulgatae promulgentur etiam in alijs Ecclesijs. Si de aliquibus vero id non curat, signum est nolle Papam illas extendi ad obligandas alias Ecclesias: nam ut hic ait Caietanus: *Absentes nescij promulgata legis non ligantur. Propter quod si Roma nova lex promulgatur, & nec Curia ipsa procurat, ut promulgatio ad Ecclesias Cathedralis deueniat, nec prelati, qui ibi sunt, insinuant suis Ecclesijs, accusari nec apud Deum, nec apud homines ignorantie possunt absentes nescij.* Accusari autem possent saltem apud homines, si promulgatio legis nouae Romae facta esset sufficiens ad ob-

ARTICVLVS IV. 25

obligandos degentes in alijs Ecclesijs distantibus: nam legem sufficienter promulgatam præsumit ius à nemine inuincibiliter ignorari, sed eius ignorantiam, si quæ est, esse vincibilem, & culpabilem.

Ad 2. eodem modo respondetur. Vel dico, omnia, quæ modo, vt leges obseruantur, fuisse aliquando promulgata, etiam in prouincia, si non per præconem, aut tabellionem, quæ sunt solemnitates accidentariæ, alio modo sufficienti, eo ipso, ac principes ea primum executioni mandari fecerunt. Supposita enim solemnī promulgatione in Curia, quæ ex natura rei sufficit ad rationem legis; vt talis promulgatio, & obligatio legis censeatur extendi ex voluntate Principis ad prouincias, satis est vt Principes legem in eis seruare faciat; ex hoc namque lex in notitiam omnium deducitur, & non solum legis ignorantia tollitur, sed etiam eius obligatio extenditur, quæ extensio non esset, si Princeps nihil de legis obseruantia in talibus prouincijs curaret.

Ad 3. respondere possunt Auctores secundæ sententiæ negando minorem, si intelligatur, vt intelligi debet, de potentia morali: nam ille recursus, & concursus, non est sufficiens, vt moraliter loquendo venire possit lex in notitiam eorum, qui degunt in prouincijs à Curia remotis, vt ostensum est in 3. argum. 2. sententiæ. Sed respondetur argumentum probare ex natura rei sufficere promulgationem in

26 *QVÆSTIO XC.*

Curia, non tamen ex benigna voluntate Principis, iuxta quam requiritur, ut facilius in notitiam absentium lex deuenire possit, quam potest ex promulgatione facta in Curia.

Ad argumenta secundæ sententiæ quatenus militant contra 1. partem nostræ 2. con. etiam respondetur; Ad 1. quod dicitur in Authentico illo ex sola voluntate Imperatoris definitum fuisse, non quia ex natura rei requiratur: ex voluntate autem Pontificis requiri ad leges Ecclesiasticas concedimus; iuxta ea quæ diximus in 2. parte nostræ 2. conclus. Aduertendum vero est in illo Authentico non solum dici legem debere promulgari in Prouincijs, sed etiam non valere nisi post duos menses à tali promulgatione; quod licet dupliciter intelligi possit: dicat M. Soto ubi supra, communior expositio est, idem esse ac non obligare, nec vim legis habere.

Hoc tamen quidam existimant non esse extendendum ad leges Pontificias, nec Regum imperio non subditorum. Alij extendi posse existimant: nam oppositum non est cautum in Iure canonico, & ut dicitur in Cap. *Intelleximus*, citato in argum. *Sacrorum statuta canonum principum constitutionibus adiuvantur*: Vnde Nauarrus ca. 23. num. 44. ait: *Constitutiones Pontificiæ, vel Imperatoriæ non obligant nisi post tempus in ipsis præfixum, si quod præfigatur, alias post duos menses ab ipsarum promulgatione facta in Prouincijs*. Nec obstat stylus Curie Romanæ.

ARTICVLVS IV. 27

manæ ubi à iudicibus puniuntur transgressores legum etiam ante elapsum tempus duorum mensium. Nam dicunt stylum curiæ procedere in foro externo, & non in foro interiori, fundarique in probabilitate primæ opinionis cum tamen hæc etiam sit probabilis, illam posse tuta conscientia sequi subditos.

Ad 2. respondetur probare 2. partem nostræ 2. conclus. contra 1. partem verò nihil efficere: nam in illis locis non ideo non obligant leges Concil. Trid. quia non sufficit ex natura rei promulgatio in Curia, sed quia ex benigna voluntate Pontificis requiritur promulgatio in Prouincia.

Ad 3. respondetur moralem possibilitatem latitudinem habere, & eam quales leges promulgatæ in Curia venire possunt in noticiam absentium ob recursum, & concursum ex omnibus prouincijs ad Curiam, moralem esse, sicque sufficientem esse ad rationem legis ex natura rei, quamuis tanta non sit, quantam requirit voluntas principis benigna. Ex quocumque autem proueniat necessitas promulgationis in prouincia ad rationem legis, scilicet aut ex natura rei, aut ex benignitate voluntatis Principis, asserendum est, si alia via quam per superiorum prouinciarum promulgationem lex in Curia promulgata innotesceret in aliqua prouincia, per Dei scilicet, aut Angeli reuelationem, non manere talem prouinciam obligatam ad legis ob-

seruationem: quia respectu illius adhuc non haberet legis rationem. Multoque minus obligatam esse particularem personam in tali prouincia commorantem, etiam si per amici literas certa esset de promulgatione legis in Curia: nam lex primo respicit communitatem, priusque eam obligat, quam singulos ad eam spectantes, cum hos astringat, ut sunt partes communitatis obligatæ. Unde quidam discipuli D. Thom. recentiores hic dicunt: Licet ego sciam euidenter sanctiones regias esse Matriti promulgatas, non teneor, donec fiat promulgatio per ciuitates, & opida, sicut habet consuetudo.

Ex dictis in his quatuor articulis colligit D. Thom. diffinitionem legis: *Que nihil aliud est, quam quadam rationis ordinatio ad bonum commune, ab eo, qui curam communitatis habet, promulgata.*

Circa quæst. 91. & 92. nihil se offert scribendum.



QVÆSTIO XCH.

De Lege æterna.

ARTICVLVS I.

*Vtrum lex æterna sit summa-ratio
in Deo existens.***Conclusio est affirmans.***Dubium. An lex æterna sit verè,
& propriè lex.*

PArtem negantem quidam tenent, & probant i. Quia lex æterna non est principium, & ratio agendi alicui, qui legi subditus sit, neque est illi regula proxima suarum actionum, sed est ratio agendi ipsi Deo, & regula diuinarum operationum, qua mundum gubernat: sed Deo lex propriè esse non potest, quia vt D. Thom. ait hic ar. 5, nullus propriè loquendo suis actibus legem imponit; ergo &c.

Secundo, Lex æterna eadem numero fuit ab æterno, antequam creaturæ producerentur, quæ est post. creaturarum productionem: sed ab æterno non erat verè lex, neque erat, cuius effet lex, nisi ipse Dei, cui

B iiij lex

30 QVAESTIO XCIII.

lex esse non potest; ergo nec modo habet rationem legis.

Tertiò; Lex propriè dicta aut est imperium, aut illud necessario inuoluit: sed lex æterna non est imperium, nam est ratio diuinæ gubernationis, quæ cum sit actio Dei, nulli imperio subest; ergo non est vera lex.

Quartò, de ratione legis est promulgatio, hoc est, vt proponatur & intimetur subditis: sed lex æterna numquam est promulgata creaturis, quatenus lex æterna est, licet leges aliæ quæ ab ea deriuantur, promulgatæ sint; ergo non habet exactè rationem legis.

Quintò, Lex æterna non minus quantum est de se gubernat & comprehendit creaturas rationales, quam rationis expertes, omnes enim æquè huic legi subiiciuntur: sed creaturæ irrationales non sunt capaces legis; ergo lex ipsa æterna non est vera lex.

Dicendum tamèn est. Legem æternam non solum verè & propriè esse legem, sed etiam ipsam solam esse legem essentialiter, aliàs verò omnes participatiuè dumtaxat. Probat: quia vt docet D. Thom. supra. c. 90. artic. 1. & quæst. 91. art. 2. & 6. *Lex essentialiter inuenitur in regulante & mensurante, participatiuè autem in eo quod mensuratur, & regulatur.* Sed sola lex æterna est in Deo regulante & mensurante; aliæ verò leges sunt in nobis regulatis & mensuratis: nam vt ait Caiet. hic art. 3. *Inter æternam & alias*
hac

hæc differentia, quod æterna est in Deo, ac per hoc est Deus: alia autem non sunt in Deo sed effectus eius in creaturis rationalibus: Ergo sola æterna est essentialiter lex, aliæ vero solum sunt quædam legis æternæ participationes. Vadè de lege naturali dicit Diu. Thom. supra q. 91. art. 2. Lex naturalis nihil aliud est, quam participatio legis æternæ in rationali creatura.

Secundò, in lege humana id, quod verè & propriè & essentialiter habet rationem, legis est dictamen in mente legislatoris existens, quo scilicet alijs aliquid imperat, ne videlicet merces aut frumenta a regno extrahant; dictamen autem in mentibus subditorum existens idem continens solum, est quædam legis in mente Principis legislatoris existentis participatio: sed lex æterna est dictamen practicum intellectus Dei supremi legislatoris, aliæ verò leges sunt dictamina existentia in hominibus, nam etiam lex diuina, vt ait Caietan. hic ar. 3. *Non dicitur diuina à subiecto tanquam sit aliquid in Deo, sola enim lex æterna est formaliter in Deo, sed dicitur diuina ab auctoritate, à modo, & à fine, tanquam in subiecto autem est in nobis; ergo lex æterna erit vere & propriè & essentialiter lex, aliæ verò leges, diuina scilicet, & naturalis, non nisi quia sunt quædam legis æternæ participationes.*

Tertiò, quia vt inquit Diu. August. lib. 1. de libero arbitrio cap. 6. lex æterna, *Summa ratio nominatur, cui semper obtemperandum*

est : Et infra ait : *In ista temporali nihil esse iustum atque legitimum, quod non ex hac aeterna sibi homines deriuauerint*. Et inferius de legē aeterna subdit : *Ea est, qua iustum est, ut omnia sint ordinatissima*. Sed hęc aperte indicant legem aeternam verè, propriè, & essentialiter esse legem, alias verò leges solum esse tales secundum quandam deriuationem, & participationem legis aeternę; ergo &c.

Ad primū verò respondetur, legem, quę essentialiter lex est, quę in mente Principis legislatoris est, non esse principium, & rationem agendi, & regulam proximam ei, qui legi subditus est (hoc enim soli legi, quę talis est participatiuè, qualis est quę in mente subditi existit, conuenit) sed rationem directiuam actuum, qui conueniunt subditi gubernationi alicuius, ut docet D. Thom. hic & articulo quinto, lex autem aeterna lex est essentialiter in mente Dei existens, cuius participationes sunt lex naturalis, & alię leges.

Ad secundum respondetur negando minorem : de ratione enim legis non est, ut actu liget, sed ad eam sufficit, ut habeat vim obligandi, lex autem aeterna ab æterno, licet non liget creaturas, vim obligandi eas habet.

Ad 3. respondetur negando minorem : sicut enim ab æterno fuit actus imperij, quo Deus in tempore condidit res : ita ab æterno fuit imperium, quo in tempore præcipit creaturis, Deū cole, nō occides &c.

Con.

ARTICVLVS I. 33

Consistit autem lex Dei æterna in imperio Dei, non sumptum pro actu, sed pro dictamine diuini intellectus practici, iuxta ea, quæ diximus q. 90. art. 1. nam sicut diuina essentia nostro modo intelligendi non est idea creaturarum, vt est cognitio, sed vt est species expressa seu verbum essentiale. vt diximus 1. p. q. 13. ar. 1. dubio vnico con. 2. ita eadem diuina essentia nostro modo intelligendi non est lex æterna respectu creaturarum, vt est actus imperij, sed vt est dictamen, & Verbum essentiale, ac species expressa. Vnde D. Aug. lib. 9. de Ciuitat. Dei cap. 12. de Sanct. Angelis ait: *In æternis æque incommutabilibus Dei legibus, quæ in eius sapientia viuunt, mutationes temporum præiudicare, Deique voluntatem cognoscere.* Indicans legem æternam (quam plurali nomine appellat, quia licet vna simpliciter sit, vt hic ad 1. ostendit D. Thom. continet tamen plura præcepta, vel plures ordines, & dispositiones speciales, quæ sunt quasi particulares leges propter quod Iob. 11. v. 6. dicitur *Multiplex lex eius*) esse quandam speciem expressam representantem Dei voluntatem, & quæ Deus fieri vult, sicut & lex Principis humani exprimit eius voluntatem, & quæ vult fieri, tanquam species quædam, & verbum practicum rationis eius. Imperium autem hoc modo acceptum posse esse rationem diuinæ gubernationis, sicut & lex æterna dicitur à D. Thom. qu. 5. de Verit. art. 1. ad 6. *Pronidentia quasi principium*, nullum est inconueniens: nam & vnum

34 QVAESTIO XXIII.

Dei attributum ratio est alterius.

Ad 4. respondet D.Thom. supra q.91 a 1. ad 2.& hic ad 2. legem æternam fuisse ab æterno promulgatam & verbo & scripto ex parte Dei promulgantis: nam verbo Dei exprimitur, & scriptura libri vitæ: Hanc autem promulgationem sufficere vt veram legis rationem habeat, non quidem actu obligantis, sed virtutem obligandi creaturas producendas habentis: explicari potest exemplo legis humanæ, cuius publicatio in Curia Principis sufficit, vt sit lex virtutem obligandi obtinens absentes loco & tempore, & contingere potest vt publicetur coram illis qui tali lege non comprehenduntur.

Ad 5. respondetur legem æternam etiam si, vt se extendit ad creaturas irracionales non sit propriè & strictè lex, posse esse legem propriissimè quatenus respicit creaturas racionales: sicut scientia Dei, licet respectu eius in quo Dei natura & essentia consistit, non sit propriè & strictè scientia, sed intelligentia respectu aliorum propriissime scientia est, vt diximus 1.p.q.14. ar.1. dub.1.

Circa art.2.3.4.5.& 6. nihil se offert dicendum.



QVAE

QVAESTIO XCIV.³⁵

De Lege naturali.

ARTICVLVS I.

Verum lex naturalis sit habitus.

Conclusio est negans.

Supponit D. Thom. legem naturalem non esse naturam ipsam rationalem, sed aliquid ei superadditum; eam enim scribit Deus in cordibus hominum, vt docet D. August. lib. 2. Confess. cap. 4. & in Psal. 37, & lib. 2 de Serm. Dom. in monte ante medium, vbi id colligit ex illo ad Rom. 2. v. 14. *Ostendunt opus legis scriptum in cordibus suis.* De ea intelligit etiam D. Thom. supra q. 91. ar. 2. illud Psalm. 4. vers. 7. *Signatum est super nos lumen vultus tui Domine.* Et quod 90 ar. 4. ad 1. ait: *Quod promulgatio legis naturalis est ex hoc ipso, quod Deus eam mentibus hominum inseruit naturaliter cognoscendam.* Hec autem naturæ ipsi rationali conuenire nequeunt; ergo lex naturalis non est natura ipsa rationalis. Quod præterea probatur: quia alias ea quæ sunt contra naturam rationalem ante omne præceptum & rationis dictamen essent peccata, sicque non essent mala quia prohibita; quod est contra Div.

Thom. supra q. 71 art. 6 ad 4. ubi & ait. ius naturale, quo prohibitum est omne peccatum, contineri *Primò quidem in lege aeterna, secundario verò in naturali indicatorio rationis humanæ*. Confirmatur: lex æterna in Deo non habet rationem naturæ, sed attributi nostro modo intelligendi naturæ diuinæ superadditi, vt patet ex dictis; quæstione præcedent. art. 1. ergo lex naturalis in nobis non erit natura ipsa rationalis, sed aliquid ei superadditum: lex enim naturalis nihil aliud est quam participatio legis æternæ in rationali creatura, vt ait Diu. Thom. supra quæstione 91. art. 2. Vndè falsum est, quod nonnulli recentiores hic & supra quæstione 90. art. 1. asserunt, primam legem naturalem in creatura rationali esse ipsam inet naturam, quatenus rationalis est.

Docet autem S. Doct. hic, legem naturalem non esse aliquid naturæ rationali superadditum tanquam habitum, quo quis agit, sed tanquam aliquid per rationem constitutum: consistit enim in præceptis quæ habitus synderesis continet tanquam prima principia operum humanorum: hæc autem præcepta quædam dictamina rationis sunt, quæ rationem legis naturalis habent, non quatenus sunt ab homine, sed quatenus sunt quædam participationes diuini dictaminis, quod in Deo est lex æterna. Vndè non homo, sed Deus est legis naturalis legislator, cuius dictamen, quod est eius essentia vt species expressa, licet ea

q uæ

ARTICVLVS I. 37

quæ sunt de iure positio non necessario, sed vt habet adiunctam voluntatem diuinam exprimat, sicut & ideæ non nisi, vt habent adiunctam diuinam voluntatem, futura contingentia representant; ea tamen quæ sunt de iure naturali, vt Deum esse diligendum, & non odio habendum, necessario exprimit, sicut & necessaria quæ legi æternæ subduntur, vt hominem esse rationalem. Vnde sicut implicat contradictionem hominem non esse rationalem: ita contradictionem implicat odium Dei non esse malum, quatenus malum non sit nisi quia prohibitum: nam hec prohibitio non est aliud, quam prædicta diuini dictaminis expressio, quæ non libera, sed necessaria est, vt diximus supra quæstione 71. art. 6. ad finem.

Circa articulum 2. & 3. & 4. & 5. & 6. nihil se offert dicendum.



QVAE.

QVÆSTIO XCV.

De lege humana.

Circā articulum primum nihil se offert scribendum.

ARTICVLVS II.

Utrum lex humanitus posita à lege naturali deriuetur.

Conclusio est affirmans.

EX qua infert D. Thom. legem humanam . si in aliquo à lege naturali discordet , non esse legem , sed legis corruptionem . Aduertit tamen S. Doc. dupliciter posse aliquid à lege naturali deriuari : *Vno modo sicut conclusiones ex principijs : alio modo sicut determinationes quadam aliquorum communium .* Et ait, vtraque inueniri in lege humana posita ; ea tamen quæ primo deriuantur , vt hæc conclusio : non est occidendum ; non solum ex lege humana , sed etiam ex lege naturæ habere vigorem ; ea verò quæ secundo modo deriuantur , vt qui peccat, tali vel tali pœna puniatur, ex sola lege humana vigorem habere.

ARTICVLVS H. 39

Oppositum huius videtur docuisse Gerson Tractatu de vita spirituali lectione 4. (quāuis non desint qui illum explicare, & in bonum sensum adducere conentur) affirmans, legem humanam non posse aliquid præcipere, quod non sit lege diuina præceptum, aut ex lege diuina, aut naturali tanquam conclusio ex principio deducatur. Probat. Tum quia medici non possunt præcipere infirmo, nisi quod natura sua medicinale est & debitum ad morbi curationem. Tum etiam quia Prælati Religionum non possunt aliquid imperare suis subditis, ultra limites regulæ quam profitentur. Tum denique, quia Summus Pontifex non potest diffinire aliquid de fide, quod non sit à Deo reuelatum, aut ex Scriptura colligatur; ergo similiter non poterit humanus legislator aliquid præcipere, nisi quod sit lege diuina præceptum: sicque potius eius auctoritas erit ad explicandum, quod iure diuino constitutum est, quam ad aliquid nouum institueudum.

Dicendum tamen est: Hanc doctrinam siue Gersonis, siue alterius sit, errorem esse manifestum, & ab hæresi lutherana negantem esse in Ecclesia potestatem condendi leges humanas, parum differre: unde Lutherani illam in sui fauorem allegant, & Gersonem sibi contra Catholicos patronum obtinuerunt. Eisdem ergo argumentis quibus illa hæresis, hæc doctrina impugnatur. Præterea ex legibus tam Ec-

cle-

QVÆSTIO XCV.

De lege humana.

Circà articulum primum nihil se offert scribendum.

ARTICVLVS II.

Vtrum lex humanitas posita à lege naturali deriuetur.

Conclusio est affirmans.

EX qua infert D. Thom. legem humanam si in aliquo à lege naturali discordet, non esse legem, sed legis corruptionem. Aduertit tamen S. Doc. dupliciter posse aliquid à lege naturali deriuari: *Vno modo sicut conclusiones ex principijs: alio modo sicut determinationes quadam aliquorum communium.* Et ait, vtraque inueniri in lege humana posita; ea tamen quæ primo deriuantur, vt hæc conclusio: non est occidendum; non solum ex lege humana, sed etiam ex lege naturæ habere vigorem; ea verò quæ secundo modo deriuantur, vt qui peccat, tali vel tali pœna puniatur, ex sola lege humana vigorem habere.

Oppositum huius videtur docuisse Gerson Tractatu de vita spirituali lectione 4. (quamuis non desint qui illum explicare, & in bonum sensum adducere conentur) affirmans, legem humanam non posse aliquid præcipere, quod non sit lege diuina præceptum, aut ex lege diuina, aut naturali tanquam conclusio ex principio deducatur. Probat. Tum quia medici non possunt præcipere infirmo, nisi quod natura sua medicinale est & debitum ad morbi curationem. Tum etiam quia Prælati Religionum non possunt aliquid imperare suis subditis ultra limites regulæ quam profitentur. Tum denique, quia Summus Pontifex non potest diffinire aliquid de fide, quod non sit à Deo reuelatum, aut ex Scriptura colligatur; ergo similiter non poterit humanus legislator aliquid præcipere, nisi quod sit lege diuina præceptum: sicque potius eius auctoritas erit ad explicandum, quod iure diuino constitutum est, quam ad aliquid nouum instituendum.

Dicendum tamen est: Hanc doctrinam siue Gersonis, siue alterius sit, errorem esse manifestum, & ab hæresi lutherana negante esse in Ecclesia potestatem condendi leges humanas; parum differre: unde Lutherani illam in sui fauorem allegant, & Gersonem sibi contra Catholicos patronum obtulerunt. Eisdem ergo argumentis quibus illa hæresis, hæc doctrina impugnatur. Præterea ex legibus tam Ec-

cle-

40 QVÆSTIO XCV.

clesiasticis, quam Ciuilibus, quam pluribus,
 quarum materia non est de lege nature,
 aut diuina, sed secundum se erat indiffe-
 rens. D. Augustin. libro primo contra
 Epist. Parmeniani cap. 7. varias refert leges
 ab Imperatoribus latis contra hereticos,
 & scismaticos; In quibus una generalis ad-
 uersus omnes, qui Christianos se dici volunt,
 & Ecclesie Catholica non communicant, sed
 in suis separatim conuenticulis congregantur,
 id continet, ut vel ordinator clerici, vel ipse
 ordinatus denis libris auri mulctetur. Locus
 uero ipse, quo impia separatio congregatur, redi-
 gatur in fiscum. Sunt, & alia iussiones gene-
 rales, quibus eis, vel faciendi testamenta,
 vel per donationes alicui conferendi facultas
 adimitur, vel ex donationibus, aut testamen-
 tis aliquid capiendi. Sed harum legum ma-
 teria non est de lege nature, sed quedam
 eius determinatio: nam licet lex nature
 habeat, ut ille, qui peccat, ac per conse-
 quens hereticus, & scismaticus puniatur;
 quod tamen his poenis puniatur, hoc que-
 dam legis nature determinatio est, non
 conclusio ex illa deducta; unde enim ex
 lege nature sequitur, his poenis esse pu-
 niendum? Has certè, vel alias poenas im-
 ponere liberum fuit Imperatoribus. Iu-
 rum fuit has poenas imponere, sed non
 iustum naturale, sed legitimum, de quo
 ait Aristotel. 3. Ethic. cap. 7. Legitimum
 autem, quod à principio quidem nihil refert,
 sc. an aliter habet, cum uero positum fuerit,
 refert.

ARTICVLVS II. 41

In legibus Ecclesiasticis idem ostenditur: etenim annua confessio sola lege Ecclesiastica, & non ipso iure diuino, præcepta est. Est quidem confessionis diuinum præceptum; temporis tamen præscriptio Ecclesiæ prudentiæ commissa est. Ieiunij etiam lex in vigiliis Apostolorum, & aliis diebus, quo discursu ex lege diuina, aut naturali tanquam conclusio deducitur? Quis deinde dicat, cum Ecclesia sub pœna excommunicationis præcipit aliquem, comparere in iudicio, vel aliud simile, illud esse de iure diuino?

Fundamentum autem sententiæ oppositæ tribus nixum exemplis facile dissoluitur. Nam medici carent auctoritate imperandi, qua tamen gaudent Prælati religionum; etiam Prælati præcipere possunt, *Non solum ea, quæ sunt expressè in regula, sed etiam illa quæ quocumque modo ad regulam reducuntur*, vt docet Diu. Thom. Quodlibet. 10. ar. 10. Et eodem modo Prælati Ecclesiæ possunt præcipere, quæ ad legem naturæ quocumque modo reducuntur, scilicet, vel tanquam conclusiones, vel sicut legis naturæ determinationes. Denique dispar ratio est de fidei definitionibus, & præceptis morum: nam definitiones fidei nituntur diuinæ reuelationi, quæ non fit de nouo Summo pontifici, cui tamen circa mores commissa est gubernatio, & auctoritas imperandi, quæ pro loco, & tempore viderit expedire.

ARTICVLVS III.

*Utrum Isidorus conuenienter
qualitatem legis positivæ
describat.*

Conclusio est affirmans.

Sic qualitatem legis positivæ describit D. Isidorus lib. 5. Etymol. cap. 21. & refertur Cap. *Erit autem lex*, dist. 4. Decreti: *Erit lex honesta, iusta, possibilis secundum naturam, secundum consuetudinem patriæ, loco, temporique conueniens, necessaria, utilis, manifesta quoque, nec aliquid per obscuritatem in captionem contineat: nulli privato commodo, sed pro communi utilitate ciuium conscripta.* Quas omnes qualitates, & conditiones optimè explicat D. Thom. hic.

Honestæ enim debet esse, ita ut religioni congruat: vnde hac qualitate carebat lex, qua 2. Machab. 6. v. 18. Eleazarus, & cap. 7. v. 1. Septem fratres vna cum matre apprehensi compellebantur carnes porcinas manducare contra fas, & religionem Iudæorum.

Iusta, hoc est rationi conformis. Tales non erant leges eorum, quibus dicitur Isa. 12. 10. v. 1. Væ qui condunt leges iniquas, & scribentes iniustitiam scripserunt, ut opprimerent in iudicio pauperes, &c.

Pos.

ARTICVLVS III. 43

Possibilis secundum naturam : Nam non sunt eadem imponenda pueris, quæ imponuntur viris perfectis. Vnde quia lex ieiunij non est possibilis secundum naturam pueris, mulieribus prægnantibus, hominibus laborantibus, & alijs huiusmodi, à talis legis obligatione excusatur.

Secundum consuetudinem patriæ : nam non potest homo solus in societate viuere aliorum morem nõ gerens: Propter quod vbi mos est ne virgines è domo exeant, quo vsque marito copulentur; aut viduæ toto mense luctus: aut puerperæ diebus purificationis, à præcepto audiendi sacrum excusantur.

Loco temporeque conueniens: debitas namque circumstantias habere debet. Vnde videmus, vt S. August. ait lib. 3. Confes. cap. 7. *Aliud iam dudum licuisse, & post horam non licere. quiddam in illo angulo permitti, aut iuberi, quod in isto iure vetetur, & vindicetur.*

Necessaria, ad remotionem scilicet malorum: si enim in Republica recte omnia consent, superuacanea videtur lex.

Vtilis, ad consecutionem videlicet bonorum. Vnde licet lex prohibens, & puniens meretrices necessaria esset ad remotionem malorum, quæ ex ipsis sequuntur: si tamen inde grauissima peccata sequerentur, utilis, & secundum rationem non esset.

Manifesta, ad cauendum nocumentum, quod ex ipsa prouenire posset: nisi enim
cla-

44 **QVABSTIO CXV.**

elara fit, nihil aliud, quam captionem, & laquum continebit.

Nulli primato commodo, &c. quia ad bonum commune lex ordinari debet, ut dictum est supra qu. 90 ar. 2.

Ex his conditionibus præsertim ex sexta, & septima infert M. Soto lib. 1. de iustitia qu. 5. ar. 3. Vnde id maximè legiferi deberent considerare, ne legum multitudine, subditos obruerent: sed illis tantum essent concepti, quæ sunt penitus necessaria: nam ipsa multitudo fit statim impossibilis. Vnde illi efficiuntur veluti aranearum rete, quibus vniuersæ arcentur, non leones. Legum inquam immodica turba hoc solum præstat, ut boni, & mites, qui legibus non indigent, circumsepti uiuant: perniciæ autem, & indomiti leges plures habeant, quas persudent ad suas explendas libidines. De legum ac præceptorum multitudine immodica hæc habet S. Aug. Epist. 119. cap. 19. *Omnia itaque talia quæ nec Sanctorum Scripturarum auctoritatibus continentur, nec in Concilijs Episcoporum statuta inveniuntur, nec consuetudine Ecclesie roborata sunt, sed diuersorum locorum diuersis moribus innumerabiliter variantur, ita ut vix, aut omnino nunquam inueniri possint causæ, quas in eis instituentis homines sequari sunt, ubi facultas tribuitur, sine ulla dubitatione resecanda existimo. Quamuis enim neque hoc inueniri possit, quomodo contra fidem sint, ipsam tamen religionem, quam paucissimis, & manifestissimis celebrationum sacramentis misericordia Dei esse liberam vo-*

hæc 2

ARTICVLVS III. 45

linit, seruilibus oneribus premunt, ut tollabilior sit conditio Iudeorum, qui etiam si temporis libertatis non agnouerint, legalibus tamen sarcinis, non humanis presumptionibus subiunguntur. Quibus verbis, ut ait D. Thom. infra qu. 107. ar. 4. docet S. August. in præceptis, ac legibus instituendis: Esse moderationem attendendam ne conuersatio fidelium onerosa reddatur. Quam attendentes constitutiones nostri Ordinis Prædicatorum in Prologo præcipiunt: Porro Prælati omnes à multitudine præceptorum, & ordinationum abstineant, ne laqueum animabus subditorum iniiciant. Et quidem si præceptorum, ac legum multitudo huiusmodi laqueum iniiciat, & occasionem ruinæ subditis præbeat, & non necessaria ac utilis sit, sed impossibilis fiat; & Prælati tot imponentes peccant grauissime, & tam immodica multitudo non obligat. Quæ autem sit huiusmodi, vici prudentis arbitrio relinquendum est.

Ex eisdem conditionibus colligunt hic discipuli D. Thom. si lex promulganda esset congrua religioni, sed adeo difficilis, ut verisimiliter non posset seruari à populo; vel populus sic esset dispositus, ut legem illam tanquam nimis onerosam recipere nollit, tunc lex illa vim obligandi non haberet. Et ideo Principes, cum velint condere leges, si populus contra dicat, & dicat, lex ista non conuenit consuetudini patriæ nostræ, suspenditur legis obligatio: hoc enim casu Princeps si velit legem suam

imponere, & vim habere obligandi in foro conscientie, non esset rationabilis voluntas eius. Atque ita una ex conditionibus, sine quibus lex non meretur nomen legis, est quod sit loco & tempori, & patriæ conueniens, neque dissona consuetudini, quæ tolli non potest sine dispendio Reipublicæ maiori, quam sit utilitas expositione legis emergens. Hæc nos latius dubio sequenti explicabimus.

Dubium. An populi consensus, & acceptatio sit conditio necessario requisita ad legem positivam humanam.

DVæ sunt de hac re Doctorum sententiae. Primæ est affirmans, quæ his verbis docet Nau. c. 23. n. 41. *Antequam recipiatur, saltem per maiorem partem vniuersitatis, cuius pars est transgressor, non ligat: quoniam promulgari videtur cum conditione si recipiatur saltem per maiorem partem.* Citatque pro ea Dominicum, & Felinum. Illam etiam tenent Driedo lib. 1. de libertate Christiana cap. 9. & alij: quorum nonnulli eam limitant ad leges ciuiles: nam quoad leges Pontificias, inquirunt, cum Pontifex iurisdictionem accipiat immediate a Deo, & non à populo, ideo eius lex non pendet quo ad eius obligationem à populi acceptance, ac per hoc peccant illam non acceptando, quam

ARTICULVS III. 47

quamuis per non vsum, si est abrogata; non obliget amplius. De legibus verò ciuilibus, inquit, subditos sine causa non recipientes legem à Principe legitimè promulgatam non peccare: nam Principes, nisi contrarium ex coniecturis constet, semper promulgant leges dependenter ab acceptatione subditorum, neque illos intendunt aliter obligare; & ideo dum, qui absq. sufficienti causa legem non acceptat, aliquam culpam non incurrit, nisi graue commodū Reipublicæ inde proueniat. Et ratio est, quia acceptatio est conditio requisita ad legis obligationem; ergo si lex non acceptatur non obligat & consequenter non peccat, quia nondum purificata est conditio, sub qua legislator intendit obligare.

Secunda sententia est negans, quā tenent multi ex recentioribus, quorum nonnulli putant oppositam sententiam nulla probabilitate fulciri, nec percipi posse, hancque euidentem esse. Quid nos sentiamus sequentibus conclusionibus explicamus.

Dicendum est 1. Non consensum & non acceptationem populi non auferre vim legi absque superioris, qui legem tulit, approbatione. Docet hoc Syluester verbo *Lex*, q. 6. dicto 4.

Probant etiam conclusionem hanc optimè Auctores secundæ sententiæ. Nam legislatores imponunt leges iure præfecturæ, & domini, quod in subditos habent, & obligatio legis oritur ex subiectione, quæ subditi prælatis subsunt, & obedientia quam
illis

illis præstare tenentur ; obedientiæ autem vis non oritur à subditi acceptatione : & si liberum esset populo dissentire ; & leges respuere , non essent subditi ; nam voluntate , & non necessitate parerent , & fieret quasi conuentio quædam , & pactum inter subditos , & Prælatum de obseruanda lege , nec vllum esset obedientiæ vinculum . Confirmatur 1. quia nisi lex cogeret subditos , & obligationem induceret absque dependentiâ ab eorum approbatione , subditi quæ possent dissentire , esset bellum vtrinquæ iustum , nam & prælatus iustè exigeret obedientiam , & obseruationem legis , & subditus iuste resisteret , cum acceptatio legis eius arbitrio commissa sit . Confirmatur 2. quia præceptum actuale obligat nullo expectato assensu eius , cui imponitur ; ergo & lex , maior enim , & non minor est legis , quam simplicis præcepti vis .

Dicendum est 2. Neque etiam ex superioris , qui legem tulit , approbatione vis legi aufertur , quando populus resistit & non vult acceptare legem pro suo arbitrio sine vlla causa rationabili . Probatur , quia credibile non est , superiorem velle legem suâ non obligare , quando subditi absque vlla causa rationabili eam nolunt acceptare : cum enim eam ad boni communis promotionem promulget , nõ spectat subditorum consensum , sed hos illa arctari vult , eorum voluntati non relinquendo , vt illam pro suo libito admittant , vel reijciant .

Aduertendum est tamen visæ populi ir-

ARTICVLVS III. 49

rationabili resistentia; quandoque Principem prudenter agere, cedendo multitudi-
ni, & legem abrogando, vel suspendendo,
imo, & in aliquo casu ad hoc teneri ad vi-
tanda maiora inconuenientia rebellionis,
ac tumultuum. At quousque id faciat, po-
pulus resistens peccat, & non excusatur à
legis transgressione.

Quando autem Princeps videns aut sciens
subditos legem eius non seruare, non punit,
aut reprehendit eos cum possit, tacite le-
gis obligationem auferre videtur. Ad
quod nonnulli dicunt sufficere duos, aut
tres actus factos contra legem sciente Prin-
cipe, & non puniente cum possit. Sunt
etiam qui afferunt non esse necessarium,
hos actus fieri in presentia Principis, aut eo
sciente, sed satis esse fieri scientibus eius
ministris, in regijs Auditoribus, aut Epi-
scopis, si lex fuerit Pontificia.

Dicendum est 3. Si ex causa rationabili
populus resistat, & nolit acceptare legem,
satis probabile est, quod asserit prima sen-
tentia, legem non obligare, nec vim legis
habere ex superioris scilicet, qui legem tul-
lit, approbatione. Probatur 1.: nam beni-
gnæ legislatorum voluntati videtur con-
forme, vt nolint leges suas obligare, quan-
do populus ex causa rationabili resistit. Et
quidem si causa ita rationi consona est, vt si
eam legislator præiudisset, non tulisset
legem, aut eam terre non debuisset, vt
pote quia lex non est loco, & tempori, ac
patriæ conueniens, nomen legis non me-

reretur lex, & quamuis legislator eam imponere vellet, & vim habere obligandi in foro conscientiae, non esset rationabilis voluntas eius, careret enim debitis legis conditionibus: propterquod, magis quam ob populi resistentiam, non obligaret. Si vero causa rationabilis ob quam populus recusat legem acceptare non est ita vrgens ac necessaria, sed talis, vt attentata legislatorum benignitate aequum non sit tali lege grauari populum renitentem: tunc dicimus legislatorem nolle legem suam obligare. Cum autem legislatores Ecclesiastici non minus, sed potius magis benigni esse debeant, quam seculares, non est cur ad leges ciuiles limiteamus promulgari cum conditione, si populus recipiat, & non resistat ex causa rationabili, sed ad Pontificias etiam extendendum est.

Secundo probatur ex Cap. *In istis*, dist. 4. vbi dicitur: *Leges instituantur cum promulgantur, firmantur cum moribus vrentium approbantur*. Cum enim leges promulgentur cum conditione, si populus ex causa rationabili non resistat, firmitatem habere non videntur, quousque moribus vrentium approbantur, si enim ex causa rationabili non approbarentur, vtique abrogarentur ex consensu saltem tacito, vel implicito legislatoris. Sicut enim (subditur ibidem) moribus vrentium in contrarium nonnullae leges hodie abrogatae sunt: ita moribus vrentium ipsae leges confirmantur. Hoc est, permanent & non abolentur impleta conditione cum qua

ARTICVLVS III. 51

qua fuerunt promulgata. Ibi autem non solum esse sermonem de legibus ciuilibus, sed præsertim de legibus Pontificijs patet ex his quæ ibi subduntur: *Vnde illud Telesphori Papæ (qui decreuit, ut generaliter clerici à quinquagesima à carnibus & delictis abstinerent) quia moribus vtentium approbatum non est, aliter agentes transgressionis reos non arguit. Quod licet non fuerit approbatum ex causa ita urgente & necessaria, vt Papa non posset eos obligare ac compellere si voluisset, ex rationabili tamen causa non fuit approbatum, ne scilicet singulares viderentur, & ob occasionem eam legem non seruandi alijs carnes comedentibus. Quod videns Papa, aut expresse, aut tacite permisit carnes eo tempore comedere.*

Nunc ergo etiam si ex rationabili causa populus legem aliquam, etiam pontificiam non acceptat, sed ab ea supplicat, interim eius obligatio suspenditur, & non peccat qui illam non seruat. Et legislator audita populi supplicatione, etiam si nihil respondeat, sed taceat, censetur consentire, & legis obligationem tacite auferre.

Ex his colligitur quod lib. 1. Consil. q. 4 & 5, ait Nauarrus: *Si in Prouincia, in qua aliquis moratur, non sit lex recepta etiam si de publicatione in Curia sit certus, non teneri ad legem obseruandam: nam cum lex respiciat utilitatem communem, non videtur eius legislator velle unum aut alterum ligare ad obseruandum quod non dum communitas seruare incipit.*

Si quæras, an quando est dubium, sit ne lex usu recepta, præsumendum sit esse acceptam? Quidam affirmando respondet: quia iudicandum est in fauorem legis pro qua possessio, & præsumptio esse videtur, cum constet latam esse, & dubium solum sit de illius acceptance. Sed alij probabile esse existimant oppositum, sicque in foro conscientiae licitum esse amplecti partem, quæ negat legem usu receptam esse. Ex quo inferunt, cum aliqui dubitent Bullam Clementis VIII. de largitione munerum esse usu receptam, stante supradicta dubitatione, qui contra illam aliquid efficeret, non incurreret poenas ibi latas aduersus contrauenientes. Idem dicunt de extranagante *Ambitiose* Pauli II. contra alienantes bona Ecclesiastica, nam aliqui putant quoad poenas dictam Bullam non esse receptam.

Ad argumenta utriusque sententiæ in principio dubij relatæ opus non est respondere: nam à nobis adducta sunt, secundæ quidem pro nostra conclusione primæ, primæ vero pro conclusione tertiæ.



ARTICVLVS IV.

*Vtrum Isidorus conuenienter ponat
diuisionem humanarum legum.*

Conclusio est affirmans.

DVo, quæ hanc diuisionem explicans
hic docet D. Thom. difficultate nõ
carent. Primum est : *Diuiditur ius
positiuum in ius gentium, & ius civile.* Vide-
tur enim ius gentium non contineri sub iu-
re positio humano, sed sub iure naturali,
vt probat primum argumentum articuli.
Ad quod tamen respondet Diu. Thom.
*Quod ius gentium est quidem aliquo modo na-
turale homini, secundum quod est rationalis, in
quantum deriuatur à lege naturali per medium
conclusionis, quæ non est multum remota à prin-
cipijs: unde de facili in huiusmodi homines con-
senserunt. Distinguitur tamen à lege naturali,
maximè ab eo quod est omnibus animalibus cõ-
mune.*

Pro cuius explicatione aduerte : ius na-
turale, & ius gentium non eodem modo
sumi ab Vlpiano, Aristot. & Diu. Isidoro.
Vlpianus enim lege i. §. *Ius naturale*, ff. de
iusticia, & iure, ait : *Ius naturale est quod om-
nia animalia docuit, &c. Ius gentium est, quo
gentes humane vuntur. Quod propterea à na-
turali distingui subdit. Quia illud omnibus ani-
malibus, hoc solis hominibus inter se cõmune est.*

54 QVÆSTIO XCV.

Aristot. verò 5. Ethic. cap. 7. ius siue iustum naturale definit: *Quod ubique vim habet eanlem*. Et sub illo ius gentium comprehendit: Vnde D. Thom. ibi lect. 12. sic ait; *Iuriste illud tantum dicunt ius naturale, quod consequitur inclinationem naturæ communis homini, & alijs animalibus, sicut coniunctio maris. & femine, educatio natorum, & alia huiusmodi. Illud autem ius quod consequitur propriam inclinationem naturæ humane, in quantum scilicet homo est animal rationale vocant Iustitiæ ius gentium, quia eo omnes gentes utuntur, sicut i quod pacta sint seruanda, & quod legati apud hostes sint tuti, & alia huiusmodi. Vtrumque autem horum comprehenditur sub iusto naturali; prout hic à Philosopho accipitur. Loquitur enim Arist. de iusto naturali, ut distinguitur à legali, quod oritur à iusto naturali per modum determinationis. Ius. verò gentium à iusto naturali oritur sicut conclusio ex principiis, sicque sub iusto naturali comprehenditur: nam ut ibidem subdit D. Thom. *Necesse est quod quicquid ex iusto naturali sequitur quasi conclusio, sit iustum naturale*.*

D. Isidoros autem lib. 5. Etym. cap. 4. Ius naturale à iure gentium distinguit; alio tamen modo quam Vulpianus, nam ait: *Ius naturale est commune omnium nationum: eo quod ubique instinctu naturæ, non constitutione aliqua habetur*. Et ca. 6. appellari inquit, inde ius gentium, quod eo iure omnes ferè gentes utuntur. Vnde illud ab hoc distinguitur.

flingueret videtur: quia ius naturale est cō-
 mune, non quidem omnibus animalibus,
 vt dicebat Vlpianus (nam in brutis non
 reperitur proprie, & formaliter ius natu-
 rale) sed omnibus nationibus, gentibus,
 vel hominibus; ius verò gentium, non
 omnibus, sed fere omnibus gentibus com-
 mune est. Et rationem huius assignat,
 quia ius naturale instinctu naturæ, non
 constitutione aliqua habetur, quo modo
 non habetur ius gentium. Dicitur quidem
 ratio naturalis ius gentium: non tamen
 illud solum ostendendo, sicut dicitur quæ
 per se bona, & iusta sunt ac de iure natu-
 re, sed etiam illud constituendo. Ius e-
 tiam naturale est, vel principium per se
 notum, vel conclusio ex illo per necessa-
 riam consequentiam deducta, vt hæc non
 est occidendum, deducitur ex illo princi-
 pio, nulli est faciendum malum. Ius ve-
 rò gentium, licet à iure naturali oriatur si-
 cut conclusio ex principio, non tamen
 per necessariam consequentiam deducta,
 sed per consequentiam valde probabilem,
 ac utilem humanæ societati ab omnibus
 fere admissam.


Hinc colligitur quomodo ius gentium
 possit dici aliquomodo naturale, eo scilicet
 modo quo Arist. iustum naturale appellat:
 nam sub illo ius gentium comprehendit.
 Colligitur etiam, quomodo ius gentium
 à iure naturali distinguatur. A iure quidē
 naturali, vt sumitur ab Vlpiano & Iurispe-
 ritis: nam illud omnibus animalibus; hoc

vero solis hominibus commune est. Vt vero sumitur à D. Isidoro: quia licet utrūque solis hominibus commune sit, naturale tamen omnibus commune est tanquam principium, aut conclusio necessario ex illo deducta, sicque instinctu naturæ, non constitutione aliqua habetur: ius autem gentium non omnibus, sed fere omnibus commune est tanquam conclusio ex iure naturæ probabiliter deducta, valde utilis humanæ societati, & ab omnibus fere admittitur, sicque voluntate, & condito, sine communi beneplacito gentium constitutum est: non quod gentes ad illud statuendum in loco aliquo conuenerint, sed quia consuetudine ab omnibus fere gentibus obseruata introductum fuit. Ex quo sequitur ius gentium sub iure positio humano contineri, ac proinde posse humano beneplacito abrogari, vt patet in rerum diuisione, & proprietate, quæ in primitiua Ecclesia, quando omnia erant communia, obseruata non est. nec modo obseruatur in Religionibus: & in seruitute, quam iure gentium incurrunt capti in bello, à qua Ecclesia Christianos exemit,

Secundum est: *Est etiam aliquod regimen existis commixtum, quod est optimum.* Nèpe commixtum ex Monarchia, seu Regno, quod est regimen vnius, ex Aristocratia, quod est regimen optimorum, vel optimatum, & ex Democrazia, quod est regimen populi. Idem enim D. Thom. 1. p. q. 105. art. 3. ait: *Optima autem gubernatio est quæ sic*
per

ARTICVLVS IV. 57

per unum Ex quo colligit mundum ab
 vno gubernari, & 4. Contra gentes cap. 76.
 ex eodem colligit: *Regimen Ecclesie sic esse
 dispositum, ut vnus toti Ecclesie prae-
 sit.* Et
 lib. r. de regimine Principum cap. 1. &
 seq. docet, & probat regimen vnus vtilius,
 & optimum esse. Ad hoc tamen Caiet.
 hic tripliciter respondet, & monet, vt ter-
 tiam responsionem sequatur vir doctus.
 Alij respondent: Monarchiam simplicem,
 seu regimen vnus absolute, & simpliciter
 esse regimen praestantius, & ideo eo Deum
 gubernare mundum tanquam vnum, &
 supremum totius mundi Principem, & Mo-
 narchiam, propter naturae tamen humanae
 corruptionem, statum, & conditionem, &
 quod nequeat vnus homo omnibus locis
 adesse, regimen humanum mixtum ex
 Monarchia, Aristocratia, & Democratia,
 vtilius esse, taleque esse regimen, quod in
 Ecclesia inuenitur: est enim in ea Monar-
 chia Summi Pontificis, Aristocratia Epis-
 coporum, ac demum Democratia, cum
 nemo sit ex omni Christiana multitudo,
 qui ad Episcopatum vocari non possit: si
 tamen dignus eo munere iudicatur.



QVÆSTIO CXVI.

De potestate legis humana.

ARTICVLVS I.

*Vtrum lex humana debeat poni in
communis magis quam in par-
ticulari.*

Conclusio est affirmans

NOtanda est hic differentia legis à
priuilegio, sententia, & præcepto.
A priuilegio differ lex, quia vt cum
Arist. 5. Ethic., cap. 7. ait. D Thom hic ad
r. Sunt quedam, quæ simpliciter in communi
ponuntur & hæc sunt leges cōmunes &c. Qua-
dam verò sunt, quæ sunt communia quantum
ad aliquid, & singularia quantum ad aliquid, &
huiusmodi dicuntur priuilegia, quasi leges priua-
ta: quia respiciunt singulares personas, & ta-
men potestas eorum extenditur ad multa nego-
tia. Vbi aduerte, Etymologiam, iuxta
quam priuilegia dicuntur quasi leges priua-
tæ, sumptam esse ex D. Isidoro lib 5. Etym.
cap. 18. ex quo etiam eam desumpsit Gra-
tianus distinct. 3. Cap. Priuilegia; vbi sic
habet: Priuilegia sunt leges priuatorum, quasi
priuata leges. Et Glossa ibidem ait: Hic
pri:

ARTICVLVS I. 59

privati dicantur omnes exempti à iure communi siue aliqua specialis persona. Ex quo patet: priuilegium esse quasi legem eximendam singulares personas à iure communi, sicque à lege distingui, quia singulares personas respicit eas à communi lege eximendo. Ex quo etiam alia differentia sequitur: quia scilicet non respicit bonum commune sicut nec communitatem, nec inducit obligationem, nec imponit necessitatem agendi; sed potius concedit libertatem, & ab obligatione eximit. In alijs vero cum lege conuenit: nempe in auctoritate instituentis: eiusdem enim potestatis est eximere à lege, cuius est obligare lege: & in perpetuitate; non enim expirat priuilegium morte concedentis, sed durante vita priuilegiati, nisi forte pro determinato tempore concedatur.

A sententia differt lex: quia ut Diu. Th. hic ad primum ait: Dicuntur etiam quedam legalia, non quia sint leges, sed propter applicationem legum communium ad aliqua particularia facta, sicut sunt sententiae, quae pro iure habentur. A lege ergo differt sententia: quia potius est applicatio, & executio legis circa priuatam personam, & euentum, quam legis impositio. Cum lege autem conuenit: quia non expirat morte ferentis, sed firmitatem quandam habet, non potest revocari.

A praecepto denique differt: quia ut ait D. Thom. hic ad 2. Ad singulares actus dirigendos dantur singularia praecepta presiden-

60 *QVÆSTIO XCVI.*

tum, sed lex est præceptum commune. Hinc tres differentias inter legem, & præceptum colligunt nonnulli. Prima, legem, cum sit vniuersalis, communitati imponi; præceptum verò non nisi priuatis personis. Secunda, legem, cum omnibus imponatur, ferri à Principe nomine totius Reipublicæ, præceptum verò non, sed suo nomine. Tertia, legem, cum imponatur nomine Reipublicæ, quæ manet etiam mortuo Principe, esse perpetuam, ac manere etiam mortuo Principe; præceptum verò nequaquam, sed mortuo, vel amoto superiore, à quo fuit impositum, cessare. Alij id non probant: nam quamuis verum sit legem perpetuam esse; præceptum vero finiri morte, aut amotione superioris præcipientis; falsum tamen est, præceptum non posse imponi communitati, nec publica auctoritate posse fieri à Principe, vt gerente vices Reipublicæ: nam si rex præcipiat orationes, & sacrificia, vbique fieri pro instanti aliqua necessitate, vel signa letitiæ ostendi pro ortu filij, aut pro victoria parata, hoc cum non sit perpetuum, nec aliquid aliud, quam vnam aut alteram actionem iniungat, non lex, sed præceptum est: & tamen constat toti communitati imponi, ac proinde publica auctoritate; ergo.

Vnde dicendum est. legem dici commune præceptum: quod, vt hic ait D. Tho. *Lex ad multa respiciat, & secundum personas, & secundum negotia, & secundum tempora.*
per

ARTICVLVS I. 61

Per hocque distingui à singularibus præceptis: quia vel non respiciunt multas personas sed vnā particularem, seu priuatam, vel si communitatem, multasque proinde personas respiciant, non tamen plura negotia, sed vnā aut alteram actionem: vel si plures actiones, & negotia respiciāt, non tamen multa tempora, hoc est perpetua. Si autem quæras, vnde cognosci possit præceptum respicere tempora perpetua, vt proinde sit, lex? Respondetur: ex verbis præcipientium, cum enim legem condere volunt, verbis, *Ad perpetuam rei memoriam*, vel *Perpetuis futuris temporibus*, vel aliis huiusmodi perpetuitatem denotantibus vtuntur.

Si verò interroges, an Principum rescripta vim legis obtineant? Respondetur: quædam vim legis habere: quædam verò non, quod ex materia ipsa, & ratione decidendi discernendum est. Nam decreta, quæ pro occasione occurrente, tempore, aut loco feruntur, aut quæ aliquid personæ, vel civitati concedunt ob eorum meritum, certum est personas, cum quibus agitur, non egredi. Quæ verò sunt iuris declarationes, aut eiusdē rationis, & æquitatis in vno, & in omnibus casibus, & personis, generales leges sunt. Tales autem esse incipiūt, cum volumini legum inferuntur, seu ad corpus iuris rediguntur, vt colligitur ex Glossa in legem. *Quod Percepti*, ff. de const. & ex Bartholo ibidem, vel cum sufficienter promulgata sunt, ita vt in notitiā possint venire,
non

62 QVÆSTIO XCVI.

non solum eorum ad quos directæ sunt, sed etiam omnium: promulgatio enim est de ratione legis, & promulgationis modus, si à Principe distinctus non est, prudentis arbitrio est æstimandus.

Circa art. 2. vide quæ dicemus art. seq. dubio unico conclusi 1.

ARTICVLVS III.

Utrum lex humana præcipiat actus omnium virtutum.

Conclusio est affirmans.

Dubium. An possit lex humana omnes omnium virtutum actus præcipere.

Pars affirmans probatur: si aliqui essent actus virtutum, quos lex humana non posset præcipere, ij maxime essent actus interni: sed hos potest præcipere; ergo omnes. Minor probatur: Tum quia ad Ecclesiam pertinet suis legibus dirigere homines in vitam æternam: sed adhuc finem magis necessarium est ordinare actus internos quam externos; ergo, &c. Tum etiam, quia Ecclesia potest docere quomodo actus interni dirigendi sint; ergo & præcepto eos imperare: Tum præterea quia

quia Ecclesia confert indulgentias pro actu interno, vt pro oratione mentali, vel actu Charitatis, dispensat etiam vota quantumuis occulta; ergo & potest actum internum præcipere. Tum denique, nam in Cap. *Neueris*, de senten. excommunicantur omnes hæretici. Et in Clementina 1. de hæreticis Cap. *Mulorum*, circa finem excommunicantur Inquisitores hæretice prauitatis. Si odij, gratia, vel amoris, lucri aut commodi temporalis obtentu contra iustitiam, & conscientiam suam omiserint contra quemquam procedere, ubi fuerit super prauitate hæretica procedendum, obtentu eodem prauitatem ipsam, aut impedimentum officij sui alicui imponendo cum super hoc præsumpserint quoquo modo vexare. Et in Cap. *Dolentes*, De celebratione Missarum præcipitur clericis, vt diuinum Officium nocturnum pariter, & diurnum, quantum eis Deus dederit, studiosè celebrent, pariter & deuotè. Sed hæresis peccatum mentis est, amor, & odium actus interni, deuotio etiam interior actus est, ergo actus interni præcipi aut prohiberi possunt lege humana.

Dicendum tamen est 1. Legem humanam non posse omnes omnium virtutum actus præcipere, nec omnes actus omnium vitiõrum prohibere. De prohibitione id docet D. Th. a. præced. & probat: Quia vt Isidorus dicit, lex debet esse possibilis, & secundum naturam, & secundum consuetudinem patriæ: non esset autem huiusmodi lex humana, si omnes actus omnium vitiõrum pro-

64 QVÆSTIO XCVI.

prohiberet: nam licet illos omnes prohibeat lex æterna, lex que naturæ; lex tamen humana prohibet cum coactione, & vi quadam, qua, poena imposita; illam cogunt iudices obseruare, quod imperfecti ferre non possunt, & cum nimis præmuntur, & viâ vitij minoribus abstrahuntur, solent in deteriora mala prorumpere, fitq, quod dicitur Prouerb. 30. v. 33. *Qui vehementer amungit, elicit sanguinem*. Propter quod recte dixit S. August lib 1 de lib. arbit. cap. 4. *Lex ista que regendis ciuitatibus fertur, multa concedit, atque impunita relinquit, que per diuinam prouidentiam vindicantur*. Ex quo inferit D. Thom. *Vnde lex humana non omnia potest prohibere, quæ prohibet lex naturæ*

De præcepto idem docet D. Thom. hic dicens: *Nulla virtus est, de cuius actibus lex præcipere non possit, non tamen de omnibus actibus omnium virtutum lex humana præcipit*. Quod præterea probatur: nam si lex humana præciperet omnes actus omnium virtutum, plura præciperet, quam lex naturæ, quam constat non omnes actus omnium virtutum imperare; nimis etiam grauis, aspera & onerosa esset, excedensque fragilem hominum virtutem, sicque impossibilis obseruatu saltem secundum consuetudinem patriæ, dum omnia opera virtutum fierent necessaria sub præcepto, & nulla essent tantum in consilio; ergo eū lex humana suauis, & possibilis esse debeat, non potest de actibus omnibus virtutum omnium præcipere, *Sed solum de illis qui*
erdi-

ARTICVLVS III. 65

ordinabiles sunt ad bonum commune, vt subdit Sanct. Thom. Quod intelligendum esse existimo de actibus ordinabilibus in bonum commune Reipublicæ, secundum quos homo subditur legislatori humano: nam vt dicemus 2. 2. quæst. 64. artic. 6. cum Mag. Soto, in casu quo tyrannus minaretur vrbis excidium, nisi sibi traderent aliquem innocentem ab ipso occidendum, quamuis talis homo teneretur ex charitate proprio se offerre periculo, vt publicum cauere; non tamen ad id iure cogi posset: quia vita innocentis non subest dispositioni Reipublicæ. Similiter si Prælatus regularis præciperet subditis aliquid supra regulam, non tenerentur obedire: quia vt ait D. Th. 2. 2. q. 105. artic. 5. ad 3. Religiosi solum subduntur suis Prælatis secundum regulare conuersationem, sicque solum tenentur eis obedire in his, quæ sunt secundum regulam de quo vide Syluestrum verbo Religio 6. quæst. 6.

Dicendum est 2. Legem humanam non posse præcipere, aut prohibere actus pure internos. Oppositum huius quidam dixerunt, vt Adrianus quodlib. 8. ar. 1. & in 4. De confessione, q. de oratione, Albertus Pigijs lib. 6. Ecclesiasticæ Hierarchie c. 26. Summa Rosella verbo Hæresis, & alij. Nostram tamen conclusionem docent D. Th. supra q. 91. ar. 4. & infra q. 100. ar. 9. Caiet. ibi, & in Summa verbo Hæresis, in fine, Syluest. verbo Excommunicatio 7. excommunicatione 2. & verbo Hora, q. 11. M. Soto lib.

lib. 10. de iustitia q. 5. art. 5. & omnes discipuli D. Thom. & alij Doctores communiter.

Probatur ratione sumpta ex S. Th. locis citatis: Lex humana non potest præcipere aut prohibere nisi ea, pro quibus potest homo pœnam infligere, & de quibus potest iudicare: sed homo qui est legislator humane legis, non potest iudicare de actibus interioribus, nec pro eis pœnam infligere; ergo non potest lex humana actus purè internos præcipere aut prohibere Minor patet ex illo 1. Regum 16. versic. 7. *Nec iuxta intuitum hominis ego iudico: homo enim videt ea quæ patent, Dominus autem intuetur cor.* Et in Cap. *Tua nos.* De Symonia ubi dicitur: *Nobis datum est de manifestis tantummodo iudicare.* Et ex Cap. *Cogitationis*: De pœn. d. 1. ubi dicitur: *Cogitationis pœnam nemo patitur*, scilicet ab homine, ut ibi Glossa exponit. Maior verò probatur, quia cum præceptum legis habeat vim coactivam, illud directè cadit sub præcepto legis, ad quod lex cogit: cum autem coactio legis sit per metum pœnæ, ut dicitur 10. Ethic. cap. ult. illud propriè cadit sub præcepto legis, pro quo pœna legis infligitur, non infligitur verò pœna legis, nisi pro illis de quibus habet legislator iudicare: quia ex iudicio lex punit, ergo &c. Si dicas posse legem præcipere aut prohibere actum externum occultum, quem tamen non potest legislator humanus punire aut iudicare. Responderetur actum externum solum per acci-

accidens esse occultum, ex defectu scilicet testium; sicque solum per accidens non posse puniri aut indicari ab homine, quod verò huiusmodi est, lex præcipere aut prohibere potest, quia in se & natura sua manifestum est, & ad iudicium humanum deduci potest. Actus autem interior, cum per se sit occultus, & substratus ab humano iudicio, lege humana præcipi aut prohiberi nequit, cum circa illum non possit legis præceptum habere vim coactivam.

Dicendum est 3. Posse legem humanam præcipere aut prohibere actus internos, ut coniunguntur cum exterioribus tanquam rationes causeque illorum. Docent hoc Caietanus ubi supra, & in Summ. verbo *Excommunicatio*, cap. 3. & verbo *Hore canonica*, § *Quoad tertium*, M Soto loco citato, & communiter discipuli D. Th.

Hanc tamen doctrinam sic indistinctè pronuntiata falsam esse quidam Neothetici dicunt. Nam, quamvis quando actus internus causa est per se exterioris, ex hocque deriuatur bonitas vel malitia in illum, quale est propositum, & voluntas efficax faciendi aliquid exterius, quod lege humana vetitum, vel præceptum est, possit præcipi aut prohiberi secundario, & consequenter eo ipso ac opus externum præcipitur aut prohibetur. Quando tamen actus internus solum coniungitur cum exteriori ut causa accidentaria exterioris, ex hocque non deriuatur in illum bonitas vel malitia, qualis est intentio alicuius finis, ex qua
licet

licet causetur & fiat opus externum, non tamen per se, & necessario, quia causari, & fieri potest ex intentione alterius finis, neque ex hoc deriuatur bonitas, vel malitia in illam, sed eam habet secundum se ex fine, quem ut obiectum respicit. Non potest præcipi, aut prohiberi etiam secundario ratione operis externi. Probant hoc, nam ut actus internus præcipiatur, vel prohibeatur secundario ratione operis externi, debet hoc opere manifestari, vel aliquo modo iudicari, alias enim eodem modo compareretur cum iudicio Ecclesiæ ac si solus esset, & per se; sed quando non est causa per se operis externi, non indicatur, aut manifestatur tali opere, cum hoc ita prouenire possit ab illo, sicut ab alio, ergo &c.

Sed veram esse prædictam Caietani, & M. Soto doctrinam, quam nostra continet conclusio; ita ostendo: nam hæresis peccatum ab Ecclesia prohibetur, & excommunicationi subiicitur: nam dicitur Capit. *Nouerit, De sentent. excom. Excommunicamus omnes hæreticos*: at non ratione alicuius operis externi, ex quo in illud deriuetur malitia, aut cuius sit causa per se, & necessaria sine qua esse non possit, ergo &c. Minor probatur: nam malitia hæresis non deriuatur ab externa negatione fidei, & hæc absque illa, & omni mentis errore esse potest, & ita prouenire potest ab infidelitate, vel hæresi, sicut ab alio actu interno, metus scilicet, aut cupiditatis, aut commodi temporalis, ergo &c. Confirmatur, amor,

ARTICVLVS III. 69

ex quo Inquisitor omittit inquirere contra aliquem, & odium, ex quo aliquem vexat, imponendo ei hæresim, prohibetur ab Ecclesia, & excommunicatione punitur, vt patet ex Clement. 1. De hæreticis, citata in argum. facto in principio, & non ratione alicuius operis externi, ex quo deriuetur malitia in ipsum, & quod cum ipso vt causa per se sit ita connexum vt non possit sine illo esse, quod enim est huiusmodi opus externum? ergo nõ requiritur actum internum, vt prohibeatur, esse causam per se, & necessario coniunctam cum exteriori, & ab hoc deriuari malitiam in illum, sed satis est, vt cum exteriori quo quomodo etiã accidentariẽ coniunctus sit tanquam causa verẽ influens in ipsum: nam eo ipso ad extra procedit, ratione scilicet sui effectus, sitque per se manifestus, licet per accidens occultus sit, quia ignoratur eius influxus, & causalitas in actum exteriorẽ: sicut & actus exterior, qui sit sine testibus, per se manifestus est, quia ad extra fit, licet per accidens sit occultus quia ignoratur ad extra factum fuisse. Vnde sicut hic potest legi humanæ subesse ob existentiam, quam habet ad extra: ita & illa potest lege humana comprehendi ob causalitatem, quam habet ad extra. Et per hoc patet ad argumentum oppositæ sententiæ, vt enim actus interior præcipiatur, aut prohibeatur lege humana, non opus est opere externo ita manifestari, ac indicari. vt cognoscatur, sed satis est vt per se manifeste.

nifestus fiat, eo quod ratione talis operis ad extra procedit, & cum illo vnum actū in genere moris, vnamque peccatum constituit sicut formale cum materiali, vt diximus supra q. 20. art. 3.

Ad argumentum autem factum in principio respondetur negando minorem. Ad 1. probationem dico, ad Ecclesiam pertinere suis legibus dirigere homines ad vitam æternam nō quomodocumque sed cogendo & iudicando: vnde cum ipsa non iudicet de interioribus actibus, sed ij iudicio Dei reseruentur, non potest suis legibus hos præcipere aut prohibere si purè interiores sint. Ad 2. probationem neganda est consequentia; quia ad docendum non requiritur vis coactiua, & iurisdictio, sicut ad iudicandum & leges ferendum. Ad 3. probationem neganda est etiam consequentia, quia ad conferendas indulgentias, & dispensandum in votis non requiritur vis coactiua sicut ad leges ferendum. Ad 4. probationem dico, capita illa, & alia quæ adducipoterant probare nostram tertiam conclusionem, heresis enim prohibetur ab Ecclesia & ponitur excommunicationis pœna, non purè mentalis, sed vt coniuncta est cum exteriori. Odium etiam & amor puniuntur vt coniuncta sunt cum actibus exterioribus. Denique interna, deuotio præcipitur vt coniuncta est orationi vocali. Non desunt tamen qui dicant in Cap. *Dolentes* citato, non præcipi internam deuotionem, sed exteriorē, inter quos est Syl-

ARTICVLVS IV. 71

Syluester verbo *Hor.* 3, q. 11. sed de hoc nos
agemus 2. 2. q. 83. art. 13.

ARTICVLVS IV.

*Vtrum lex humana imponat homini
necessitatem in foro conscien-
tie.*

Conclusio est affirmans.

*Dubium. An lege humane possint
ad culpam obligare, necessitatemque
in foro conscientie imponere.*

PArtem negantem tenent hæretici quā
plures, probantque multis S. Scriptu-
ræ testimonijs: quedam enim dicunt,
vnum esse legislatorem, & iudicem Deum,
vt patet Iacobi 4. v. 12. & Isaïæ 33. vers. 22.
Alia, mandatis Dei nihil esse addendum,
vt patet Deuteronom. 4. vers. 2. & cap. 12.
vers. 32. Alia, mandata & præcepta homi-
num esse Deo abominabilia, vt patet Mar-
ci 7. v. 7. Matth. 15. v. 7. & Isaïæ 29. v. 13.
Alia denique, seruitutem hominum esse
cauendam, vt patet ad Galatas 4. v. 9 & 1
ad Corinth. 7. v. 23. sed hæc non stant cum
obligatione ad culpam, qua teneamur le-
gibus humanis obedire; ergo &c.

Dicendum tamen est primo, Leges hu-
ma.

manas Ecclesiasticas posse ad culpam obligare, necessitatemque in foro conscientie imponere. Hæc conclusio certa est secundum fidem, diffinita namque est in Concilio Const. Sess. 8. & 15. contra Vucles, & 1020. Vus, & in Bulla Leonis X. contra Lutherum, & contra hos, & alios hæreticos in Concil. Trident. Sess. 7. Can. 8. his verbis: *Si quis dixerit baptizatos liberos esse ab omnibus sanctæ Ecclesiæ præceptis, quæ vel scripta, vel tradita sunt, ita ut ea observare non teneantur, anathema sit.*

Probatur 1. ex illo Matth. 18. versic. 17. *Si Ecclesiam non audierit, sit tibi sicut ethnicus, & publicanus.* Vbi S. Chrysost. Hom. 61. ait: *Considera quomodo publicanum ad exemplum summi nequitis semper posuit.* Præceptis ergo Ecclesiæ non obedire summa nequitia est.

Secundò probatur ex illa Apostolorum Epistola Act. 15. v. 28. legem hanc continente. *Visum est Spiritui Sancto & nobis nihil ultra imponere vobis oneris quàm hæc necessaria, ut abstineatis vos ab immolatis simulacrorum, & sanguine, & suffocato.* Quod non solum esse consilium, ut hæretici volunt, sed præceptum in conscientia obligans indicant verba illa *Oneris, & necessaria*, docentque SS. Chrysost. ibi Hom. 33. Hieronym. Ezech. 44. vers. 31. August. lib. 32. contra Faustum cap. 13. & alij. Dicunt tamen multi tale præceptum solum obligasse eos ad quos Epistola illa directæ fuit, qui v. 23. exprimuntur, non vero Corinthios aut alios

ARTICVLVS IV. 73

lios Christi fideles qui longe ab Antiochia , Syria ; & Cilicia morabantur . Et quamuis lex illa multis post annis obseruata fuerit à multis Ecclesiis , à Iudæa & prædictis Palestinae Prouincijs valde remotis , vt ostendit Baron. ad annum Christi 51. id tamen factum fuisse putant propter reuerentiam , & honorem Apostolorum , aquibus lex illa profecta est , non quia ex vi decreti Apostolorum tenerentur.

Dicendum est 2: Etiam leges ciuiles posse ad culpam obligare , & necessitatem in foro conscientiae imponere . Hanc conclusionem censet . M. Soto lib 1. de iustitia , q. 6. art. 4. non esse certam secundum fidem eiusque oppositum non esse manifestam hæresim , sed temerarium . Alij secundum fidem certam esse dicunt . Quod conuincere videntur duo , quæ hic adducit D. Thom. S. Scripturae testimonia . Primum in corp. art. ex Prouerb. 8. v 15. *Per me Reges regnant , & legum conditores iusta decernunt .* Secundum in solutione primi , ex Rom. 13. v. 1. *Non est potestas nisi à Deo &c. Itaq. qui resistit potestati , Dei ordinationi resistit . Qui autem resistunt ipsi , sibi damnationem acquirunt .* Et v. 5. *Ideo necessitate subditi estote non solum propter iram , sed etiam propter conscientiam .*

Ad testimonia autem quibus hæretici suum errorem probant , facile respondetur : nam quæ dicunt vnum esse legislatorem & iudicem Deum , intelligenda sunt de supremo ; alios enim illo inferiores esse

patet ex loco Prouerb. adducto. Quæ verò dicunt, mandatis Dei nihil esse addendum, intelliguntur de eo quod sit illis contrarium: additas enim fuisse alias leges humanas constat ex 1. Regum 20. Esther 9 & 1. Mach. 4 Quæ asserunt mandata hominum esse Deo abominabilia, loquuntur, ut hic ad 2. ait Diu. Thom. de legibus humanis, quæ ordinantur contra Dei mandatū, quales erant traditiones, quas Pharisei obseruabant. Quæ tandem dicunt, seruitutem hominum esse cauendam, intelligenda sunt de ea, quæ à Christo auertit.

Dubium 2. An omnes leges humane, ad culpam obligent mortalem, aut venialem,

Variæ sunt de hac re Doctorum sententiæ. Prima est Nauarrri in Sum. cap. 23. num 55. & aliorum, leges humanas etiam præcipientes, præsertim sæculares, quæ poenam temporariam constituunt, non obligare ad culpam, maxime mortalem. Quod num. 57 subdit Nauarrus, etiam esse verum de legibus, quæ statuunt poenā amissionis magnorum bonorum, scilicet sanæ, & vitæ; licet enim qui se temerè obijceret periculo probabili amissionis vitæ, peccaret contra quintum Decalogi præceptum; si tamen quis tanta cautione legem mortis poenam statuentem violaret, ut in poenæ huiusmodi probabile periculū,
non

ARTICVLVS IV. 75

non incurreret, nec etiam peccaret. Ex quo tandem colligit num. 60. eos qui important in regna vel vrbes, vel expectant, ab eis prohibita inferri, vel detrahi, non soluto vectigali, vel tributo, non peccare, nisi volendo ea defendere vi, & armis ne custodes eis auferant illa: quia qui resistit iuste aggredienti, peccat. Et idem est de illis, qui piscantur in fluminibus vetitis, aut montes vel prata prohibita depascunt, aut cædunt ligna in siluis vetitis.

Probant 1. condere leges obligantes ad culpam pendet ex voluntate legislatoris: sed qui in suis legibus pœnam temporariam constituit, ad hanc solam vult obligare, & non ad culpam, aut pœnam æternam; ergo &c. Minor probatur; tum quia, qui de duobus propositis alterum affirmat, alterum negare videtur, sed legislator potest obligare ad culpam, & pœnam temporalem: ergo hanc irrogando illam excludere videtur. Tum etiam, quia gentiles legum latrores de culpa, & pœna æterna nihil curarunt; & ex christianis paucissimi inueniuntur qui dicant suam intentionem esse ad culpam, & pœnam æternam obligare, pœnamque temporariam imponendo ad illam solam obligare velle indicant; ergo &c.

Secundo. Multi docent legem purè pœnalem, hoc est, quæ constituit pœnam absque aliqua prohibitione, non obligare ad culpam; sed inter hanc, & mixtam nulla est differentia realis, vt ait Syluester in Summ. verbo *Inobedientia*: ergo &c.

D i j Con;

76 QVÆSTIO XCVI.

Confirmatur, quia consuetudo antiqua ita videtur interpretata, has scilicet leges solum obligare ad pœnam, & non consistit fieri scrupulus in conscientia à doctis vel indoctis de earum transgressione; ergo &c.

Tertiò, quando non constat de mente legislatoris, iudicare debemus legem esse minus onerosam & grauem; ergo non obligare ad culpam, sed solum ad pœnam temporalem quam constituit. Confirmatur, quia conueniens videtur, ut leges humanæ obligantes ad mortale paucæ sint: ac multæ essent, si quæ imponunt temporalem pœnam, ad mortale obligarent: ergo &c.

Secunda sententia est Alphonsi de Castro lib. 1. de lege pœnali cap. 8. & 9. & aliorum, legem purè pœnalem, quæ scilicet neque prohibet, neque iubet, sed solum pœnam statuit sub hac forma, qui hoc aut illud fecerit, talem, aut talem pœnam habeat, non obligare ad culpam, sed ad solam pœnam statutam; legem verò mixtam, quæ scilicet non solum pœnam statuit, sed etiam aliquid prohibet, aut imperat, ut si dicat, præcipimus hoc, vel illud sub tali, vel tali pœna, ad pœnam & culpam simul obligare.

Primum probant: quia cum ex voluntate legislatoris pendeat præcipere, aut simpliciter ordinare, poterit quidem ita legem ferre, ut nihil præcipiat, sed tantum ordinet & constituat quid agendum sit, tuncque non obligabit ad culpam: & poterit pœnam

ARTICVLVS IV: 77

nam apponere. quia quoties est rationalis causa, rectè potest pœna sine præcepto imponi: vade in ciuitatibus & opidis ac confraternitatibus plures ordinationes, & statuta fiunt, quæ solum ad pœnam obligant; ergo &c.

Secundum ostendunt exemplis legum: nam in Concil. Lateranen. sub Leone X. statuitur, vt clericus Præsbyter, vel in sacris vel beneficiatus, qui non recitauerit Horas Canonicas, debeat fructus beneficij restituere. Lex etiam quæ in Hispania taxat tritici pretium, imponit transgressoribus pœnam temporalem: at hæ duæ leges obligant ad culpam; ergo &c.

Tertia sententia est Mag. Soto lib. 1. de Iustitia q. 6. art. 5. & aliorum, nullam esse legem pœnalem, quæ non obliget ad culpam nisi contrariam intentionem expresserit dicendo, non intendimus obligare ad culpam, aut quid simile. Probant 1. quia lex quam posuit Deus primis parentibus fuit pœnalis, vt patet ex illis verbis Gen. 2. v. 17. *In quacunque enim die comederis ex eo morte morieris*: obligasse autem ad culpam constat ex fide; ergo &c.

Secundò, si Rex præcipiat militi sub pœna capitis, ne locum deserat, absque dubio peccat mortaliter, si deserit: hanc enim pœnam, imo nec exilij, nec publicationis omnium bonorum non potest princeps in aliquem decernere, nisi pro transgressione legis, quæ sit lethalis culpa; ergo &c.

D iij Tertiò,

Tertio, leges humanæ, quæ absq. pœnæ cō-
 minatione ponuntur, ad culpam obligant :
 sed pœnæ comminatio legi apposita signū;
 est efficacioris voluntatis vt lex obseruetur
 ergo non aufert illi obligationem ad cul-
 pam, sed eam potius auct. Confirmatur
 1. quia appositionis maioris, vel minoris
 pœnæ nulla alia potest assignari causa, quā
 maior, vel minor culpa, ad quam lex obli-
 gat. Confirmatur 2. quia pœna, vt docet
 D. Thom. 2 2. q. 308. artic. 4. propriè non
 est, nisi pro culpa posita.

Quarta sententia est de lege non pœna-
 li; de qua licet omnes afferant obligare ad
 culpam mortalem, aut venialem: est tamen
 inter illos differentia: nam quidam affe-
 runt obligare ad culpam mortalem m. ex vo-
 luntate legislatoris pendere: alij verò exi-
 stimant solum pendere ex gravitate matē-
 riæ, hocque probant.

Primò, Quamuis ex voluntate legislato-
 ris pendeat præcipere, vel non præcipere,
 tamen semel posito præcepto vis ipsa obli-
 gandi ex iure ipso naturali deriuatur, quod
 statuit parendum esse superioribus præci-
 pientibus: ergo quantitas obligationis, non
 ex voluntate legislatoris moderātis illam,
 sed ex materiæ, quæ præcipitur, gravitate
 considerata est.

Secundò; Superior non potest præcipere
 sub mortali rem leuem; ergo nec grauem
 sub veniali, sicq. ex sola materiæ gravitate
 pendeat, legem obligare ad mortalem
 culpam.

Ter-

ARTICVLVS IV. 79

Tertio; Si materia sit grauis non est in potestate vouentis, aut iurantis se. ad culpam venialem obligare voto aut iuramento: ergo idem erit de lege. aut præcepto.

Dicendum tamen est 1. Omnem legem non poenalem obligare ad culpam: non tamen necessario ad mortalem, ad quam obligare, non solum pendet ex grauitate materiae, sed etiam ex voluntate legislatoris. Primam partem probat M. Soto lib. 1. de iustitia, q. 6. ar. 4.

Secundam partem docet, & probat Caiet. 2. 2. q. 186. circa responsionem ad 2. dicēs: *Licet præceptum importet vim obligatiuam, non tamen ad mortale: quia præcepta, ut distinguuntur contra consilia, non obligant necessario ad mortale, sed ad mortale, vel veniale.* Patet hoc, lex enim & præceptum prohibens verba ociosa, mendacia iocosa, risum immoderatum, & alia huiusmodi, quæ est quoddam rationis dictamen, solum obligat ad veniale; ergo etiam inter leges humanas nonnullæ erunt quæ solum obligant ad veniale, quales sunt in quibusdam religionibus, in quibus multorum transgressio, ut ait D. Thom. 2. 2. q. 186. art. 9. ad 1. *Obligat solum ad peccatum veniale.*

Nec obstat, quod ibidem ad 2. ait S. Doctor, non omnes ordinationes legis Ecclesiæ, nec omnia statuta regulæ obligare ad mortale, quia non omnia quæ continentur in lege, traduntur per modum præcepti. Nec quod ibidem q. 150. art. 1. ad 1. dicit: *Peccatum veniale non est inobedientia, quia non est contra*

80 QVAESTIO XCVI.

præceptum, sed præter præceptum. Quibus significari videtur præceptum omne ad peccatum mortale obligare. Respondetur namque Diu Thom. ibi loqui de præcepto strictè sumpto, quod & præceptum antonomasticè appellatur, contra quod non est peccatum veniale, sed præter illud, cum sit præter dilectionis Dei præceptum; est tamen contra præceptum communiter acceptum, ut distinguitur contra consilium; sicque licet non sit inobedientia strictè: inobedientia tamen est communiter & secundum quid. de quo vide Caietan. secundæ secundæ q. 104. art. 1 §. *Ad secundum.*

Tertia pars conclusionis probatur, ex voluntate legislatoris pendet, legem humanam obligare ad culpam, si enim legislator declararet se nolle ad culpam obligare; ad illam lex eius non obligaret; ergo ex eadem voluntate legislatoris & non solum ex gravitate materiæ pendet talem legem obligare ad culpam mortalem, si namque legislator explanaret se nolle obligare ad culpam mortalem sed solum ad venialem, non ad illam, sed ad hanc solū leges eius obligarent. Vnde ut ait D. Tho. 2.2 q. 186. art. 9. ad 1. in quibusdam religionibus earum constitutiones ad nullam culpam mortalem aut venialem obligant; ut in nostra; in alijs verò obligant solum ad peccatum veniale, quod non aliundè provenit quam ex voluntate fundatorum, qui tales constitutiones cōdiderunt, quam & in ipsis expresserunt: nam materia earum sal-

tem

ARTICVLVS IV. 81

tem multarum sufficiens est ad peccatum mortale, si ad illud legislator voluisset obligare. Confirmatur, in voluntate legislatoris est aliqua non præcipere, sed solum constituere vel ordinare, alia præcipere præcepto communiter sumpto, alia præcepto strictè accepto, etiam si omnia æqualem habeant grauitatem; ergo ex voluntate eius pendet, vt quædam eius constitutiones ad nullam culpam obligent, alia obligent ad venialem, & alia ad mortalem culpam: talis enim obligatio ex naturalium præceptorum sequitur.

Ex his cognosci poterit quænam leges aut præcepta obligent ad mortalem culpam & quæ non, sed solum ad venialem. Cum enim obligatio legis ad mortalem culpam pendeat, & ex grauitate materiæ, & voluntate legislatoris, quæcumque harum defuerit, de erit obligatio ad mortalem culpam legi. Vnde si materia sit levis, etiam si legislator intendat obligare ad mortale, non erit in eius lege talis obligatio. Nec obstat præceptum impositum primis parentibus, quod de leui materia, qualis est vnus pomi comestio, videtur fuisse, ad mortale peccatum obligasse. Nam cum impositum fuerit vt obedientia hominis ad Deum reluceret, de materia graui fuit; quamuis res præcepta alias levis fuerit. Ex hoc tamen non debent superiores colligere, posse præcipiendo rem leuem, vt obedientia resplendeat, ad mortale obligare, quoties his verbis vti ipsis libuerit: est

D V

enim

enim Prælatiſ data poteſtas in ædificatio-
nem, non ad deſtructionem, & damnum
ſubditorum : eſſet autem maximum nocu-
mentum, ſi Prælatuſ pro ſua voluntate
hiſ verbis vtendo poſſet ſub mortali ad
quæcumque, quantumvis leuiſſima, obliga-
re. Si non eſſet niſi reſ leuiſ in qua reluce-
re poſſet obediencia debita Prælato, id-
que maximè neceſſarium eſſet, in hoc caſu
rariffimo, & forte impoſſibili concedendum
eſſet Prælato poſſe rem leuem, prædicto
modo præcipiendo, ad mortale obligare.

Si deſit etiam legiſlatoriſ voluntas, qua
intendat obligare ad mortale, etiam ſi ma-
teria ſit grauiſ, non erit in lege obligatio ad
mortale. M. Soto lib. 2. de iuſtit. q. 6. ar. 4.
diſcrimen conſtituit inter Eccleſiaſticaſ
poteſtatem, & ciuilem, & ait: *Eccleſiaſtici,
prælati, quia ſpiritualium indices ſunt, poſſunt
leges condere, non modo conſtituendo opera in
ſpecie virtutiſ, & vitii, verum etiam diſcernē-
do inter veniale, & mortale, atque adeo decer-
nendo tranſgreſſionem ſuæ legiſ eſſe mortale cri-
men: ſeculareſ autem principes id nequeunt,
diſſinire, ſcilicet vt ſuæ legiſ ſub culpa veniali
aut mortali ſeruentur, ſed duntaxat conſtituūt
opera in ſpecie virtutiſ aut vitii. An verò tranſ-
greſſio vel omiſſio mortalem labem tranſgreſſori
impingat, ex rerum natura examinandum eſt.*
Sed non video diſcrimen hoc ſubſiſtere,
cum conſtet etiam principes ſeculareſ poſ-
ſe diſſinire, an communiter ſolum, an ſtriçtè
præcipiant, vnde ſicut poſſunt explanare
ſuæ legiſ non obligare ad culpam, vt idem

ARTICVLVS IV. 83

M. Soto paulo inferius dicit, ita possunt decernere illas non obligare ad mortalem culpam, declarare etiam se ad illam velle obligare, quod licet his verbis expressis regulariter non faciant; quandoque tamen id præstant dicendo se velle obligare quantum possunt.

Cognosci autem potest legislatoris intentio ex ipsius expressione, verbo, aut scripto facta, aut ex cõmuni interpretatione. Vnde Caiet. in Sum. verbo *Ieiunii vinculum*, loquens de eo, quo tenemur ad Ecclesiæ ieiunia ait: *Ex communi interpretatione videtur vinculum præcepti obligantis ad mortale.* Et inferius subdit: *Quantum est ex iure scripto, nullum cognosco interuenire mortale peccatum in fractione ieiunii Ecclesiæ.* Quia scilicet intentio legislatoris obligandi ad mortale non constat ex iure scripto, sed ex cõmuni interpretatione.

Materiæ autem grauitas cognosci potest ex necessitate illius in ordine ad finem, ad quem lex aut præceptum ordinatur. Vnde quia vt dicitur 1. ad Timoth. 2. v. 5. *Finis præcepti est charitas*, ideo Caiet. to. 1. opus. tract. 23. quæst. 1. ait illam esse materiam grauem, quæ ad dilectionem Dei, vel proximi necessaria est. Et quia lex ad bonum commune ordinatur, illa erit materia grauis, quæ ad bonum commune Reipublicæ vel communitatis necessaria est, licet secundum se leuis videatur. Vnde in Religionibus præceptum de non ingrediendo vno Monacho in cellam alterius censetur esse

de re graui in ordine ad finem & bonum commune religionis.

Denique ex verbis legis cognosci potest materiæ grauitas . & legislatoris intentio, sicque an lex obliget ad mortale an solum ad veniale. Inter verba simplicia quædam sunt quæ ex vi verbi solum significant statutum ac ordinationem , qualia sunt : *Statuimus , ordinamus , sancimus , decernimus , disponimus .* Alia quæ ex vi verbi significant præceptum, qualia sunt, *Præcipimus, mandamus, iubemus , prohibemus , inhibemus , vetamus, interdiciamus, & his æquivalentia, nempe : Debeant , teneantur , necessario, necesse est , non licet , non potest , & (vt aliqui censent) non oportet.* Inter quæ hæc est differentia: nam priora nullam inducunt obligationem ex vi verbi, quamuis aliquando ex intentione legislatoris illam inducant, quia illis legem ac præceptum intendit statuere. Posteriora verò ex vi verbi obligationem in conscientia inducunt, quamuis aliquando ex voluntate legislatoris illam non inducant , quia vult illis, non legem aut præceptum , sed simplicem ordinationem aut constitutionem nõ obligantem ad culpam statuere . Est tamen difficultas an hæc posteriora verba ex vi verbi importent vim obligatiuam ad culpam mortalem , an solum ad venialem . Caietan. 2. 2. qu. 186. ar. 9. circa responsionem ad 2. ait: *Rationabile videtur , quod ubi in Iure inuenitur vocabulum præcepti , ibi sit obligatio ad mortale, quia in Clementina Exini de paradiſo, præsupponi-*

ARTICVLVS IV. 85

ponitur præcepti vocabulum obligationem esse ad tale præceptum, ita quod hoc non continetur ibi tanquam aliquid peculiare illius regulæ, scilicet Minorum, quæ ibi exponitur: sed tanquam commune quid omnibus supponitur. Nauarrus cap. 23. numer. 51. & seq. id concedendum esse dicit in Iure canonico; non tamen in Iure ciuili, Caietan. tamen neque etiam in Iure canonico esse constans, & necessarium subdit: *Quia ex vi vocabuli præcipere, seu præceptum, licet importet vim obligationem, non tamen ad mortale.* Et ad Clementinâ *Exiui de Paradiso*, De verb. signif. responderi potest: ibi solum supponi verbum præcepti vim obligandi ad mortale habere ex vsu & communi sensu religionis Minorum, ex quo regulam illius exponit: vnde inferius explicat vocabulum *teneantur* in illa regula vim præcepti obtinere, quia communiter Ordo sic sensit. Si verbo præcipimus, adderetur in virtute sanctæ obedienciæ, obligatio esset ad mortales; nam vt vbi supra Caiet. inquit: *Constat quod cum præcipitur aliquid in virtute sanctæ obedienciæ, obligatio est ad mortale: quia compositio horum verborum solita est semper præcepti vim importare ex communi Ecclesiæ vsu.* Idem est cum præcipitur sub obtestatione, vel interminatione diuini iudicii. Idem etiam videtur, cum dicitur strictè præcipimus, aut strictè prohibemus: si hæc præceptum strictè sumptum denotent, cum tale præceptum, vt diximus, ad mortale obliget. Secus est, si solum denotent incrementum præcepti com.

communiter dicti, eiusque strictius vinculum, vt regulariter contingit. Hoc est aduertendum, consuetudinem status & religionis in modo loquendi, ac præcipiendi esse obseruandam, vt sciamus, quæ præcepta ad mortale obligent.

Dicendum est 2. Legem purè poenalem non obligare ad culpam aliquam mortalem, aut venialem, sed ad solam penam: nõ tamen esse purè poenalem omnem, quæ sub hac forma fertur, qui hoc, aut illud fecerit tali poena plectatur. Primam partem conuincit argumentum factum pro prima parte secundæ sententiæ.

Probatur deinde: lex purè poenalis dicitur, quæ nihil prohibet aut iubet, sed solum poenam statuit: sed peccatum, & culpa nequit esse sine præcepto aut prohibitione; ergo lex purè poenalis non obligat ad culpam. Quod verum est etiam si poenam mortis statuatur: nam non eam constituit propter culpam, sed propter causam, vt scilicet fiat quod necessarium est ad commune bonum Reipublicæ: propter causam verò optime potest aliquis puniri sine culpa, iuxta regulam iuris 23: in Sexto: *Sine culpa, nisi subsit causa, non est aliquis puniendus*. Vnde effractores carcerum puniri solent flagellationis poena, aut alia, quauis aliquando non peccent, iuxta ea quæ dicemus 2. 2. q. 69. art. 4. dub. 2. ad 4.

Secundam partem docent M. Soto vbi supra, & Syluest. in Sum. verbo *Incedia*, vbi circa finem refert, distinctionem quam

ARTICVLVS IV. 87

quam constituebat Hen de Gan. quodlib. 3. q. 22. inter legem latam sub hac forma. *Statuimus ne fiat tale aliquid, & qui fecerit soluat decem*: & sub hac alia: *Statuimus, quod qui sic fecerit, sic soluat*. & inquit: *Ista distinctio est verbalis, & puerilis, quia nullus apponit pœnam statuto, nisi qui vult aliquid fieri, vel omitti.*

Probatur deinde, nam Leuit. 20. multæ sub prædicta forma leges ponuntur, præsertim hæc v. 18. *Qui coierit cum muliere in fluxu menstruo &c interficiantur ambo.* At leges illæ non erant purè pœnales, cum de illis dicatur v. 8. *Custodite præcepta mea*, leges autem purè pœnales præcepta non sint; ergo nec leges humanæ quæ sub illa forma feruntur.

Denique probatur, si lex humana diceret, qui hoc, aut illud fecerit, pœnam excommunicationis latæ sententiæ incurrat ipso facto, non esset purè pœnalis, sed idem est de aliis quæ sub prædicta forma feruntur, appositione namque pœnæ præceptum, aut prohibitio sufficienter exprimitur, quâuis desit verbum præcipio, vel prohibeo, sicut & cum tale verbum ponitur, maior præcipiendi aut prohibendi voluntas denotatur; & non est maior ratio cur illis simpliciter constituatur, & non præcipiatur aliquid; ergo &c.

Dixi non omnem legem, quæ sub illa forma fertur, esse purè pœnalem, aliquam enim talem esse posse manifestum est, si desit intentio præcipiendi, aut obligandi ad cal;

culpam, qua deficiente etiam si sub alia forma quacumque feratur lex pœnam apponens, erit purè pœnalis. Vndè lex non ideo est purè pœnalis quia sub illa forma fertur, sed quia ex voluntate legislatoris solum pœnam statuit, non præcipiendo aut prohibendo quod agendum vel non agendum est, pro quo pœna imponitur, sed solum illud ordinando aut constituendo. In casu dubii ac legislator voluerit præcipere, & ad culpam obligare, satis probabile est quod ait Nauarrus ubi supra, iudicandum esse legem sub quacumque forma feratur, esse purè pœnalem: quia in dubiis melior est conditio possidentis suam libertatem ab obligatione ad culpam.

Dicendum est 3. Legem mixtam, quæ scilicet aliquid præcipit aut prohibet, & simul pœnam apponit ad culpam mortalem aut venialem obligare. Probant hoc argumenta tertiæ sententiæ, & quo probauimus primam partem nostræ primæ conclusionis, & patet: nam de intrinseca ratione præcepti est obligare ad culpam; ad mortalem quidem, si sit propriè & strictè præceptum, ad veniale verò, si solum sit præceptum communiter, vt constat ex dictis conclus. 1. ergo cum lex mixta præceptum contineat, alias purè pœnalis esset, ad culpam obligat. Quæ autem obliget ad culpam mortalem, præter ea quæ diximus de lege non pœnali, ex pœna apposita colligendum est.

Ante omnia certum est legem quæ præcipit

ARTICVLVS IV. 89

capit aliquid sub pœna excômmunicationis latæ sententiæ ad mortale obligare. Idem est de lege apponente pœnam maledictionis æternæ, vel indignationis omnipotentis Dei, vt ait Syluester verbo *Præceptum*, n. 3. & docent communiter Theologi.

De lege qua præcipitur aliquid sub pœna excommunicationis maioris non latæ, sed ferendæ sententiæ, quidam ad mortale obligare affirmant alii negant. Mihi satis probabile videtur quod Caietanus in Summ. verbo: *Præcepti transgressio*, dicit: *Transgressor præcepti sub comminata pœna non peccat mortaliter, quousque transgressio non peruenierit ad hoc quod ille dignus sit excommunicari.* Et Paulo Post: *Non peccat mortaliter quousque monitus perseueres tunc enim utpote excommunicatione dignus peccat mortaliter.* Nec obstat quod aliqui dicunt iudicem nulla alia monitione præmissa posse statim excômmunicare transgressorem prædictæ legis. Nam ad hoc respondet Caietan. verbo *Clericorû peccata*, dicens: *Quicquid sit de rigore iuris, æquitatis, tamen ratio habet, ut non sit excommunicandus, nisi præmonitus à Iudice suo.* Imò præmittendam esse monitionem colligitur ex Cap. *Sacro*, De sent. excommunicat., & Cap. *reprehensibilis*. De appellationibus. Hanc sententiam tenent alii discipuli Diui Thomæ recentiores; iuxta quam existimant excusandos esse à peccato mortali Ecclesiasticos, qui agitationibus taurorum expectandis interfunt contra prohibitionem sub pœna excommuni-

ca-

cationis ferendæ, quam edidit Pius V. & confirmavit Greg. XIII. & postea Clemens VIII. ad solos religiosos restrinxit. Nec obstat quod quidam dicunt, Sixtum V. in rescripto ad Episcopum Salmanticensem declarasse Clericos assistentes spectaculis agitationis taurorum peccare mortaliter, quamvis non incurrant ipso facto excommunicationem. Nam non constat de tali rescripto, & declaratione. Intelligi etiam posset, post monitionem generaliter, vel specialiter præmissam.

De aliis pœnis Ecclesiasticis suspensionis, interdicti, irregularitatis depositionis, &c. cum sint minores excommunicatione maiori, & aut sine peccato mortali incurrî possint, aut monitionem exigant, ut nisi in contumacem ferantur, à fortiori dicendum videtur, quod sub illis præcipitur, non obligare ad mortale, quod & expressè docet Caiet. 2. 2. q. 186. ar. 9. circa respon- sionem ad secundum, & in Summ verbo: *Præcepti transgressio*, & verbo *Clericorum pec- cata*. Quem sequuntur Nauarrus cap. 23. num. 51. & alii. Quamvis Sylvester verbo *Præceptum*. num. 3 & alii oppositum teneât. Nec obstat Sacram Congregationem Cardinalium declarasse Decretum ab ipsa editum, quo prohibetur regularibus accedere ad monasteria regularium sub pœna priuationis officii, & vocis actiuæ, ac passiuæ obligare ad mortale. Nam præter dicta supra quæst. 90. art. 4. respondetur, quod hic dicimus intelligendum esse, nisi alias constet voluna

ARTICVLVS IV. 91

voluntatem præcipientis esse obligare ad mortale .

De lege mixta imponente pœnam mortis obligare ad mortale negant Auctores primæ sententiæ ; illud tamen affirmant Auctores tertiæ, & Caietanus hic dicens: *Lex humana est præceptiua & obligatiua ad peccatum mortale : ut manifeste patet, cum præcipitur aliquid sub pœna excommunicationis lætæ sententiæ, vel sub pœna capitis . Immo & Diuus Thomas 2. 2. quæstion. 13. art. 2. in argum. . Sed contra, id significat probans blasphemiam esse peccatum mortale .* quia *Leuit. 24. pro illa, pœna mortis imponitur . Cum enim statim, ac legitime constiterit de transgressione legis imponentis pœnam capitis, possit Iudex sententiam mortis in transgressorem ferre : & non sit necessarium, vt monitio præmittatur, sicut præmitti debet, vt feratur sententia excommunicationis in eum, qui transgressus est legem aliquid præcipientem sub pœna excommunicationis facendæ . videtur non posse excusari, transgressorem à peccato mortali, cum per talem transgressionem, quin monitio aliqua præmittatur, fiat dignus morte . Confirmatur : in tali lege pœna mortis imponitur propter culpam : at non esset iusta lex, si tam grauem pœnam imposeret pro leui, & veniali culpa, pro qua sine monitione præmissa puniri posset transgressor; ergo lethalem esse transgressionem eius asserendum est . Idem dicendum est de transgressio-*

ne

92 *QVÆSTIO* XCVI.

ne legis imponentis pœnam amissionis magnorum bonorum, qualis est pœna mutilationis, exilij, publicationis omnium bonorum, infamiz, & flagelationis.

De alijs pœnis non ita grauibz existimo, non inducere obligatione in legibus illas imponentibus ad mortalem culpam; sicque an ad mortalem culpam obligent, discernendum esse ex ipsis legibus, si absq; talibus pœnis essent constitutz. Si enim constitutz absque huiusmodi pœnis non obligarent ad mortale, neque his pœnis appositis ad mortale obligant. Si verò constitutz absque his pœnis ad mortale obligarent, his pœnis appositis etiam obligant ad mortale: nam pœnz legibus appositæ non auferunt eius obligationem; sed eam potius augent, cum denotent efficaciorē ac strictiorē prohibitionem, & maiorem prohibendi voluntatem. Vnde cum leges tributorum nulla pœna apposita obligent ad mortale, quia iusta tributa debita sunt principibus ex iustitia, & leges humanæ iusta tributa decernunt: sicut leges prætia rerum inpotentes obligant ad mortale, quia ex iustitia res quæ vèduntur debent vendi iusto pretio, & leges humanæ iusta pretia constituunt; etiam si talibus legibus pœna apponatur, hæc illarum obligationem non aufert, sed potius auget; sicque earum transgressio, & inobedientia materialis peccatum mortale est ex suo genere. Vide quæ dicemus 2.2. quæst. 62. art. 3.

Ad

ARTICVLVS IV 93

Ad 1. verò primę sententię respon-
detur negando minorem . Ad 1. proba-
tionem dico , legiflatorem poffe obligare
ad culpam, non folum expreffè dicendo fe
velle ad culpam obligare, fed etiam ali-
quid præcipiendo etiam fi de culpa nihil
cogitet ; ad præceptum enim ex natura
rei fequitur obligatio ad culpam, per hocq.
diftinguitur à confilio, & à fimplici ordina-
tione, vel ftatuto; eo autem ipfo ac legisla-
tor vult condere legem mixtam, vult ali-
quid præcipere, ac per confequens obliga-
re ad culpam, aliàs enim non mixtam, fed
purè pœnalem legem condere vellet. Vn-
de ficut licet homo quilibet poffit fe obli-
gare ad aliquid faciendum fub mortali &
fub pœna temporali, vt quando vouet, aut
iurat aliquid facere fub pœna aliquid
foluendi , etiam fi non dicat expreffè
velle fe ad culpam obligare , ad illam fe
obligat , quia obligatio ad culpam ex na-
tura rei fequitur ad votum , & iuramentũ ,
ita & in noftro cafu : nam obligatio ad cul-
pam ex natura rei fequitur; ad præceptum
communiter quidem fumptum, obligatio
ad culpam venialem ; ftriçtè vero acce-
ptum, obligatio ad mortalem culpam . An
vero lex præcipiat præcepto communiter
fumto vel ftriçtè accepto, ex his quæ di-
ximus concludi 1. & 3. cognofci poterit .
Legiflatorem autem noluiſſe præcipere, &
ad culpam obligare, fed folum fimpliciter
ordinare ac ftatuere , etiam fi verbis præ-
cepti vtatur , ficque legem purè pœna-
lem

lem condere, ex sola eius mente constare potest iuxta dicta conclus. 2. quam mentem non denotat appositio poenæ temporalis in lege, alias enim omnis iex apponens poenam temporalem purè poenalis esset, & nulla esset mixta.

Ad 2. probationem dico, parum referre an legiflatores fuerint gentiles, vel christiani, & an de culpa, & poena æterna expresse cogitauerint. vel non; vt enim ad illam obligarent, satis est voluisse aliquid præcipere, & non solum simpliciter ordinare vel statuere: nam ad præceptum ex natura rei sequitur obligatio ad culpam, quæ si mortalis sit, reatum poenæ æternæ inducit, vt ait D. Thom. supra quæst. 87. artic. 5.

Ad 2. respondetur ex dictis conclus. 2. Syluester enim & alij non asserunt inter legem mixtam, & pure poenalem nullam esse differentiam realem, sed solum hanc non esse inter legem latam sub illis formis assignatis ab Henrico de Gandauo, & ab auctoribus secundæ sententiæ à nobis hic relatæ: nam sub vtraq. forma lata, est mixta, nisi constet legiflatorem noluisse aliquid præcipere, & ad culpam obligare. Auctores autem, secundæ sententiæ, quia putant legem sub vna ex illis formis latam, esse poenalem purè, ideo dicunt non obligare ad culpam; de mixta autem, si talem reuera esse constet, nec Syluester, nec Auctores secundæ sententiæ ad culpam non obligare dicunt. Ad confirmationem res-

pon-

ARTICVLVS III. 95

pondetur negando talem consuetudinem, cum oppositum doceant plerique Doctores.

Ad 3. respondetur : eo ipso, ac constat legislatorem legem aliquid præcipientem condidisse, constare illam ad culpam obligare : nam talis obligatio est de intrinseca ratione legis, & præcepti, & non est in potestate legislatoris, vt lex, & præceptum eius, si permanet, non obliget ad culpam, sicut nec est in potestate vouentis, vt votum illum non obliget ad peccatum. Ad confirmationem dico, legislatoribus illud persuadendum esse, & quod D. Tho. infra quæst. 107. art. 4. docet cum Sanct. Aug. ob oculos ponendum : *Moderationem esse attendendam* (in legibus scilicet ferendis) *ne conuersatio fidelium onerosa reddatur* Ex iam latis vero non sunt ita multæ leges obligantes ad mortale, cum huiusmodi non sint omnes poenam temporalem, quamcunque imponentes, sed solum imponentes poenas grauissimas, vt diximus conclus. 3.

Ad argumenta 2. & 3. sententiæ non opus est respondere, nam vel probant 2. vel 3. conclus. nostram.

Ad 1. quartæ sententiæ respondetur ex voluntate legislatoris pendere non solum præcipere, vel non præcipere, sed etiam præcipere, vel non præcipere præcepto strictè sumpto; sicque sicut posito præcepto communiter sumpto, potest illud auferre
legis

legislator, & facere vt non sit vetè præceptum, sed simplex ordinatio non obligans ad culpam: ita posito præcepto strictè accepto, potest illud auferre & facere vt non sit præceptum strictè sumptum obligans ad mortale, sed solum præceptum communiter acceptum obligans dumtaxat ad veniale. His tamen manentibus non potest legislator ab eis auferre obligationem ad veniale, vel mortale, quæ ex eorum natura sequitur. Alij respondent, obligationem radicaliter esse ex lege naturali, sed immediate à voluntate humana; sicq. hanc posse quantitatem obligationis moderari. Sed hoc impossibile esse existimo nisi præceptū auferendo, ex cuius natura sequitur obligatio ad talem, vel talem culpam,

Ad 2. respondetur negando consequentiam: nam ad obligandum ad mortale vtrumque requiritur, grauitas scilicet materiæ & intentio præcipientis: ad obligandum vero sub veniali solum, non necessario requiritur materiæ paruitas, sed sufficit defectus vel grauitatis materiæ, vel intentionis obligandi ad mortale: sicut ad producendum solum calorem minorem sufficit, vel materiam non esse capacem maioris, vel quamuis capax sit, non esse in agente virtutem ad producendum maiorem.

Ad 3. respondetur negando consequentiam: nam votum & iuramentum ex natura sua & per se obligat ad mortale; non tamen omne præceptum, sed solum
stri-

strictè sumptum, quo non est in potestate præcipientis obligare solum ad veniale, si materia sit grauis.

Dubium 3. An leges pœnales obligent in foro conscientie ad pœnam ante iudicis sententiam,

TRes sunt de hac re præcipuæ Doctorum sententiæ. Prima est, omnes leges pœnales (nisi explicent sententiam ferendam, & tantum sint monitoriæ) obligare in foro conscientie ante iudicis sententiam. Hanc tenent Castro libro 2. de lege pœnali cap. 5. & seq. & lib. 1. de iusta hæret punit. cap. 6. & quamplures ex recentioribus.

Probant 1. Quia plures sunt leges pœnales, quæ vtuntur his verbis *Ipsa facto*, vel *Ipsa iure*, vel *Eo ipso*, aut similibus, et patet ex Cap. *Cum secundum leges*, De hæret. lib. 6. ex Cap. *Pro humani*, De homicidio in eodem Sexto, & Cap. *Licet* De electione etiam in Sexto, & ex Extrauagante *Ambrosio*, De rebus Ecclesiæ non alienandis, ubi additur: *Absque ulla declaratione*: sed hæc leges ante iudicis sententiam obligant in foro conscientie ad pœnam, alias frustra verbis illis vrerentur; ergo &c.

Secundo, nam in Concil. Later. sub Leone X. lata est lex contra clericos, qui non recitant Horas Canonicas. quibus imponitur pœna restitutionis omnium fructuum

E j pro

pro rata diei & horę : sed hæc lex obligat ad talem pœnam soluendam ante iudicis sententiam; ergo &c. Confirmatur 1. quia inter leges Castellę inueniuntur aliquę, quę ministris iustitię prohibent accipere munera sub pœna solutionis quadrupli in conscientie ante iudicis sententiam, Confirmatur 2. præcepto superioris possunt subditi ante vllam sententiam obligari ad aliquid faciendum ; ergo & ad exequendum in se ipsis aliquam pœnam.

Tertio, Ecclesia potest statuere impedimenta, quę ipso facto ante sententiam iudicis dirimant matrimonium, vt diffinitur in Concil. Trid. Sess. 24. Can. 3. & 4. sed quædam illorum sunt pœna in priuatione facultatis liberę ad contrahendum consistentes, vt patet in impedimento orto ex crimine homicidij, vel adulterii ; ergo &c. Confirmatur 1. Ecclesia ob iustam causam potest rescindere contractus & reddere personas inhabiles ad contrahendum, idęq. potest lex ciuilis ; ergo potest eandem inhabilitatem inducere in pœnam criminis. Confirmatur 2. leges sæpe aliqua præcipiunt, aut prohibent sub pœna priuationis vocis actiue & passiue ipso facto incurrenda: sed tunc talis pœna statim post transgressionem ante iudicis sententiam incurritur ; ergo &c.

Secunda sententia est, nullam legem pœnalem (exceptis illis quę aliquid præcipiunt, aut prohibent sub pœna excommunicationis latę sententię, vel suspensionis,

ARTICVLVS IV. 99

nīs, aut interdicti aut irregularitatis) quantumvis dicat *ipso facto*, vel *ipso iure*, vel quid simile, non obligare ad poenam ante sententiam latam à iudice. Hanc tenent M. Soto lib. 1 de iustitia quæst. 6. art. 6. & alij.

Probant 1. quantumvis lex poenam comminetur, etiam si dicat, *ipso iure*, vel *ipso facto* vel *eo ipso*, æquissimum tamen naturæ ius illesum seruat: at non seruaret, si in foro conscientiæ obligaret ad poenam ante iudicis sententiam; ergo &c. Minor probatur, quia ius naturæ est, ut delinquens audiatur, unde Greg. Cap. *Suscepis* De causa possess. & propriet. ait. *Nos contra inauditam partem nihil possumus diffinire.* Item ut condemnnetur, aut puniatur nisi confessus, vel conuictus 2, q. 1. Can. 1 2. 3. 4. & 18. & 15 quæst. 3. Cap. *Presbyter*, & Cap. *Inter quatuor*, De maiorit. & obedient. Natura etiam abhorret, ut idem sit agens & patiens, reus & iudex: at si lex poenalis ante iudicis sententiam obligaret ad poenam inauditum, & non confessum, nec conuictum ad talem poenam cōdemnaret delinquentē, illumq. tali poena puniret, illeque non solum esset patiens, sed etiam agens & excusator suæ poenæ, & non solum reus, sed etiam sui ipsius iudex, qui se ipsa condemnaret toto rigore iuris, ac proinde maiori quam per sententiam alius iudex ipsum condemnaret; cum hic posset cum eo misericorditer agere, ut colligitur ex Cap. *Urgentis*, De hereticis; ergo &c.

F ij Con-

Confirmatur, si quando quis transgreditur legem, legislator ipse adesset, quantumvis ipsi evidens esset talis transgressio, nisi ipsi per instrumenta, & testes constaret; non posset licite transgressorem condemnare, & punire, ipsique poenam infligere per se ipsum, aut per ministrum, ergo neque lex ipsa ab eo condita id poterit efficere, obligareque delinquentem, ut ipse sibi poenam inferat: lex enim vim obligandi habet a legislatore, & cum ipsa sit regula inanimis, legislator, vel iudex iustum animatum appellatur ab Arist. 5. Ethic.

Secundò, Leges humanæ debent esse tolerabiles, & ad hominum imbecillitatem accommodatæ, quas etiam illi, qui non sunt adeo virtute progressi ferre possint: sed non essent huiusmodi, si obligaret in foro conscientiae ad poenam ante iudicis sententiam; hoc enim vix unus de mille observabit, ergo &c. Confirmatur, nam sæpe legis transgressor se ipsum prodere cogitur, aliter enim non posset poenam implere, si teneretur verbi gratia aliquid iusculo solvere; sed hoc est intollerabile, & contra illam Chrysosth sententiam, *Non dico ut te prodas*; ergo &c.

Tertiò, Leges humanæ propter crimen hæresis (& idem est de crimine læsæ Maiestatis) decernunt poenam confiscationis omnium bonorum ipso iure, aut facto, ut patet ex Cap. *Cum secundum leges*, De hæreticis in Sexto, & Cap. *Argentis*, De hæreticis; sed non obligant ad hanc poenam

in

in foro conscientie ante iudicis sententiam, ut ex eisdem capitibus colligitur. ergo idem erit de alijs alias poenas apponentibus: cur enim contra hæreticos lex posita non obligabit illos ante sententiam bona sua fisco tradere; & lex contra defraudantes tributa obligabit illos merces suas, quæ possunt esse magni pretii, offerre? hæc enim, sicut & illa non solum difficilis, sed moraliter impossibilis esset obseruatu & nihil aliud quam laqueum conscientijs iniiceret, nam nec inueniatur, qui propter solam huius legis obedientiam merces suas deferat: non esset etiam minus crudelis, & rigida, cum potius sine tanta grauitate culparum, seu rioris poenam delinquentem à se ipso pati decerneret: & denique non minus compelleretur reus proprium crimen manifestare.

Tertia sententia est, legem poenalem, quæ statuit poenam, ad cuius executionem requiritur aliqua actio etiam si dicat *ipso facto*, non obligare reum ad illam ante iudicis sententiam; bene tamen eam, quæ statuit poenam, cuius executio nullam actionem requirit. Hanc tenent Caiet. 2. 2. q. 61. art. 3. & alii.

Probat Caietan. actio requisita ad executionem poenæ est propria iudicis, ergo ante iudicis sententiam non obligat lex ad poenam, cuius executio aliquam actionem requirit; bene verò ad eam, ad cuius executionem nulla actio requiritur. Antecedens probat *Quia aut ad illud agere tenetur reus, aut iudex.*

E iij Non

Non reus : quia non tenetur ex lege nisi ab poena autem consistit in pati , non in agere : ergo tenetur iudex. Confirmatur , actio quae requiritur ad poenae executionem , licet sit poenae inflictio ; non tamen est poena. alias cum iudex poenam infert , poenam ipse pateretur ; ergo cum lex poenalis solum obliget reum ad poenam. non obligat illum, ut sibi ipsi poenam infligat, & contra se ipsum agat, sed ut poenam patiatur à iudice per se , vel per alium eam infligente , si vero poena non exigit agere , aut iudicis actionem, ad illam lex obligare poterit ante iudicis sententiam sequentibus conclusionibus explico.

Dicendum est 1. Nullam legem poenalem posse obligare in foro conscientiae ante condemnationem & sententiam iudicis ad ullam poenam , cuius executio requirit aliquam actionem, etiam si dicat *Ipsa facto*, aut aliud simile . De poenis mortis, aut mutilationis alicuius membri , vel alicuius magni cruciatus id fatentur omnes , cum nec per sententiam possit iudex aliquem cogere ut eas sibi inferat . De poena confiscationis omnium bonorum id concedunt multi etiam ex Auctoribus primae sententiae . De quacumque alia poena id docent Auctores tam secundae quam tertiae sententiae.

Probaturque 1. Ex D. Thom. 2. 2 q. 62^o artic 3. ubi sic habet: *Quantum ad culpam adhibetur remedium per poenam , cuius inflictio pertinet ad iudicem . Et ideo antequam sit condemnatus.*

ARTICVLVS IV. 103

damnamus per iudicem, non tenetur restituere plusquam accepit. Sed postquam condemnatus est, tenetur pœnam solvere. Ergo cum ad iudicem pertineat inflictio quantumcumque pœnarum, non tenebitur reus pœnam aliquam prædictam soluere, antequam sit condemnatus per iudicem.

Secundò probatur argumento facto pro tertia sententia. Quod confirmatur, reus, vt reus solum tenetur pœnam pati: si quando verò cogitur pœnam sibi inferre, non vt reus, sed vt minister iudicis ad id obligatur; ergo cum ante sententiam nullus sit, cuius possit esse minister, alias posset iudex principaliter pœnam infligere, non poterit reus ad illam sibi infligendam obligari.

Tertiò probatur argumentis 2. sententię, præsertim tertio. Quod confirmatur, nam saltem sequeretur, nec posse rerum lege sola obligari ad pœnam solutionis quadrupli: tantum enim posset quis furari, aut munerum accipere, vt si quadruplum soluere lege humana cogeretur, omnibus suis bonis priuaretur, imo nec sufficerent ad pœnę solutionem. Quis autem dicat, eum qui furatus esset vnā ouem v. g. obligari ad restituendum quatuor, & eum, qui furatus fuerit mille ad nullam restituendam in pœnam commissi criminis obligari? Si dicas hunc teneri, si non ad soluendum omnem pœnam, nam confiscationi æquualet, saltem ad soluendum aliquid quod commodè posset. Contra hoc est, nam eodem modo ille, qui commisit crimen,

E IV cui

cui pœna confiscationis omnium bonorū à lege constituta est, teneretur ad tradendum fisco, si non omnia bona sua; saltem aliqua, quæ commode posset: at nullus dicit istum ad hoc obligari; ergo, &c. Certe nec Deus legem illam Exodi 22. vers. 1. *Si quis furatus fuerit bovem, aut ovem, &c. quinque boves pro uno bove restituat, & quatuor oves pro una ove*, cum tanto rigore obligare voluit. Nam ut ait D. Thom. 2. 2. qu. 62. art. 3. ad 1. *Lex illa determinativa est pœne per iudicem infligende, &c. Potest tamen idem, vel simile statui in lege humana: de qua erit eadem ratio.*

Dicendum est 2. Probabilius esse legem pœnalem posse obligare in foro conscientie ante sententiam iudicis ad quantumcumque pœnam, cuius executio nullam actionem requirit; si tamen dicat *Ipsa facta*, aut aliud æquivalens: oppositum verò probabile esse. Primam partem docent Auctores tertiæ sententiæ, Sylvester etiam verbo *Assinus*, quæst. 1. ubi de regula illa generali Archidiaconi, & Ioan. Andr. *Omnia iura mundi, quæ dicunt pœnam imponi ipso iure, vel ipse facto, debent intelligi dummodo sequuta sit sententia declaratoria, &c.* Inquit: *Fallit in pœnis secum trahentibus executionem, ut excommunicatio, & huiusmodi, quæ non requirunt ad executionem factum hominis.*

Probatur, leges quæ imponunt pœnas excommunicationis, suspensionis, interdicti, & irregularitatis, possunt obligare ad illas

illas ante iudicis sententiam; vt etiam cōcedunt Auctores secundę sententię; ergo & imponentes quascunque alias pœnas, quę ad executionem nullam requirunt actionem. Respondet M. Soto negando consequentiam: nam prænominatę pœnę priuant hominem bonis cōmunibus, quorum Ecclesia est dispensatrix; alię vero pœnę hominem priuant bonis suis proprijs, quę iure particulari possidet; sicque has inducere non potest Ecclesia absque cognitione causę, & iudicis sententia, illas verò etiam. Hoc tamen impugnant Auctores tam tertię, quam primę sententię. Tum quia excommunicatio non tantum aufert bona communia, sed etiam propria, nempe vocem eligendi, & capacitatem electionis. Tum etiam, quia si potest quis per legem plecti pœna, quę excludat eum à bonis communibus ad quorum participationem ius habet, & quo sine culpa expoliari non potest, quare etiam non poterat ab aliquo bono proprio, si iustitia causę id exigat, excludi? Bona enim communia, & propria solum differunt, quod propria ita sunt vnius, vt non alterius, communia autē plurium sunt, sed licet sint cōmunia sunt aliena, & vere sunt illius, à quo in pœnam auferuntur, & grauius damnum esse potest communibus bonis, quam proprijs spoliari.

Eandē conclusionis partem probat tertium argumentum primę sententię cum suis confirmationibus.

Dixi, si dicat *ipso facto*, aut aliud æquiu-
 lens: si enim solum dicat præcipere aliquid
 sub tali poena, vel sub interminatione, aut
 interpositione talis poenæ, etiam si sit poe-
 na excommunicationis, non statim talis poe-
 na incurritur, sicut nec si dicat, excommu-
 nicetur, priuetur, vel excommunicabitur
 priuabitur, qui tale fecerit; nam tunc so-
 lum poena ferenda imponeretur in lege.
 Si tamen lex utatur verbis: *ipso facto*, *ipso*
iure, *eo ipso*, poenam latam, quæ statim in-
 curritur præfigit. Quod & à fortiori asse-
 rendum est, si lex clarioribus verbis utatur,
Absque ulla declaratione. Ante sententiam,
In conscientia, vel similibus. Et idem est
 si lex dicat, sit excommunicatus, sit priua-
 tus, vel excommunicamus, priuamus, vel
 subiaceat, incidat, incurrat.

Dixi etiam posse, & non semper de fa-
 cto obligare, quia potest aliter disponi in
 iure communi, aut particulari, ut in no-
 stri Ordinis Prædicatorum Constitutioni-
 bus disponitur, in quarum prologo dicitur:
Pœnis tamen absolutionis ab officio, priuationis
vocis actiua, vel passiva, grauioris culpe, & alijs
maioribus (quantumcumque tam in constitu-
tionibus, quam extra ipso facto sint incurrende)
nisi sit poena excommunicationis late senten-
tia, nullus sit subiectus, nisi superueniat decla-
ratio Prælati in particulari respectu huius quan-
tumcumque etiam notorium facti, vel iuris, aut
utriusque interueniat. Nisi tamen aliter in
 iure sit dispositum, non solum possunt, sed
 etiam de facto obligant prædictæ leges
 ad

ad pœnam prædictam.

Secundam partem conclusionis tenent etiam quam plures ex recentioribus, illique fauet regula generalis Archid. & Ioan. Andr. relata in 1. parte conclus. illam etiam probant argumenta tertiæ sententiæ: nam etiam procedunt de legibus imponentibus pœnam, cuius executio non requirit aliquam actionem.

Probatur etiam, nam leges quam plurimum Vniuersitatum præsertim Salmanticensis expressè dicunt, ambitores, seu subornatores ipso facto priuari voce eligendi: at non obligare ad pœnam illam ante cōdemnationem, non solum asserit M. Soto vbi supra ad 4. sed etiam quam plures alij, qui sua opera in lucem ædiderunt, & ex Doctorib. earundem Academicarum omnes id saltem probabile esse putant; ergo, &c. Subdit etiam M. Soto loco proxime citato: *Atque idem censeo de alijs electoribus in Ecclesijs, & collegijs. Et præter rationes supra declaratas est hic alia particularis, quod aliqui vix ulla esset tuta electio, quod perniciosissimum esset Reipublicæ.*

Neque differentia, quam sapientissimus Magister constituit inter pœnas excommunicationis, suspensionis &c. & alias quæ priuant hominem bonis proprijs, quâuis impugnata sit in 1. parte conclusionis, fundamento caret. Etenim sicut superior distribuens bona communia inter ciues Reipublicæ, potest aliquem in pœnam aliquis delicti priuare illis absque cognitio-

ne causæ, & sententia; sine qua tamen nequit illum priuare bonis, quæ vt propria possidet: & sicut Prelatus regularis absque sententia potest ob aliquam culpam negare subdito licentiam, & dispensationem; quæ inter bona communia computantur, non tamen potest illum priuare sine sententia voce actiua, & passiuæ: ita & prædictæ poenæ, quæ sunt priuationes bonorum priorum incurri nequeunt absque cognitione causæ, & sententia; possunt tamen quæ sunt priuationes bonorum communium, qualis est excommunicatio. Et quauis hæc etiam priuet voce actiua, & passiuæ; hoc tamen est secundario, & consequenter, quia est priuatio communionis fidelium, cum qua nequit esse vox actiua, & passiuæ. Doctrina autem M. Soto intelligenda est de poenis, quæ primo per se, & immediatè priuant bonis proprijs.

Ad argumenta autem 1. sent. respondeatur. Ad 1. negando minorem; ex quo non sequitur leges illas frustra vti illis verbis *ipso facto*, &c. nam vt ait M. Soto vbi sup. conclus. 3. quando lex poenam decernit ipso facto, non est necessarium, vt sententia iudicis feratur super poenam, sed super crimen, hicque est legitimus sensus *Verbi ipso facto*, scilicet *ipso facto per sententiam prodito*. Subditque con. 4. *facto hoc modo prodito*, condemnationem retro agi vsque ad idem, & articulum commissi criminis. Idem est si lex dicat *ipso iure*: non enim denotat poenam esse soluendam ante sententiam, sed

ipso

ipso iure, idest legis dispositione, & præcepto, sicque pœnam illam esse à lege taxatam, non arbitrariam; ac proinde à iudice immutari non posse, sed teneri eam exequi. An verò sufficiat sententia criminis declaratoria, vel requiratur sententia condemnatoria ad talem pœnam a iure diffinitam, disceptatio est inter Doctores. M. Soto ubi sup ad 7, ait: *Hanc esse differentiam inter leges monitorias, atque alias, quæ dicunt ipso facto: quod qui contra priores inobediens est, non solum declarandus est facto deliquisse, verum, & ad pœnam condemnandus: cum autem quis in alteras secundi ordinis impigerit, satis est, si condemnesur illas fuisse transgressum; tunc enim absque vlla alia sententia explicatione pœna censetur addictus.* Alij etiam tunc non sufficere sententiam declarantem crimen docent, sed requiri sententiam condemnantem ad pœnam.

Ad 2. respondetur, legem illam non esse pœnalem, sed declaratoriam obligationis, qua quis tenetur ad restituendos fructus receptos ex iure ipso naturali: sunt enim tales fructus, iustum stipendium pro officio recitandi Horas Canonicas: illos enim, qui respondent alijs ministerijs, non esse restituendos dicemus 2. 2. q. 83. ar. 12. dub. 4. Et quamvis ij quoque restituendi essent, ut quidam volunt, non esset lex illa pœnalis, sed inhabilitans ad tales fructus, suos, faciendum. Sed de hoc loco proximè cit. Ad 1. confirmationem dico, leges illas postea fuisse correctas, sublatiis particulis, ante senten-

rentiam, & in conscientia, quasi qui illas tulerunt, modum suę facultatis excessissent. Respondet etiam M. Soto vbi sup Reges cum sua libera volutate ministros eligant, ac de suo ærario stipendia illis decernant, suoque mandato illis iura solvantur, posse tali conditione illos eligere, vt in conscientia obligentur pœnas suorum delictorum pendere: & ideo si conditionem voluerint accipere, tenentur implere. Atq; ob eam causam iure iurando astringuntur, quia alias lex per se illos non poterat cogere ad pœnam ante condemnationem. Ad 2. confirmationem neganda est consequentia: ad pœnæ enim inflictionem requiritur cognitio causæ. Vnde sicut superior non potest ante sententiam per se, aut per ministrum pœnam infligere: ita nec præcipere reo, vt eam sibi infligat: nam hoc, vt minister superioris facere deberet.

Ad 3. quatenus est contra 2. par. 2. con. respondetur negando minorem, diuersa enim est ratio pœnæ, & impediementi, & quamuis aliquibus impediementis crimina aliqua quasi materialiter puniantur, Ecclesia tamen non statuit illa formaliter, vt pœnas propriè, sed vt impediementa, & inhabilitates quasdam, alias enim ignorantia ab eis causaret, cum excuset à pœna, vt diximus supra q 75. ar. 2. dub. 2. vnde eodem modo illa statuit quo alia, quibus non puniuntur peccata.

Ad 1. confirmationem respondetur, posse quidem Ecclesiam inhabilitatem ad cōtra-

tra-

ARTICVLVS IV. III

trahendum in pœnam criminis inducere, prohibendo scilicet aliquid sub pœna inhabilitatis ad contrahendum: tunc tamen non statim ante condemnationem incurreretur talis pœna, etiam si adderetur, ipso facto: nam quis sit huius verbi sensus explicuimus in solutione primi. Ad 2. confirmationem patet ex 2. parte 2. conclus. negandam esse minorem.

Dubium 4. An leges humana iniuste, obligent aliquando in foro conscientie.

P Ars negans probatur: leges iniuste non sunt leges, ergo nunquam obligant in foro conscientie, etiam ob vitandum scandalum, & turbationem: nam hoc non tribuit legi iniuste rationem legis.

Dicendum tamen est 1. Leges humanas iniustas per contrarietatem ad bonum diuinum nunquam esse licitum obseruare. Docet hoc D. Thom. hic & probat ex illo Act. 5. v. 20. *Obedire oportet Deo magis, quam hominibus.* Vnde leges tyrannorum inducentes ad idolatriam, vel ad quodcumque aliud contra legem diuinam, nullo modo licet obseruare.

Dicendum est 2. Leges humanas iniustas per contrarietatem ad bonum humanum, quamuis de se non obligent in foro conscientie, obligare tamen aliquando ob vitandum scandalum, vel turbationem. Doce:
hoc

hoc expresse D. T. hic ubi de his legibus loquens ait: *Tales leges non obligant in foro conscientiae, nisi forte propter vitandum scandalum, vel turbationem.* Aduertit autem S. Doctor ex triplici capite leges humanas esse iniustas per contrarietatem ad bonum humanum, nempe: *Vel ex fine, sicut cum aliquis praesulens leges imponit onerosas subditis, non pertinentes ad utilitatem communem, sed magis ad propriam cupiditatem, vel gloriam. Vel ex auctore, sicut cum aliquis legem fert, ultra sibi commissam potestatem. Vel etiam ex forma, puta cum inaequaliter onera multitudini dispensantur, etiam si ordinentur ad bonum commune.* Quae si ad particulares leges quis sciatur applicare, inde (inquit Caiet. hic) multos casus conscientiae in gabellis, & grauaminibus, & huiusmodi publicis clarificabit. Ex fine dependet, leges tributorum impositorum non ad communem utilitatem, sed ad propriam cupiditatem, vel gloriam praesidentis, iniustas esse: & semel statutas ob communem utilitatem, ac proinde iustas, hoc fine cessante, reddi iniquas, ut si gabella sunt posita ad faciendum muros ciuitatis, perfectis muris, iniusta est.

Ex auctore, siue legis auctore cognoscet leges, quae statuentis auctoritatem excedunt, aut quorum auctor non habet potestatem illas statuendi, aut absolute, aut respectu horum, quia scilicet exempti sunt, aut super hanc, vel illam materiam, esse iniustas. Ex forma denique intelliget iniquam esse legem, quae inaequaliter grauatur sub-

subditos. Quod non absolute intelligendum est (cum enim subditi inæquales sint, nam quidam sunt milites, alij plebei, & etiã inæqualiter potest lex grauare subditos, immo & quosdã grauare, utpote plebeios, alios non grauare, utpote milites, quæ inæqualitas, æqualitati proportionali, quam tenetur saluare iustitia distributina, & lex seruare, non aduersatur) sed nulla vigente, aut rationabili causa existente. Talis esset lex; qua rex ad muros ciuitatis reparandos quibusdam è populo præciperet, ut soluerent centum, alijs solum quinquaginta, hocque absq; vlla rationabili causa, sed solum ad fauores, & amicitiam attendendo; quam etiam, ad hæc solum attendendo, quibusdam mercatoribus præciperet ne merces venderent nisi tali pretio; alijs vero liberam facultatem reliqueret faciendi, ut placeret; vtraque enim lex esset iniusta. Idem esset si post quam lex iusta æque omnes subditos comprehendens statuta, est, rex cum quibusdam absque rationabili causa ad solos fauores, & amicitiam attendendo dispensaret; ex quo lex maneret inæqualiter grauans subditos: tunc enim lex quæ iusta erat, fieret iniusta. Talis etiã esset lex, qua Prælatus suis subditis, aliquid præciperet excipiendo sibi auxiliares, qui videlicet illum elegerunt, vel cum eis ob solam hanc causam dispensando: esset enim acceptio personarum, sicq; lex iniusta ex forma. Vide quæ dicemus 2. 2. quæst. 63. art. 1.

Ex

Missam celebrare absque calice, corporali, altari, lumine, vestibus sacerdotalibus, & alijs requisitis ex iure humano. Tercium; quia non licet communicare cum excommunicato, quamuis metus mortis imminet, ut diffiniri videtur in Cap. *Sacris*, De his, quæ vi, metus ve causa fiunt; quod tamen solo iure positiuo est prohibitum; ergo, &c.

Dicendum tamen est: Legem humanam posse ad aliquid cum vitæ dispendio obligare, & dum eius obligatio manet, etiam cum vitæ dispendio seruandam esse; non tamen semper cum hoc dispendio seruandam esse, quia non manet eius obligatio. Primam partem probat. 1. argumentum Caietaui. Illam etiam conuincunt hæc exempla: Si Episcopus præcipiat Sacerdoti sibi subdito, præsertim Parocho, ut maneat in oppido peste infecto, & infirmis Sacramenta ministret. Si Dux etiam præcipiat militi, ut locum seruet, aut aggrediatur hostes, tenetur miles, & sacerdos cum vitæ periculo, ac dispendio obedire; ergo, &c.

Secundam partem probat secundum argumentum Caietani, & docent omnes; nullus enim affirmat perseuerante legis obligatione, & interueniente peccato, non esse exponendam vitam pro legis humanæ obseruatione.

Tertiam partem non negat Caiet. Solum inter illum, & alios potest esse differentia; quia asserit ex benignitate legum non obligare legem humanam ad mortem pro

fui

ARTICVLVS IV. 117

fui obseruatione in casu, quo nõ obligat. Sed hoc ego sic intelligo: ex benignitate legis prouenire; non solum, vt cum possit alis quando non obliget cum vitæ dispendio; sed etiam vt aliquando obligare non possit cum tanto dispendio, quia alias non iusta, & benigna esset, sed iniusta, & nimium seueræ, & rigida.

Probatur verò hæc tertia pars: lex diuina non semper obligat cum vitæ dispendio; ergo nec multo minus lex humana. Antecedens patet: tum ex facto David 1. Regum 21. v. 4. qui comedit panes propositionis, quos non licebat edere nisi solis sacerdotibus, ne fame moreretur, quod Christus probauit Matth. 12. v. 4. Tum etiam ex cōsilio quo 1. Macab. 2. v. 40. Iudæi decreuerunt pugnare in die sabbati: in quo præceptum erat, vt nihil operarentur, vt vitam scilicet tuerentur.

Si quæras autem quando imminente mortis periculo, maneat obligatio legis humanæ? Respondetur: quando legis obseruatio maius bonum, maiorisq. momenti, ac communitati utilior est, quam vitæ hominis conseruatio, vt patet in exemplis, quibus primam partem conclusionis probauimus. In casu etiam, quo quis in odiū fidei, vel religionis, aut Ecclesiasticæ potestatis mortem minaretur non frangentibus ieiunij legem; tunc enim toleranda potius esset mors, quam ieiunium omittendum (sicut eam Eleazarus 2. Machab. 6. & septem fratres vna cum matre apprehensi

ca-

capit. 7. sustinuerunt, quia carnes porcinas
 zdere compellebantur in odium, & con-
 temptum legis, ac religionis iudaicæ) quia
 maius bonum est virtutis, aut Ecclesiasti-
 cæ auctoritatis defensio, quam propriæ vi-
 tæ custodia, vel conseruatio. Si autem le-
 gis humanæ obseruatio sit minus bonum,
 minorisque momenti, ac minus utilis cõ-
 munitati, quam vitæ hominis conserua-
 tio: nec imminente mortis periculo mā-
 net legis humanæ obligatio: nec ad illam
 obseruandam potest legislator vllus huma-
 nus cum vitæ dispendio obligare: iniquum
 enim & crudele est ad iacturam maioris,
 ac tanti boni, qualis est vita, pro minori
 bono obligare. Si verò legis humanæ ob-
 seruatio sit æquale bonū cum vitæ homi-
 nis conseruatione, potest cum vitæ dispen-
 dio homo legem obseruare; non tamen
 tenetur. Talem esse existimo obseruatio-
 nem constitutionis Carthusianorum de
 carnibus non comedendis. Vnde cum
 Mag. Victoria Relect. de Temperantia
 num. 8. & seq. censeo, Carthusianum in ex-
 trema necessitate ægritudinis constitu-
 tum posse licitè à carnibus abstinere; non
 tamen teneri, sed posse etiam licitè eis ve-
 sci, si id iudicio medicorum omnino sit ne-
 cessarium ad vitam tuendam: nam non
 est maioris, neque minoris momenti absti-
 nentia à carnibus in extrema necessitate,
 quam vitæ conseruatio, cum per comestio-
 nem carnum in eo articulo non patefiat
 aditus, vt leueritas disciplinæ minuatur, nec
 per

ARTICVLVS IV. 119

per abſtinentiam à carnibus cum vitę iactura multum augeatur.

Ad 1. verò, & 2. respondetur probare primam, & secundam partem nostrę conclusionis.

Ad 3. respondetur. Ad 1. quidam exemplum cum Mag. Soto lib. 1. de Inst. q. 6. ar. 4. causam ob quam nullo metu potest quis contrahere cum consanguinea esse, quia non est materia matrimonij, nec fieri potest per metum, sed talis concubitus esset fornicatio. Alij respondent posse in tali casu contrahi matrimonium fictę (sicut de Malcho monacho captiuo narrat D. Hiero. in vita illius) absque mendacio tamen, & consummatione. Ad 2. exemplum respondent quidam, metu mortis licitum esse, sine veste sacra, & sine alijs de iure humano requisitis Missam celebrare, quibus fauet Nauarrus in Sum. cap. 25. num. 84. Alij non licere dicunt: tum quia nusquam id contingere poterit, nisi Tyrannus aliquis in contemptum fidei, & sacramenti hoc modo celebrare compelleret: tum etiam, quia magna esset irreuerentia absque his omnibus celebrare, ac proinde etiam contra ius diuinum. Ad 3. exemplum respondet Mag. Soto vbi supra Caput illud *Sacris*, intelligendum esse interueniente scandalo plebis suspicientis leges Ecclesiasticas nullius esse valoris. Alij dicunt intelligendũ esse de metu incusso in conceptum censurę Ecclesiasticę. Alij de metu mortis leui nõ exculpante à legis obligationem, & culpam

pam poenitus non excludente; si enim metus esset grauis, vt si quis euaginato gladio ad communicandum cum excommunicatis compelleret, coactionis nomine censeretur, quam ab incurso in excommunicationem, ac proinde à peccato Summ. Pont. ibi excusare dicit. Denique Caietanus hic postquam dixit, in casu legem ad mortem non obligare pro sui obseruatione ex benignitate legum, subdit: *Vt forte accidit in lege de vitandis excommunicatis.*

ARTICVLVS V.

Vtrum omnes subijciantur legi.

Conclusio est affirmans.

Dubium. Quomodo, & quibus legibus omnes subijciantur.

DE hac re fuit error Begardorum, & Beguinarum afferentiũ iustos, maximè perfectos, legibus humanis non esse subiectos, qui in Concil. Vienneſi, & Clementina: *Ad nostrum. De heretico*, fuit damnatus, hisque verbis inter alios refertur: *Tertio, quod illi, qui sunt in prædicto statu perfectionis, & spiritu libertatis, non sunt humana subiecti obedientiae, nec ad aliquam*

qua præcepta Ecclesiæ obligantur.

Lutherus, Calvinus, & alij nostri temporis hæretici non solum perfectos, sed etiã omnes iustificatos dixerunt non teneri ad obseruantiam mandatorum Dei, & Ecclesię, sed tantum ad credendum. Contra hos, & illos diffinitum est in Concil. Trid. Sess. 6. Can. 2. *Si quis hominem iustificatum, & quãtũlibet perfectum dixerit non teneri ad obseruantiam mandatorum Dei, & Ecclesię, sed tantum ad credendum anathema sit*. Illorum etiam errorem cõuincit falsitatis locus hic in argum. Sed contra, adductus à D. Thom. ex Apostolo ad Rom. 13. v. 1. *Omnis anima potestatis sublimioribus subdita sit*. Vbi Chrysost. Homil. 23. *Etiam si Apostolus sit, si Euangelista, si Prophetæ, siue quisquis tandem fueris*. At qui non subiicitur legi, quam fert potestas, non videtur esse subditus potestati; ergo, &c.

Argumenta quibus prædicti hæretici vtuntur sumpta ex nonnullis testimonijs Scripturæ Sacrę, in quibus significatur iustos non esse subditos legi; ex doctrina S. Doctoris hic in corp. & ad 1. & 2. facile solui poterunt. Docent enim homines virtuosos, & iustos non subdi legi per modum coactionis: sic namq. vt dicitur 1. ad Thim. 1. v. 9. *Lex iusto non est posita, sed iniustis*. Nã iusti non coactè, ac violenter, sed voluntariè legi subiiciuntur: Vnde in eos non habet lex vim coactiuam, sicut habet in iniustos, ait D. Thom. hic ad 1. Quod non ita intelligendum est, vt lex iustos non astringat

git; nec obliget; peccarent enim. & iusti esse desinerent, si eam non seruarent: sed quia in eos non exercet coactionem, cum non timore pœnæ, sed virtutis amore peccare desinant, & legem obseruent: *Et ideo secundum hoc boni non sunt sub lege, sed solum mali*, inquit D. Thom. in fine corporis articuli. Quæ est etiam doctrina S. Aug. Epist. 19. & in illud Psalm. 1. *Sed in lege*, & Tractat. 3. in Ioan. paulo post initium ubi sic habet: *Et unde facti erant homines sub lege? Non implendo legem: qui enim legem implet, non est sub lege, sed cum lege: qui autem sub lege est, non subleuatur, sed præmitur lege.* Hoc supposito.

Dicendum est 1. Principes, & legislatores suis legibus esse subditos non quantum ad vim coactiuam, sed quantum ad vim directiuam. Docet hoc D. Thom. hic ad 3. his verbis: *Princeps dicitur esse solutus à lege quantum ad vim coactiuam legis: nullus enim propriè cogitur à se ipso, lex autem non habet vim coactiuam nisi ex Principis potestate. Sic igitur princeps dicitur esse solutus à lege, quia nullus in ipsum potest iudicium condemnationis ferre, si contra legem agat. Sed quantum ad vim directiuam legis Princeps subditur legi propria voluntate: secundum quod dicitur Extra De constitutionibus Cap. Cum omnes, Quod quisque iuris in alterum statuit, ipse eodem iure uti debet, & sapientis dicit auctoritas: Prætere legem, quam ipse tuleris. Improperatur etiam ij à Domino, Qui dicunt, & non faciunt, & qui alijs onera graua imponunt, & ipsi*

ipsi nec digito volunt ea mouere, ut dicitur Matth. 23.

Quomodo hoc sit intelligendam diffusè explicat Caiet. hic, & ait hanc esse inter vim coactiuam, & directiuam legis differentiam: *Quod vis directiua respicit ipsos actus licitos, vel illicitos, aut indifferentes: coactiuam autem pœna inductiuam ad obseruantiam legis.* Et quia Princeps non potest cogi, aut puniri pœna inductiuam ad legis obseruantiam a se ipso sua potestate, nec ab alio, ut docet D. Thom. ideo quantum ad vim coactiuam legis Princeps solutus est à lege. *Et ex hoc pronem, quod Papa nulla iuris humani pœna ligatur, quantumcumque contra leges faciat, inquit Caiet.*

Quia verò supposita voluntate Principis qua vult legem condere, & promulgare hæc potest ipsum dirigere ad actum quem præcipit, vel prohibet; ideo propria voluntate princeps subditur legi quantum ad vim directiuam: nam hanc vim directiuam sortitur lex promulgata ex lege æterna, cui etiam Princeps subiicitur. Ex naturæ enim iure, quod teste D. Thom. supra quæst. 91. artic. 2. ad 1. non est aliquid diuersum à lege æterna, sed quedam eius participatio, habet prædicta lex, ut quod præcipit subditis, teneatur Princeps agere: *Quia turpis est pars, quæ non consonat suo toti ex natura iuris, inquit Caiet.* Vnde ex naturæ debito, & naturali iure obligantur Principes se ipsos exemplum virtutum ostendere, & cum alijs conformari, & re-

Etum seruare ordinem, quo caput membris, & pars toti conformatur alias monstruositas quædam, & magna deformitas in corpore mystico Reipublicæ oriretur.

Duo tamen aduertit Caiet. Primum, *Cum dicitur quod Princeps subijcitur legi, non intelligitur de lege speciali, puta militum, nisi ipse sit miles: sed intelligitur de lege communi. Secundum, Cum Princeps subijcitur legi, intelligitur subijci proportionaliter, ut decet principem, & non sicut alios subditos.*

M. Soto lib. 1. de Iustitia q. 6. art. 7. etiam aduertit: *Quando statuimus Principem legibus subdi suis, intelligimus de legibus quæ ex æquo ad ipsum perinde atque ad subditos spectant. Præcipit Rex neminem gladio succincto incedere, aut sericis indutum: non est par ratio cur ipse eisdem abstineat. Inducit autem Papa ieiunium aut festi solemnitatem: eadem est æquitas in ipso, nisi iusta de causa secum, veluti cum alijs, dispensauerit.*

Si quærās autem, an Princeps absque iusta causa leges suas non seruans peccet mortaliter? Respondent quidam mortaliter peccare. Alij se moto scandalo, & alijs circumstantijs, non peccare mortaliter asserunt: ut si Pontifex non communicet in paschate, si faciat contractum iure tantum humano simoniacum, aut alia huiusmodi agat. Si pactum, aut votum, aut iuramentum, aut contractus, aut vinculum aliud interueniret, mortaliter peccare supponit Caiet. hic. Tenetur enim Princeps sub mortali seruare leges ab ipso, vel à suis præ-

de;

decefforibus latas, fi eas feruare iurauit, quando Regni poffeffionem accepit. Teneatur etiam non pluris vendere res, quam ipfe fua lege taxauit; alias non venderet iufto pretio. cum iuftum pretium fit quod lege taxatur. Teneatur denique ftare contractibus à fe celebratis cum fubditis; alias non feruaret æqualitatem, quam iuftitia petit.

Dicendum eft 2. Clericos nō fubijci nec obligari legibus ciuilibus Principum fæcularium, nifi quatenus ad pacem, & tranquillitatem Reipublice fpectant, & Iuri canonico, & libertati Ecclefiafticæ non repugnat. Prima pars certiffima eft, folumque eft difficultas, an exemptio à legibus, & iurifdictione Principum fæcularium, conueniat clericis iure diuino, an folum humano iure. Canoniftæ enim, & ex Theologis quam plures dicunt exemptionem hanc clericorum effe non folum de iure humano fed etiam diuino. Quod colligunt ex Scriptura Sacra, ex nouo quidem testamento ex illa Chrifti illatione Matt. 17. v. 25. *Ergo liberi funt filij*, à legibus fcilicet tributorum, quæ Regibus dantur: ex veteri vero testamento, ex Genef. 47. v. 22. vbi Iofeph omnem terram Ægypti fubiecit Pharaoni: *Preter terram Sacerdotum*. Alij tamen præfertim vero M. Soto in 4. diff. 25. artic. 2. conclus. 3. docent hanc clericorum exemptionem non conftare ex iure diuino, ficque folum effe de iure humano, quamuis iuri naturali & diuino,

fit maximè consentanea . Quod probat M. Soto ex D. Thom. qui in illud ad Rom. 13. *Ideo tributa*, loquens de obligatione soluendi tributa ait : *Ab hoc debito liberi sunt clerici ex privilegio principum , quod quidem æquitatem naturalem habet .* Addit vero M. Soto ibidem conclus. 6. Potuisse Papam , etiam in consultis principibus , debuissè clericos ab eorum exactiõibus , & foro excipere, vt fecit . 11. q. 1. per totam . Locum vero Matth. 17. exponit D. Thom. in 2. dist. 44. quæst. 2. art. 2. ad 1. *Quod Christus loquitur de se, & de suis discipulis.* Locum vero Genes. 47. adducit D. Tho. ad Rom. 13 In confirmationem naturalis æquitatis. Vnde hanc solum probat, non ius diuinum Vtraque sentetia probabilis est, & ex vtraque constat prima nostræ conclusionis pars .

Secundam partem docent etiam communiter Doctores, illamque probat M. Soto vbi supra conclus. 4. *Clerici non obstante clericatu sunt cives Reipublica , & eius membra: sed Respublica civilis non gubernatur, nisi legibus principum: ergo quatenus prædictæ leges ad pacem & tranquillitatem Reipublica spectant , clerici tenentur eis parere.* Confirmatur nam clerici non solum servare tenentur leges Principum sæcularium taxantes prætiarum rerum , sed etiam, vt ait Syluester verbo *Lex* , quæst. 25. *Omnes leges disponentes supra contractibus emptionis , venditionis , locationis , commodationes & huiusmodi , si non contradicunt canonibus , vel legi natura sunt*

sunt seruanda, etiam quo ad Ecclesiasticas personas. Si Rex etiam legem ferat, ne aliquis noctu tale genus armorum deferat, illam clerici seruare tenentur.

Difficultas tamen est, an his legibus subijciantur clerici sola æquitate naturali ratione conformitatis cum aliis hominibus, & solum quantum ad vim directiuam, an & etiam ex vi, & efficacitate legum, & quantum ad vim coactiuam? Quidam recentiores hoc secundo modo subijci, & obligari probabilius esse sentiunt. Subdunt tamen hanc coactionem, punitionem, & executionem legum, non debere fieri per Principes sæculares, sed Ecclesiasticos. Hanc sententiam singularem appellant nonnulli. Mihi solum primo modo subijci, & obligari probabilius videtur, idque Magistrum Soto sensisse, cum ubi supra subdat: *Tametsi à penis iuris, quæ sunt corporales, sint exempti: & ut diximus cum Caietano vis coactiua pœnam respiciat.* Præterea, nullus directè ex vi, & efficacitate legum, & quantum ad vim coactiuam tenetur legibus eius, qui in ipsum non habet iurisdictionem: sed Principes sæculares non habent iurisdictionem in clericos; ergo ij non tenentur vllis eorum legibus directè ex vi, & efficacitate legum, & quantum ad vim coactiuam, sed sola æquitate naturali ratione conformitatis cum aliis, & quantum ad vim directiuam; cum enim sint membra Reipublicæ ipso iure naturali debent pacem illius, &

rectam gubernationem conseruare. Quod si non faciant, propter talium legum transgressionem puniendi sunt, non quidem à principibus, & iudicibus sæcularibus sed Ecclesiasticis, vt ostendit M. Soto, vbi supra conclus. 5. & non pœnis à talibus legibus ciuilibus constitutis, cum eas clerici non incurrant, sed aliis arbitrariis, quauis inter has possit Iudex Ecclesiasticus eligere pœnam lege ciuili statutam, si statui clericorum indecens non sit.

Hinc inferunt nonnulli secluso scandalo clericos non peccare mortaliter, si dictas leges Principum sæcularium non obseruent.

Dicendum est 3. Regulares non teneri ad seruandas leges synodales Episcoporum, etiam si eorum statui, & priuilegijs non aduersentur, virtute earum, sed solum propter æquitatem naturalem ratione conformitatis, cum alijs, si ad communem obseruantiam, & deuotionem totius populi spectent. Prima pars probatur, nam regulares sunt ab Episcoporum iurisdictione exempti, ergo non possunt virtute legum ipsorum ad aliquid obligari. Quod si obligantur ad seruandas leges fœdorum, & censuras ab ordinarijs promulgatas, hoc nõ est virtute legum ordinariorum, sed virtute legis Concilij Trid Sess. 15. c. 12. De regularibus has seruandas esse à regularibus statuentis.

Secunda pars etiam probatur, clerici etiã si exempti sint à iurisdictione Principum
sæ.

ſæcularium tenentur eorum leges. non repugnantes ſtatui Eccleſiaſtico, & eius libertati ſeruare, eiſque ſubijciuntur quo ad vim directiuam propter æquitatem naturalem ratione conformitatis cum alijs; ergo idem erit de Regularibus reſpectu legû Episcoporum ad communem totius populi obſeruantiam ſpectantium, quales ſunt leges ieiuniorum nonnullorum.

Sicut autem multi aſſerunt ſecluſo ſcâdalo clericos non peccare mortaliter non obſeruantes prædictas leges Principum ſæcularium: ita & multi docent regulares ſecluſo ſcandalo non ſeruantes leges Synodales Episcoporum prædictas non peccare.

Dicendum eſt 4. Peregrinos omnes, ac itinerantes teneri legibus locorum, in quibus reperiuntur: non verò legibus locorum, in quibus non ſunt, etiam ſi in eis domicilium habeant. Primam partem negant nonnulli. Illam tamen ſic probo 1. nam Cap. *Qua contra*, diſtin. 8. dicitur: *Pactum inter ſe ciuitatis, aut gentis conſuetudine, vel lege firmatum, nulla ciuis, aut peregrini libidine violetur.* Et diſtin. 12. Cap. *Ille*, reſertur quod S. Ambroſius dixit S. Auguſtino: *Cum Romam venio, ieiunio ſabbato, cum Mediolani ſum, non ieiunio.* Sic etiam tu ad quam forte Eccleſiâ veneris, eius mōrem ſerua. Vbi Gloſſa ait: *Viatores tenentur ſequi conſuetudinem loci ad quem veniunt.* Quibus cōuictus Nauarrus noſtram docet ſententiam cap. 13. num. 3.

Secundo. Episcopi ieiunia, & festa præcipientes in suis Diocesisibus omnes etiam aduenas, & peregrinos obligare non intendunt, & absque dubio punirent quemuis transgressorem etiam aduenam ibi eo die præcepti scilicet manentem. Idem est de principibus sæcularibus condentibus leges de vestibus, aut alijs, punirent enim transgressores etiam aduenas, & peregrinos: nam omnes dum in locis eorum manent eis subijciuntur, ergo illis etiam aduenæ, & peregrini tenentur.

Confirmatur, qui intentionem habent manendi in aliquo loco pro maiori parte anni non tamen perpetuo, non sunt magis subditi aut partes communitatis, in qua versantur. quam qui solum habent intentionem manendi in eodem loco pro minore parte anni: item ij, & itinerantes alibi domicilium habentes, non sunt minus subditi, & partes communitatis in qua versantur; quam vagi nullibi firmam sedem obtinentes; sed vagi & intentionem habentes manendi in aliquo loco pro maiori parte anni tenentur legibus locorum, in quibus inueniuntur; ergo & qui solum habent intentionem ibi manendi pro minori parte anni, & itinerantes etiam si alibi domicilium habeant.

Secundam partem docent multi, qui & veram esse existimant, etiam si ex industria quis ab illis locis recederet, vt laboraret in alio loco, vel ibi non ieiunaret, sed carnes comederet, hocque non esse
 frau:

fraudem, aut dolum, sed fugam quandam obligationis præcepti; quæ tamen contra præceptum non est. Addunt, illum quæ die festo patriæ se transfert ad alium locum ubi dies festus non est, non teneri audire Missam, si ipso mane dici festi exit: nam, non tenetur illam audire nisi vsque ad meridiem.

Dicendum est 5. Pueros, si ad annos discretionis peruenierint, teneri legibus humanis tam Iuris ciuilibus, quam canonicis, immo & ab homine latis; nisi leges ipsæ illos excipiant, aut iusta causa eos excuset. Conclusio hæc mihi certa videtur, & ab omnibus concedenda, Primo. nam in Cap. *Omnis utriusque sexus*, De pœnit. & remis. dicitur quemcunque fidelem. *Postquam ad annos discretionis peruenierit*, teneri præcepto confessionis semel in anno: sed eadem est ratio de alijs legibus humanis; ergo &c.

Secundo, tales pueri sunt capaces obligationis legis humanæ, non minus quam naturalis, & diuinæ; ergo lege humana tenentur, nisi hæc eos excipiat, aut illos iusta causa excuset, sicut illos imo, & adolescentes vsque ad finem tertij septennij excusat impotentia, quia egent nutrimento multiplicato propter augmentum; à lege ieiunij, ut docent Caietan. in Sum. verbo *Ieiunium*, & communiter Doctores.

Tota difficultas est, quando pueri perueniant ad annos discretionis. Qui tam ad

illos peruenire existimant cum primum
 vsum rationis habent, & sunt doli capaces
 ita vt inter bonum & malum discernere,
 & mortaliter peccare possint: siue hoc
 contingat in adolescentia, siue in pueritia,
 siue in infantia, sicq. tunc præcepto con-
 fessionis etiã Ecclesiastico tenentur. Quod
 ratio adducta videtur conuincere. Probat
 etiam M. Soto in 4. d. 18. q. 1. art. 3. ad
 finem corp. *Nam cum necessitas præcepti con-
 fessionis tam diuini, quam Ecclesiastici ex
 eius necessitate ad salutem oriatur. cum pri-
 mum homo necessitatem salutis incurrit, tene-
 tur etiam ad confessionem, cum semel in anno-
 tum & in articulo mortis. Tenetur quoque
 ad iuris positiui præcepta, cum iam sit
 capax obligationis legis humanæ: vnde
 non potest carnes, aut lacticia com-
 dere in diebus ieiunii quibus lege Eccle-
 siastica hæc comedi prohibentur, nec in-
 gredi intra septa monasterii monialium,
 quod vt dicitur in Conc. Trident. Sess. 25.
 cap. 5. *Nemini licet cuiuscunque generis, aut
 conditionis, sexus, vel ætatis fuerit.**

Alii pueros ad annos discretionis perue-
 nire dicunt, non cum primum vsum ra-
 tionis habent, sed quando ad eos annos
 perueniunt in quibus communiter lumen
 rationis oriri est solitum, & pueri vt in
 pluribus vsum rationis habent: sicut & ad
 annos pubertatis peruenire dicuntur, quan-
 do ad eos annos perueniunt in quibus so-
 lent masculi pubere, non cum primum
 pubent; quamuis enim quis ante annos

qua]

quatuordecim pubescat, non dicitur ad annos pubertatis peruenisse. Sic ergo pueri non tenentur legibus humanis cum primum rationis usum habent, sed quando perueniunt ad annos in quibus communiter lumen rationis oriri solet, & pueri usum rationis habent ut in pluribus. Cuius rationem assignat S. Antonin. 2. p. tit. 9. cap. 8., 9. 2. *Nam leges adaptantur secundum ea quæ ut in pluribus accidunt.* Siq. non intendunt obligare ante illud tempus, in quo communiter lumen rationis oriri solet. Unde si ante illud tempus in aliquo puero usus rationis acceleratur, hoc est per accidens, & non obligat illum ad leges humanas obseruandas; ac propterea non tenetur confiteri semel in anno, nec à carnibus & lacticiis abstinere in diebus ieiunii, nec alia præcepta Ecclesiæ seruare. Quod nam autem sit huiusmodi tempus, non eodem modo explicant omnes. Quidam dicunt esse annum qui immediate post septennium sequitur, nempe annum octauum; in illo enim communiter solet lumen rationis oriri. Alii maiorem ætatem & plures annos assignant: nam ut ait S. Antonia. ubi supra *Et in pluribus in octauo anno puer nondum habet usum rationis.* Sed hoc contingere dicit secundum opinionem quorundam, *In masculo quando habet decem annos, & dimidium & aliquantulum ultra, & in femina quando habet nouem annos & dimidium & aliquantulum ultra.* Unde tunc & non antea Ecclesiæ legibus tenebuntur, Mag. Soto vero

vero ad hoc adhuc maiorem ætatem requirit, nempe annum duodecimum. In 4. enim distin. 12. q. 1. art. 11. ad finem corpor. loquens de præcepto Ecclesiastico sumendi Eucharistiam ait: *Pueri non obligantur usque ad duodecimum annum quando alijs tenentur Ecclesia legibus.* Idem dicit distinct. 18 q. 1. art. 3. ad finem corpor. loquens de præcepto Ecclesiastico confessionis sacramentalis. Ex quo sequitur pueros ante hanc ætatem etiam si usum rationis habeant non peccare carnes, aut lacticiam in diebus prohibitis comedentes; quod expressè dicunt multi recentiores.

Si quæras, sit ne eadem ratio de censuris ac de præceptis Ecclesiæ? Mag. Soto eandem rationem esse sentit, ait namque loco proximè citato: *Ecclesia suis præceptis, & censuris non vult ante duodecimum, vel quartum decimum cõgere.* Quod colligi videtur ex Cap. *Referent e*, De delictis puerorum, ubi à Pontifice prohibitum fuit, ne puer qui infra quartum decimum ætatis suæ annum excessum commiserat, compelleretur ad soluendam poenam pecuniariam, quæ solita erat solui pro simili excessu; cuius rationem assignat Pontifex: *Quoniam in pueris relinqui solet inultum, quod in alijs proventioris ætatis humane leges dicunt esse senerius puniendum.* Si autem censuris punirentur non esset eis inultum. Quidam excipiunt excommunicationem latam ob percussionem clerici: nam hanc incurri à pueris doct. capacibus ante pubertatem, constat ex

Cae;

Cap. *Super eo*, & Cap. *Pueris*, De sententia excommunicat. De alijs censuris dicunt, non comprehendere pueros ante pubertatem seu annum quartumdecimum, sed sequendam esse communem decisionem, in capite citato, De delictis puerorum, quia odia debent restringi.

Alii dicunt, vt censuræ ab homine inferantur, necessariam esse puberem ætatem; ad incurrendam tamen censuram ipso iure latam sufficere ætatem impuberis doli capacis, quod videtur colligi ex Concil. Trid. Sess. 25. cap. 5. vbi dicitur ipso facto poenam excommunicationis incurrere ingrediētes sine licentia monasteria, monialium cuiuscumque ætatis fuerint. Eximunt tamen nonnulli, infantes ante septennium, habentes plenum vsum rationis ab irregularitate, si occidant: nam cum infans generaliter ab illa excipiat in Clemen. Si furiosus, & hoc sit beneficium legis, ample est intelligendum de quocumque infante, etiam si plenum rationis vsum habeat.



ARTICVLVS VI.

*Vtrum ei, qui subditur legi, liceat
præter verba legis agere.*

Conclusio est affirmans.

*Dubium. In quibus casibus liceat
ei, qui subditur legi, præter ver-
ba legis agere,*

Contra legem agere in nullo casu lici-
tum est, cum actio contra legem
mala sit & peccatum, vt constat
ex definitione peccati: præter verba autem
legis agere, quamuis non semper, aliquan-
do seu in aliquo casu licere, constat, vt au-
tem liceat necesse est legem ipsam deficere,
dum enim integra manet, secundum
verba eius seruanda est. Cum vero teste
Caietano 2. 2. qu. 120. art. 1. lex dupliciter
possit deficere, nempe contrariè, quando
scilicet seruare legem malum, & nocium
est subdito legi, & negatiuè, quando videli-
cet cessat ratio legis: hic explicandum est,
an in utroq. casu, an solum in primò liceat
præter verba legis agere:

Dicendum est 1. In casu in quo lex defi-
cit contrariè, ita vt seruare illam malum
& nociuum sit, licitum est, ei qui subditur le-
gi, præter verba legis agere. Si seruare le-
gem

gem malum & nociuum fit salutem communi, conclusionem docet Diu. Thom hic dicens *Si emergat casus, in quo observatio legis sit damnosa communi saluti, non est observanda.* Quod probat ex natura legis, quæ ad communem hominum salutem ordinatur, ac proinde si eius observatio nociua est communi salutem, virtutem obligandi non habet, nec vim ac rationem legis. Explicat etiam exemplo legis, qua in ciuitate obfessa statueretur, vt portæ ciuitatis manerent clausæ: si enim contingeret casus, vt hostes insequerentur ciues, per quos ciuitas conseruatur, damnosissimum esset ciuitati, nisi eis portæ aperirentur: Et ideo in tali casu essent portæ aperiendæ contra verbum legis, vt seruaretur communis utilitas, quam legislator intendit.

Si verò seruare legem solum fit malum, & nociuum salutem particulari alicuius priuatæ personæ, nihil de hoc asserit S. Doct. non tamen negat, tunc etiam licere illi particulari personæ præter verba legis agere, & non seruare legem, vt adnotauit Magist. Soto lib. 1. de iustitia, q. 6. ar. 8. vbi & hoc licere ostendit duobus exemplis. Primum, *Si mihi constaret hostes mihi in via insidias parasse, non tener die festo ire ad sacrum.* Idem est si scirem in via esse latrones, qui quamuis non occidant, pallium auferent ac spoliabunt. Secundum, *Cui in die ieiunij nullus alius suppetit cibus quam carniū, potest, ne fame pereat, illas comedere.* Idem videtur esse, si præter panem, & aquam nullus
alius

alius cibus quam carniū haberi posset in tota quadragesima, nullus enim tenetur in solo pane, & aqua ieiunare integram quadragesimam, nec legislator lege ieiunii ad hoc obligare intendit;

Ex quibus patet; vt subditus legi possit præter verba legis agere, & legem non seruare, non opus esse, vt observatio legis secundum verba eius malum culpæ & peccatum sit, sed satis esse vt nocua sit, aut ex ea incommodum considerabile in temporalibus sequatur: constat enim peccatum non esse sine re se pallio expoliare, vt possit audiri sacrum, & meritorium esse integram quadragesimam in solo pane & aqua ieiunare.

In casu manifesto, in quo scilicet aperte constat legem deficere contrariè prædictis modis ob malum, aut nocumentum, aut incommodum, quod ex eius observatione sequitur communitati, aut priuatæ personæ, certum est licitum esse subdito legi præter verba legis agere; etiam legislatore inconsulto quamuis ad ipsum adiri possit; nam vt hic ait Caietan. *Tunc duce gnome. & Epykia, sine superioris consultatione, prætermittuntur verba legis. & seruatur intentio eius: quia in manifestis non est opus interpretatione, quæ spectat ad superiorem, sed executione, vt in 2. 2 q. de Epykia (quæ est 120 ar. 2. ad 1.) Auditor dicit. Idem asserit M. Soto vbi supra.*

In casu autem ambiguo, in quo scilicet dubium est: an lex peccet, ac deficiat contrariè, secundum verba legis debet subdi-

-tus

tus agere, vel ad superiorem consulendum recurrere, nam vt hic ad 4. ait D. Thom. *Si dubium sit. debet vel secundum verba legis agere. vel superiorem consulere.* Vnde si potest ad superiorem recurrere, & in dubio hæret vtrunque æquali, ita vt neutrius partis assensum habeat, secundum verba legis debet agere, illamque seruare: quia in dubiis debet subditus superiori cuiusque legi obedire, vt diximus supra q. 19. ar. 6. dub. 5. ad 3. At si rationabile sit verisimileque ipsi viro prudenti, quod si legislator adesset, hanc partem determinaret nunc hic seruandam etiam sine ipsius dispensatione, nempe non esse agendum secundum verba legis, huiusque proinde partis subditus opinionem probabilem habeat, quamuis si superior possit conueniri, consulendus sit; si tamen non potest cōueniri, & instat tempus observationis legis periculumque proinde mali quod timetur ex eius obseruatione imminet: præter verba legis potest subditus agere, vt M. Soto vbi supra & Caietanus hic docent. Cuius rationem nos possumus assignare; nam cum superior ius habeas præcipiendi subdito quodcumque quod non est euidenter illicitum aut ultra illius potestatem, & subditus illi teneatur obedire, etiam si probabiliter existimet illicitum esse quod prælatus præcipit, vt diximus supra quest. 29. art. 6. dub. 5. ad 3. si subditus potest superiorem adire, illum consulere debet, an eius intentio fuerit legem obligare in illo casu, ab eoque dispensare.

sationem, si opus fuerit, obtinere. Si verò non potest ad superiorem recurrere necessitas, ne scilicet incurrat malum quod prudenter timet ex legis observatione, ipsi copiam facit ut possit præter verba legis agere: quia necessitas non subditur legi & dispensationem habet annexam, ut hic ait D. Thom. Quibus verbis videtur S. Doctor significare, in hoc casu non pertinere ad Episcopiam agere præter verba legis, sed id licere ex dispensatione: quam necessitas habet annexam. Quamvis etiam dici possit non opus esse dispensatione, cum necessitas non subdatur legi, & dispensatio supponat subiectionem ad legem, siquid ad Episcopiam spectare, ad hocque sufficere moralem, & prudentialem certitudinem, quando non potest ad superiorem recurri.

Dicendum est 2. In casu in quo lex solum deficit negativè quia scilicet ratio eius cessat licitum etiam esse, præter verba legis agere: si tamen ratio legis totalis & adæquata per se & non solum per accidens cesset; per se cessare dicitur ratio legis, quando nec ipsa, nec aliquid, quod eam per se & ex sua natura inducat, manet: per accidens verò, quando licet aliquid tale maneat ipsa tamen non manet de facto in aliquo particulari casu ob aliquam accidentalem circumstantiam. Qua ratione solum cessante legis ratione, non cessat ipsa lex, nam ut ait D. Th. 2.2. quæst. 154 art. 2. *Id quod cadit sub legis determinatione indicat secundum id, quod*
scilicet

ARTICVLVS VI. 141

communiter accidit, & non secundum id, quod in aliquo casu potest accidere.

Hanc conclusionem sic explicatam non solum veram esse, sed etiam illa conciliari posse diuersas de hac re Doëtorum sententias, existimo. Prima est Nauarri in Commentario in Rubricam de Iudicijs num. 73. & seq. quam etiam alii non pauci sequuntur, cessante legis ratione & causa totali ob quam instituta est, legem ipsam cessare respectu cuiuscumq. ratio legis cessat, ac proinde illum posse præter verba legis agere, etiam si in illo aut respectu illius lex solum deficiat negatiue. Et hæc sententia expressè nostram conclusionem continet.

Secunda est Caietani secunda secundæ, quæst. 120. art. 2. vbi asserit, quando lex deficit purè negatiue, vim obligatiuam non perdere, ac proinde non cessare, ex eo quod ratio legis cessat. Et quamuis hæc sententia videatur opposita nostræ conclusioni, illi tamen reuera non contrariatur: illam namque explicat & probat Caietanus exemplo legis prohibentis fornicationem, quæ in eo, qui sufficientem, ac debitam educationem potest prouidere proli, non cessat; quamuis in illo cesset ratio talis legis, quæ est bonum prolis, ne scilicet priuetur debita educatione. Cum autem hæc ratio tunc solum cesset per accidens, quia vt inferius quæst. 154. art. 2, ipsemet Caietanus dicit, tunc solum per accidens inuenitur prouisio prolis debita; sentit absque dubio si ratio legis cesset per se, legem etiã ipsam

ipsam cessare, quod asserit nostra conclusio

Tertia est Mag. Soto libro primo de iustitia, quæst 6 art. 8. & communis fere omnium Theologorum, quæ dicit, cessante legis ratione in toto genere, & vniuersaliter, legem ipsam cessare; cessante tamen ratione legis in particulari persona & casu, non cessare legem ipsam. Quæ sententia si debite intelligatur non est contraria præcedentibus, nec nostræ conclusioni: nam per cessare legis rationem in particulari persona & casu intelligendum est, cessare per accidens, nam quæ contingunt in indiuiduo per accidens contingere asserit D. Tho. 3. Contragentes, cap. 122. per cessare vero rationem legis in toto genere, & vniuersaliter intelligendum est, cessare per se & quantum ad omnia quæ per se, & ex natura sua illam inducunt, quæ ratione actus fornicarius defectum debitæ educationis prolis inducit, vt ait Ferrariensis in locum proxime citatum. Si enim per cessare in toto genere & vniuersaliter intelligeretur, cessare in omnibus personis legi subiectis, & per cessare in particulari persona intelligeretur, cessare in vna tantum persona legi subiecta, falsum esset quod hæc tertia sententia asserit: nam etiam si in omnibus cessaret ratio legis per accidens, eo modo quo in potente debitam prolis educationem prouidere cessat ratio legis prohibentis fornicationem, non propterea in omnibus cessaret lex: & si cessante legis

ta-

ratione per se in omnibus lex ipsa cessat, non est maior ratio cur non cesset lex in vno solum, si eodem modo in illo cesset ratio legis, quo in omnibus. Cur enim deficiente ratione apud omnes, manebunt omnes obligati, & deficiente ratione apud vnum eodem modo, ille vnus deobligatus non manebit, cum lex non magis obliget illum vnum, quam omnes, & ratio ob quam lex condita est, non minus habeat vim in illo vno quam in omnibus?

Hoc supposito, probatur nostra conclusio primo exemplo, cuius meminit Caiet. vbi supra: quia in Christo cessauit ratio legis circumcisionis, in illo etiam cessauit lex & obligatio circumcisionis, & quia in B. Virgine cessauit ratio legis purgationis, seu purificationis, in illa etiam cessauit lex, & obligatio purgationis, seu purificationis, vt docet D. Thom. 3. p. q. 37. ar. 4. ergo in quocumque alio cessauerit ratio cuiuscumq. alterius legis tota totaliter, & per se, lex etiam ipsa eiusque obligatio cessabit.

Secundò, nam vt ait D. Thom. in 3. dist. 37, quæst. 1, art. 4. *Hoc ad quod respicit legislator, quod est legis intentio & finis, est mensura legis positivæ; ergo cum mensuratum non se extendat vltra mensuram, nec obligatio legis vltra intentionem, & finem legis, & legislatoris, lex eiusque obligatio non se extendet vltra rationem eius, hæc enim legis, & legislatoris intentio, & finis est.*

Tertiò, ratio legis est anima legis; sed deficiente anima, deficit vita animalis; er-

go deficiente legis ratione, etiam obligatio legis deficiet, in quocumque illa deficiat. Quod intelligendum est de ratione & causa finali adæquata & totali: si enim solum cesset ratio & causa finalis legis inadæquata & partialis, non opus est, ut cesset legis obligatio: nam qui pacatas habet passionnes, tenetur lege ieiunii, quamvis in illo cesset huius legis ratio inadæquata, cum non solum ob mortificationem passionum, sed etiam ob alias rationes & causas, præsertim imitationem Christi sit lex ieiunii instituta. Idem asserit Nauarrus ubi supra de lege prohibente fornicationem, cuius rationem, ait, non solum esse euitationem prauæ educationis prolis, sed etiam abusum corporis & seminis. Apud illum vide alias probationes nostræ conclusionis.

Si quæras, an quod diximus de ratione legis; dicendum sit etiam de Præsumptione quando in ea lex fundatur? Respondetur, idem dicendum esse, sicque illud Iurisperitentium axioma, lex fundata in præsumptione non obligat in conscientia, quando præsumptio fallit, verum esse, etiam si præsumptio non fallat in omnibus legi subiectis, sed solum in vno. Ex quo Panormitanus in C. *Tua nos*. De usuris colligit, illum qui non facit inventarium, non teneri ultra vires hæreditatis; Quia lex inducens, oppositum est fundata super præsumptione, quia præsumit plus fuisse in hæreditate. Sed in foro animæ de omnibus creditur cõfessii, & ex eo quod cessat ratio legis debet cessare ipsa lex.

Alii

Alij etiam inferunt, quod nos latius probauimus 2.2.q.66. art.1. dub 5. conclus. 2. illum qui institutus est hæres per testamentum minus solemne, posse tuta conscientia hæreditate potiri: quia leges tales testamentum nullum esse decernentes ducuntur præsuppositione fraudem scilicet, aut vim aliquam interuenisse; sicque cessante præsuppositionis veritate, in foro conscientie nõ obligant.

Si quæres etiam; anquando lex solum deficit negatiuè prædicto modo, agere præter verba legis spectet ad Epikiam, seu æquitatem? Respondetur, Caietanum 2.2. quæst.120.artic.2. sentire non spectare ad Epikiam: quia Epikia est iustitia quædam: iustitiæ autem materia est operatio: quæ sine ipsius directione recta non esset; sicque si ad Epikiam spectaret præter verba legis agere quando lex solum deficit negatiuè, non esset tunc licitum agere secundum verba legis, quod falsum esse constat. Vnde secundum hanc sententiam asserendum est, tunc agere præter verba legis, ideo licitum esse quia lex cessauit respectu eius, in quo cessat ratio legis: sicut voto ieiunandi cessante licitum est non ieiunare, quia cessauit votum. M.Soto tamen lib.1.de iustitia q.6.art.8.circa finem dicit, quando ratio legis cessat in toto genere, sufficientem rationem Epikiæ, esse, vt subditus agat præter verba legis, Quod probari potest ex Arist.5.Ethicor. cap.10. vbi de æquo & bono. quod est obiectum Epikiæ: ait:

146 QVAESTIO XCVI.

Hac est natura ipsius aequi & boni, emendatio legis, ea ex parte qua deficit, Ergo cum lex possit deficere contrariè & negatiuè, quocumque modo deficiat emendari poterit per Epiikiam, cuius directione poterit præter verba legis agi. Ad quod non requiritur, vt seruare legem sit peccatum, vt patet ex dictis con. 1. Neque hoc probat ratio Caietani; quia sicut iustitia commutativa non obligat, vt quis vendat rem suam etiam iusto pretio, sed solum vt si eam vendere debet, vendat prætio iusto: ita Epiikia non necessario obligat semper vt præter verba legis agatur, sed solum vt si præter verba legis agendum sit, hoc non fiat nisi deficiente lege saltem negatiuè quia totalis ratio & causa legis cessat; si, enim fieret nullo modo deficiente lege: peccatum esset, sicut peccatum esset vendere triticum non iusto pretio.



QVAE-

147

QVÆSTIO XCVII.

De mutatione legum.

Circa articulum primum, & secundum nihil se offert dicendum.

ARTICVLVS II.

*Vtrum consuetudo possit habere
vim legis*

Conclusio est affirmans.

Non solum vim legis habere posse
sed etiam legem abolere ; & legem
interpretari docet Diu. Thom. con-
cludit enim: *Consuetudo & habet vim legis ,
& legem abolet , & legum est interpretatrix.*

Vim legis habere conuincunt verba
D. August. hic in argum. *Sed contra* relata
à D. Thom. Illa etiam S. Isidori relata Cap.
*Consuetudo, dist. 1. Consuetudo est ius quod-
dam moribus institutum .* Quæ, vt ibi ait
Glossa, definitionem consuetudinis conti-
nent: Per mores autem, assidui frequen-
tes, ac multiplicati actus humani intel-
ligendi sunt: nam ij, vt hic dicit Diuus
Thomas, *Consuetudinem efficiunt .* Quod
non efficienter, sed formaliter intelligen-
dum esse videtur, vt colligitur ex eodem.
D. Th. in 3. d. 23. q. 1. ar. 4. quæstiuncula 2 di-

cente: *Consuetudo importat quandam frequentiam circa ea quæ facere in nobis est.* Vnde Sylueſter verbo *Consuetudo*, in principio, & M. Soto lib. 1. de iuſtitia quæ. 7. art. 2. docent conſuetudinem non eſſe habitum, aut aliquid cauſatum ex frequentia actuum, ſeu ex actibus multiplicatis, ſed ipſammet frequentiam actuum in aliqua Republica, aut communitate.

Legem conſuetudine aboleri conſtat ex L. *De quibus*, ff. *De legibus*, ubi dicitur: *Reſ. ſimè etiam illud receptum eſt, ut leges etc. per diſſuetudinem abrogentur.* Vbi Gloſſa per diſſuetudinem intelligit conſuetudinem contrariam; nam non vſus quando non habet actum ſaltem tacitum contra diſpoſitionem iuris, quo introducatur conſuetudo, non ſufficit ad legem auferendam, vt docet Sylueſter verbo *Consuetudo*, q. 8. Distinguit etiam Gloſſa. *Aut eſt conſuetudo generalis, & tunc generaliter vincit legem, aut eſt ſpecialis; & tunc vincit ſpecialiter.* In loco ſcilicet ubi inualuit. Conſuetudo autem vniuſ perſonæ priuatæ legem vincere nequit. Denique dicit Gloſſa: *Hæc eſt vera, ſi conſuetudo ſequitur legem: nam ſi præcedat vincitur à lege.* Vnde eodem modo ſe habent, ſicut duæ aliæ leges contrariæ, quarum poſterior derogat priori. Quo pacto etiam vna conſuetudo poteſt aliam aboleri, poſterior ſcilicet priorem.

Tandem conſuetudinem eſſe legum interpretatricem patet ex Cap. *Cum dilectus*, *De conſuetudine*, & ex L. *Si de interpreta-*
tio-

zione, ff. de legibus, vbi dicitur: *Optima enim est legum interpretres consuetudo*. Est autem interpretatio, quæ consuetudine inducitur, authentica, qualem Princeps, & legislator præstare potest, & non solum qualem sapientes proferre possunt.

Dubium. An ut consuetudo vim legis habeat, & alios effectus prædictos præstet, requiratur Principis consensus.

P Ars negans (pro qua referri solent S. Antoninus 1. par. tit. 16. cap. vnico §. 2. & 6. & Conradus hic, ac Driedo lib. 1. de libertate Christiana cap. 18.) probatur 1. nam in L. *Sed ea* ff. de legibus dicitur: *Sed ea quæ longa consuetudine probata sunt, ac per annos plurimos observata, velut tacita ciuium conuentio non minus, quam ea quæ scripta sunt iura seruantur*. Et in L. *De quibus*: eodem titulo, ratio huius redditur: *Nam cum ipsæ leges nulla alia ex causa nos teneant, quam quod iudicio populi receptæ sunt, merito, & ea quæ sine vlllo scripto populus probauit, tenebunt omnes: nam quid interest suffragio populus voluntatem suam declarat, an rebus ipsis, & factis?* Et statim subditur: *Quare rectissime etiam illud receptum est, ut leges non solum suffragio legislatoris, sed etiam tacito consensu omnium per dissuetudinem abrogentur*. Ergo quamuis non sit consensus Principis, consuetudo solo populi usu vim legis ha-

Ipsa consuetudo in tali multitudine prevalens obtinet vim legis, in quantum per eos toleratur, ad quos pertinet multitudini legem imponere. Ex hoc enim ipso videntur approbare quod consuetudo induxit, Hæc enim approbatio tacitus consensus est.

Aduertendū tamen est cum M. Soto lib. 1. de iustitia q. 7 ar. 2. non quamcumque tolerantiam Principis esse eius tacitum consensum, & approbationem sufficientem ad prædicta, sed eam qua tolerat consuetudinem, cum possit eam cohibere, eique contradicere: si enim non posset, non approbatio, & consensus tacitus esset eius tolerantia, sed solum quædam ob impotentiam remissio non sufficiens ad prædicta.

An verò, requiratur consuetudinem esse notam Principi, non est concors omnium sententia. S. Antoninus ubi supra refert Glossam asserentem, etiam sine scientia Principis consuetudinem posse habere vim legis, & legem tollere: *Difficile enim esset eis scire omnes consuetudines quæ servantur.* Idem alij recentiores sentiunt, dicunt enim, satis esse non obseruari legem, etiam si Princeps hoc nesciat: quia leges humanæ feruntur cum ista tacita conditione, si populus recipiat sicque sine scientia Principis posse esse eius tacitum consensum. Limitant tamen hanc sententiam quo ad leges Pontificias: quia multoties Pontifices, licet non prohibeant ea quæ fiunt contra proprias leges, præcipuè in materia immunitatis Ecclesiæ.

ſtaſtica, non tamen conſentiunt, ſed ta-
cent, quia non poſſunt commodè reme-
dium adhibere. Sed hæc limitatio etiam
videtur poſſe habere locum in legibus Prin-
cipum ſæcularium, cum ij ſæpe non poſſint
commodè remedium adhibere his quæ
ſiunt contra ſuas leges. Alij neceſſario re-
quiri dicunt ſcientiam Principis, quia ſi cõ-
ſuetudo ei omnino eſſet ignota, non cenſe-
retur conſentire; niſi fortè ea, de quibus eſt
conſuetudo, diſpenſationi miniſtrorum
commiſſa eſſent, & miniſtri ea ſcientes to-
lerarent. Sæpe etiam miniſtrorum con-
ſenſus argumentum eſſe poteſt approbationis
Principis legiſlatoris, quia præſumi po-
teſt, eos non ſine beneplacito Principis
quod agitur tolerare.

Dicendum eſt 2. Præter conſenſum Prin-
cipis, vt conſuetudo vim legis habeat, re-
quiri conſuetudinem inductâ fuiſſe à mul-
titudine in vi præcepti cum intentione ſe-
obligandi. Primum nempe conſenſum
Principis requiri, Patet ex præced. conſe-
quens. Ex quo colligunt multi, vota, aut iuramen-
ta, quibus aut certa ieiunia inducuntur in
populo, aut aliquæ feſtiuitates inſtituuntur
in honorem ſanctorum, non poſſe obligare
ſucceſſores eorum, qui votum non emiſe-
runt, aut iuramentum niſi quatenus appro-
bata fuerunt ab Epifcopo: quia non obli-
gant, vt vota, aut iuramenta, cum hæc ſo-
lum inducant obligationem perſonalem,
ſed ſolum per modum conſuetudinis: cum
autem conſuetudo non habeat vim obli-

sationem, si opus fuerit, obtinere. Si verò non potest ad superiorem recurrere necessitas, ne scilicet incurrat malum quod prudenter timet ex legis observatione, ipsi copiam facit ut possit præter verba legis agere: quia necessitas non subditur legi & dispensationem habet annexam, ut hic ait D. Thom. Quibus verbis videtur S. Doctor significare, in hoc casu non pertinere ad Epiikiam agere præter verba legis, sed id licere ex dispensatione: quam necessitas habet annexam. Quamvis etiam dici possit non opus esse dispensatione, cum necessitas non subdatur legi, & dispensatio supponat subiectionem ad legem, siquid ad Epiikiam spectare ad hocque sufficere moralem, & prudentialem certitudinem, quando non potest ad superiorem recurri.

Dicendum est 2. In casu in quo lex solum deficit negativè quia scilicet ratio eius cessat licitum etiam esse, præter verba legis agere: si tamen ratio legis totalis & adæquata per se & non solum per accidens cesset; per se cessare dicitur ratio legis, quando nec ipsa, nec aliquid, quod eam per se & ex sua natura inducat, manet: per accidens verò, quando licet aliquid tale maneat ipsa tamen non manet de facto in aliquo particulari casu ob aliquam accidentalem circumstantiam. Quia ratione solum cessante legis ratione, non cessat ipsa lex, nam ut ait D. Th. 2.2 quæst. 154 art. 2. *Id quod cadit sub legis determinatione indicatur secundum id, quod*

ARTICVLVS VI. 141

*communiter accidit, & non secundum id, quod
in aliquo casu potest accidere.*

Hanc conclusionem sic explicatam non solum veram esse, sed etiam illa conciliari posse diuersas de hac re Doëtorum sententias, existimo. Prima est Nauarri in Commentario in Rubricam de Iudicijs num. 73. & seq. quam etiam alii non pauci sequuntur, cessante legis ratione & causa totali ob quam instituta est, legem ipsam cessare respectu cuiuscumq. ratio legis cessat, ac proinde illum posse præter verba legis agere, etiam si in illo aut respectu illius lex solum deficiat negatiue. Et hæc sententia expressè nostram conclusionem continet.

Secunda est Caietani secunda secundæ, quæst. 120. art. 2. vbi asserit, quando lex deficit purè negatiue, vim obligatiuam non perdere, ac proinde non cessare, ex eo quod ratio legis cessat. Et quamuis hæc sententia videatur opposita nostræ conclusioni, illi tamen reuera non contrariatur: illam namque explicat, & probat Caietanus exemplo legis prohibentis fornicationem, quæ in eo, qui sufficientem, ac debitam educationem potest prouidere proli, non cessat, quamuis in illo cesset ratio talis legis, quæ est bonum prolis, ne scilicet priuetur debita educatione. Cum autem hæc ratio tunc solum cesset per accidens, quia vt inferius quæst. 154. art. 2, ipsemet Caietanus dicit, tunc solum per accidens inuenitur prouisio prolis debita; sentit absque dubio si ratio legis cesset per se, legem etiã ipsam

ipsam cessare, quod asserit nostra conclusio

Tertia est Mag. Soto libro primo de iustitia, quæst 6 art. 8. & communis fere omnium Theologorum, quæ dicit, cessante legis ratione in toto genere, & vniuersaliter, legem ipsam cessare; cessante tamen ratione legis in particulari persona & casu, non cessare legem ipsam. Quæ sententia si debite intelligatur non est contraria præcedentibus, nec nostræ conclusioni: nam per cessare legis rationem in particulari persona & casu intelligendum est, cessare per accidens, nam quæ contingunt in indiuiduo per accidens contingere asserit D. Tho. 3. Contragentes, cap. 12. per cessare vero rationem legis in toto genere, & vniuersaliter intelligendum est, cessare per se & quantum ad omnia quæ per se, & ex natura sua illam inducunt, quæ ratione actus fornicarius defectum debitæ educationis prolis inducit, ut ait Ferrariensis in locum proximè citatum. Si enim per cessare in toto genere & vniuersaliter intelligeretur, cessare in omnibus personis legi subiectis, & per cessare in particulari persona intelligeretur, cessare in vna tantum persona legi subiecta, falsum esset quod hæc tertia sententia asserit: nam etiam si in omnibus cessaret ratio legis per accidens, eo modo quo in potente debitam prolis educationem providere cessat ratio legis prohibentis fornicationem, non propterea in omnibus cessaret lex: & si cessante legis

ta-

ratione per se in omnibus lex ipsa cessat, non est maior ratio cur non cesset lex in vno solum, si eodem modo in illo cesset ratio legis, quo in omnibus. Cur enim deficiente ratione apud omnes, manebunt omnes deobligati, & deficiente ratione apud vnum eodem modo, ille vnus deobligatus non manebit, cum lex non magis obliget illum vnum, quam omnes, & ratio ob quam lex condita est, non minus habeat vim in illo vno quam in omnibus?

Hoc supposito, probatur nostra conclusio primo exemplo, cuius meminit Caiet. vbi supra: quia in Christo cessauit ratio legis circumcisionis, in illo etiam cessauit lex & obligatio circumcisionis, & quia in B. Virgine cessauit ratio legis purgationis, seu purificationis, in illa etiam cessauit lex, & obligatio purgationis, seu purificationis, vt docet D. Thom: 3. p. q. 37. ar. 4. ergo in quocumque alio cessauerit ratio cuiuscumque alterius legis tota totaliter, & per se, lex etiam ipsa eiusque obligatio cessabit.

Secundè, nam vt ait D. Thom. in 3. dist. 37, quæst. 1, art. 4. *Hoc ad quod respicit legislator, quod est legis intentio & finis, est mensura legis positivæ; ergo cum mensuratum non se extendat vltra mensuram, nec obligatio legis vltra intentionem, & finem legis, & legislatoris, lex eiusque obligatio non se extendet vltra rationem eius, hæc enim legis, & legislatoris intentio, & finis est.*

Tertiò, ratio legis est anima legis; sed deficiente anima, deficit vita animalis; er-

go deficiente legis ratione, etiam obligatio legis deficiet, in quocumque illa deficiat. Quod intelligendum est de ratione & causa finali adæquata & totali: si enim solum cesset ratio & causa finalis legis inadæquata & partialis, non opus est, ut cesset legis obligatio: nam qui pacatas habet passionnes, tenetur lege ieiunii, quamvis in illo cesset huius legis ratio inadæquata, cum non solum ob mortificationem passionum, sed etiam ob alias rationes & causas, præsertim imitationem Christi sit lex ieiunii instituta. Idem asserit Nauarrus ubi supra de lege prohibente fornicationem, cuius rationem, ait, non solum esse evitacionem prauæ educationis prolis, sed etiam abusus corporis & seminis. Apud illum vide alias probationes nostræ conclusionis.

Si quæras, an quod diximus de ratione legis; dicendum sit etiam de Præsumptione quando in ea lex fundatur? Respondetur, idem dicendum esse, sicque illud Iurisperitentium axioma, lex fundata in præsumptione non obligat in conscientia, quando præsumptio fallit, verum esse, etiam si præsumptio non fallat in omnibus legi subiectis, sed solum in vno. Ex quo Panormitanus in *C. Tua nos*. De vsuris colligit, illum qui non facit inuentarium, non teneri ultra vires hæreditatis; *Quia lex inducens, oppositum est fundata super presumptione, quia præsumit plus fuisse in hæreditate. Sed in foro anima de omnibus creditur cõsueti.* Et ex eo quod cessat ratio legis debet cessare ipsa lex.

Alii

Alij etiam inferunt, quod nos latius probauimus 2. 2. q. 66. art. 1. dub 5. conclus. 2. illum qui institutus est hæres per testamentum minus solemne, posse tuta conscientia hæreditate potiri: quia leges tales testamentum nullum esse decernentes ducuntur præsuppositione fraudem scilicet, aut vim aliquam interuenisse; sicque cessante præsuppositionis veritate, in foro conscientie nõ obligant.

Si quæres etiam; an quando lex solum deficit negatiuè prædicto modo, agere præter verba legis spectet ad Epikiam, seu æquitatem? Respondetur, Caietanum 2. 2. quæst. 120. artic. 2. sentire non spectare ad Epikiam: quia Epikia est iustitia quædam: iustitiæ autem materia est operatio: quæ sine ipsius directione recta non esset; sicque si ad Epikiam spectaret præter verba legis agere quando lex solum deficit negatiuè, non esset tunc licitum agere secundum verba legis, quod falsum esse constat. Vnde secundum hanc sententiam asserendum, est, tunc agere præter verba legis, ideo licitum esse quia lex cessauit respectu eius, in quo cessat ratio legis: sicut voto ieiunandi cessante licitum est non ieiunare, quia cessauit votum. M. Soto tamen lib. 1. de iustitia q. 6. art. 8. circa finem dicit, quando ratio legis cessat in toto genere, sufficientem rationem Epikiæ, esse, vt subditus agat præter verba legis. Quod probari potest ex Arist. 5. Ethicor. cap. 10. vbi de æquo & bono. quod est obiectum Epikiæ: ait:

146 QVAESTIO XCVI.

Hæc est natura ipsius aequi & boni, emendatio legis, ea ex parte qua deficit. Ergo cum lex possit deficere contrariè & negativè, quocumque modo deficiat emendari poterit per Epikiam, cuius directione poterit præter verba legis agi. Ad quod non requiritur, ut servare legem sit peccatum, ut patet ex dictis con. 1. Neque hoc probat ratio Caietani; quia sicut iustitia commutativa non obligat, ut quis vendat rem suam etiam iusto pretio, sed solum ut si eam vendere debet, vendat prætio iusto: ita Epikia non necessario obligat semper ut præter verba legis agatur, sed solum ut si præter verba legis agendum sit, hoc non fiat nisi deficiente lege saltem negativè quia totalis ratio & causa legis cessat; si enim fieret nullo modo deficiente lege: peccatum esset, sicut peccatum esset vendere triticum non iusto pretio.



147

QVÆSTIO XCVII.

De mutatione legum.

Circa articulum primum, & secundum nihil se offert dicendum.

ARTICVLVS III.

*Vtrum consuetudo possit habere
vim legis*

Conclusio est affirmans.

Non solum vim legis habere posse sed etiam legem abolere; & legem interpretari docet Diu. Thom. concludit enim: *Consuetudo & habet vim legis, & legem abolet, & legum est interpretatrix.*

Vim legis habere conuincunt verba D. August. hic in argum. Sed contra relata à D. Thom. Illa etiam S. Isidori relata Cap. *Consuetudo*, dist. 1. *Consuetudo est ius quoddam moribus institutum.* Quæ, vt ibi ait Glossa, definitionem consuetudinis continent: Per mores autem, assidui frequentes, ac multiplicati actus humani intelligendi sunt: nam ij, vt hic dicit Diuus Thomas. *Consuetudinem efficiunt.* Quod non efficienter, sed formaliter intelligendum esse videtur, vt colligitur ex eodem D. Th. in 3. d. 23. q. 1. ar. 4. quæstiuncula 2. di-

cente: *Consuetudo importat quandam frequentiam circa ea quæ facere in nobis est.* Vnde Sylueſter verbo *Consuetudo*, in principio, & M. Soto lib. 1. de iuſtitia qu. 7. art. 2. docent conſuetudinem non eſſe habitum, aut aliquid cauſatum ex frequentia actuum, ſeu ex actibus multiplicatis, ſed ipſammet frequentiam actuum in aliqua Republica, aut communitate.

Legem conſuetudine aboleri conſtat ex L. *De quibus*; ff. *De legibus*, ubi dicitur: *Reſiſſimè etiam illud receptum eſt, ut leges etc. per diſſuetudinem abrogentur.* Vbi Gloſſa per diſſuetudinem intelligit conſuetudinem contrariam; nam non vſus quando non habet actum ſaltem tacitum contra diſpoſitionem iuris, quo introducatur conſuetudo, non ſufficit ad legem auferendam, ut docet Sylueſter verbo *Consuetudo*; q. 8. Distinguit etiam Gloſſa. *Aut eſt conſuetudo generalis, & tunc generaliter vincit legem, aut eſt ſpecialis; & tunc vincit ſpecialiter.* In loco ſcilicet ubi inualuit. Conſuetudo autem vniuſ perſonæ priuatæ legem vincere nequit. Denique dicit Gloſſa: *Hæc eſt vera, ſi conſuetudo ſequitur legem; nam ſi præcedat vincitur à lege.* Vnde eodem modo ſe habent, ſicut duæ aliæ leges contrariæ, quarum poſterior derogat priori. Quo pacto etiam vna conſuetudo poteſt aliam aboleri, poſterior ſcilicet priorem.

Tandem conſuetudinem eſſe legum interpretatricem patet ex Cap. *Cum dilectus*, *De conſuetudine*, & ex L. *Si de interpreta-*
tio-

tionē, ff. de legibus, vbi dicitur: *Optima enim est legum interpretēs consuetudo*. Est autem interpretatio, quæ consuetudine inducitur, authentica, qualem Princeps, & legislator præstare potest, & non solum quælem sapientes proferre possunt.

Dubium. An ut consuetudo vim legis habeat, & alios effectus prædictos præstet, requiratur Principis consensus.

Pars negans (pro qua referri solent S. Antoninus 1. par. tit. 16. cap. vñico §. 2. & 6. & Conradus hic, ac Driedo lib. 1. de libertate Christiana cap. 18.) probatur 1. nam in L. *Sed ea* ff. de legibus dicitur: *Sed ea quæ longa consuetudine probata sunt, ac per annos plurimos obseruata, velut tacita ciuium conuentio non minus, quam ea quæ scripta sunt iura seruantur*. Et in L. *De quibus*: eodem titulo, ratio huius redditur: *Nam cum ipsæ leges nulla alia ex causa nos teneant, quam quod iudicio populi recepta sunt, merito, & ea quæ sine vllō scripto populus probauit, tenebunt omnes: nam quid interest suffragio populus voluntatem suam declaret, an rebus ipsis, & factis?* Et statim subditur: *Quare rectissime etiam illud receptum est, ut leges non solum suffragio legislatoris, sed etiam tacito consensu omnium per dissuetudinem abrogentur*. Ergo quamuis non sit consensus Principis, consuetudo solo populi vsu vim legis ha-

bere, & legem abolere poterit.

Secundo, Princeps sæcularis à populo accepit potestatem, & facultatem condendi leges; ergo quando populus legi resistit, aut aliquid communi vsu introducit, non indiget Principis beneplacito, & consensu.

Tertiò, si populus legem non acceptet, lex non obligat, vt colligitur ex L. *De quibus*, citata, & docent multi ergo etiam postquam recepta est, populi dissensu, & contraria consuetudine abrogatur..

Dicendum tamen est 1. Vt consuetudo vim legis habeat, & alios præstet effectus supradictos, requiri consensum Principis legislatoris. Conclusio est intelligenda de consuetudine introducta in multitudine non libera: Si enim (inquit D. Tho. hic ad 3.) *sit libera multitudo, quæ possit sibi legem facere, plus est consensus totius multitudinis ad aliquid observandum, quod consuetudo manifestat, quam authoritas Principis, qui non habet potestatem condendi legem, nisi in quantum gerit personam multitudinis: unde licet singule persone non possint condere legem; tamen totus populus condere legem potest. Si verò multitudo non habeat liberam potestatem condendi sibi legem, vel legem à superiori potestate positam remouendi: tamen ipsa consuetudo in tali multitudine preualens obtinet vim legis, in quantum per eos toleratur, ad quos pertinet multitudini legem imponere. Ex hoc enim ipso videntur approbare quod consuetudo induxit.*

Pro-

ARTICVLVS III. 151

Probatur deinde ratione . Eiusdem potestatis est legem condere, abrogare, & interpretari, ac consuetudini vim ad hæc omnia præstanda præbere: sed multitudo non libera non habet potestatem condendi sibi legem, aut legem sibi positam abrogandi, aut interpretandi authenticè; ergo nec potest consuetudini præbere, vt vim legis habeat, aut legem abroget, vel interpretetur, sed si hæc habet consuetudo, ex consensu Principis legislatoris debet habere .

S. Antoninus vbi supra §. 2. inquit : *In Papa certam est quod requiratur eius assensus expressus, cum non ex translatione populi, sed dominica infusione suam habeat iurisdictionem.* Subdit tamen : *Sed pro opinione Glossæ, scilicet quod sufficit sola scientia, & tolerantia, facit ff. de leg. L. De quibus, cum idem operetur tacitus consensus quod expressus.* Hanc opinionem tenent communiter recentiores, qui & dicunt eandem esse rationem, quoad hoc in Papa, & in alijs Principibus sæcularibus: nam postquam populus semel omne dominium, & ius gubernationis in Principem sæcularem transtulit, non manet amplius in populo potestas condendi leges; ac proinde, nec præbendi consuetudini vim legis habere; sed si hanc habet, ex consensu Principis debet habere. Sufficere autem tacitum consensum tam Papæ, quàm aliorum Principum inde constat, nam talis cōsensus verus cōsensus est, & voluntarium ac liberū censeretur quod tacitè approbatur. Idem etiā colligitur ex verbis D. T. relatis:

G iv Ipsa

Ipsa consuetudo in tali multitudine prevalens obtinet vim legis, in quantum per eos toleratur, ad quos pertinet multitudini legem imponere. Ex hoc enim ipso videntur approbare quod consuetudo induxit, Hæc enim approbatio tacitus consensus est.

Aduertendū tamen est cum M. Soto lib. 1. de iustitia q. 7 ar. 2. non quamcumque tolerantiam Principis esse eius tacitum consensum, & approbationem sufficientem ad prædicta, sed eam qua tolerat consuetudinem, cum possit eam cohibere, eique contradicere: si enim non posset, non approbatio, & consensus tacitus esset eius tolerantia, sed solum quædam ob impotentiam remissio non sufficiens ad prædicta.

An verò, requiratur consuetudinem esse notam Principi, non est concors omnium sententia. S. Antoninus ubi supra refert Glossam. asserentem, etiam sine scientia Principis consuetudinem posse habere vim legis, & legem tollere: *Difficile enim esset est scire omnes consuetudines quæ servantur.* Idem alij recentiores sentiunt, dicunt enim, satis esse non observari legem, etiam si Princeps hoc nesciat: quia leges humanæ feruntur cum ista tacita conditione, si populus recipiat sicque sine scientia Principis posse esse eius tacitum consensum. Limitant tamen hanc sententiam quo ad leges Pontificias: quia multoties Pontifices, licet non prohibeant ea quæ fiunt contra proprias leges, præcipuè in materia immunitatis Ecclesiæ.

ſtaſtica, non tamen conſentiunt, ſed ta-
cent, quia non poſſunt commodè reme-
dium adhibere. Sed hæc limitatio etiam
videtur poſſe habere locum in legibus Prin-
cipum ſæcularium, cum ij ſæpe non poſſint
commodè remedium adhibere his quæ
fiunt contra ſua ſleges. Alij neceſſario re-
quiri dicunt ſcientiam Principis, quia ſi cõ-
ſuetudo ei omnino eſſet ignota, non cenſe-
retur conſentire; niſi fortè ea, de quibus eſt
conſuetudo, diſpenſationi miniſtrorum
commiſſa eſſent, & miniſtri ea ſcientes to-
lerarent. Sæpe etiam miniſtrorum con-
ſentus argumentum eſſe poteſt approbatio-
nis Principis legiſlatoris, quia præſumi po-
teſt, eos non ſine beneplacito Principis
quod agitur tolerare.

Dicendum eſt 2. Præter conſenſum Prin-
cipis, vt conſuetudo vim legis habeat, re-
quiri conſuetudinem inductâ fuiſſe à mul-
titudine in vi præcepti cum intentione ſe-
obligandi. Primum nempe conſenſum
Principis requiri, Patet ex præced. conſe-
ſu. Ex quo colligunt multi, vota, aut iuramen-
ta, quibus aut certa ieiunia inducuntur in
populo, aut aliquæ feſtiuitates inſtituuntur
in honorem ſanctorum, non poſſe obligare
ſucceſſores eorum, qui votum non emiſe-
runt, aut iuramentum niſi quatenus appro-
bata fuerunt ab Epifcopo: quia non obli-
gant, vt vota, aut iuramenta, cum hæc ſo-
lunt inducant obligationem perſonalem,
ſed ſolum per modum conſuetudinis: cum
autem conſuetudo non habeat vim obli-

G V. gandi

gandi nisi approbata à Principe legislatore, nec talia vota, aut iuramenta obligant successores sine consensu Episcopi, qui potest similia statuta confirmare.

Secundum docent Caiet. in Sum. verbo *Hors Canonice*, M.Soto lib. I. de iust. q. 7. ar. 2. & communiter DD. si enim consuetudo solum inducta fuerit in modum consilij, & purè deuotionis, non habebit vim legis, nec necessario obseruanda erit, sed solum ex deuotione tanquam consilium, vt patet in consuetudine abstinendi à carnibus, & ieiunandi in omnib. vigilijs festiuitatū B. Virg excepta vigilia Assumptionis eius. Hoc verū esse dicit Mag. Soto: *Nisi postea religio crebrescere incipiat tanquam præceptum: Suspicio enim me semper tenuit, morem soluendi statis horis Officium Domini nosse in initio non habuisse vim præcepti* (loquitur de ordiae Prædicatorum) *veruntamen postea adeò religio inualuit, vt vix iam sit, qui audeat negare præceptum.* Perpendendum est ergo an id quod ducitur in consuetudinem iudicetur ab omnibus obseruatu necessarium, & non solum tanquam faciendum ex deuotione.

Si dubium sit an consuetudo inducta fuerit in vi præcepti animo se obligandi, aut postea religione crebesciente incæperit tanquam præceptum, docent multi præsumendum esse sola deuotione, & in modum consilij inductam fuisse, & quod in consuetudinem ducitur non esse obseruatu necessarium. Quod & colligitur ex dictis à nobis supra q. 19 art. 6. dub. 5. ad 4. si facta
suffi-

sufficienti diligentia manet quis dubius an
votum emiserit, vel an lex, aut præceptum
sit positum, ad eius impletionem non te-
neri: *Melior siquidem est possidentis conditio:*
& manere liberum, censetur manere in sua pos-
sessione, vt docet M. Soto lib. 8. de iust. q. 3.
art. 2. Nec expedit multiplicare præcepta,
vbi certa non sunt.

Dicendum est 3. Præterea requiri, vt cō-
suetudo prædictos præstet effectus, ratio-
nabilem esse, & legitimè præscriptam.
Probatur ex Cap. *Cum tanto*, De consuetu-
dine, vbi dicitur: *Licet longa consuetu- li-*
nis non sit vilis auctoritas: non tamen est usq;
adeo valitura, vt vel iuri positiuo debeat præiu-
dicium generare, nisi fuerit rationalis, & legi-
timè sit præscripta. Rationalis dicitur, quæ
iusta, & rationis conformis est, vel, vt Glos-
sa ibidem ait: *Quam non improbant iura*, nem-
pe tanquam iniquam dicendo potius esse
corruptelam, quam consuetudinem.

Si lex diceret expressis verbis, quacum-
que consuetudine in contrarium non ob-
stante, existimat M. Soto lib. 1. de iust. q. 7.
art. 2. non posse per consuetudinem abro-
gari. Sed alij oppositum docent: quia
quibuscumque verbis lex statuta sit, potest
à Principe per verba abrogari: sed consue-
tudo approbata à Principe habet vim ver-
borum; ergo talis cōsuetudo vincit legem,
quibuscumque verbis lata sit.

Si consuetudo actibus illicitis inchoata
fuisse, inquit Caiet. hic: *Ex quo invaluit, &*

iam consuetudinis vim habet, legi scriptæ derogat. Non oportet namque posteros sollicitos esse, an licitè, vel illicitè introducta sit consuetudo, quam sine dubio licitè inveniunt observari. Sufficient enim consuetudinem iustam esse ex parte obiecti, hoc est de re bona, aut saltem indifferente ordinata ad finem bonū. ut patet in consuetudine comedendi aliquid in sero in diebus ieiunij, licet enim primi, qui illam introduxerunt peccauerint legem ieiunij transgredientes. ex quo tamen inualuit, licitè observatur, cum non sit de re ex se mala, sed saltem, indifferente ordinata ad bonum finem, ne potus noceat, aut alium. M. Soto lib. i. de iustitia q. 7. a. 2. ad 2. veram esse dicit hanc doctrinam Caietani quantum ad hunc effectum, ut lex pristina antiquetur: *At verò quantum ad alterum effectum, qui est obligare, consuetudo non sortitur vim legis quandiu per actus illicitos increbuerit: quia lex debet esse æqua, & iusta.* Sed non video cur non etiam quantum ad hunc effectum vim habeat consuetudo illicitis actibus introducta, cum ad legem sufficiat esse æquam, & iustam ex parte obiecti, ut diximus, & ex quo inualuit, possit consensu Principis vim legis habere. Si consuetudo fuerit de re indifferente, dicunt multi, nunquam præualet, ut vim legis obtineat, licet legem abroget, ut patet in consuetudine comedendi aliquid in sero in diebus ieiunij, & vescendi intestinis, aut capitibus animalium introducta in aliqui-

quæ

quibus regionibus, quæ licet quantum ad hoc abroget legem ieiunij, non tamen ad hoc obligat.

Præscripta legitimè consuetudo dicitur; quæ pluribus actibus inducta, & multo tempore obseruata est. Vnicus enim actus quantumcumque notorius non introducit consuetudinem; vt probat Panormitanus in Cap. *Cum tanto*, De consuetudine: *Quia consuetudo introducit, ex frequentia moris, sed cessat frequentia, ubi est vnicus actus. Si actus vnicus haberet causam successiuam, & continuaretur multo tempore, vt pontis ædificatio, aut collatio beneficij secularis regulari illud multo tempore possidēti, inquit Panormitanus, sufficeret ad inducendam consuetudinem. Cuius rationem assignat Syluester verbo Consuetudo q.4. Quia ibi actus est quidem vnus ratione rei facta, quæ est vna, sed est saltem virtualiter multiplex propter temporis diuturnitatem.*

Quot autem actus, & quantum tempus requirantur, non est concors omnium sententia. Mihi tamen distinguendum esse videtur: nam vel est sermo de consuetudine quæ resistit legi denuo latæ, vel de consuetudine quæ abrogat legem receptam, & vsu probatam. Si de prima sit sermo, verbo *Consuetudo* quæst.7. inquit Syluester: *Lex non ligat, si nunquam fuit seruata sciente, & non contradicente superiore cum posset: nec requiritur ad hoc tempus præscriptionis, sed sufficit binus, vel trinus actus in contrarium. Et*
idem

158 QVÆSTIO XCVII.

idem dicit quæst. II. de lege habente annexam sententiam excommunicationis: *Quod contra facientes non incurrunt excommunicationem ex quo per binum actum factum est contra, legislatore sciente, & valente contradicere, & non contradicente.* Quam sententiam tenent Angelus verbo *Consuetudo*, num. 9. & Panormitanus in Cap. *Cum tanto*, De consuetudine, & ex recentioribus, quam plures asserentes: sciente principe, & non puniente, cum possit, sufficere duos, aut tres actus factos contra legem: quia ad inducendam consuetudinē binis actus sufficit, & frequentia actus cōtingit, quando bis fit, nam quando bis fit, frequenter fit. Et non esse necessarium, istos actus fieri in præsentia Principis legislatoris, vel eo sciente, sed satis esse fieri scientibus Auditoribus regijs, vel Episcopis.

Si verò sit sermo de consuetudine, quæ inducit nouam legem, vel abolet legem antiquam, inquit multi certissimum esse non sufficere duos, vel tres actus: nam tam pauci non possunt efficere, ut quod fit, communis populi consensus censeatur: præsertim cum requiratur temporis diuturna perseverantia in eisdem actionibus. Cuius etiam rationem assignat Mag. Soto libro 1. de iustitia, q. 7. ar. 2. *Nam cum lex prudentia, & iudicio condi debent, iudicium autem, tempus requirat, sit ut consuetudo brevi tempore non usque ad vigorem legis irroboretur.*

An verò requiratur certum, & determinatum tempus, colligitur ex eodem Mag.

ARTICVLVS III. 159

Soto ibidem afferente : *In verbo præscripta, considerandum, quod tunc consuetudo vim adipiscitur legis, quando communi hominum iudicio, & arbitrato peccatum esset facere contra illam.* Iuxta quod afferunt, quidam tunc consuetudinem vincere, & esse sufficienter introductam, quando viri probi, & prudentes censent esse introductam, nec aliam, euidentiore regulam statui posse. Idem sentiunt alij asserentes, non esse ipsis legibus constitutum tempus, neque posse certa periodo definiri : sed prudentis viri arbitrio discernendum esse pro loco, personis, & circumstantiis, & iuxta notitiam, & permissionem Principis : nam iura solum assignant tempus præscriptioni rerum, & possessionum, quod non potest extendi ad præscriptionem consuetudinis. Non enim est eadem ratio, quoniam possessionibus conuenit præscriptio, non ratione vsus agendi, nec propter consensum domini, qui rem, in qua alius præscribit, repetere poterat, sed quia longi temporis possessio argumentum est iusti tituli, quo possessor rem illam retinet, ut imponatur finis litibus. Consuetudo autem præscribit, ut in legem transeat propter continuationem vsus, & principis consensum : unde expediens fuit, ut illi præfigeretur terminus, non verò consuetudini, cum aliquando breuiori tempore voluntas populi, & consensus Principis declarari valeat, aliquando autem longius requiratur. Vnde cum dicitur in Cap. *Cum tanto*, De consuetudine citato, consuetudinem

160 **QVAESTIO XCVII.**

nem debere esse legitimè præscriptam, idem est, ac si diceretur, debere esse sufficienter firmatam, sicque si talis fuerit ante decennium, aut aliud tempus determinatum, & legis vim poterit habere, & legem antiquam abrogare, cum hoc non conveniat ei ex tempore determinato, sed ex consensu Principis, & populi voluntate, ut patet ex 1. & 2. conclus. Scio Panormitanum in Cap. *Cum tanto*, citatum, & alios sentire, requiri certum, & definitum tempus, ut dicatur consuetudo præscripta, sed quæ diximus satis probabilia sunt, & nihil est quod oppositum convincat: nam quavis, ut diximus, ut consuetudo dicatur præscripta, debeat esse multo tempore observata; multum tamen, aut longum tempus huiusmodi nullū ius determinat quantum esse debeat, sicut determinat tempus præscriptionis aliarum rerum, nec est eadem ratio de hac præscriptione, ac de illa, ut ostendimus: unde non obstat eodem tenore verborum dici legem debere esse præscriptam: nam intelligendum esse suo iure, hoc est ita firmatam, ut adsit consensus principis, & voluntas populi sufficiens. Nec est verum nomen ipsum præscriptionis ferre secum certi temporis determinationem: nam quamvis præscriptum dici nequeat quod est omnino arbitrarium; tale tamen optimè dici potest, quod prudentiam arbitrio est sufficienter firmatum, in aliquibus quidem breviori tempore, in aliis longiore.

Ad

ARTICVLVS III. 161

Ad argumenta autem facta in principio respondetur. Ad 1. cum Glossa in legem, *De quibus*, citatam in argumento. *Huius legis tempore populus habebat potestatem condendi leges: unde per eius contrariam consuetudinem abrogabantur, hodie per Principem tantum fit utrumque.* Idem dici potest ad legem *Sed ea.*

Ad 2. respondetur, multos esse Principes, qui facultatem condendi leges à populo non acceperunt, vt patet in Papa, & illis principibus, qui iure belli regna obtinuerunt. De alijs vero asserendum est, postquam semel Respublica dominium sui, & ius gubernandi transtulit in Principem, iam non amplius penes ipsam esse auctoritatem instituendi, & abrogandi leges, sed hanc tantum esse in Principe, ac proinde eius beneplacito, ac consensu saltem tacito indigere, vt consuetudo, quam populus introduxit, vim legis habeat, aut legem aboleat.

Ad 3. respondetur ex dictis supra quæst. 95. art. 3. dubio vnico, si populo non acceptante legem hæc nõ obligat istud nõ esse absque Principis legislatoris consensu, & approbatione; sicque si postquam recepta est lex, consuetudine abrogatur, hoc non fieri sine simili Principis consensu.

ARTICVLVS IV.

*Vtrum rectores multitudinis
possint in legibus humanis
dispensare.*

Conclusio est affirmans.

Dubium. Quæ requirantur, ut dispensatio in legibus humanis valida sit, & licite fiat à rectoribus multitudinis.

Dispensatio legis interpretationem legis supponit: nam ut docet Caiet. quæst. præced. art. 6. *Dispensatio ex interpretatione legis procedit.* Hæcque adeo ad dispensationem prærequiritur, ut ubi nulla est opus interpretatione, quæ declaretur legem deficere in personis, vel in casu, magisque expedire, ut ab hoc, vel illo homine, aut in hoc, vel illo casu lex non seruetur, nulla sit ratio dispensandi; ait namque idem Caiet. hic: *Quando non est, nec apparet, nec dubitatur defectus legis, nulla est ratio licentiam tribuendi, quod non seruetur legis præceptum, ac per hoc nulla est ratio dispensandi.* Quod & colligitur ex D. Tho. hic dicente, rectorem multitudinis habere potestatem dispensandi in legem humanam, ut scilicet in personis, vel in casibus, in quibus

bus lex deficit, licentiam tribuat. Ex quo colligitur, dispensationem antecedenter, & præsuppositiuè esse quidem interpretationem legis, propter quod S. Doctor 2. 2. quæst. 88. art. 10. ait, dispensare in lege, esse determinare in particulari casu legem non esse seruandam: formaliter tamen ab illa longe diuersam, esse, vt ostendunt M. Soto lib. 1. de iustitia qu. 7. art. 3. & alij; interpretatio enim quædam legis declaratio est: dispensatio verò licentiæ seu facultatis concessio, vt præceptum, vel lex non seruetur. Quæ concessio cum sit quædam legis relaxatio, optimè ait S. Raymundus lib. 3. Sum. titul. de lapsis, & dispensationibus 9. 9. *Dispensatio est idem quod iuris relaxatio.* Hoc supposito.

Dicendum est 1. Vt valida sit dispensatio, & rectè fieri possit à rectoribus multitudinis, requiri, talem legem eorum auctoritati inniti. Docet hoc D. Thom. hic dicens: *Ille qui habet regere multitudinem, habet potestatem dispensandi in lege humana, quæ suæ auctoritati innititur.* Ex quo colligitur, solum illum habere potestatem dispensandi in lege humana, qui legem condidit, aut successorem habentem æqualem potestatem, aut superiorem: inferiorem, verò nequaquam, nisi forte ex consuetudine, aut superioris commissione.

Docet tamen Cai. hic *Ex hoc ipso quod aliquis constitutus est rector multitudinis, commissæ quoque est sibi auctoritas dispensandi in lege superioris quo ad tria, scilicet quo ad le-*
uia,

nia, quo ad frequentia, quo ad propria. Idem docent M. Soto lib. 1. de Inst. qu. 7. art. 3. & alij optimeque probant, & explicant. Quamvis enim de hoc non sit aliquod ius expressum, nec appareat manifesta commissio ad dispensandum in his, satis probabiliter ostendit Cai. tacite commissam esse huiusmodi auctoritatē rectoribus multitudinis inferioribus: Non est enim rationi consensum, ut ad Principem pro dispensatione in leui recurrendum sit. Solum enim graua sibi reservata esse velle eorum grauitas, & grandis auctoritas ostendit: Frequenter quoque occurrentibus graue nimis esset ad Principem sepe valdè remotum loco, vel commoditate recurrere. Vndè Episcopi in lege inhabilitante coniuges incestuosos ad exigendum debitum coniugale, & in lege ieiunij Ecclesiastici, & in præcepto obseruationis festorum ab Ecclesia statutorum sæpe dispensant; non quidem generaliter; aut pro tota vita, sed pro aliqua vice, aut breui tempore. AEquum etiam est, ut ea qua sunt ita propria alicui multitudini, quod non redundent in communitatem Regni, vel Reipublica Christiana, illius multitudinis rectori, qui notitiam specialem eius habet, moderanda relicta sint, nisi forè adeo notabilis casus sit, ut merito superior consulendus occurrat.

Dicendum est 2. Requiri etiam causam iustam, & rationabilem, ut licitè ac rectè fiat dispensatio. Colligitur hoc ex D. Th. hic de rectore multitudinis dicente: *Si absque hac ratione pro sola voluntatē licentiam*
tri-

tribuat, non erit fidelis in dispensatione, aut erit imprudens.

Colligitur etiam ex S. Bern. lib. 3. de consideratione circa finem dicente: *Vbi necessitas urget, excusabilis dispensatio est. Vbi utilitas prouocat dispensatio laudabilis est: utilitas dico communis, non propria. Nam cum nihil horum est, non plane fidelis dispensatio, sed crudelis dissipatio est.* Idem dicit lib. de præcepto, & dispensatione in principio.

Probatur etiam ratione, qui absque causa rationabili dispensat in lege humana, abutitur potestate, quæ data est ei in ædificationem, & non in destructionem, & inordinationem Reipublicæ inducit, ac in æqualitatem, ubi nulla est inæqualitatis ratio; ergo peccat, & non fideliter, prudenter ac rectè dispensat.

Quodnam autem sit huiusmodi peccatum, quod committit, non est concors omnium sententia. Quidam existimant peccatum mortale esse ex suo genere, sicque si materia fuerit grauis, qualis est in dispensatione quadragessimæ, aut oneris recitandi Officium diuinum, semper in indiuiduo esse peccatum mortale dispensare pro libito, & sine causa in lege humana. Quæ sententia satis conformis videtur D. Thom. hic ad 2. dicenti: *Quod non est acceptio personarum, si non seruentur æqualia in personis inæqualibus. Vnde quando conditio alicuius persone requirit rationabiliter, ut in ea aliquid specialiter obseruetur, non est personarum acceptio, si sibi aliqua specialis gra-*

via fiat. His enim indicat, quando conditio personæ hoc non requirit, sed sine vlla causa rationabili sit dispensatio, acceptionem personarum esse, & acceptio personarum peccatum mortale est ex suo genere, ut patebit 2. 2. quæst. 63. art. 1. ergo &c. Violationi etiam iustitiæ distributiæ, quæ est in hac acceptione personarum, dum non æqualiter distribuuntur legis obligatio, & dispensatio, adiuncta videtur violatio iustitiæ commutatiæ, cum ex officio ac proinde ex iustitia commutativa teneatur superior non dispensare sine causa, violatio etiam iustitiæ legalis, ex qua tenetur Princeps bonum commune promouere, cui tamen dispensatio sine causa multum nocet, illique contraria est.

Alij dicunt non esse peccatum mortale ex suo genere sed solum veniale, sicque secluso scandalo, & alterius graui damno, aut alia circumstantia mortaliter malum nunquam esse in indiuiduo peccatum mortale sed solum veniale, dispensare pro libito, & sine causa in lege humana. Quæ sententia fundamentem videtur habere in D. Thom. hic, dum de dispensante sine causa pro sola voluntate solum ait; *Non erit fidelis in dispensatione, aut erit imprudens*. Cum enim actus, ex hoc quod sit contra prudentiam, non habet specialem malitiam, nam ille defectus generalis est omni peccato etiam veniali, & infidelitas opposita fidelitati, non sit peccatum mortale sed solum veniale ex suo genere, ut ostendit Cai-

ie.

ietan. 2. 2. quæst. 113. artic. 1. videtur, dispensare pro libito, & sine causa non esse peccatum mortale sed solum veniale ex suo genere.

Fauere etiam videtur huic sententiæ Caietanus: nam in Sum. verbo *Dispensatio*, sic habet: *Dispensare in lege absque rationabili causa, peccatum est quia actus est voluntarius dissonus rationi rectæ. Est autem veniale huiusmodi peccatum in paruis. In iis autem quæ notabilia sunt, considerandum est si aliquid interuenit contra diuina præcepta seu bonos mores, vel non: & sic iudicandum est de mortali vel non mortali.* At si esset peccatum mortale ex suo genere, non opus esset hoc considerare, sed eo ipso ac materia esset notabilis, quamuis non esset contra diuina præcepta, sed solum contra legem humanam in qua dispensatur, esset in individuo peccatum mortale; ergo dispensare in lege sine causa, non est ex se peccatum mortale, sed solum potest esse tale ex circumstantia scandali, aut damni notabilis, aut aliorum quæ sunt contra diuina præcepta, vt patet in exemplis quæ subiungit Caiet. v. gra. si absque rationabili causa dispensetur quis, vt habeat multas Ecclesias, & patet, aut creditur, vel probabiliter dubitatur inde prouenire, quod Ecclesia priuentur debitis curis animarum, peccatum mortale proculdubio incurritur: quia contra diuinum ius est, vt priuetur Ecclesia debita cura animarum, &c.

Denique eidem sententiæ fauere videntur Syluester verbo *Dispensatio*, quæst. 2. &

3. &

3. & M. Soto lib. 1. de iust. qu. 7. art. 3. ad finem afferentes, in his quæ meri sunt positiui iuris, dispensationem sine causa cessante scandalo, & aggrauatione aliorum, non esse peiorem culpam quam venialem in exempto, & procurante talem dispensationem, ac per consequens neque in eam concedente: nam si in hoc esset mortalis culpa, etiam esset mortalis in procurante, cum illi cooperetur.

Ratione etiam probari potest: nam vt ait Syluester loco proximè citato: *Eius est destruere, cuius est condere, nec Princeps tenetur legibus suis ligatus*, sed hæc ab eius voluntate pendent; ergo licet in eis sine causa dispense, si deest scandalum, & notabile damnum aliorum, & detrimentum magnum boni communis, non peccat mortaliter, non enim videtur res tanti momenti, vt plusquam veniale peccatum sit.

Ad argumentum autem oppositæ sententiæ responderi potest, D. Thom. si illud indicat, intelligendum esse, quando ex dispensatione sine causa sequitur aggrauatio, & damnum aliorum: nam acceptio personarum non est absque aliorum iniuria. Vnde licet Prælati, si in lege à se condita solum dispensaret cum sibi auxiliarijs, qui videlicet illum elegerunt, ob solam hanc causam, acceptor personarum esset, vt colligitur ex dictis supra quæst. 96 art. 4. dub. 4. conclus. 2. & ex dicendis 2. 2. quæst. 63. art. 1. dubio vnico conclus. 1. Si tamen non cum his, sed cum alijs pro sola sua vo-

lun-

luntate dispensaret, non esset censendus acceptor personarum, sed infidelis, aut imprudens in dispensatione: nam non acciperet personam, aut cassâ indebitam ex parte illius redundantem in aliorum iniuriam, sed solum abuteretur suâ potestate prohibito dispensando sine causa delicta, aut indebita ex parte personæ. Nec talis dispensatio secluso scandalo, aut damno aliorum esset contraria bono communi, aut obligationi officij superioris, aut alicui legi, sed præter legem naturalem, quæ non debet cooperari superior, vt subditus dissideat ab alijs, vt pars a suo toto, sicque nec esset contra iusticiam legalem, aut commutatiuam. Vtraque ergo opinio probabilis est.

Dicendum est 3. Vt dispensatio in lege humana sit valida, non necessario requiri causam iustam, & rationabilem. Oppositum huius asserunt nonnulli iurisperiti relati à Couaruuia 2. par. de Matrim. cap. 6. §. 9. num. 8. putant enim dispensationem sine causa irritam esse, sicque matrimonium in gradibus prohibitis ex dispensatione sine causa nullum esse. Sed hanc sententiam, tanquam nimis seueram communiter reijciunt Doctores, & nostram conclusionem docent, præsertim Caietanus, Syluester, & Mag. Soto locis conclus. præced. citatis sic enim habet Mag. Soto: *In his quæ meri sunt positivi iuris, dispensatio sine causa à peccato non excusatur, verumtamen dispensatio tenet.*

Probatur etiam ratione, Legislator sicut

170 **QVÆSTIO XCVII.**

poterat legem non condere, ita potest legem latam penitus abolere, nam lex semper à voluntate eius pendet, quam si auferat pro suo beneplacito absque vlla causa legitima, ablata erit, & nullus ea obligabitur; ergo etiam poterit legis vim restringere, & quem voluerit à lege eximere, & dispensare, quod si fecerit etiam sine causa pro suo beneplacito, valida erit dispensatio, & exemptus lege non tenebitur. Confirmatur, nam licet in his quæ pendent ex voluntate superioris, non possit inferior dispensare sine causa, nam huic non videtur concessa facultas dispensandi nisi cum legitima causa. *Et ideo in his quæ pendent de iure diuino, non solum dispensans peccat, verum; & formidanda dispensatio est, veluti cassus, & nullius apud Deum valoris.* Vt ait. Mag. Soto ubi supra, & idem est de dispensatione facta sine causa ab inferiori in lege superioris; tamen in his quæ à sola dispensantis voluntate pendent, & ad quorum dispensationem non eget alterius facultate, cur non poterit dispensare, ita ut sit valida dispensatio pro suo beneplacito? Talis autem est lex lata à legislatore: ergo si hic in ea dispense etiam pro sua voluntate sine causa, valida erit dispensatio.

An verò dispensatus vtendo dispensatione tali tutus sit in conscientia, & non peccet, non est concors omnium sententia. Syluester verbo *Dispensatio* quæst. 3. inquit *Ille conscientia tutus est.* Idem sentiunt multi ex recentioribus, afferentes vti dispensa-

ARTICVLVS IV. 171

fatatione obtenta sine iusta causa nullam esse culpam etiam venialem: quia cum talis dispensatio sit valida, nulla amplius legis obligatio remanet, cuius transgressio ad culpam venialem obligare possit. Communior tamen opinio est, eandem esse rationem de dispensante, & petente dispensationem, ac de dispensato ea utente sine causa, peccatumque mortale esse si hæc fiant cum scandalo, & graui damno aliorum, his vero seclusis solum esse peccatum veniale. Hanc tenet M. Soto vbi supra, sic enim habet: *Si exoneratio mea oneratio esset aliorum, ut cum quis privilegium procurat, quo se tributis soluendis absque causa subtrahat, unde alicum vergit aggravatio, peccatum esset mortale. In ieiunijs autem non est tam planum, nisi exemptus scandalum daret. Illo autem cessante forsitan culpa non esset peior quam venialis.*

Caietanus supra questione 96. artic. 5. 6. *Ad hoc dubium, dicit: Si Papa licentiet se, vel alium, quia placet, ad non dicendum Horas Canonicas, vel carnes comedendum in Quadragesima: licentiatu malefacit non dicendo Horas, aut carnes comedendo, quia turpis est pars que non consonat suo toti ex nature iure, quod violatur à subdito, & multo magis à capite, & non tamen est reus violati præcepti de Horis Canonicis d. cendis, aut de carnibus non comedendis. Hęc sententia mihi probabilior videtur: nam dispensatus non est magis exemptus à lege quam legislator; ergo sicut hic, licet non peccet con-*

tra suam legem eam non seruando, peccat tamen contra legem naturæ: ita dispensatus licet non peccet contra legem, à qua est exemptus, peccat tamen contra legem naturæ: qua pars debet consonare suo toti. Sicut autem de Principe legislatore diximus supra quæst. 96. artic. 5. dubio vnico con. 1. probabile esse semoto scandalo, & alijs circumstantijs, non peccare mortaliter, etiam si absque iusta causa leges suas non seruet; idem erit de subdito dispensato sine causa legem à qua exemptus est nõ seruante. Nec obstat quod ait Caietanus violari ius naturæ: nam vt idem Caietanus dicit 2. 2. quæst. 113. art. 1. circa finem: *Non quicquid est contra ius natura, est peccatum mortale, vt patet in mendacio.*

Si dubium esset an causa sit legitima, valde probabile est, nullum esse peccatum etiam veniale dispensare in lege, ac proinde nec dispensationem petere, aut ea vti: nam vt ait Syluester verbo *Dispensatio*, qu. 14. ad finem de Prælatiis religiosis loquens: *Dispensare possunt, quando eis conitat de causa legitima, & etiam si dubitent: quia ad clementiorem partem declinandum est. Idem de alijs Prælatiis dicunt alij.*

QVAESTIO XCVIII.

De Lege veteri.

Circa articulum primum, & secundum
nihil se offert dicendum.

ARTICVLVS III.

*Vtrum lex vetus data fuerit
per Angelos.*

Conclusio est affirmans.

Praecipuum huius fundamentum est,
quod de lege veteri dicitur ad Galat.
3. v. 19. *Ordinata per Angelos in manu
mediatoris.* Quod explicans D. Hier. ait: *Hoc
loco Moſen Dei, & Hebraeorum mediatorem
ſignificat, legem per Angelum Domini accepiffe:
ſicut in libro Actuum Apoſtolorum Stephanus
dicit: Hic eſt Moſes, qui fuit in Eccleſia in
ſolitudine cum Angelo, qui loquebatur ei in
monte Sina.* Idem ſentit D. Aug. lib. 3. de
Trinit. cap. 11. vbi & obicit. *Sed ait ali-
quis, cur ergo ſcriptum eſt dixit Dominus ad
Moſen: & non potius dixit Angelus ad Moy-
ſen? Et reſpondet: Quia cum verba Iudicis
præco pronunciat, non ſcribitur in geſtis, ille
præco dixit, ſed ille Iudex, &c.* Et tandem

concludit: *Quod antiquis patribus nostris ante incarnationem Saluatoris, cum Deus apparere dicebatur, voces illi ac species corporales per Angelos factae sunt: siue ipsi loquentibus, vel agentibus aliquid ex persona Dei, sicut etiam prophetas solere ostendimus: siue assumptibus ex creatura, quod ipsi non essent, ubi Deus figuratè demonstraretur hominibus.* A qua solutione parum, aut nihil differt, qua hic ad 1. cum Diu. Gregorio respondet Diu. Thom. Scio Diu. Chrysosth. & alios aliter locum D. Pauli explicuisse, & sentire Deum ipsum, & non aliquem Angelum dedisse legem, & loquutum fuisse cum Moyse in monte Sina. Sed communior est opinio praedicta, pro qua vide etiam quae diximus 1. par. qu. 51. ar. 2.

Circa articulum 4. & 5. & 6. nihil se offert scribendum.

Questionem 99. vide apud Diuum Thomam



QV AESTIO C.

De praeceptis moralibus veteris legis.

Circa articulum 1. 2. & 3. & 4. & 5. & 6. & 7. nihil se offert dicendum.

ARTICVLVS VIII.

Vtrum praecepta Decalogi sint dispensabilia.

Conclusio est negans.

Dubium. An Deus possit dispensare in praeceptis Decalogi.

Tres sunt de hac re potissime Doctorum sententiae. Prima est, posse Deum in omnibus Decalogi praeceptis dispensare, quam tenent Nominales praesertim Ocham in 2. quaest. 19. ad 3. dubium ubi sic ait: *Licet odium Dei, furari, & adulterari habeant malam circumstantiam, annexam, & similia de communi lege, quatenus sunt ab aliquo, qui ex praecepto diuino obligatur ad contrarium: sed quantum ad effectum absolutum in illis actibus possunt fieri a Deo si-*

ne omni circumstantia mala annexa: & ita meritorie possunt fieri à creatore, si caderent sub præcepto diuino. Fundamentum huius sententiæ est: Odium Dei, furtum, adulterium, & alia similia ideo sunt peccata, quia sunt prohibita Dei voluntate; ergo sicut hæc Deus sola sua voluntate prohibuit, eadem etiam potuit non prohibere, vel aliquem ab obligatione præcepti eximere, sicque cum illo dispensare. Confirmatur: Quod non implicat contradictionem potest à Deo fieri: sed dispensare in omnibus præceptis Decalogi nullam implicat contradictionem; ergo &c.

Secunda sententia est: Deum non posse quidem in omnibus Decalogi præceptis dispensare; posse tamen in aliquibus, nempe in præceptis secundæ tabulæ, quam tenet Scotus in 3. dist. 37. quæst. vnica. Probatur 1. ex D. Bernardo lib. de præcepto, & dispensatione non longe ab initio ubi sic ait: *Necessarium deinde, quod inuidabile nominari illud intelligo, quod non ab homine traditum, sed diuinitus promulgatum, nisi a Deo, qui tradidit, mutari omnino non patitur. Ut exempli causa, non occides, non machaberis, non furtum facies, & reliqua illius tabula legis scitis: quæ etsi nullam prorsus humanam dispensationem admittant, nec cuiquam hominum ex his aliquo modo soluere, aut licuit, aut licebit; Dominus tamen horum, quod voluit, & quando voluit, soluit: siue cum ab Hebræis Ægyptias spoliari: siue quando Prophetam cum muliere fornicaria misceri præcepit.*

Se;

Secundo probatur exemplis: duobus adductis ex Exodi 3. vers. 21. de Hebræis spoliatis Aegyptios & Osee 1. v. 2. de Propheta se cum muliere fornicaria miscēte. Addit D. Bernard loco citato testium ex Iudicum 16. v. 30. *De Sampsonē, qui se ipsum una cum hostibus opprimens, interfecit.* Quartum esse potest de Abraham, cui Deus præcepit, ut occideret Isaac illumque sibi offerret in holocaustum Gen. 22. v. 2. At hæc dispensatione in præceptis secundæ tabulæ indigent ergo &c.

Tertio probatur: Quia aliàs Deus necessario vellet aliquid extra se, nempe non occidere, non fornicari, non furari, non mentiri homines: sed hoc est falsum; nam alia à se Deus liberè vult; ergo &c.

Tertia sententia est, Deum neque in præcepto primæ, nec secundæ tabulæ posse dispensare. Probatur, Deus non potest vllum præceptum Decalogi, aut legis naturæ abrogare; ergo neque in vllō dispensare, consequentia patet: quia dispensatio à derogatione solum differt, quatenus abrogatione omnino lex aufertur, dispensatione autem tollitur particularis personæ obligatio, nequit verò Deus aliquem immunem facere ab obligatione legis, quam omnino auferre non potest, quia non potest mutare naturam, cuius quilibet homo est particeps. Antecedens probatur, quodcumque præceptum legis naturæ in ipsa natura habet fundamentum, & eatenus legis naturæ est; qui-

tenus rationali naturæ est debitum, & cōueniens : sed quandiu natura non mutatur non potest non esse eadem ratione debitū, nec alia habitudine naturam respicere, ergo cum Dens non possit naturam hominis mutare, hominemque alia natura præditum facere, non poterit facere, vt quod erat iuris naturæ, deinceps non sit, quod est præceptum legis naturæ abrogare.

Dicendum tamen est : Deum propriè loquendo, in nullo ex præceptis Decalogi dispensare posse : si tamen sit sermo de dispensatione impropriè, & latè, vt se extendit ad immutationem, qua cessat legis materia, aut lex ipsa variatione circumstantiarum, & subtractione conditionis requisitæ, Deum dispensare posse in præceptis secundæ tabulæ ; non tamen primæ. Primam partem docet D. Thom. hic concludens, *Et ideo præcepta Decalogi sunt omnino indispensabilia*. Sicq; probat ; Præcepta Decalogi cōtinent ipsam intentionem legislatoris, scilicet Dei ; ergo sunt omnino indispensabilia. Consequentia patet, quia vt dictum est supra q. 96. art. 6. & 97. art. 4. tunc in præceptis debet fieri dispensatio quando occurrit aliquis particularis casus, in quo si verbum legis obseruaretur, contrariaretur intentioni legislatoris : hoc autem impossibile est, quando præceptum legis cōtinet ipsam intentionem legislatoris. Antecedens probatur : intentio cuiuslibet legislatoris ordinatur, primo quidem & principaliter ad bonum commune, secundum-

cundo autem ad ordinem iustitiæ, & virtutis, secundum quem bonum commune conseruatur, & ad ipsum peruenitur: sed præcepta primæ tabulæ quæ ordinant ad Deum continent ipsam ordinem ad bonum commune, & finale, quod est Deus, præcepta autem secundæ tabulæ continent ordinem iustitiæ inter homines obseruandæ, vt scilicet nulli fiat indebitum, & cui libet reddatur debitum; secundum hanc enim rationem sunt intelligenda præcepta Decalogi; ergo præcepta Decalogi ipsam intentionem Dei legislatoris supream continent.

Secundo probatur argumento facto pro tertia sententia. Confirmatur: dispensatio propriè est quædam relaxatio ac remissio præcepti erga aliquem, respectu cuius non habeat vim obligandi eisdem materia & circumstantijs permanentibus: sed huiusmodi relaxatio, & remissio præceptorum Decalogi est impossibilis; ergo & eorum dispensatio. Minor probatur: aliàs enim posset esse licitum, & non malum, aut indebitum oppositum eius, quod præceptis Decalogi præcipitur nempe odium Dei, homicidium, fornicatio, & falsum testimonium: sed hoc est falsum, nam cum hæc non minus intrinsecè sint mala, quam sit homo animal rationale, sicut implicat hominem non esse animal rationale, ita & hæc non esse mala, seu licita alicui; ergo &c. Ex quo patet differentia inter legislatorem legis naturalis, ad quam pertinent

omnia præcepta Decalogi, & legislatores legis positivæ divinæ, aut humanæ : nam cum lege positiva non præcipitur, quod est intrinsecè bonum, nec prohibeatur, quod est intrinsecè malum, in præceptis eius potest legislator eius dispensare cum aliquo, ita ut eisdem materia, & circumstantiis manentibus sit licitum illi facere oppositum eius, quod præcipitur : at lege naturali præcipitur, quod est intrinsecè bonum, qualis est dilectio Dei, & prohibetur, quod est intrinsecè malum, quale est periurium, ac proinde in eius præceptis nullus dispensare potest.

Secunda pars conclusionis probatur 1. ex D. Tho. hic ad 3. ubi de præceptis secundæ tabulæ agens inquit ; *Præcepta ipsa Decalogi quantum ad rationem iustitiæ quam continent immutabilia sunt: sed quantum ad aliquam determinationem per applicationem ad singulares actus (ut scilicet hoc vel illud sit homicidium, furtum vel adulterium, aut non,) hoc quidem est mutabile. &c.* Censet ergo huiusmodi præcepta dispensabilia esse, si dispensatio improprie & latè accipiat pro mutatione materiæ, aut circumstantiæ, quibus variatis cessat lex & obligatio præcepti. Possit autem hoc modo accipi dispensationem patet ex eodem S. Doctore 2.2. q. 88. ar. 10 ubi ait : *Quod dispensatio voti intelligenda est ad modum dispensationis, qua fit in observantia alicuius legis: sed dispensatio voti fit mutatione materiæ, aut*

cir-

circumstantiæ : nam vt ibidem ad 2, dicitur : *Cum dispensatur in aliqua lege humana non fit, ut legi humana non obediatur, quod est contra legem naturæ & mandatum diuinum, sed fit, ut hoc quod erat lex non sit in hoc casu : ita, etiam auctoritate superioris, dispensantis fit, ut hoc quod continebatur sub voto, non contineatur, in quantum determinatur in hoc casu, hoc non esse congruam materiam voti ? ergo cum mutatione materiæ, aut circumstantiæ tollitur obligatio præcepti, etiam dici poterit saltem improprie & latè eius dispensatio. Cuius enim cum determinatur in hoc casu hoc non esse congruam materiam, voti, est dispensatio voti, & cum mutata materia cessat obligatio præcepti, non poterit dici aliquo modo præcepti dispensatio ? Certè sicut materia voti remota, relaxari & remitti dicitur verbum promissionis, ita & materia præcepti remota, aliquo modo dici potest verbum præcepti relaxari, & remitti.*

Secundo probatur ex eodem Sanct. Doctore in 1. dist. 47. q. 1. art. 4. vbi sic habet : *Contra præcepta primæ tabulæ quæ ordinant immediate ad Deum, Deus dispensare non potest sed contra præcepta secundæ tabulæ quæ ordinant immediate ad proximum, Deus potest dispensare.* Quibus verbis non solum docet secundâ partem nostræ cõclusionis, sed etiâ, optimâ ratione ac differentiâ insinuat, ob quâ in præceptis secundæ tabulæ possit Deus prædicto modo dispensare, nõ vero in præceptis primæ tabulæ, etiâ dispensatio improprie

prie & late pro mutatione materiae, vel circumstantiae, vel conditionis rei accipitur: quia scilicet quæ sunt contra præcepta primæ tabulæ, cum sint contra Deum, ita habent coniunctam malitiam, ut nec variatione alicuius circumstantiæ mutari possit materia sufficiens peccati, fieri enim nequit, ut quod est contra Deum, non sit inordinatum, illicitum, & malum: unde odium Dei aut cultus idoli nulla circumstantia potest fieri bene, aut non male: quæ vero sunt contra præcepta secundæ tabulæ cū sint immediate contra proximū contra quem aliquid fieri potest licite auctoritate diuina, non ita habent coniunctā malitiam, ut variatione alicuius circumstantiæ mutari non possit materia sufficiens peccati, si enim Deus facultatem alicui faciat occidendi hominem, illum absque peccato potest occidere; ergo si sermo sit de dispensatione improprie, & late accepta pro mutatione materiae, aut circumstantiæ, aut conditionis rei potest Deus in præceptis secundæ tabulæ dispensare, non tamen in præceptis primæ tabulæ. Nec obstat tertium præceptum primæ tabulæ de sanctificatione sabbati, mutatum fuisse & olim Deum in illo potuisse dispensare. afferendum est namque in illo præcepto esse aliquid iuris naturalis, nempe Deo vacare, illumque colere in signum maximæ beneficii, & hoc nec mutatum fuit, neque in hoc vnquam potuit dispensari, esse etiā aliquidiuris positiui, determinationem scilicet

ARTICVLVS VIII: 183

licet temporis, & modi vacandi Deo, & illum colendi, & hoc mutatum fuit, & in hoc dispensari potuit. Non obstat etiam adimpletionem voti pertinere ad præcepta primæ tabulæ, & in voto posse dispensari. Respondetur enim cum D. Thom. 2.2. q. 88 art. 10. ad 2. & in 4. dist. 38. q. 2. art. 4. ad 2 adimpletionem voti durante voti obligatione esse de lege naturali, & pertinere ad præcepta primæ tabulæ; per dispensationem autem voti cessat eius obligatio: sicque non relaxatur præceptum iuris naturæ, nec in eo aliquo modo dispensatur: sicut nec quando dispensatur in lege humana, aliquo modo dispensatur in lege naturæ; & mandato diuino præcipiente vt legi humanæ obediatur, quia per dispensationem fit, vt lex humana eiusque obligatio cesset in hoc casu.

Tertio probatur argumentis secundæ sententiæ, præsertim primo sumpto ex auctoritate D. Bernardi; mutationem enim materiæ, quæ in præceptis secundæ tabulæ fieri potest, dispensationem appellat, & ait talia præcepta: *Et si nullam prorsus humanam dispensationem admittant, admittere tamen diuinam.* Secundo etiam sumpto ex varijs exemplis; in illis enim patet, Deo vt supremo domino, & vitæ, ac mortis auctore cōcedēte facultatē Hebræis spoliandi Aegyptios, Prophetæ corporis mulieris fornicarię, Sampsoni se ipsum vna cum hostibus interficiendi, & Abraham occidendi filium suum Isaac, cessasse materiam

riam præceptorum Decalogi cum circumstantijs, quæ requiruntur, vt sub talibus præceptis cadat; sicque spoliatio Aegyptiorum non fuit furtum, & accessus ad mulierem non fuit fornicatio, & occisio hominis non fuit homicidium, vt hic ad 3. explicat D. Thom. & 2. 2. qu. 64. art. 5. ad 4. & art. 6. ad 1. & q. 66. art. 5. ad 1. & q. 154. art. 2. ad 2. proindeq; quodammodo improprie scilicet, & late in præceptis illis Deus dispensauit.

Ex his patet non opus esse respondere ad argumentum tertię sententię, nam probat primam partem nostrę conclusio-
nis. Nec ad 1. & 2. secundę sententię, nam probāt nostrę conclusionis secundam partem.

Ad 3. verò eiusdem secundę sententię, quatenus militare potest contra primam partem nostrę conclusionis, respondetur cum Conrado hic, vbi sic habet: *Quamuis Deus nullum creatum necessario velit quo ad exercitium actus; tamen aliqua in quibus contingatur ergo diuina iustitia necessario vult quoad specificationem actus ex suppositione. Bene enim volo quod Deus non necessario creauit patrem & filium hominem, nec per consequens necessario dedit filio præceptum de honoratione patris; sed tamen, si voluit esse patrem & filium, necessario voluit esse filium obligatum ad honorationem parentis, &c.*

Ad fundamentū primę sententię respō-
detur negando antecedens odium enim
Dei furtum, adulterium, & similia non

ARTICVLVS IX. 185

ideò sunt peccata, quia prohibita voluntate Dei, sed quia secundum se mala sunt & prohibita lege Dei æterna, quæ non est voluntatis aut intellectus Dei actus, sed diuina ipsa essentia, vt species expressa, & verbum quoddam essentiale, ac dictamen Dei, de quo vide quæ diximus supra qu. 71. art. 6. & qu. 93. art. 1. Ad confirmationem respōdetur negando minorem: sicut enim implicat hominem non esse rationalem, ita implicat contradictionem, odium Dei, aut furtum non esse malum, non esset autem, si Deus in præceptis Decalogi dispensaret.

ARTICVLVS IX.

Vtrum modus virtutis cadat sub præcepto legis.

Conclusio est negans.

Modus virtutis in tribus consistit, vt docet Aristot. 2. Ethic capitul. 4. Primo quidem si sciens, deinde si eligens propter ipsam, tertio si firmo animo ac immutabili agat. Hoc tertium ad habitum propriè pertinere ait D. Thom. vt scilicet aliquis ex habitu radicato, sicque promptè & delectabiliter operetur, & quantum ad hoc (inquit) modus virtutis non cadit sub præcepto, neque legis diuinæ, neque legis

legis humanæ: Neque enim à Deo neque ab homine punitur tanquam præcepti transgressor, qui debitum parentibus honorem impedit, quamuis non habeat habitum pietatis. Undè conclusio proposita facilis & manifesta est,

Quantum ad primum, ut scilicet aliquis operetur sciens modum virtutis, sub præcepto legis tam humanæ; quam diuinæ cadere asserit S. Doctor: quia hoc iudicatur & à lege diuina & a lege humana. Ex quo colligunt interpretes cum M. Soto lib. 2. de iustitia quæst. 3. artic. 9. illum, qui facit opus ignoranter præcepto legis non satisfacere: nam sicut ignorantia excusat à culpa, ita, & præcepti impletionem tollit. Undè si quis ebrius ignorans quid facit, recitaret Horas Canonicas; aut in die festo audiret sacrum, præcepto Ecclesiæ, non satisfaceret, & quamuis illo tempore per ignorantiam excusaretur, si tamen, antequam tempus præcepti laberetur, in mentem rediret, teneretur iterum Horas Canonicas recitare, & Missam audire, lex namque hominibus ponitur, & ideo humano more non brutorum implenda est actu libero, & humano, qualis non est, qui non scienter, sed ignoranter fit. Si quæras, an ille qui scienter facit opus legis, ignorat tamen se ad tale opus lege obligari, satisfaciat legi ac præcepto? Responderi solet, satisfacere, sicque qui Missam audit ignorans esse diem festum, aut officium Beatae Virginis recitans putans illo die

die non teneri etiam si postea aduertat re-
neri aut diem festum esse, non tenetur ite-
rum tale officium recitare, aut Missam au-
dire: nam præceptum non obligat ad sui
scientiã habendum, sed ad opus, quod præ-
cipit scienter, & libere humanoque modo
faciendum, Si hinc inferas, non requiri
intentionem, & propositum implendi præ-
ceptum; qui enim hoc ignorat, illud ha-
bere nequit. Respondent quidam conce-
dendo illationem; immo dicunt, si opus
præceptum fiat, non nocere habere inten-
tionem expressam non adimplendi præce-
ptum per tale opus, sed per opus sequens;
sicque illum qui audit Missam die festo
cum intentione non adimplendi præceptum
sed audiendi aliam propter obligationem,
præcepti, non teneri ad aliam Missam au-
diendam: quia sicut nullus sibi præceptum
imponit, ita nullus facere potest, ut præ-
cepti obligatio perseueret, aut prorogetur;
si ipse alias præstet id, quod præcipitur.
Hæc tamen doctrina falsa est; Tum quia
qui debens creditori decem, tribuit de-
cem non animo soluendi debitum, sed illa
gratuito donandi, adhuc manet obligatus
ad soluendum decem; ergo & qui animo
non adimplendi præceptum, sed ex deuo-
tione audit Missam in die festo, adhuc ma-
net obligatus ad audiendam aliam Missam
ut præceptum impleat. Si dicas disparem
esse rationem: nam ille qui donat, adhuc
vult manere obligatus antiquo debito, &
reuera manet, eo quod obligatio contra-

ctus

ctus pendet ex eius voluntate. At verò
 manere obligatum ad observandam legem
 non pendet ex voluntate inferioris, sed le-
 gislatoris, sicque si opere quis exequatur id
 quod præcipitur; nihil interest habere
 intentionem implendi præceptum, vel nō
 implendi. Contra hoc est: nam licet im-
 pleta legē non pendeat ex voluntate infe-
 rioris, imò nec legislatoris, manere obliga-
 tum ad observandam illam legem, ante-
 quam tamen impleatur, in voluntate infe-
 rioris est, velle illam hoc actū implere, aut
 eius impletionem reservare in alium actū,
 qui enim ex lege tenetur regi decem in-
 tributum dare, potest decem conferre
 gratuita donatione, reservando impleti-
 onem legis tributi in alium actum, & alio-
 rum decem collationem. Tum etiam
 quia cum impletio præcepti sit actus obe-
 dientiæ, necessario requirit intentionem,
 & propositum implendi præceptum; alias
 enim qui faciens, quod præcipitur, non
 quia præcipitur, sed quia sibi placet ex-
 presse contemnens præcipientem, eiusque
 præceptum non curare asserens, ut sæpe
 faciunt hæretici respectu præceptorum
 Ecclesiæ, præceptum implet; ergo qui
 nullam habet intentionem implendi præ-
 ceptum, sed potius intentionem expressam
 non implendi, non satisfacit præcepto, etiam
 si postea intentionem, & propositum mu-
 tet; hæc enim mutatio non facit, ut opus
 factum fuerit ex obedientia, quod requi-
 ritur ad impletionem præcepti, alias qui
 post

ARTICVLVS IX. 189

postquam gratuita donatione dedit regi decem, mutaret intentionem, legi tributorum satisfaceret, & non possent alia ab eo exigī. Confirmatur, qui profert verba consecrationis cum intentione expressa non consecrandi, non consecrat, ergo, & qui, quod iubetur facit cum intentione expressa non adimplendi præceptum, illud non implet. Aliter ergo respondendum est: ad impletionem præcepti requiri aliquam intentionem illud implendi: non tamen esse necessariam intentionem actua-lem & expressam, sed sufficere virtualem, quam habet quicumq. facit quod lege præceptum est absq. contrario actu & explicita volitione non implendi. Vnde qui hanc habet non satisfacit præcepto; qui tamen Missam audiuit ignorans esse diem festum, etsi postea aduertat, non tenetur iterum audire, quia virtualem intentionem sufficienter habuisse censetur. Idem est de eo qui postquam audiuit Missam in loco vbi festum aliquod non colitur, in alium proficiscitur vbi coli inuenit: & de eo qui in aliqua religione professionem emittit, postquam totum illius diei officium persoluit.

Distingui etiam solet de præceptis positiuis & negatiuis, & dici, præcepta negatiua cum sola cessatione actus, quæ in somnis esse potest, impleantur, non opus esse, vt scienter & liberè obseruentur, præcepta verò affirmatiua, cum sint de actibus humanis, & actus non sit humanus, nisi fiat liberè

liberè, & scienter, necesse esse vt scienter, & liberè impleantur. Excipiunt præcepta restituendi, dandi eleemosynam, & soluendi decimas, quæ cum respiciant rem alteri conferendam, quomodocumque illa veniat in potestatem eius, cui debetur. hæc præcepta implentur. Sed mihi asserendum esse videtur, quamuis absque scientia, & libertate possit esse quis immunis à transgressionis peccato, quod est contra præcepta negativa: & quia subtrahitur materia obligationis, possit cessare obligatio prædictorum trium præceptorum affirmatiuorum; tamen neque hæc neque illa propriè impleri, nam pueri, & amentes propter hoc quia carent usu rationis, ea non dicuntur implere, & implentibus præcepta legis etiam negativa promittitur præmium vitæ æternæ iuxta illud *Matth 19: v. 17. Si vis ad vitam ingredi serua mandata*, quod non meretur, qui non scienter, & libere ea seruat. Quantum ad secundum, vt scilicet aliquis operetur volens, vel eligens, & propter hoc eligens: in quo importatur duplex motus interior, voluntatis nempe & intentionis, inquit *D. Thom.* motum virtutis cadere sub præcepto legis diuinæ: non tamen humanæ; *Lex enim humana non punit eum, qui vult occidere, & non occidit: punit autem lex diuina.* Notat autem *Caletanus hic, Quod actus interiores dupliciter sumi possunt. Primo puri & sic non subiacent humanis legibus & iudicijs, secundo iuncti*

ARTICVLVS III. 191

iuncti actibus exterioribus. & sic subiacent humanis legibus & iudicijs. De quo vide quæ diximus supra q. 96. art. 3.

Circa art. 10. 11. & 12. nihil se offert scribendum. Nec circa quæst. 101. & 102.

QVÆSTIO CHI.

De duratione præceptorum ceremonialium.

Circa articulum 1. & 2. nihil se offert hic dicendum: quæ enim difficultatem habent, discutientur 3 parte quæstione 62. artic. 6. & quæstione 70. articulo 4.

ARTICVLVS III.

Vtrum ceremonie veteris legis cessauerint in aduentu Christi.

Conclusio est affirmans.

Oppositum huius tenuerunt olim Cerinthiani, & Merinthiani, & Nazarei, Hebionei hæretici. vt patet ex D. August. lib. de hæresibus. Hæresi 8. & 9.
&

& 10. & D. Epiphanio hæresi 18. & 28. & 30. Sed conclusio articuli certa est secundum fidem, ut ostendunt loca Scripturæ à D. Thom. hic in arg. *Sed contra*, adducta, illud etiam ad Hebræos 7. v. 12. *Translatio enim Sacerdotio necesse est, ut legis translatio fiat*, & illud ad Galatas 3. v. 24. *Itaque lex pedagoga: noster fuit in Christo, ut ex fide iustificemur. At ubi venit fides, iam non sumus sub pedagogo*. Et denique quod diffinitum est in cōcilio Apostolorum aduersus quosdam dicentes Act. 15. v. 5. *Qui oportet circumcidi eos; præcipere quoque seruare legem Moysi*.

Est tamen difficultas quando legalia antiqua cessauerint? consentiunt omnes cum D. Thom. hic ad 2. non cessasse ante mortem Christi: quandiu enim Christus vixit ipse legales ceremonias seruauit, aliisque ut eas obseruarent, mandauit: ut leproso Matth. 8. v. 4. De circumcisione asserunt quidam cum Scoto in 4. dist. 3. q. 4. 9. *Quantum ergo eius obligationem cessasse ante mortem Christi, cum primum Baptismus fuit institutus*. Sed Mag. Soto lib. 2. de iustitia quæst. 5, ar. 4. & communiter discipuli D. Thom. docent circumcisionem, vim obligandi non amisisse antequam cetera præcepta legis antiquæ, licet enim instituto Baptismo, non fuerit circumcisio necessaria necessitate mediij, cum ad delendum peccatum originale ipsa non esset vnicum medium, sed ad hoc sufficeret Baptismus; erat tamen necessaria necessitate præ-

præcepti, nam ita erat legi antiquæ inserta, vt signum esset fidelium, qui legem illam profitebantur, illoque proinde vti, dum lex illa persisteret, necessarium fuit ex Dei præcepto. Legem præterea antiquam. Scotus vbi supra existimat non fuisse mortuam ante diem Pentecostes. Fundamentum eius est: Lex antiqua non fuit mortua, nec amisit vim obligandi, quousque cœpit obligare Evangelica: sed lex Evangelica cœpit obligare in die Pentecostes nam tunc fuit solemniter promulgata, & promulgatio sollemnis necessaria est, vt lex obliget; ergo tunc fuit lex vetus mortua, & obligare cessauit. D. Thom. hic ad 2. ait: *Quod mysterium redemptionis humani generis completum fuit in passione Christi, unde tunc Dominus dixit: Consummatum est, vt habetur Ioann. 19. & ideo tunc totaliter debuerunt cessare legalia, quasi iam veritate eorum consummata, in cuius signum in passione Christi velum templi legitur esse scissum Matth. 27. Idē etiam docent Sancti Hieron. & Aug. licet enim in alijs dissentiant, in hoc tamen conueniunt; legem veterem in passione Christi fuisse mortuam, vt patet ex eorum Epistolis ab 8. vsque ad 19. earum, quæ Tom. 2. Diu. August. continentur, & refert S. Thom. art. seq. ad 1. Probatur quoque cum Mag. Soto lib. 2. de iustitia quæst. 5. art. 4. concl. 4. Tum quia ad Rom. 7. ex eo quod sumus liberati à peccato, infert Paulus; quod sumus pariter, & a iugo legis exempti: sed in morte Christi sumus à peccato liberati;*

ergo & à lege veteri. Tum etiam quia ibidem ait Apostolus: sicut mulier in morte viri libera fit a lege matrimonii, ita Synagoga in morte Christi à legis obligatione liberatam fuisse. Tum deinde quia ad Hèbræos 7.v.12. dicitur. *Translato sacerdotio, necesse est, ut legis translatio fiat.* sed Christus in morte transtulit sacerdotium Mosaicum in sacerdotium Evangelicum secundum ordinem Melchisedech, ut ibidem asseritur; ergo & legem veterem in nouam. Tum denique nam ut dicitur ad Hèbræos 9 vers. 17. *Testamentum in mortuis confirmatum est, alioquin nondum, valet, dum vivit qui testatus est;* ergo testamentum novum in morte Christi fuit confirmatum, tuncque proinde vetus testamentum desijt.

Ad fundamentum autem sententiæ Scoti respondetur negando minorem; lex enim Evangelica, ea promulgatione, quæ ad legem, non quidem, ut in omnium notitiam veniat, sed ut sit, requiritur, sufficienter promulgata est prædicatione Christi, quæ simul cum mysterio redemptionis humani generis completa est illis verbis: *Confirmatum est,* tuncque proinde obligare cepit, & lex antiqua mortua fuit, etiam quoad præcepta moralia: nam quamvis hæc etiam nunc retineant vim obligandi, non tamen quatenus præcepta legis Moysæ fuerant, sed quatenus sunt præcepta legis naturalis, quorum obligatio perpetua est:

Vtrum post passionem Christi legalia possint seruari sine peccato mortali.

Conclusio est negans.

Sensus conclusionis huius non est : statim post Christi passionem fuisse legalia non solum mortua, sed etiam mortifera, hæc enim fuit sententia D. Hieronymi, quam D. Thom. hic ad 1. non eligit, sed oppositam D. August. vt conuenientiore nempe legalia à passione Christi vsque ad diuulgationem Euangelij fuisse quidem mortua, non tamen mortifera. Vnde verba illa tituli articuli, *Post passionem Christi*, vel limitanda sunt per aduerbium *Nunc*, ita vt sensus sit, vtrum nunc post passionem Christi legalia possint seruari sine peccato mortali, in hocque sensu negat D. Thom. seruari posse legalia sine peccato mortali, vt colligitur ex illis verbis corporis articuli. *Sicut igitur peccaret mortaliter, qui nunc suam fidem protestando diceret Christum nasciturum, quod antiqui pie & veraciter dicebant: ita etiam peccaret mortaliter, si quis nunc caeremonias obseruaret, quas antiqui pie & fideliter obseruabant.* Vel si in titulo sermo sit etiam de tempore à passione Christi vsque ad diuulgationem Euangelij.

sensus conclusionis est etiam illo tempore non posse sine peccato mortali seruari legalia, ita ut in eis quis poneret spem, & reputaret sibi necessaria ad salutem; quod & assererat D. August. probatque locus Apostoli ad Galat. 5. adductus à D. Thom. hic in argum. *Sed contra*, non enim damnat Paulus eos, qui quomodocumque legem seruabant, sed qui in ea constituebant iustificationis spem, & existimabant esse necessariam, & sine qua iustitiam, & salutem consequi non possent, iuxta fallam doctrinam eorum, qui dicebant Act. 15. v. 1. *Nisi circumcidamini, secundum morem Moysi, non potestis saluare.*

Si queras autem an lex vetus à passione Christi usque ad diuulgationem Euangelii, licet non fuerit mortifera; ita tamen fuerit mortua, ut inutilis fuerit facta, sic adeo ut puer recipiens circumcisionem non mundaretur à peccato originali? Quidam affirmando respondent, asserentes ab eo tempore quo lex Evangelica obligare cepit nullum puerum fuisse iustificatum absque Baptismo in re suscepto: sicque, nec puerum Iudeorum fuisse iustificatum per circumcisionem, nec puerum gentilium per sacramenta legis naturę, sed omnes infantes, qui absque baptismo mortui sunt, fuisse damnatos propter originale peccatum, illis enim unicum erat medium baptismus sicut, & modo. Alijs hæc doctrina nimis rigida & dura videtur, unde dicunt, tempore illo medio à passione Christi

fi

ARTICVLVS IV. 197

sti vsque ad diuulgatum Euangelium, legem antiquam, mortuam quidem fuisse, ita vt nec obligaret, nec vim obligandi haberet; non tamen penitus fuisse inutilem, sicut est modo; sed quandiu permansit eius bonitas, & non fuit mortifera, pueros Iudæorum recipientes circumcisionem à peccato originali liberari, saluarique eos qui circumcisione recepta moriebantur; diuinam namque bonitatem decebat, vt quandiu sustinuit legem illam non auferret eius utilitatem, vt prodesset eis saltem, qui bona fide illam obseruabant.

Circa quæst. 104. & 105. & 106. & 107. & 108. nihil se offert dicendum.

QVÆSTIO CIX.

*De exteriori principio humanorum
actuum, scilicet de gratia
Dei.*

ARTICVLVS I.

Vtrum homo sine gratia aliquod verum cognoscere possit.

Conclusio est affirmans.

Dubium. An ad cognitionem cuiuscumque veritatis naturalis indigeat homo auxilio gratiae.

PArtem affirmantem tenent quidam recentiores asserentes, notitiam cuiuscumque veritatis naturalis, quæ aliquo modo mouet affectum ad rectè viuendum non posse haberi sine auxilio gratiæ per Christum; quæ vero ad virtutem non mouet, posse quidem haberi sine vlla gratiæ Christi; non tamen sine auxilio gratiæ Dei.

Primum probant ex Script. Sac. 2. Paralip. 20. v. 12. & 2. ad Corinth. 3. v. 5, & ex Conciliis Mileuitano can. 4. & Arausicano 2. ca. 1. 9. ex quibus constat donum Dei esse scire quid facere debeamus. Quod, & docet S. Aug. lib. 2. de peccat. merit. cap. 17. & lib. 6. contra Iulianum cap. 5. & Epist. 105. Sancti quoque orant, vt intelligant has veritates, & gratias agunt pro illuminatione, vt patet ex Psal. 15. vers. 7. & Psalm. 118 v. 73. Confirmant, quia intellectus humanus per peccatum mansit in natura lapsa infirmus, & vulneratus ignorantiae vulnere; ergo indiget auxilio gratiæ per Christum, vt cognoscat veritates naturales, quarum notitia mouet affectum ad rectè viuendum.

Secundum probant ex D Thom. hic dicente: *Ad cognitionem cuiuscumque veri homo indi-*

indiget auxilio diuino Confirmant, quia quæuis notitia veri, & scientiæ liberalis, quam acquirimus, est donum gratiæ Dei distinctum à dono creationis, nam sine protectione, & directione Dei non possemus similes disciplinas adipisci, Deus enim sua æterna prouidentia disposuit causas naturales, vt auferrentur impedimenta, & quæ possunt conducere ad tales scientias acquirendas, se offerrent, liberum quoque arbitrium, ad hæc potius quam ad illa applicari direxit; ergo nequit haberi sine auxilio gratiæ Dei.

Dicendum tamen est: non indigere hominem auxilio gratiæ ad cognitionem cuiuscumque veritatis naturalis, siue speculatiua fuerit, siue practica, siue moueat, siue non moueat affectum ad rectè operandum moraliter, dum tamen, non conducat ad iustificationem: sed posse hominem, absque gratiæ auxilio multas huiusmodi veritates cognoscere, imo omnes diuisione, non tamen collectivè.

Probat 1. de cognitione speculatiua, & quæ nullo modo mouet affectum, ex Diu. Thom. hic dicente: *Ad cognitionem cuiuscumque veri homo indiget auxilio diuino* (scilicet generali) *vt intellectus moueatur à Deo ad suum actum: non autem indiget ad cognoscendam veritatem in omnibus noua illustratione* (nempe auxilij gratiæ Dei) *superaddita naturali illustrationi*. Et in 2. d. 28. q. 1. ar. 1. asserente: *Quod hæc vera sine omni lumine gratiæ superaddito, per lumen naturale intelle-*

etus agentis cognosci possint. Alias enim inquit : Natura humana alijs imperfectior esset , qua non sibi sufficeret in naturalibus operationibus . Confirmatur 1. quia cum visus non indigeat gratia ad videndum colorem lumine solis illustratum, cur intellectus gratia indigebit ad quodlibet verum etiam per se notum, quale est, quodlibet est, vel non est, cognoscendum, apprehendendum aut illi assentiendum? Alias per peccatum lumen intellectus extinctum esset . Confirmatur 2. Nulla gratia confertur hominibus nisi per Christum, nam hoc pertinet ad eius dignitatem, cum constitutus sit caput super omnem Ecclesiam, sicque sicut Angelos illuminat, ut docet D. Thom. in 3. d. 13. q. 1. art. 2. q. 1. ita gratia cuiuscunque illuminationis collata hominibus est per Christum ; ergo si ad cognoscendam quamcumque veritatem etiam speculatiue requiritur auxilium gratiae Dei, hoc per Christum erit, quod negant Auctores oppositae sententiae.

Secundò probatur de cognitione practica, quae mouet affectum ad rectè operandū moraliter, dum tamen nō conducat ad iustificationem : nam id significant duo quae D. Tho. supra q. 91. ar. 2. adducit Scrip. S. testimonia, alterum ex Psalm. 4. v. 6. alterum, ex ad Roman. 2. vers. 14. expressiusque docent SS. Patres praesertim Chysostr. Hom. 12. ad populum, & Hom. 50. in Gen. ubi ait : In natura nostra insita est scientia boni, & mali nullus igitur praetexat quod igno-

rans virtutem negligat, &c. Confirmatur auxilium gratiæ non est necessarium ad prædictam cognitionem practicam, vt intellectui proponatur obiectum, nam secundum rerum naturalem cursum sæpe occurrit, & proponitur honorandos esse parentes, & quod quis sibi non vult, alteri non faciat: nec vt proposito obiecto illi assentiamus, nam sicut in speculatiuis, ita & in practicis sunt principia per se nota, & conclusiones demonstratione probatæ, à quibus intellectus nequit dissentire: nec deniq. vt moueat affectum, nam cognitio harum veritatum hoc ex se habet; ergo, &c.

Tertiò probatur posse hominem absque gratiæ auxilio omnes diuini huiusmodi veritates cognoscere: nam omnes sunt proportionatæ intellectui humano, & eiusdem rationis; ergo si vnā, aut alteram potest cognoscere, poterit singulas, seu omnes diuini, non est enim maior ratio de vna, quam de alijs: veritates enim naturales etiam de Deo naturaliter cognosci posse patet ex dictis 1. par. quæst. 2. art. 2.

Quartò probatur non posse hominem omnes collectiue huiusmodi veritates cognoscere absque gratiæ auxilio: nam id significat quod hic art. 9 dicit D. Tho. *Non possumus ad plenum scire, quid nobis expediat.* Quod & colligitur ex Ecclesiastes 2. v. 8. & Sapient. 9. v. 14. Confirmatur intellectus humanus tam speculatiuis, quam practicus per peccatum mansit vulneratus, & infirmus; ergo non potest omnes veritates

naturales collectivè cognoscere sine auxilio gratiæ, alias enim vulnus ignorantie nihil illi nocuisset. An verò id, proveniat ex aliqua impotentia physica, an solum morali parum refert. Satis probabile est provenire ex impotentia physica: quia quamvis tales veritates collectivè sumptæ sint, proportionatæ sano intellectui, non tamen infirmo.

Ad 1. respondetur loca Scrip. Sac. Conciliorum, & Sanctorum intelligenda esse de cognitione veritatum supernaturalium, aut quæ ad iustificationem conducunt. Quod vero sancti orent, ut intelligant prædictas veritates, & pro cognitione earum gratias agant Deo, non convincit ad eas cognoscendas requiri auxilium gratiæ: nam etiam oramus, & gratias agimus Deo pro pluvia, salute, & aliis quæ haberi possunt sine gratiæ auxilio. Ad confirmationem dico, convincere, non posse hominem cognoscere omnes illas veritates collectivè; non tamen aliquas, aut singulas earum: nam quamvis infirmus, & vulneratus non possit omnia facere, quæ sanus facit; potest tamen aliqua, & singula, quæ sunt eius viribus infirmis proportionata.

Ad 2. respondetur, auxilium de quo loquitur D. Thom. esse concursum, & influxum Dei generalem, quo indiget omnis causa ad operandum. Unde ait: *Actio intellectus, & cuiuscumque entis creati dependet a Deo in quantum ab ipso movetur ad agendum.* De illo etiam loquitur ad 1. respondens:

unde idem argumentum soluens in 2. d. 28. q. 1. ar. 5. ad 1. ait : *Sicut Deus operatur in natura, ita etiam operatur in intellectu: unde sicut nullum opus naturale est nisi à Deo, nec ambulatio, nec aliquid huiusmodi, ita nec cognitio veritatis, &c.* Ad confirmationem respondetur negando antecedens, nam quamvis sine speciali protectione, & directione Dei, & auxilio gratiæ eius non possimus cognoscere omnes veritates naturales collectiue; possumus tamen aliquas imo & quamlibet diuisiue, quia possumus viacere impedimenta ad hanc, vel illam, & quamlibet diuisiue. Auxilium autem quod ad quamlibet cognoscendam requiritur, licet non conferatur nobis ab instanti nostræ conditionis, consequitur tamen ex dono creationis, sicut & auxilium generale, quod confertur alijs causis, vt operetur; debitumque proinde est, non debito iustitiæ, aut ex meritis, sed debito proportionis, & connaturalitatis. Dispositio etiam & directio causarum, & liberi arbitrij ad has veritates cognoscendas ex vi creationis, & communis prouidentię est.



*Vtrum homo possit velle, & facere
bonum absque gratia.*

Conclusio est negans.

ADuertendum est i. cum Caiet. hic ; hominem in quinque statibus considerari posse : Primo in puris naturalibus . Secundo in statu consono natura rationali, vt scilicet seruetur reſtitudo rationalis in omnibus partibus anima . Tertio in statu doni iustitia originalis seclusa gratia gratum faciente secundum rem, vel rationem . Quarto in statu gratia gratum facientis . Quinto in statu natura lapsæ . Differentiam inter primum, & vltimum statum vnico verbo explicat Caiet. Tanta est, quanta inter personam nudam ab initio, & personam spoliatam In puris enim naturalibus homo nudus esset carens gratia, & iustitia originali, & vigore rationis, in statu verò naturæ lapsæ per peccatum, his omnibus est spoliatus . Cum autem huiusmodi spoliatio solum sit causa per accidens, vt remouens prohibens destitutionis in naturalibus, & ex remouente prohibens non sequatur maior, aut minor effectus naturalis, quam ex natura sequitur, non enim magis, aut minus mouetur lapis remoto prohibente, quam à grauitate propria absolutè fuisset motus, ex tali spolia-

liatione per peccatum Adę facta non fuit
 fequuta maior deftitutio in natura lapfa,
 quam eſſet in puris naturalibus, ſicut cor-
 pus non eſt magis redditum corruptibile,
 quam ex natura fuiſſet ſimpliciter. Vnde
 præter maculam peccati, & impedimen-
 tum, quod gratię ponit peccatum, omnes
 defectus naturales, quos homo habet in na-
 tura lapſa, haberet in puris naturalibus.
 At ſicut in perſona nuda nuditas negationis
 rationem habet; in ſpoliata vero habet fa-
 tionem priuationis; ita defectus animæ, &
 corporis in puris naturalis, nec culpæ, nec
 pœnæ, nec vulnerum rationem haberent,
 ſed naturalium conditionum; in natura
 autem lapſa habent rationem corruptio-
 num, vulnerum, pœnæ, & culpę in parte
 ſuſceptiua illius. Ex quo patet, quantum
 ad ſufficientiam naturę humanæ ad opera
 naturæ proportio nata, idem eſſe iudicium
 de natura in puris naturalibus, & de natura
 lapſa.

Diſtinctionem ſecundi ſtatus à reliquis
 quidam inutilem eſſe opinantur: quia re-
 ſidera ſecundus ſtatus non eſt ab alijs diuer-
 ſus, ſed pars quædam ſtatus iuſtitie origi-
 nalis, vel gratię, & vnus ex effectibus quos
 dona hæc homini contulerunt: nam iuſti-
 tia originalis vigorem rationi præbebat, &
 ſimul ſubijciebat vires inferiores, & eun-
 dem vigorem conſert nunc gratia, quam-
 uis non conferat ſubmiſſionem potentia-
 rum. Sed his non obſtantibus, optimè ex-
 plicat Caietanus ſecundi ſtatus à reliquis
 diſſe-

differentiam dicens: talem statum addere
 supra purè naturalia vigorem rationis; seu
 superioris partis animæ ad conseruandum
 statum rationi in nullo dissonum. Hunc
 autem vigorem (inquit) non esse naturæ
 simpliciter, quia non fluit ex natura, nec
 simpliciter gratiæ, quia ad nihil se extendit
 nisi ad naturæ rationalis proportionatum,
 bonum, scilicet viuere secundum ratio-
 nem, sed esse quodammodo gratiæ, &
 quodammodo naturæ, pro quanto homo
 nunquam habet, nec habere potuit ex na-
 turalibus hunc vigorem, sed ex coniun-
 ctione ad donum iustitiæ originalis. Sicut
 enim cogitativa ex coniunctione ad intel-
 lectum melius operatur, quam intellectu
 tacente, vnde in homine teste D. Th. 1. par.
 q. 78. art. 4. in corp. & ad 5. confert, compo-
 nit, & diuidit ob affinitatem, & propinqui-
 tatem ad rationem vniuersalem, seu intel-
 lectum; Ita natura rationalis ex coniun-
 ctione ad donum iustitiæ originalis prædi-
 ctum vigorem habet. Vnde falsum est ta-
 lem vigorem effectum esse iustitiæ origi-
 nalis; licet enim non habeatur nisi in con-
 iunctione ad iustitiam originalem; non
 tamen est gratuitus, sed essentialiter natu-
 ralis. Sunt etiam, qui dicunt talem vigo-
 rem communicari posse homini à Deo abs-
 que coniunctione ad iustitiam originalem,
 aut aliud gratuitum donum: nam licet ve-
 rum sit, quod ait Caiet. secundum statum
 non est inuentum vnquam separatum in
 se ipso, sed aut in statu originalis iustitiæ
 con-

contentum, vt in Adam, aut in statu excellentis gratiæ, vt in B. Virgine; negari tamen non potest per Dei potentiam absolutam posse hominem creari in tali statu separato ab aliis. Præterea inter iustitiam originalem, & vigorem naturæ hanc ab effectu constituit differentiam Caiet. nam cum iustitiæ originalis dono non poterat prius peccari venialiter, quam mortaliter, vt patet ex dictis supra q. 89. art. 3. prædictus autem vigor naturæ, permittit prius peccatum veniale; posset enim homini vigore hoc prædito subrepere parua aliqua declinatio circa finem, quod non compateretur integritas status iustitiæ originalis. Nam cū iustitia originali ita sensualitas esset subdita rationi, vt non posset motus sensualitatis insurgere: cum solo autem vigore naturæ tales motus insurgere posset; ratio tamen vigorem haberet, ac vim ad reprimendum eos, sicque in statu vigoris naturæ posset peccatum incipere ex motu sensualitatis accedente negligentia rationis, quod veniale esset ex semiplena deliberatione. Deinde in statu iustitiæ originalis homo immortalis esset, & nullius mali capax; in statu verò vigoris naturæ, & rationis, mortalis esset, & mali capax. Denique differentiam inter secundum, & tertium statum colligit Caiet. ex D. Thom. supra q. 91. art. 6. dicente: *Homo destituitur originali iustitia, & vigore rationis*. Copulationis enim nota diuersitatem ostendit.

Hinc colligit Caietanus, per integritatem

208 **QVÆSTIO CIX.**

tem naturę eam esse intelligendam, quam habet natura, vt operatur, non ex vi iustitię originalis, sed ex vigore naturalium, sicque statum naturę integrę non esse statum doni iustitię originalis, sed consonum naturę rationali. Probatur: nam D. Tho. hic docet, in statu naturę integrę posse hominem per sua naturalia velle, & operari bonum suę naturę proportionatum non autem bonum excedens: at si per integritatem naturę intelligeret eam, quam habet vt operatur ex vi iustitię originalis, & per naturam integrā ipsam, vt affectam dono iustitię originalis, hoc non esset verū, nā cum iustitia originalis sit donum superadditum naturę, quod per illam, aut ex vi illius fit, non fit per naturalia, aut ex viribus naturę: & cum probabile sit donum iustitię originalis esse idem realiter cum dono gratię, probabile etiam est, hominem iustitia originali affectum posse velle, & operari bonum superexcedens; ergo, &c.

Differentia igitur inter prædictos quinque status hæc est: natura enim in puris naturalibus habet contrarietatem appetituum, & sensibilis non plenē rationali subditur, sed quandoque fertur in proprium bonum præter ordinem rationis. In statu autem consono naturę rationali pars superior rectē se habet ad Deum, vt principium omnium naturaliter notum, & inferiora à rationis ordine etsi exorbitare possint, non tamen permittuntur. Super hunc statum addit

addit iustitia originalis indefectibilem ordinem, & corporis sub anima, & inferiorum sub superiori, quandiu superius est sub supremo, Deo scilicet principio naturæ. Gratia autem addit principium meritorum vitæ æternæ. Per peccatum verò, quo est lapsa natura, spoliatur gratia, iustitia originali, & vigore naturæ, & rationis. Hos status dempto primo, in quo homo non fuit, comprehendit D. Thom. hic sub duobus. Primus est naturæ integræ, sicut fuit in primo parente ante peccatum. Secundus naturæ corruptæ, sicut est in nobis post peccatum primi parentis, & de homine in utroque statu ait, indigere gratia ad faciendum, vel volendum quodcumque bonum.

Secundò aduertendum est: Gratiæ nomine hic non solum esse intelligendam gratiam habitualement quæ Deo grati, & ante ipsum iusti sumus, sed etiam quandoque auxilium Dei etiam generale. Vnde conclusio negans hominem posse velle, & facere bonum absque gratia, etiam auxilium generale excludit, hocque sub nomine gratiæ comprehendit, sensusque eius est, ut colligitur ex 2 arg. & eius solutione: non posse hominem per se ipsum absque omni gratia, & auxilio Dei velle, & facere bonum, sicut per se ipsum absque omni gratia, & auxilio Dei potest peccare. Auxilium autem generale gratiam sæpe appellari à D. Thom. colligitur ex ipso hic ad 1. ad quod ex doctrina Aristot. qui solum co-
gno-

210 **QVAESTIO CIX.**

gnouit concursum Dei generalem respondet, non rectè inferri hominem posse vel-
 le, & facere bonum per se ipsum absque
 auxilio gratiæ, quia est dominus suorum
 actuum: nam non ita habet dominium
 sui actus, quin indigeat moueri à Deo.
 Articulo etiam 9. docet hominem etiam
 in gratia existentem, indigere auxilio gra-
 tiæ vt a Deo moueatur ad rectè agendum.
Primo quidem ratione generali propter hoc quod
sicut supradictum est, nulla res creata potest in
quemcumque actum prodire nisi virtute mo-
tionis diuine. Qui concursus generalis est.
 Item in 2. dist. 28. q. 1. art. 1. ad 1. de homine
 ait: *Nihil boni potest facere sine gratia Dei, se-*
cundum quod intelligitur gratia ipse Deus gra-
tis dans, eo quod ipse est principium omnis bo-
ni; non tantum in hominibus, sed etiam in alijs
creaturis. Quod autem hoc modo Deus
gratis dat non est aliud, quam eius gene-
ralis concursus, qui licet iuxta exigentiam
omnium creaturarum conferatur, gratis
illis datur, sicut & naturæ creatio, quæ te-
ste D Aug. & alijs Patribus Epist. 95. Qua-
dam non improbanda ratione dicitur gratia
Dei, &c. quia non precedentium aliquorum
operum meritis, sed gratuita Dei bonitate do-
nata est.

Dubium 1. An possit homo in naturalapsa sine auxilio gratiæ specialis velle, & facere aliqua bona opera moraliter.

PArtem negantem tenent Gregor. in 2. dist. 26. & 27. & 28. quæst. 1. art. 2. conclus. 3. & dist. 29. q. 1. art. 1. con. 2. & nonnulli recentiores. Probant 1. ex sacris litteris: nam Ioan. 15. v. 5. dixit Christus: *Sine me nihil potestis facere.* Et 1. Corinth. 4. v. 7 Paulus ait: *Quid autem habes quod non accepisti?* Et ad Philip. 2. v. 13. *Deus est, qui operatur in vobis & velle & perficere.* Ergo sine auxilio gratiæ Dei nullum opus moraliter bonum potest homo efficere.

Secundò, ex Conciliis, & Summorum Pontificum testimoniis, quatuor enim afferunt: Primum: *Gratiam Dei, & adiutorium etiam ad singulos actus dari.* Quod fateri coactus est Pelagius in Concilio Palestino. Cui consonat quod ait Celestinus Papa in sua Epist. 1 ad Episcopos Galliæ cap. 8. *Omnia studia, & omnia opera, ac merita Sanctorum, &c. diuinæ gratiæ debent adscribi.* Secundum: *Quoties bona agimus, Deus in nobis atque nobiscum, ut operemur, operatur.* Ita Concil. Arausic. can. 9. Cui consonat quod ait Celestinus vbi supra cap. 9. *Ita Deus in cordibus atque in ipso libero operatur arbitrio, ut sancta cogitatio, pium consilium, omnisque motus bonæ voluntatis ex Deo sit.* Tertium: *Nemo quicquam Domino rectè vouerit, nisi ab illo ac-*
cepe-

ceperit. Ita Conc. Arausic. can. 11. Cui consonat quod ait Innocentius Papa Epist. 26. ad Concil. Milleuit. quæst. 93. apud August. voluntatem scilicet Nihil posse cœlestibus auxilijs destitutam. Quartum: Nemo habet de suo nisi mendacium, & peccatum: si quis autem habet homo veritatem atque iustitiam ab illo fonte est, quem debemus scire in hac eremo. Sed ex his constat hominem sine auxilio gratiæ Dei nullum opus bonum moraliter posse velle facere, & operari; ergo, &c.

Tertio, ex Sanctis Patribus, qui prædictis quatuor similia sæpe asserunt Hieron. Epist. ad Cthesiphontem, & Dialogo 1. contra Pelag. Ambros. Epist. 84. & lib. 2. in Lucam cap. ult. Cyprianus lib. 3. ad Quirinum, capite 4. & Serm. 5. qui est de orat. Dominica, Aug. Epist. ad Hilariam quæ est 89. & Serm. 13. de verbis Apostoli: Fulgentius lib. ad Petrum Diaconum, cap. 24. Prosper lib. contra Collatorem cap. 24. Bernardus lib. de libero arbit. & alij.

Quarto, auctoritate D. Thom. hic enim in principio corp. artic. & in eius fine ait: *In utroque statu indiget homo auxilio diuino, ut ab ipso moveatur ad bene agendum. Hoc autem auxiliũ gratiæ esse colligitur ex solutione primi, si solutio cum argumento conferatur, & ex sequentibus articulis præfertim 9. ubi expressè illud auxilium gratiæ appellat. Item 2.2. q. 136. artic. 3. ad 2. inquit. Bonum politica virtutis commensuratum est natura humana, & ideo absque auxilio gratiæ gratum facientis potest voluntas humana*

*in illud tendere, licet non absque auxilio gratia
Dei. Et quest. 14. de Verit. art. 4. sic habet :
Si gratiam Dei velimus dicere non aliquod ha-
bituale donum, sed ipsam misericordiam Dei,
per quam interius motum mentis operatur, &
exteriora ordinat ad hominis salutem, sic nec
vllum bonum homo potest facere sine gratia
Dei.*

Quintò, rationibus : Prima : utile nobis
est per singula opera moralia postulare gra-
tiam Dei, & hanc orationem per singula
etiam repetere ; ergo ad illa facienda ne-
cessarium est auxilium gratiæ. Secunda :
Pro quouis opere bono moraliter veraci-
ter, & vtiliter Deo, & Christo gratias agi-
mus ; ergo signum est nos illud ex gratia
Dei accepisse. Tertia : Quamuis simus li-
beri arbitrij, & voluntas nostra liberè fero-
tur in vtramque partem ; tamen quia sine
cogitatione moueri nulla ratione potest, &
ab extrinseco principio ad hanc primam
cogitationem potius, quam ad oppositam
applicari debet, efficitur, vt quoties cogi-
tatione ad bonum excitatur, cum posset
non excitari, gratiam peculiarem à Deo
recipiat distinctam à gratia, & dono crea-
tionis : etenim cum vi suæ naturæ, & crea-
tionis atque conseruationis non inclinatur
potius in cogitationem bonæ operationis,
quam malæ, sequitur ab extrinseco prin-
cipio applicari : cumque liberum esset Deo
non admouere nos ad hanc, & illam boni
cogitationem, peculiare nobis in hoc be-
nificium contulisse satendum est. Quarta :

vt

vt aliquod opus sit moraliter bonum debet referri in vltimū finem qui est Deus : sed hoc fieri nō potest absque auxilio Dei ergo &c.

Dicendum tamen est : Hominem in natura lapsa posse velle, & facere aliqua bona opera moraliter sine auxilio speciali gratiæ Dei . Probatur 1. ex Scriptura Sacra : Matthei namque 5. v. 47. dixit Christus : *Si salutaueritis fratres vestros tantum, quid amplius facitis? non ne & Ethnici hoc faciunt?* Ex quodam scilicet humano affectu, vt ibi exponit D. Th. ac proinde naturæ viribus, & absque gratiæ auxilio speciali . Ad Roman. etiam 2. v. 14. ait Paulus ; *Gentes quæ legem non habent naturaliter ea quæ legis sunt faciunt* . Non quidem omnia sed aliqua, vt exponunt D. August. lib. de Spiritu & littera cap. 26. & D. Prosper lib. contra Collatorem cap. 22. .

Secundò ex Concil. Triden. Sess. 6. c. 11. vbi sic dicitur : *Deus impossibilia non iubet, sed iubendo monet, & facere quod possis, & petere quod non possis* . Vbi supponitur aliqua nos posse facere per vires naturæ, absque gratiæ auxilio . Et can. 1. idem innuitur dum dicitur aliqua opera fieri per humanæ naturæ vires : Confirmatur : nam Pius V. & Gregorius XIII. in Bulla quadam inter alias propositiones Michaelis Baii hæc, quæ est 37. damnarunt : *Cum Pelagio sapit, qui boni aliquid naturalis, hoc est quod ex natura solis viribus ortum ducit, agnoscat* . Hanc etiam quæ est 28. *Liberum arbitrium sine gra-*
tia

tia & Dei adiutorio, non nisi ad peccandum valet. Afferere autem fuisse damnatam, quia sine gratia & Dei adiutorio valet liberum arbitrium ad actus indifferentes, ridiculum est, cum fere omnes Theologi actus indifferentes in indiuiduo dari negent. Hoc negari à D. Thom. & D. August. supra quaest. 18. art. 9. vidimus: nunquid ergo iuxta D. Thom. & August. doctrinam, quod praedicti summi Pontifices damnant, concedendum est? absit.

Tertiò Patrum testimoniis. Chrysost. Hom. 13. imperfecti; Greg. Hom. 27. in Euangelia, Aug. lib. 3. Hypognosticon, non longe à principio, & lib. de Spiritu & littera cap. 26 & 27. & 28. ubi sic habet. Verumtamen quia non vsque adeo in anima humana imago Dei terrenorum affectuum labo detrita est, ut nulla in ea velut lineamenta extrema remanserint, unde merito dici possit, etiam in ipsa impietate vita sua facere aliqua legis vel sapere &c. Nam & ipsi homines erant, & vis illa natura inerat eis, qua legitimè aliquid anima rationalis & sentit & facit &c. Sicut enim non impediunt à vita aeterna iustitiam quaedam peccata venialia, sine quibus haec vita non ducitur. sic ad salutem aeternam nihil proficiunt impio aliqua bona opera, sine quibus difficilè mè vita cuiuslibet pessimi hominis impenditur. Prosper lib. contra Collatorem c. 22. & Fulgentius lib. de gratia Christi cap. 26 idem asserunt.

Quartò, auctoritate D. Tho. hic enim tria asserit, ex quibus nostra conclusio colligitur.

216 QVAESTIO CIX.

ligitur . Primum . *Natura humana etiam in statu naturæ corruptæ potest per virtutem suæ naturæ aliquod bonum particulare agere , sicut edificare domos , plantare vineas , & alia huiusmodi .* Ad id enim quod homo per virtutem suæ naturæ potest agere , licet indigeat concursu Dei generali ; non tamen auxilio speciali gratiæ , sicut nec quæcumque alia creatura ad id quod per virtutem suæ naturæ potest efficere . Secundum quod est huius ratio : *Quia natura humana per peccatum non est totaliter corrupta , ut scilicet toto bono naturæ priuaretur .* Quæ est etiam ratio D. August. & D. Prosperi . Si enim per vires naturæ non posset aliquod bonū opus efficere , toto naturæ bono morali priuaretur , & mala arbor esset , cum non posset bonos fructus facere , sed solum malos . Tertium , quod est huius exemplum . *Sicut homo infirmus potest per se ipsum aliquem motum habere .* Vndè sicut hic ad habendum aliquem motum solo auxilio generali indiget : ita & homo lapsus ad aliquod bonum opus morale efficiendum Articulo etiam 5 sic habet S. Doctor : *Sine gratia homo non potest mereri vitam æternam , potest tamen facere opera perducentia ad bonum aliquod homini connaturale , sicut laborare in agro , bibere , manducare , & habere amicum , & alia huiusmodi ut August. dicit in tertia responsione contra Pelagianos .* Scilicet lib. 3. Hypognosticon. vbi nomine gratiæ tam D. Tho. quàm D. August. intelligunt non solum gratiam habitualement , sed etiam spe-

cia .

cialis auxilii, sine qua cum solo auxilio generali asserunt posse hominem prædicta bona opera facere. Denique in 2. dist. 28. quæst. 1. art. 1. inquit D. Tho. hominem per liberum arbitrium & bona, & mala facere posse, & actum virtutis acquirere quantum ad genus operis per se, *vel per se, non excludat diuinam causalitatem, secundum quod Deus in omnibus operatur, ut vniuersalis causa boni.* Dum ergo hanc & auxilium generale non excludamus, asserere debemus, posse hominem opus bonum moraliter efficere sine auxilio gratiæ speciali.

Quinto rationibus: Prima sumitur ex D. Th. hic, & D. Aug. & D. Prospero ubi supra: Si enim homo in natura lapsa nullum opus bonum morale posset efficere, absque speciali gratiæ auxilio, natura humana esset totaliter corrupta, hominisque liberum arbitrium amissum & extinctum; cum enim sit indifferens, & potens ad bonum, & malum, non ad malum solum, ut colligitur ex illo Ecclesiastici 15. & 18. *Ante hominem vita, & mors, bonum, & malum.* Si nullum bonum posset velle, aut efficere, extinctum, & amissum esset eius liberum arbitrium: sed hoc damnatum est in Concil. Trident. Sess. 6. can. 5. his verbis: *Si quis liberum hominis arbitrium post Adæ peccatum amissum, & extinctum esse dixerit &c. anathema sit.* Ergo &c. Si dicas, ut non dicatur extinctum liberum arbitrium satis esse, ut possit velle, & facere homo bonum cum gratiæ auxilio. Contra, saltem

enim sequeretur, hominem sine gratiæ auxilio non esse liberum ad eligendum, & operandum bonum morale, cum sine illo non possit bonum eligere & operari, sicut sine gratiæ auxilio non est liber ad eligendum, & operandum bonum supernaturale, quod solum gratiæ auxilio eligere, & operari potest. Ex quo rursus sequeretur ex propriis suæ naturæ non habere liberum arbitrium, sed per peccatum extinctum esse, quod ei ex propriis suæ naturæ conuenit, quodque haberet, si in puris naturalibus sine aliqua ordinatione ad habendum gratiæ auxilium, conditus esset. Secunda: Homo, cum ex natura sua sit animal rationale, aptitudinem habet ad viuendū secundum rectam rationem; ergo per facultatem suæ naturæ sine auxilio speciali gratiæ potest aliquod bonum morale facere, alias enim in nullo opere posset viuere secundā rectam rationem, neque ad hoc haberet ex sua natura aptitudinem. Tertia: Omnis creatura per facultatem suæ naturæ cum auxilio generali Dei sufficiens est ad suos actus exercendos; ergo & homo ad operandum aliquod bonum morale suæ naturæ proportionatum, alias ut ait D. Thom. in 2. dist. 18. quæst. 1. art. 5. *Natura humana alijs imperfectior esset, quæ sibi non sufficeret in naturalibus operationibus.* Peiorisque conditionis esset homo, quam omnis alia creatura, & frustra esset habitudo, & potentia naturalis hominis ad suum obiectum proportionatum.

natum, si in nullo individuo, & in nullo obiecto reduci possit ad actum. Quarta: Ad eligendum & operandum bonum aliquod morale ordinis naturalis non requiritur auxilium speciale gratiæ, vt occurrat intellectui cogitatio de bono obiecto: nam non est tam extincta & corrupta natura, vt non possit homo ex viribus naturalibus & propria industria excitare sibi bonam aliquam cogitationem, sicut potest excitare malam, cum solo Dei concursu generali; aliquis enim concursus generalis est debitus intellectui, supposita creatione, ad cogitandum, sicut igni ad calefaciendum, & non solum ad cogitandum malum, sed etiam bonum. Ex phantasmatibus etiam sicut potest homo abstrahere species mali, ita etiam boni moralis, cum per phantasmata non solum proponantur delectabilia gustus, & tactus, sed etiam honor erga parentes: & quauis hoc non sit à casu, non tamen semper est ex gratia, & prouidentia Dei speciali, sed aliquando ex prouidentia Dei generali, sicut ex eadem est, vt ignis comburat, quod iuxta se positum est, ex hac enim prouidentia generali est, vt homo nascatur ex parentibus, & ab illis educetur, & conuiuat inter homines eiusdem naturæ, & indigeat alimentis, ac vitæ subsidijs: ex quibus non possunt non oriri plures cogitationes inducentes ad cultum parentum, & obseruantiam amicorum, & ad subueniendum propriis necessitatibus. Non requiritur etiam, vt post.

quam boni cogitatio occurrit, iudicet intellectus, hoc bonum esse prosequendum. nam ad hoc iudicium sufficit naturale lumen intellectus, quod ostendit nobis bona, aut immediatè, aut medio discursu, etiam hic. & nunc; si enim absque gratia iudicare potest intellectus honorandos esse parentes, & subueniendos, cur hic, & nunc, cum videt filius, eos ope illius indigere, non poterit iudicare? Quod si iudicium hoc ex lumine naturali est. non opus est, ut ex gratia sit voluntas applicans intellectum ad tale iudicium, præsertim, cū gratia specialis nō incipiat ex volūtate. Nō requiritur præterea, ut ex tali iudicio excitetur voluntas, ut velit bonum cogitatum, quodque dignum prosecutione est iudicatum: nam naturale est bono cogitato excitare voluntatem ad sui prosecutionem, cum ex natura sua habeat illam methaphoricè mouere tanquam illius finis saltem intermedius. Non requiritur denique, ut voluntas respondeat excitationi, & cooperetur; nam eiusdem rationis est auxilium excitans, & cooperans, sicque, ut excitetur voluntas, non requiritur auxilium gratiæ, neque hoc erit necessarium, ut operetur. Igitur absque auxilio gratiæ speciali cum solo concursu Dei generali potest voluntas aliquod bonum morale, velle, & operari. Debitum autem esse homini hoc auxilium generale, ut bonum aliquod operetur, inde colligitur, quod Deus fecit hominem liberum, & indif-

ARTICVLVS II. 221

differentem ad operandum bonum, & malum: vnde naturæ eius conforme est, vt non semper vnâ partem sequatur, sed nunc vnâ, nunc alterâ: & sicut quia Deus fecit creaturas potentes operari, debitum est illis auxilium generale, sine quo operari non possunt: ita quia Deus fecit hominem præditum potentia ad vtrumlibet, debitum est illi naturaliter, quod requiritur, vt aliquando vtrumlibet operetur. Et certe magis debita est naturæ rationali bona operatio, quàm mala; cum bona sit conformis ipsi, mala contra ipsam. Quod verò naturæ est debitum ex vi suæ creationis, & institutionis, licet ultra dolum creationis sit, considerando præcisè actionem creandi, non est gratia; alias enim etiam conseruatio, & gubernatio naturalis, & alimenta ad gratiam pertinerent vnde non est auxilium speciale, sed generale. Quo non obstante, etiam si Deus hoc auxilium negaret, non esset iniustus, aut ingratus: nam Deus non potest ita debere aliquid creaturis, vt licet neget, sit ingratus, aut iniustus; debitum enim naturale est sola exigètia naturalis alicuius rei, contra quam Deus potest facere, cum sit absolutus dominus, quin sit iniustus, & ingratus, sicut potest non conseruare res sine ingratitudine, & iniustitia, & tamen conseruatio ad gratiam non pertinet.

Ad 1. verò respondetur: loca illa Scripturæ intelligenda esse de auxilio, & consensu Dei generali, sine quo nequeunt fieri

ri etiam opera quæ virtute naturæ sunt. Vel si intelligantur de auxilio gratiæ speciali, exponenda sunt de operibus bonis, quæ ad vitam æternam, & salutem animæ conducunt. Vtraque expositio est D. Tho. Ioan. 15 lect. 1. vbi illud *Sine me nihil potestis facere*, his verbis explicat: *Opera enim nostra aut sunt virtute nature, aut ex gratia diuina. Si virtute nature, cum omnes motus nature sint ab ipso Verbo Dei, nulla natura aliquid faciendum moueri potest sine ipso. Si verò virtute gratiæ, cum ipse sit auctor gratiæ, quia gratia & veritas per Iesum Christum facta est, ut dicitur supra, manifestum est, quod nulli meritoriū sine ipso fieri potest. Vide etiā S. Doct. in 2. d. 28. q. 1. a. 1. ad 1. & 2. & 3.*

Ad 2. respondetur: Concilia & Summi Pontificum testimonia eisdem duobus modis, quibus loca Scripturæ explicuimus, esse explicanda. Si dicas primam expositionem de auxilio, & concursu Dei generali Concilijs applicari non posse: nam, Pelagius, contra quem diffiniunt Concilia, non negabat auxilium generale Dei necessarium esse hominibus, sicut, & alijs creaturis ad operandum. Respondetur: Pelagium, licet non negauerit concursum generalem simultaneum, quo Deus, vt auctor naturæ influat nobiscum quando volumus operari actum ordinis naturalis, negasse tamen auxilium generale præuium præmouens, & prædeterminans, quo Deus vt operemur, operatur: quia existimauit destrui libertatem arbitrij, si homo nihil potest

ARTICVLVS II. 223

potest operari nisi præmouente, & præoperante Deo, ac voluntatem prædeterminante. Sicque dixit, hominem semel accepto libero arbitrio (in quo solo gratiam Dei, sine qua nihil boni possumus facere, dicebat, quia illud sine ullis suis meritis accepit natura nostra) sola lege, atque doctrina adiuari à Deo, & non egere alio adiutorio, seu auxilio præmio speciali, aut generali, vt colligitur ex D. Aug. lib. de Hæresibus Hæresi 88. & D. Hieronym. in Epist. ad Ctesiphontem. Et quamuis Concilia præcipue agant de auxilio gratiæ speciali, de generali etiam quandoq. loquuntur, vt cum in Arausicano can. 22. dicitur: *Nemo habet de suo (hoc est absque Dei auxilio etiam generali) nisi mendacium, & peccatum.* Hoc autem auxilium generale aliquo modo potest dici per Christum, sine quo verbo Dei nulla natura moueri potest, quamuis à Concilijs, & Patribus præcipue auxilium per Christum appelletur, quod est speciale gratiæ, de quo præsertim agunt. Vnde secunda expositio præcipua est, in Concilijs scilicet esse sermonem de auxilio speciali gratiæ, & de operibus, quæ ad vitam conducunt æternam, de quibus in Concil. Arausic. dicitur: *Si quis per naturæ vigorem aliquid, quod ad salutem pertinet vitæ æternæ cogitare aut eligere, &c.* Ad verba autem can. 12. eiusdem Concilij. ex quibus colligi videtur hominem sine speciali auxilio Dei, non posse facere, nisi peccatum, & mendacium, non vero ali-

quod opus bonum, respondetur: eodem modo posse inferri, non posse facere, opus indifferens, nam hoc non est peccatum, & mendacium: Vnde sicut hæc illatio nulla est, ita, & illa: nam si dicas Concilium non fuisse loquutum de actibus indifferen-
tibus, cur dici non poterit, non fuisse quo-
que loquutum de actibus bonis moraliter
non conducentibus ad salutem, & vitam
æternam? Multipliciter ergo explicari so-
lent prædicta verba. Primo, ut sit sermo
de peccatis, quæ opponuntur actibus super-
naturalis ordinis, & qui ad salutem perti-
nent vitæ æternæ, & de his verum est, ne-
minem habere de suo nisi mendacium, &
peccatum: nam circa supernaturalia, &
ea quæ conducunt ad vitam æternam, ho-
mo sine auxilio speciali gratiæ nihil habet,
nisi deficere ab illis, & declinare in opposi-
tum. Secundo: Concilium accepisse
mendacium & peccatum improprie, &
late pro quocumque actu defectuoso, &
insufficienti ad vitam æternam iuxta phra-
sim, & loquendi morem vetustis Patribus
usitatum Qui (ut ait Sixtus Senen. lib. 6,
Bibliot. Annot. 40.) *universa opera, quæ
seclusa diuina gratiæ ope, fiebant, nondum bona
dicebant; sed frequentissime, & mala, & vi-
tia, & peccata, & tenebras appellabant, non
quod ea verè, & simpliciter mala, ac peccata
esse crederent, sed quia scirent ipsa, nec ad
acquirendam Christianam iustitiam prodesse,
neque ab comparandum æternæ felicitatis ho-
num proficere: & ob id ea in bonorum nume-*

rum referre non dignarentur. Vnde D. Aug. lib. 4. contra Iulianum cap. 3. ad finem ait: Scito nos illud bonum hominum dicere, illam bonam voluntatem, illud opus bonum, per quod solum homo potest ad aeternum Dei donum regnumq. perducī. Et lib. de Gratia Christi cap. 26 ubi non est dilectio, nullum bonum opus imputatur, nec recte bonum opus vocatur, quia omne, quod non ex fide est, peccatum est, & fides per dilectionem operatur. Nec mirum sanctos sic fuisse loquutos, cum eodem modo loquatur Scriptura; etenim Ezech. 20. v. 15. dicitur: Dedi eis praecepta non bona. Quod explicans D. Thom. supra q. 98. ar. 1. ad 1. ait: Dominus loquitur ibi de praeceptis caeremonialibus, quae quidem dicuntur non bona, quia gratiam non conferebant, per quam homines à peccato munderentur. Tertiò: propositionem hanc: Nemo habet de suo (hoc est sine auxilio speciali gratiae) nisi mendacium & peccatum, scilicet propriè acceptū, vt vera sit, satis esse pro maiori parte neminē habere nisi mendacium, & peccatum de suo, nam quod præter peccatum habet, paruum est, & pro nihilo reputatur, simili enim modo Gen. 6. v. 12. dicitur: Omnis caro corruperat viam suam, & Psal. 13. v. 3. Non est qui faciat bonum, non est vsque ad unū. Sed vt verum fatear mihi probabilius videtur, vtraque expositione vtendum esse ad explicanda verba can. 22. Concil. Arauscani; ita vt sensus illorum sit: Nemo habet de suo (hoc est sine auxilio Dei etiam generali præmonente ac prædeterminante)

226 **QVÆSTIO CIX.**

nisi mendacium & peccatum: si quis autem habet hominem veritatem atque iustitiam: (scilicet conducentem ad vitam æternam ide hac enim loqui colligitur, quod verba illa sumpsisse videtur Concilium ex D. August. Tract. 5. in Ioan. in principio, ubi S. Pater expresse loquitur de ea veritate & iustitia qua Venire ad eius requiem, societatemque possumus) ab illo fonte est, quem debemus sitire in hac eremo. Deo scilicet per auxilium speciale gratiæ.

Ad 3. respondetur eodem modo quo ad 2. sicut enim Conciliorum, & Pontificum diffinitionibus, ita & Patrum testimonijs vtrique expositio adducta accommodari potest.

Ad 4. respondetur: Auxilium diuinum, quo homo in quocumque statu indiget ad bene agendum, si sit ad bene agendum, quod ad salutem vitæ æternæ conducit, esse speciale gratiæ auxilium; si vero solum sit ad aliquid bene moraliter agendum, non opus esse, ut sit speciale, sed sufficere, ut sit generale præmonens, ac prædeterminans, quod, quia ratione à D. Thom. appellatur auxilium gratiæ, explicuimus notabili, 2, circa hunc articulum. In verbis autem adductis ex quæst. 24. de Verit. art. 14. expresse loquitur de bono ad salutem hominis ordinato.

Ad 5. respondetur: Ad primam quidem rationem distinguendo consequens: ad illam faciendam, ita ut conducant ad vitam æternam, concedo consequentiam: ad illam facien-

ARTICVLVS II. 227.

facienda absolutè, etiam si ad vitam æternam non conducant, nego consequentiam: nam satis est, ad illa facienda necessarium esse auxilium generale naturale præmouens, ac prædeterminans voluntatem, sæpe enim in oratione petimus, quæ cum solo auxilio generali naturali haberi possunt, vt pluias, fructus terræ, & corporis sanitatem. Et quamuis effectus naturales, qui omnino necessarij sunt, vt ortus solis, descensus grauium, & ascensus leuium petendi in oratione non sint; contingentes tamen piè, prudenter, & vtiliter à Deo petuntur, etiam si in nostra sint potestate, qualia sunt bona opera moralia: nam huiusmodi bona opera non ita sunt in nostra potestate, vt ad illa sufficiat sola natura, sicut testibus Patribus Concilij Cartaginensis Epist. ad Innocentium, quæ apud Diu. August. est 90. asseriebant Pelagiani: *Ad operandam perficiendamque iustitiam, & Dei mandata complenda, solam sibi humanam sufficere posse naturam.* Vnde contra illos rectè arguebant: *Si enim possibilitate natura, & arbitrio voluntatis in potestate sunt constituta, quare non ea videat à Domino inaniter peri; & fallacite r orari, &c.* Nullus namq. orat pro eo, ad quod ipse sine alterius auxilio sufficit. Ad opus autem bonum moraliter faciendum, licet concurrat nostra voluntas, & natura: non tamen sola ipsa sufficit, sed requiritur etiam auxilium Dei generale præmouens, ac prædeterminans voluntatem; sicut, & ad opus bonum quod con-

K v i ducit

ducit ad vitam æternam, scilicet concurrat voluntas, requiritur etiam auxilium gratiæ speciale: sicque tam ad hoc, quàm ad illud faciendum utilis est oratio. iuxta doctrinam D. Aug. lib. de Natura, & gratia cap. 18. vbi sic scribit *Quod licet non fiat, nisi voluntas adsit, tamen ut fiat, voluntas sola non sufficit: ideo pro hac re, nec superflua, nec impulsiva Domino immolatur oratio. Nam quid stultius, quam orare, ut facias, quod in potestate habes?*

Ad secundam rationem respondetur negando consequentiam; non solum enim debemus Deo gratias agere pro bonis gratuitis, sed etiam pro naturalibus, vt pro pluvia, corporis salute, cibo &c. Si Deus opus bonum nobiscum non faceret, conducens quidem ad vitam æternam auxilio speciali gratiæ, non conducens verò auxilio generali prædeterminante nostram voluntatem, vt dicebant Pelagiani asserentes, solum ipsis ad hoc sufficere naturam humanam, inani- ter illi pro eo gratias ageremus: Nempè *vanum est, atque inane, si cui gratias agit de hoc quod ipse non facit. Sed quia nec vanum est, & inane non est, profecto Deus, cui de hoc opere gratias agit, ipse facit*, inquit D. Aug. lib. 2. de Prædest. Sanct. cap. 19. de fide loquens, & idem est de quolibet opere bono moraliter. Vnde sicut in nullo bono opere est nobis gloriandum teste D. Cypriano: quia si fuerit supernaturale, aut conducens in vitam æternam, referendum est in Deum auctorem gratiæ auxilio speciali ad illud con-

concurrentem, si vero fuerit bonum morale omnino ordinis naturalis, referendum est in Deum auctorem naturę auxilio suo pręuio voluntatem prędeterminante generali ad illud concurrentem, & facientem, vt faciamus: ita in omnibus sunt Deo gratię agendę, quia omnia opera nostra in nobis, atque nobiscum, vt operemur, operatur auxilio suo, vel speciali gratię, vel generali voluntatem prędeterminante. Ad tertiam rationem patet ex dictis in quarta ratione pro nostra conclusione. Ad quartam rationem respondetur: Vt opus aliquod sit moraliter bonum, non requiri actualem relationem ad vltimum finem, sed sufficere virtualem in Deum finem vltimum naturalem, quam habet natura sua eo ipso, ac bonus actus est & in finem bonum, particularem ordinatur, & nulla apponitur ei circumstantia mala.

Dubium 2. An in aliquo statu possit homo sine auxilio speciali gratię omne opus bonum morale operari.

Varię sunt de hac re Doctorum sententię. Prima est Greg. locis citatis dubio pręcedenti, & recentiorum quorundā, hominem etiam in statu naturę integrę nō posse operari bona opera moraliter sine auxilio speciali gratię. Probant 1. ex D. Aug. lib. de Correp. & Gratia cap. 11, sibi

enim sequeretur, hominem sine gratiæ auxilio non esse liberum ad eligendum, & operandum bonum morale, cum sine illo non possit bonum eligere & operari, sicut sine gratiæ auxilio non est liber ad eligendum, & operandum bonum supernaturale, quod solum gratiæ auxilio eligere, & operari potest. Ex quo rursus sequeretur ex propriis suæ naturæ non habere liberum arbitrium, sed per peccatum extinctum esse, quod ei ex propriis suæ naturæ convenit, quodque haberet, si in puris naturalibus, sine aliqua ordinatione ad habendum gratiæ auxilium, conditus esset. Secunda: Homo, cū ex natura sua sit animal rationale, aptitudinem habet ad viuendū secundum rectam rationem; ergo per facultatem suæ naturæ sine auxilio speciali gratiæ potest aliquod bonum morale facere, alias enim in nullo opere posset vivere secundā rectam rationem, neque ad hoc haberet ex sua natura aptitudinem. Tertia: Omnis creatura per facultatem suæ naturæ cum auxilio generali Dei sufficiens est ad suos actus exercendos; ergo & homo ad operandum aliquod bonum morale suæ naturæ proportionatum, alias ut ait D. Thom. in 2. dist. 28. quæst. 1. art. 5. *Natura humana alijs imperfectior esset, quæ sibi non sufficeret in naturalibus operationibus.* Peiorisque conditionis esset homo, quam omnis alia creatura, & frustra esset habitudo, & potentia naturalis hominis ad suum obiectum proportionatum.

natum, si in nullo individuo, & in nullo obiecto reduci posset ad actum. Quarta: Ad eligendum & operandum bonum aliquod morale ordinis naturalis non requiritur auxilium speciale gratiæ, vt occurrat intellectui cogitatio de bono obiecto: nam non est tam extincta & corrupta natura, vt non possit homo ex viribus naturalibus & propria industria excitare sibi bonam aliquam cogitationem, sicut potest excitare malam, cum solo Dei concursu generali; aliquis enim concursus generalis est debitus intellectui, supposita creatione, ad cogitandum, sicut igni ad calefaciendum, & non solum ad cogitandum malum, sed etiam bonum. Ex phantasmatibus etiam sicut potest homo abstrahere species mali, ita etiam boni moralis, cum per phantasmata non solum proponantur delectabilia gustus, & tactus, sed etiam honor erga parentes: & quauis hoc non sit à casu, non tamen semper est ex gratia, & prouidentia Dei speciali, sed aliquando ex prouidentia Dei generali, sicut ex eadem est, vt ignis comburat, quod iuxta se positum est, ex hac enim prouidentia generali est, vt homo nascatur ex parentibus, & ab illis educetur, & conuiuat inter homines eiusdem naturæ, & indigeat alimentis, ac vitæ subsidijs: ex quibus non possunt non oriri plures cogitationes inducentes ad cultum parentum, & obseruantiam amicorum, & ad subueniendum propriis necessitatibus. Non requiritur etiam, vt post-

quam boni cogitatio occurrit, iudicet intellectus, hoc bonum esse prosequendum. nam ad hoc iudicium sufficit naturale lumen intellectus, quod ostendit nobis bona, aut immediate, aut medio discursu, etiam hic. & nunc; si enim absque gratia iudicare potest intellectus honorandos esse parentes, & subueniendos, cur hic, & nunc, cum videt filius, eos ope illius indigere, non poterit iudicare? Quod si iudicium hoc ex lumine naturali est. non opus est, ut ex gratia sit voluntas applicans intellectum ad tale iudicium, præsertim, cū gratia specialis nō incipiat ex volūtatē. Nō requiritur præterea, ut ex tali iudicio excitetur voluntas, ut velit bonum cogitatum, quodque dignum prosecutione est iudicatum: nam naturale est bono cogitato excitare voluntatem ad sui prosecutionem, cum ex natura sua habeat illam methaphoricè mouere tanquam illius finis saltem intermedius. Non requiritur denique, ut voluntas respondeat excitationi, & cooperetur; nam eiusdem rationis est auxilium excitans, & cooperans, sicque ut excitetur voluntas, non requiritur auxilium gratiæ, neque hoc erit necessarium, ut operetur. Igitur absque auxilio gratiæ speciali cum solo concursu Dei generali potest voluntas aliquod bonum morale, velle, & operari. Debitum autem esse homini hoc auxilium generale, ut bonum aliquod operetur, inde colligitur, quod Deus fecit hominem liberum, & indif-

ARTICVLVS II. 221

differentem ad operandum bonum, & malum: vnde naturæ eius conforme est, vt non semper vnā partem sequatur, sed nunc vnā, nunc alterā: & sicut quia Deus fecit creaturas potentes operari, debitum est illis auxilium generale, sine quo operari non possunt: ita quia Deus fecit hominem præditum potentia ad vtrumlibet, debitum est illi naturaliter, quod requiritur, vt aliquando vtrumlibet operetur, Et certe magis debita est naturæ rationali bona operatio, quā mala; cum bona sit conformis ipsi, mala contra ipsam. Quod verò naturæ est debitum ex vi sue creationis, & institutionis, licet ultra donum creationis sit, considerando præcisè actionem creandi, non est gratia; aliās enim etiam conseruatio, & gubernatio naturalis, & alimenta ad gratiam pertinerent vnde non est auxilium speciale, sed generale. Quo non obstante, etiam si Deus hoc auxilium negaret, non esset iniustus, aut ingratus; nam Deus non potest ita debere aliquid creaturis, vt licet neget, sit ingratus, aut iniustus; debitum enim naturale est sola exigētia naturalis alicuius rei, contra quam Deus potest facere, cum sit absolutus dominus, quin sit iniustus, & ingratus, sicut potest non conseruare res sine ingratitudine, & iniustitia, & tamen conseruatio ad gratiam non pertinet.

Ad 1. verò respondetur: loca illa Scripturæ intelligenda esse de auxilio, & concursu Dei generali, sine quo nequeunt fieri

ri etiam opera quæ virtute naturæ fiunt. Vel si intelligantur de auxilio gratiæ speciali, exponenda sunt de operibus bonis, quæ ad vitam æternam, & salutem animæ conducunt. Vtraq; expositio est D. Tho. Ioân. 15 lect. 1. vbi illud *Sine me nihil potestis facere*, his verbis explicat: Opera enim nostra aut sunt virtute naturæ, aut ex gratia diuina. Si virtute naturæ, cum omnes motus naturæ sint ab ipso Verbo Dei, nulla natura ad aliquid faciendum moueri potest sine ipso. Si verò virtute gratiæ, cum ipse sit auctor gratiæ, quia gratia & veritas per Iesum Christum facta est, ut dicitur supra, manifestum est, quod nulli meritorii sine ipso fieri potest. Vide etiã S. Doct. in 2. d. 28. q. 1. a. 1. ad 1. & 2. & 3.

Ad 2. respondetur: Concilia & Summi Pontificum testimonia eisdem duobus modis, quibus loca Scripturæ explicuimus, esse explicanda. Si dicas primam expositionem de auxilio, & concursu Dei generali Concilijs applicari non posse: nam, Pelagius, contra quem diffiniunt Concilia, non negabat auxilium generale Dei necessarium esse hominibus, sicut, & alijs creaturis ad operandum. Respondetur: Pelagium, licet non negauerit concursum generalem simultaneum, quò Deus, vt auctor naturæ influat nobiscum quando volumus operari actum ordinis naturalis, negasse tamen auxilium generale præuium præmouens, & prædeterminans, quò Deus vt operemur, operatur: quia existimauit destrui libertatem arbitrij, si homo nihil potest

ARTICVLVS II. 223

potest operari nisi præmouente, & præoperante Deo, ac voluntatem prædeterminante. Sicque dixit, hominem semel accepto libero arbitrio (in quo solo gratiam Dei, sine qua nihil boni possumus facere, dicebat, quia illud sine vllis suis meritis accepit natura nostra) sola lege, atque doctrina adiuari à Deo, & non egere alio adiutorio, seu auxilio præuio speciali, aut generali, vt colligitur ex D. Aug. lib. de Hæresibus Hæresi 88. & D. Hieronym. in Epist. ad Cthesiphontem. Et quamuis Concilia præcipuè agant de auxilio gratiæ speciali, de generali etiam quandoq. loquuntur, vt cum in Arausicano can. 22. dicitur: *Nemo habet de suo* (hoc est absque Dei auxilio etiam generali) *nisi mendacium, & peccatum*. Hoc autem auxilium generale aliquo modo potest dici per Christum, siue quo verbo Dei nulla natura moueri potest, quamuis à Concilijs, & Patribus præcipuè auxilium per Christum appelletur, quod est speciale gratiæ, de quo præsertim agunt. Vnde secunda expositio præcipua est, in Concilijs scilicet esse sermonem de auxilio speciali gratiæ, & de operibus, quæ ad vitam conducunt æternam, de quibus in Concil. Arausic. dicitur: *Si quis per nature vigorem aliquid, quod ad salutem pertinet vite æternæ cogitare aut eligere, &c.* Ad verba autem can. 12. eiusdem Concilij. ex quibus colligi videtur hominem sine speciali auxilio Dei, non posse facere, nisi peccatum, & mendacium, non vero ali-

quod opus bonum, respondetur eodem modo posse inferri, non posse facere opus indifferens, nam hoc non est peccatum, & mendacium: Vnde sicut hæc illatio nulla est, ita, & illa: nam si dicas Concilium non fuisse loquutum de actibus indifferen-
tibus, cur dici non poterit, non fuisse quo-
que loquutum de actibus bonis, moraliter
non conducentibus ad salutem, & vitam
æternam? Multipliciter ergo explicari so-
lent prædicta verba. Primo, ut sit sermo
de peccatis, quæ opponuntur actibus super-
naturalis ordinis, & qui ad salutem perti-
nent vitæ æternæ, & de his verum est, ne-
minem habere de suo nisi mendacium, &
peccatum: nam circa supernaturalia, &
ea quæ conducunt ad vitam æternam, ho-
mo sine auxilio speciali gratiæ nihil habet,
nisi deficere ab illis, & declinare in opposi-
tum. Secundo: Concilium accepisse
mendacium & peccatum improprie, &
late pro quocumque actu defectuoso, &
insufficienti ad vitam æternam iuxta phra-
sim, & loquendi morem vetustis Patribus
usitatum. Qui (ut ait Sixtus Senen. lib. 6.
Bibliot. Annot. 40.) *universa opera, quæ
seclusa diuinæ gratiæ ope, fiebant, nondum bona
dicebant; sed frequentissime, & mala, & vi-
tia, & peccata, & tenebras appellabant, non
quod ea verè, & simpliciter mala, ac peccata
esse crederent; sed quia scirent ipsa, nec ad
acquirendam Christianam iustitiam prodesse,
neque ab comparandum æternæ felicitatis ho-
num proficere: & ob id ea in bonorum nume-*

rum

rum referre non dignarentur. Vnde D. Aug. lib. 4. contra Iulianum cap. 3. ad finem ait: Scito nos illud bonum hominum dicere, illam bonam voluntatem, illud opus bonum, per quod solum homo potest ad aeternum Dei donum regnumque perducere. Et lib. de Gratia Christi cap. 26 ubi non est dilectio, nullum bonum opus imputatur, nec recte bonum opus vocatur, quia omne, quod non ex fide est, peccatum est, & fides per dilectionem operatur. Nec mirum sanctos sic fuisse loquutos, cum eodem modo loquatur Scriptura; etenim Ezech. 20. v. 15. dicitur: *Dedi eis precepta non bona.* Quod explicans D. Thomas supra q. 98. ar. 1. ad 1. ait: Dominus loquitur ibi de preceptis ceremonialibus, quae quidem dicuntur non bona, quia gratiam non conferebant, per quam homines à peccato mundarentur. Tertiò: propositionem hanc: *Nemo habet de suo* (hoc est sine auxilio speciali gratiae) *nisi mendacium & peccatum*, scilicet propriè acceptum, ut vera sit, satis esse pro maiori parte neminè habere nisi mendacium, & peccatum de suo, nam quod præter peccatum habet, paruum est, & pro nihilo reputatur. simili enim modo Gen. 6. v. 12. dicitur: *Omnis caro corruperat viam suam*, & Psal. 13. v. 3. *Non est qui faciat bonum, non est usque ad unum.* Sed ut verum fatear mihi probabilius videtur, utraque expositione utendum esse ad explicanda verba can. 22. Concil. Arausici, ita ut sensus illorum sit: *Nemo habet de suo* (hoc est sine auxilio Dei etiam generali præmonente ac prædeterminante)

226 **QVÆSTIO CIX.**

nisi mendacium & peccatum: si quis autem habet homo veritatem atque iustitiam: (scilicet conducentem ad vitam æternam ide hac enim loqui colligitur, quod verba illa sumpsisse videtur Concilium ex D. August. Tract 5. in Ioan. in principio, vbi S. Pater expresse loquitur de ea veritate & iustitia qua Venire ad eius requiem, societatemque possumus) ab illo fonte est, quem debemus sitire in hac eremo. Deo scilicet per auxilium speciale gratiæ.

Ad 3. respondetur eodem modo quo ad 2. sicut enim Conciliorum, & Pontificum diffinitionibus, ita & Patrum testimonijs vtraq. expositio adducta accommodari potest.

Ad 4. respondetur: Auxilium diuinum, quo homo in quocumque statu indiget ad bene agendum, si sit ad bene agendum, quod ad salutem vitæ æternæ conducit, esse speciale gratiæ auxilium; si vero solum sit ad aliquid bene moraliter agendum, non opus esse, vt sit speciale, sed sufficere vt sit generale præmonens, ac prædeterminans, quod, qua ratione à D. Thom. appellatur auxilium gratiæ, explicuimus notabili, 2. circa hunc articulum. In verbis autem adductis ex quæst. 24. de Verit. art. 14. expresse loquitur de bono ad salutem hominis ordinato.

Ad 5. respondetur: Ad primam quidem rationem distinguendo consequens: ad illam faciendam, ita vt conducant ad vitam æternam, concedo consequentiam: ad illam facien-

ARTICVLVS II. 217

facienda absolutè, etiam si ad vitam æternam non conducant, nego consequentiam: nam satis est, ad illa facienda necessarium esse auxilium generale naturale præmouens, ac prædeterminans voluntatem, sæpe enim in oratione petimus, quæ cum solo auxilio generali naturali haberi possunt, vt pluias, fructus terræ, & corporis sanitatem. Et quamuis effectus naturales, qui omnino necessarij sunt, vt ortus solis, descensus grauium, & ascensus leuium petendi in oratione non sint; contingentes tamen piè, prudenter, & vtiliter à Deo petuntur, etiam si in nostra sint potestate, qualia sunt bona opera moralia: nam huiusmodi bona opera non ita sunt in nostra potestate, vt ad illa sufficiat sola natura, sicut testibus Patribus Concilij Cartaginensis Epist. ad Innocentium, quæ apud Diu. August. est 90. asseriebant Pelagiani: *Ad operandam perficiendamque iustitiam, & Dei mandata complenda, solam sibi humanam sufficere posse naturam.* Vnde contra illos rectè arguebant: *Si enim possibilitate natura, & arbitrio voluntatis in potestate sunt constituta, quæ non ea videant à Domino inaniter peti; & fallacite rorari;* &c Nullus namq. orat pro eo, ad quod ipse sine alterius auxilio sufficit. Ad opus autem bonum moraliter faciendum, licet concurrat nostra voluntas, & natura: non tamen sola ipsa sufficit, sed requiritur etiam auxilium Dei generale præmouens, ac prædeterminans voluntatem; sicut, & ad opus bonum quod con-

K VI ducit

ducit ad vitam æternam, scilicet concurrat voluntas, requiritur etiam auxilium gratiæ speciale: sicque tam ad hoc, quàm ad illud faciendum utilis est oratio, iuxta doctrinam D. Aug. lib. de Natura, & gratia cap. 18. ubi sic scribit *Quod licet non fiat, nisi voluntas adsit, tamen ut fiat, voluntas sola non sufficit; ideo pro hac re, nec superflua, nec impudens Domino immolatur oratio. Nam quid stultius, quam orare, ut facias, quod in potestate habes?*

Ad secundam rationem respondetur negando consequentiam; non solum enim debemus Deo gratias agere pro bonis gratuitis, sed etiam pro naturalibus, ut pro pluvia, corporis salute, cibo &c. Si Deus opus bonum nobiscum non faceret, conducens quidem ad vitam æternam auxilio speciali gratiæ, non conducens verò auxilio generali prædeterminante nostram voluntatem, ut dicebant Pelagiani asserentes, solum ipsis ad hoc sufficere naturam humanam, inani-ter illi pro eo gratias ageremus: Nempe vanum est, atque inane, si cui gratias agit de hoc, quod ipse non facit. Sed quia nec vanum est, & inane non est, profecto Deus, cui de hoc opere gratias agit, ipse facit, inquit D. Aug. lib. 2. de Prædest. Sanct. cap. 19. de fide loquens, & idem est de quolibet opere bono moraliter. Unde sicut in nullo bono opere est nobis gloriandum teste D. Cypriano: quia si fuerit supernaturale, aut conducens in vitam æternam, referendum est in Deum auctorem gratiæ auxilio speciali ad illud

concurrentem : si verò fuerit bonum morale omnino ordinis naturalis , referendum est in Deum auctorem naturę auxilio suo pręuio voluntatem prędeterminante generali ad illud concurrentem , & facientem , vt faciamus : ita in omnibus sunt Deo gratię agendę , quia omnia opera nostra in nobis , atque nobiscum , vt operemur , operatur auxilio suo , vel speciali gratię , vel generali voluntatem prędeterminante . Ad tertiam rationem patet ex dictis in quarta ratione pro nostra conclusione . Ad quartam rationem respondetur : Vt opus aliquod sit moraliter bonum , non requiri actualem relationem ad vltimum finem , sed sufficere virtualem in Deum finem vltimum naturalem , quam habet natura sua eo ipso , ac bonus actus est & in finem bonum , particularem ordinatur , & nulla apponitur ei circumstantia mala .

Dubium 2. An in aliquo statu possit homo sine auxilio speciali gratię omne opus bonum morale operari.

Varię sunt de hac re Doctorum sententię . Prima est Greg. locis citatis dubio pręcedenti , & recentiorum quorundā , hominem etiam in statu naturę integrę nō posse operari bona opera moraliter sine auxilio speciali gratię . Probant 1. ex D. Aug. lib. de Correp. & Gratia cap. 11, sibi

enim sequeretur, hominem sine gratiæ auxilio non esse liberum ad eligendum, & operandum bonum morale, cum sine illo non possit bonum eligere & operari, sicut sine gratiæ auxilio non est liber ad eligendum, & operandum bonum supernaturale, quod solum gratiæ auxilio eligere, & operari potest. Ex quo rursus sequeretur ex propriis suæ naturæ non habere liberum arbitrium, sed per peccatum extinctum esse, quod ei ex propriis suæ naturæ conuenit, quodque haberet, si in puris naturalibus, sine aliqua ordinatione ad habendum gratiæ auxilium, conditus esset. Secunda: Homo, cum ex natura sua sit animal rationale, aptitudinem habet ad viuendum secundum rectam rationem; ergo per facultatem suæ naturæ sine auxilio speciali gratiæ potest aliquod bonum morale facere, alias enim in nullo opere posset viuere secundam rectam rationem, neque ad hoc haberet ex sua natura aptitudinem. Tertia: Omnis creatura per facultatem suæ naturæ cum auxilio generali Dei sufficiens est ad suos actus exercendos; ergo & homo ad operandum aliquod bonum morale suæ naturæ proportionatum, alias vt ait D. Thom. in 2. dist. 28. quæst. 1. art. 5. *Natura humana alijs imperfectior esset, quæ sibi non sufficeret in naturalibus operationibus.* Peiorisque conditionis esset homo, quam omnis alia creatura, & frustra esset habitudo, & potentia naturalis hominis ad suum obiectum proportionatum.

natum, si in nullo individuo, & in nullo obiecto reduci posset ad actum. Quarta: Ad eligendum & operandum bonum aliquod morale ordinis naturalis non requiritur auxilium speciale gratiæ, vt occurrat intellectui cogitatio de bono obiecto: nam non est tam extincta & corrupta natura, vt non possit homo ex viribus naturalibus & propria industria excitare sibi bonam aliquam cogitationem, sicut potest excitare malam, cum solo Dei concursu generali; aliquis enim concursus generalis est debitus intellectui, supposita creatione, ad cogitandum, sicut igni ad calefaciendum, & non solum ad cogitandum malum, sed etiam bonum. Ex phantasmatibus etiam sicut potest homo abstrahere species mali, ita etiam boni moralis, cum per phantasmata non solum proponantur delectabilia gustus, & tactus, sed etiam honor erga parentes: & quamuis hoc non sit à casu, non tamen semper est ex gratia, & prouidentia Dei speciali, sed aliquando ex prouidentia Dei generali; sicut ex eadem est, vt ignis comburat, quod iuxta se positum est, ex hac enim prouidentia generali est, vt homo nascatur ex parentibus, & ab illis educetur, & conuiuat inter homines eiusdem naturæ, & indigeat alimentis, ac vitæ subsidijs: ex quibus non possunt non oriri plures cogitationes inducentes ad cultum parentum, & obseruantiam amicorum, & ad subueniendum propriis necessitatibus. Non requiritur etiam, vt post-

quam boni cogitatio occurrit, iudicet intellectus, hoc bonum esse prosequendum. nam ad hoc iudicium sufficit naturale lumen intellectus, quod ostendit nobis bona, aut immediate, aut medio discursu, etiam hic. & nunc; si enim absque gratia iudicare potest intellectus honorandos esse parentes, & subueniendos, cur hic, & nunc, cum videt filius, eos ope illius indigere, non poterit iudicare? Quod si iudicium hoc ex lumine naturali est. non opus est, ut ex gratia sit voluntas applicans intellectum ad tale iudicium, præsertim, cū gratia specialis nō incipiat ex volūtate. Nō requiritur præterea, ut ex tali iudicio excitetur voluntas, ut velit bonum cogitatum, quodque dignum prosecutione est iudicatum: nam naturale est bono cogitato excitare voluntatem ad sui prosecutionem, cum ex natura sua habeat illam methaphoricè mouere tanquam illius finis saltem intermedius. Non requiritur denique, ut voluntas respondeat excitationi, & cooperetur; nam eiusdem rationis est auxilium excitans, & cooperans, sicque ut excitetur voluntas, non requiritur auxilium gratiæ, neque hoc erit necessarium, ut operetur. Igitur absque auxilio gratiæ speciali cum solo concursu Dei generali potest voluntas aliquod bonum morale, velle, & operari. Debitum autem esse homini hoc auxilium generale, ut bonum aliquod operetur, inde colligitur, quod Deus fecit hominem liberum, & indif-

ARTICVLVS II. 221

differentem ad operandum bonum, & malum: vnde naturæ eius conforme est, vt non semper vnā partem sequatur, sed nunc vnā, nunc alterā: & sicut quia Deus fecit creaturas potentes operari, debitum est illis auxilium generale, sine quo operari non possunt: ita quia Deus fecit hominem præditum potentia ad vtrumlibet, debitum est illi naturaliter, quod requiritur, vt aliquando vtrumlibet operetur, Et certe magis debita est naturæ rationali bona operatio, quā mala; cum bona sit conformis ipsi, mala contra ipsam. Quod verò naturæ est debitum ex vi sue creationis, & institutionis, licet ultra donum creationis sit, considerando præcisè actionem creandi, non est gratia; aliās enim etiam conseruatio, & gubernatio naturalis, & alimenta ad gratiam pertinerent vnde non est auxilium speciale, sed generale. Quo non obstante, etiam si Deus hoc auxilium negaret, non esset iniustus, aut ingratus; nam Deus non potest ita debere aliquid creaturis, vt licet neget, sit ingratus, aut iniustus; debitum enim naturale est sola exigētia naturalis alicuius rei, contra quam Deus potest facere, cum sit absolutus dominus, quin sit iniustus, & ingratus, sicut potest non conseruare res sine ingratitudine, & iniustitia, & tamen conseruatio ad gratiam non pertinet.

Ad 1. verò respondetur: loca illa Scripturæ intelligenda esse de auxilio, & concursu Dei generali, sine quo nequeunt fieri

ri etiam opera quæ virtute naturæ fiunt. Vel si intelligantur de auxilio gratiæ speciali, exponenda sunt de operibus bonis, quæ ad vitam æternam, & salutem animæ conducunt. Vtraq. expositio est D. Tho. Ioân. 15 lect. 1. vbi illud *Sine me nihil potestis facere*, his verbis explicat: *Opera enim nostra aut sunt virtute naturæ, aut ex gratia diuina. Si virtute naturæ, cum omnes motus naturæ sint ab ipso Verbo Dei, nulla natura ad aliquid faciendum moueri potest sine ipso. Si verò virtute gratiæ, cum ipse sit auctor gratiæ, quia gratia & veritas per Iesum Christum facta est, ut dicitur supra, manifestum est, quod nulli meritorii sine ipso fieri potest. Vide etiã S. Doct. in 2. d. 28. q. 1. a. 1. ad 1. & 2. & 3.*

Ad 2. respondetur: Concilia & Summi Pontificum testimonia eisdem duobus modis, quibus loca Scripturæ explicuimus, esse explicanda. Si dicas primam expositionem de auxilio, & concursu Dei generali Concilijs applicari non posse: nam, Pelagius, contra quem diffiniunt Concilia, non negabat auxilium generale Dei necessarium esse hominibus, sicut, & alijs creaturis ad operandum. Respondetur: Pelagium, licet non negauerit concursum generalem simultaneum, quo Deus, vt auctor naturæ influat nobiscum quando volumus operari actum ordinis naturalis, negasse tamen auxilium generale præuium præmouens, & prædeterminans, quo Deus vt operemur, operatur: quia existimauit destrui libertatem arbitrij, si homo nihil potest

ARTICVLVS II. 223

potest operari nisi præmouente, & præoperante Deo, ac voluntatem prædeterminante. Sicque dixit, hominem semel accepto libero arbitrio (in quo solo gratiam Dei, sine qua nihil boni possumus facere, dicebat, quia illud sine ullis suis meritis accepit natura nostra) sola lege, atque doctrina adiuari à Deo, & non egere alio adiutorio, seu auxilio præuio speciali, aut generali, vt colligitur ex D. Aug. lib. de Hæresibus Hæresi 88. & D. Hieronym. in Epist. ad Cthesiphontem. Et quamuis Concilia præcipuè agant de auxilio gratiæ speciali, de generali etiam quandoq. loquuntur, vt cum in Arausicano can. 22. dicitur: *Nemo habet de suo* (hoc est absque Dei auxilio etiam generali) *nisi mendacium, & peccatum*. Hoc autem auxilium generale aliquo modo potest dici per Christum, sine quo verbo Dei nulla natura moueri potest, quamuis à Concilijs, & Patribus præcipuè auxilium per Christum appelletur, quod est speciale gratiæ, de quo præsertim agunt. Vnde secunda expositio præcipua est, in Concilijs scilicet esse sermonem de auxilio speciali gratiæ, & de operibus, quæ ad vitam conducunt æternam, de quibus in Concil. Arausic. dicitur: *Si quis per naturæ vigorem aliquid, quod ad salutem pertinet vitæ æternæ cogitare aut eligere, &c.* Ad verba autem can. 12. eiusdem Concilij. ex quibus colligi videtur hominem sine speciali auxilio Dei, non posse facere, nisi peccatum, & mendacium, non vero ali-

X iv quod

quod opus bonum, responderetur: eodem modo posse inferri, non posse facere opus indifferens, nam hoc non est peccatum, & mendacium: Vnde sicut hæc illatio nulla est, ita, & illa: nam si dicas Concilium non fuisse loquutum de actibus indifferen-
tibus, cur dici non poterit, non fuisse quo-
que loquutum de actibus bonis moraliter
non conducentibus ad salutem, & vitam
æternam? Multipliciter ergo explicari so-
lent prædicta verba. Primo, ut sit sermo
de peccatis, quæ opponuntur actibus super-
naturalis ordinis, & qui ad salutem perti-
nent vitæ æternæ, & de his verum est, ne-
minem habere de suo nisi mendacium, &
peccatum: nam circa supernaturalia, &
ea quæ conducunt ad vitam æternam, ho-
mo sine auxilio speciali gratiæ nihil habet,
nisi deficere ab illis, & declinare in opposi-
tum. Secundo: Concilium accepisse
mendacium & peccatum improprie, &
latè pro quocumque actu defectuoso, &
insufficienti ad vitam æternam iuxta phra-
sim, & loquendi morem vetustis Patribus
usitatum. Qui (ut ait Sixtus Senen. lib. 6.
Bibliot. Annot. 40.) *universa opera, quæ
seclusa diuinæ gratiæ ope, fiebant, nondum bona
dicebant; sed frequentissime, & mala, & vi-
tia, & peccata, & tenebras appellabant, non
quod ea verè, & simpliciter mala, ac peccata
esse crederent; sed quia scirent ipsa, nec ad
acquirendam Christianam iustitiam prodesse,
neque ab comparandum æternæ felicitatis ho-
num proficere; & ob id ea in bonorum nume-*

rum referre non dignarentur. Vnde D. Aug. lib. 4. contra Iulianum cap. 3. ad finem ait: Scito nos illud bonum hominum dicere, illam bonam voluntatem, illud opus bonum, per quod solum homo potest ad aeternum Dei donum regnumque perducere. Et lib. de Gratia Christi cap. 26 ubi non est dilectio, nullum bonum opus imputatur, nec recte bonum opus vocatur, quia omne, quod non ex fide est, peccatum est, & fides per dilectionem operatur. Nec mirum sanctos sic fuisse loquutos, cum eodem modo loquatur Scriptura; etenim Ezech. 20. v. 15. dicitur: Dedi eis precepta non bona. Quod explicans D. Thom. supra q. 98. ar. 1. ad 1. ait: Dominus loquitur ibi de preceptis ceremonialibus, quae quidem dicuntur non bona, quia gratiam non conferebant, per quam homines à peccato munderentur. Tertiò: propositionem hanc: Nemo habet de suo (hoc est sine auxilio speciali gratiae) nisi mendacium & peccatum, scilicet propriè acceptum, ut vera sit, satis esse pro maiori parte neminè habere nisi mendacium, & peccatum de suo, nam quod præter peccatum habet; paruum est, & pro nihilo reputatur, simili enim modo Gen. 6. v. 12. dicitur: Omnis caro corruerat viam suam, & Psal. 13. v. 3. Non est qui faciat bonum, non est usque ad unum. Sed ut verum fatear mihi probabilius videtur, utraque expositione utendum esse ad explicanda verba can. 22. Concil. Arausici, ita ut sensus illorum sit: Nemo habet de suo (hoc est sine auxilio Dei etiam generali præmonente ac prædeterminante)

226 **QVAESTIO CIX.**

nisi mendacium & peccatum: si quis autem habet homo veritatem atque iustitiam: (scilicet conducentem ad vitam æternam idē hac enim loqui colligitur, quod verba illa sumpſisse videtur Concilium ex D. August. Tract. 5. in Ioan. in principio, ubi S. Pater expresse loquitur de ea veritate & iustitia qua Venire ad eius requiem, societatemque possumus) ab illo fonte est, quem debemus sive in hac eremo. Deo scilicet per auxilium speciale gratiæ.

Ad 3. respondetur eodem modo quo ad 2. sicut enim Conciliorum, & Pontificum diffinitionibus, ita & Patrum testimonijs utraq. expositio adducta accommodari potest.

Ad 4. respondetur: Auxilium divinum, quo homo in quocumque statu indiget ad bene agendum, si sit ad bene agendum, quod ad salutem vitæ æternæ conducit, esse speciale gratiæ auxilium; si vero solum sit ad aliquid bene moraliter agendum, non opus esse, ut sit speciale, sed sufficere ut sit generale præmonens, ac prædeterminans, quod, qua ratione à D. Thom. appellatur auxilium gratiæ, explicuimus notabili, 2, circa hunc articulum. In verbis autem adductis ex quæst. 24. de Verit. art. 14. expresse loquitur de bono ad salutem hominis ordinato.

Ad 5. respondetur: Ad primam quidem rationem distinguendo consequens: ad illā faciendā, ita ut conducant ad vitam æternam, concedo consequentiam: ad illā facien-

ARTICVLVS II. 217.

facienda absolute, etiam si ad vitam æternam non conducant, nego consequentiam: nam satis est, ad illa facienda necessarium esse auxilium generale naturale præmouens, ac prædeterminans voluntatem, sæpe enim in oratione petimus, quæ cum solo auxilio generali naturali haberi possunt, vt pluias, fructus terræ, & corporis sanitatem. Et quamuis effectus naturales, qui omnino necessarij sunt, vt ortus solis, descensus grauium, & ascensus leuium petendi in oratione non sint; contingentes tamen piè, prudenter, & vtiliter à Deo petuntur, etiam si in nostra sint potestate, qualia sunt bona opera moralia: nam huiusmodi bona opera non ita sunt in nostra potestate, vt ad illa sufficiat sola natura, sicut testibus Patribus Concilij Cartaginensis Epist. ad Innocentium, quæ apud Diu. August. est 90. asseriebant Pelagiani: *Ad operandam perficiendamque iustitiam, & Dei mandata complenda, solam sibi humanam sufficere posse naturam.* Vnde contra illos recte arguebant: *Si enim possibilitate natura, & arbitrio voluntatis in potestate sunt constituta, quare non ea videat à Domino inaniter peti; & fallaciter orari;* &c. Nullus namq. orat pro eo, ad quod ipse sine alterius auxilio sufficit. Ad opus autem bonum moraliter faciendum, licet concurrat nostra voluntas, & natura: non tamen sola ipsa sufficit, sed requiritur etiam auxilium Dei generale præmouens, ac prædeterminans voluntatem; sicut, & ad opus bonum quod con-

K v i ducit

concurrentem : si vero fuerit bonum morale omnino ordinis naturalis, referendum est in Deum auctorem naturę auxilio suo pręuio voluntatem prędeterminante generali ad illud concurrentem, & facientem, vt faciamus : ita in omnibus sunt Deo gratię agendę, quia omnia opera nostra in nobis, atque nobiscum, vt operemur, operatur auxilio suo, vel speciali gratię, vel generali voluntatem prędeterminante. Ad tertiam rationem patet ex dictis in quarta ratione pro nostra conclusione. Ad quartam rationem respondetur : Vt opus aliquod sit moraliter bonum, non requiri actualem relationem ad vltimum finem, sed sufficere virtualem in Deum finem vltimum naturalem, quam habet natura sua eo ipso, ac bonus actus est & in finem bonum, particularem ordinatur, & nulla apponitur ei circumstantia mala.

Dubium 2. An in aliquo statu possit homo sine auxilio speciali gratię omne opus bonum morale operari.

Varię sunt de hac re Doctorum sententię. Prima est Greg. locis citatis dubio pręcedenti, & recentiorum quorundā, hominem etiam in statu naturę integrę nō posse operari bona opera moraliter sine auxilio speciali gratię. Probant 1. ex D. Aug. lib. de Correp. & Gratia cap. 11, sibi

sibi sic habet : *Istam gratiam non habuit hominiprimus, quam nunquam vellet esse malus : sed sanè habuit, in qua, si permanere vellet, nunquam malus esset, & sine qua etiam cum libero arbitrio bonus esse non posset, sed eam tamen per liberum arbitrium deserere posset. .* Nec ipsum ergo Deus esse voluit sine sua gratia, quā reliquit in eius libero arbitrio : quoniā liberum arbitrium ad malum sufficit, ad bonum autem parum (alibi nihil) est, nisi adiungitur ab omnipotenti bono : Et lib. 14. de Ciuit. Dei c. 27. inquit : *Bene vivere sine adiutorio Dei, etiam in paradiso, non erat in potestate, erat autem in potestate male vivere. At si homo in natura integra, quam habuit in paradiso, posset omne opus bonum morale operari sine speciali gratiæ auxilio, in eius potestate esset bene vivere sine Dei adiutorio, nam per hoc, diuinæ gratiæ auxilium, ac beneficium ibi intelligit D. Aug. posset etiam sine gratia bonus esse, & eius liberū arbitrium ad bonum non parum, aut nihil esset, sed multum etiam si non adiuuaretur à Deo ; ergo &c.*

Secundò, ex D. Thom. hic in principio & in fine corporis articuli dicente, hominem etiam in natura integra indigere diuina motione, & auxilio ad faciendum vel volendum, quodcumque bonum ; & bene agendum, & idem docet ad 1. & ar. 3. his verbis : *Homo in statu natura integra poterat operari virtute sue nature bonum, quod est sibi connaturalis absque superadditione gratuiti doni, licet non absque auxilio Dei moventis.*

Ter-

ARTICVLVS II. 231

Tertiò ratione : vt aliquod opus sit bonum , debet habere ordinem ad Deum , vt ad vltimum finem : sed istum ordinem nõ potest habere sine auxilio gratiæ, quod sicut à Deo procedit, ita etiã ordinat operationem ad Deum, ergo &c. Confirmant argumentis adductis dubio præcedente pro parte negante, quæ eandem vim habent in natura integra, atque in natura lapsa.

secunda sententia est Durandi in 2. dist. 28. quæst. 3. num. 10. & aliorum, hominem etiam in natura lapsa posse omne opus bonum morale efficere sine speciali gratiæ auxilio. Probant 1. ex illo ad Rom. 2. v 14. *Gentes, quæ legem non habent, naturaliter ea, quæ legis sunt, faciunt.* vbi de omnibus quæ legis sunt videtur esse sermonem, & illud *naturaliter* indicat naturæ viribus absque gratiæ auxilio speciali fieri.

Secundò, homo in natura lapsa potest aliqua ex his operibus bonis efficere, ergo & omnia, sicut enim aliqua, ita & omnia sunt proportionata virtuti naturali hominis, cum sint eiusdem ordinis, & rationis cum illa. Confirmatur homo operando aliqua non redditur impotentior ad cætera, sed potius fit potentior, vires enim spirituales exercitio non debilitantur sicut corporales, sed potius confortantur, & perficiuntur, ergo quibusdam operibus bonis moraliter factis homo poterit erit ad alia faciendæ, & his factis ad alia, & sic poterit omnia facere propriis viribus.

Ter-

Tertio, si homo non posset omnia opera bona moralia facere, non peccaret omnia, quæ sunt in præcepto, non faciendo, nemo enim peccat non faciendo, quod nequit facere, alias ad impossibile teneretur: sed hoc est falsum, nam sic præcepta de operibus bonis moralibus hominem lapsu non obligarent; ergo &c. Si dicas, ut homo peccet, satis esse, ut possit singula, etiã si omnia collectiue non possit. Contra: nam à singulis ad omnia valet consequentia argumento inductionis, præsertim cum singula possit homo, prout hic & nunc occurrunt cum omnibus circumstantiis, quarum una est, si occurrat præceptum quando aliud vel alia implenda sunt.

Tertia sententia est, quam tenent quidã ex discipulis D. Thom. hominem, licet in natura lapsa non possit omnia bona moralia propriis viribus, & sine auxilio speciali gratiæ efficere; posse tamen omnia efficere, si conditus esset in puris naturalibus. Probant, 1. ex D. August. lib. de Correp. & gratia cap. 11. ubi sic habet: *Si hoc adiutorium vel Angelo, vel homini, quam primum facti sunt, defuisset, quoniam non talis natura facta erat, ut sine diuino adiutorio posset manere si vellet, non utique sua culpa cecidissent.* Ergo si in puris naturalibus esset conditus homo, cum ei defuisset adiutorium gratiæ talis naturæ deberet esse, ut ex eius viribus posset in bono manere si vellet, & omnem bonum morale efficere, alias non culpa sua caderet, & a bono deficeret.

Secundo, quia alias homo in puris naturalibus necessario deberet esse miser, & non posset consequi beatitudinem naturalem, non enim posset viuere in omnibus secundum rectam rationem, nec velle omne bonum naturale, nec sine peccato esse: sed hoc est falsum, nam sic deterioris conditionis esset homo, quam omnes alię creaturę, cum hæ per virtutem naturalem possint consequi suum naturalem finem, ergo &c.

Tertio, homo in puris naturalibus conditus, naturaliter inclinaretur ad omne bonum naturale, & ad viuendum secundum rectam rationem naturalem, ad hocque iure naturali teneretur, ergo ad id haberet virtutem, & potentiam naturalem, alias enim Deus auctor nature deficeret in necessariis, & obligaret ad impossibile. Confirmatur argumentis factis pro 2. sententia, plus enim pro hac tertia militat, quia in puris naturalibus non esset homo infirmus, sicut est in natura lapsa per peccatum.

Dicendum tamen est, I. Hominem in statu nature integre posse omne bonum morale operari sine auxilio speciali gratię. Probatur 1. ex D. Augusti. libr. 3. Hypognosticon in principio vbi ait: *Namque non posse per se sibi, id est per liberam arbitrium sufficere implere quod velit. Recte dicimus, nisi Protoplastum solum potuisse, cum voluntas liberi arbitrii fuisset sana eadem ante culpam.*

Secundo, ex D. Thom. hic dicente:

In statu nature integra, quantum ad sufficientiam operatiue virtutis, poterat homo per sua naturalia velle, & operari bonum sua natura proportionatum. Loquitur autem de toto huiusmodi bono, vt patet ex sequentibus. Ad id verò quod per suam naturalem virtutem potest homo operari, licet indigeat auxilio Dei generali; non tamen indiget auxilio speciali gratiæ, vt diximus dubio præcedenti; & præterea nam etiam bonum superexcedens potest homo operari sine habitu gratiæ, cum solo auxilio speciali actuali, vt patet ex dictis 1. p. quæst. 12. art. 5. dubio primo; ergo &c.

Tertio, omnia opera moraliter bona sunt proportionata virtuti naturali hominis in natura integra; ergo sine auxilio speciali gratiæ per virtutem suæ naturæ poterat omnia illa facere, alias enim non essent virtuti eius naturali proportionata, sed excedentia.

¶ Dicendum est 2. Hominem in natura lapsa non posse omne bonum morale collectivè operari sine auxilio speciali gratiæ. Docet hoc D. Thom. hic dicens: Sed in statu nature corrupta etiam deficit homo ad hoc quod secundum suam naturam potest, vt non possit totum huiusmodi bonum implere per sua naturalia. Potest quidem etiam in statu nature corruptæ per virtutem suæ naturæ aliquod bonum particulare agere &c. non tamen totum bonum sibi connaturale, ita quod in nullo deficiat: sicut homo infirmus &c. Quæ doctrina videtur etiam esse Cœcilij Millevitani can.

ARTICVLVS II. 235

2. & seq. vbi dicitur, nos indigere adiutorio gratiæ per Christum ad non peccandum, contra id quod de Pelagianis referunt Diu. Aug. & cæteri Patres Concilij Millenitani Epist. 92. apud D. August. *Isti dicunt posse hominem in hac vita præceptis Dei cognitis ad tantam perfectionem iustitiæ, sine adiutorio gratiæ Saluatoris, per solum liberum voluntatis arbitrium peruenire, ut ei non sit iam necessarium dicere. Dimitte nobis debita nostra.* Quibus respondens Innocentius Papa Epist. 93. apud eundem D. August. & de Pelagianorum doctrina loquens ait. *Oprauissima mentium peruersa doctrina.* Contra hanc etiam doctrinam iidem Patres Concilij Millenit. Epist. 95. apud D. August. argumentantur, & concludunt: *Vnde satis apparet, quod ad non peccandum, id est ad non male faciendum, quamuis esse non dubitetur arbitrium voluntatis, tamen eius potestas non sufficiet, nisi adiuetur infirmitas.* Cum autem constet eum qui peccat, non operari omne bonum morale, præsertim qui inuincibiliter nihil audiuit de Euangelio, si ad non peccandum indiget homo adiutorio gratiæ per Christum, etiam & ad omne bonum morale faciendum. vnde oppositum nostræ conclusionis damnatum fuisse prædictis multi asserunt.

Secundò probatur ex D. Aug. lib. de Peccat. merit. & remis. c. 5. vbi sic habet: *Iusta agere, vel iustitiæ præceptum omni ex parte implere non possumus, nisi adiuemur à Deo.* Et cap. 6. inquit: *Si à me queratur, verum homo*

*homo sine peccato possit esse in hac vita, conste-
ber posse per Dei gratiam & liberum eius arbi-
trium.*

Tertiò probatur ratione sumpta ex Diu^o Thom. Homo in natura lapsa habet infirmam, debilemque naturam, estque in eo quædam pugna perpetua carnis cōtra spiritum; ergo licet ex facultate naturæ possit vnum, aut alterum bonum morale efficere, non tamen poterit omne sine auxilio gratiæ speciali, sicut infirmus, licet per se ipsum possit aliquem motum habere, non tamen omnem. Confirmatur: nemo potest ex viribus naturæ sine auxilio gratiæ cognoscere omnes veritates naturales practicas, aut speculativas collectiue, vt dictū est art. 1, ergo nec velle, & facere omne bonum morale collectiue, voluntas enim magis infirma mansit per peccatum circa bonum, quam intellectus circa verum.

Dicendum est 3. Hominem, si conditus esset in puris naturalibus, non posse omne bonum morale collectiue operari per sua naturalia. Probat 1. homo in puris naturalibus, & in natura lapsa solum differunt, sicut nudus, & nudatus, vt dictum est notabili 1. circa hunc articulum: sed homo in natura lapsa non potest velle, & facere omne bonum morale, vt dictum est con. præced. ergo nec posset, si in puris naturalibus fuisset conditus.

Secundò post peccatum naturalia manserunt integra: sed homo in natura lapsa non habet istam integritatem, vt possit ex

viribus naturę velle, & facere omne bonū morale; ergo neque illam haberet in puris naturalibus.

Tertiō, homo in natura lapsa non potest omne bonum morale velle, & facere propriis viribus, quia corpus, quod corrumpitur, aggrauat animam, ne velit, & operetur bonum rationis, & caro concupiscit aduersus spiritum, & est pugna inter vtrumque. *Et quia per operationem sensus homo peruenit ad actus rationis, ideo plures sequuntur inclinationes naturę sensitiuę, quam ordinem rationis.* Vt docet D. Tho. supra q. 71 ar. 2 ad 3. Sed idem esset in homine condito in puris naturalibus; ergo, &c.

Quartō, si in puris naturalibus homo haberet naturalem virtutem, aut donum aliquod naturale debitum suę naturę, vt vellet, & faceret omne bonum morale, cum talem virtutem, aut donum non habeat in natura lapsa, hæc monstruosa, manca, & imperfecta esset: sed hoc est falsum; ergo, &c.

Ad hæc respondent Auctores tertię sententię: naturę humanę productę in puris naturalibus deberi virtutem, & donum quoddam naturale, quo posset velle, & facere omne bonum naturale morale, quod donum non esset simpliciter naturale, sed pro illo statuto tantum, & ad Deum auctorem naturę, & ad eius prouidentiam pertineret concedere illud donum. Natura enim humana pro diuersis statibus potest habere diuersa naturalia: nam in puero nō

*rationatur, nec generat, bene tamen in
 adulto: & ita prædicta virtus, & donum
 potest esse naturale homini solum in puris
 naturalibus condito: sicque non sequitur
 hominem in natura lapsa esse mancum,
 & imperfectum, quamuis talem virtutem,
 & donum non habeat, quia non caret ali-
 quo naturali sibi debito absolutè, & sim-
 pliciter, sed pro tali statu, sicut in puero nõ
 est manca, & monstruosa natura humana.
 Quod verò dicitur, hominem in puris na-
 turalibus, & in natura lapsa differre, sicut
 nudum, & nudatum, intelligendum est,
 quantum ad illa, quæ sunt naturalia simpli-
 citer, & absolutè, nam quantum ad alia,
 sicut homo in natura lapsa habet maculam
 peccati, quam non haberet in puris natu-
 ralibus, ita in puris naturalibus posset ha-
 bere virtutem, & donum naturale, quo
 posset velle, & facere omne bonum mora-
 le, quod non habet in natura lapsa. Simi-
 liter post peccatum manserunt integra na-
 turalia, quæ sunt talia simpliciter, & abso-
 lutè; non verò quæ solum sunt naturalia
 pro tali statu, quale esset tale donum, per
 quod posset vincere pugnam, quæ esset in-
 ter carnem, & spiritum, & rebellionem
 appetitus ad rationem, sicque non sequi in-
 clinationes naturæ sensitiuæ.*

Sed quamuis hæc probabilem efficiant
 tertiam sententiam; nostra tamen conclu-
 sio probabilior, & communior est. Difficile
 enim est intelligere, donum illud esse na-
 turale pro illo statu, & non simpliciter, &
 ab-

absolutè: nam si esset naturale maximè, quia esset necessarium ad consequutionem beatitudinis naturalis: sed quod est naturale isto modo; simpliciter est naturale, sicut & ipse finis, media namque necessaria ad consequutionem finis, eodem modo debent esse naturalia; quo finis ipse; ergo, &c. Præterea opposita sententia videtur confundere statum naturæ integræ, & in puris naturalibus; ergo, &c.

Ad argumenta autem primæ sententiæ respondetur. Ad 1. D. August. loqui de bonitate supernaturali, vel quæ conducit ad vitam æternam, vel si loquitur de bonitate omnino naturali, hanc ait, non habuisse primum hominem sine gratia, quia vigorem, & integritatem naturæ ad omne bonum operandum habebat ex coniunctione ad iusticiam originalem, & gratiam, vt diximus in principio articuli notabili primo. Vel denique nomine adiutorij à bono omnipotenti, immo & nomine gratiæ, intelligit auxilium generale, quod gratis conceditur, & non est debitus ab ipso Deo.

Ad 2. respondetur: Diuum Thomam loqui de auxilio generali, quod necessarium est quamuis sit integra natura, semper enim indiget diuina motione, vt operetur.

Ad 3. & eius confirmationem responsum est dubio præced.

Ad argumenta secundæ sententiæ respondetur. Ad 1. patet solutio ex dictis dubio præ.

præced. ubi locum illum exposuimus dupliciter. Non tamen licet vna expositione uti ad vnam eius partem explicandam, & alia ad alteram; sic enim ex diuersis expositionibus multa inconuenientia colligerentur.

Ad 2. respondetur negando consequentiam. Ad probationem dico: vnde omnia bona moralia naturalis ordinis sunt proportionata virtuti naturali hominis, sicut esse, ut homo posset velle, & facere omne bonum morale seorsum, & diuisione; & non requiri, ut possit omne collectivè: sicut ut obiectum proportionatum diuinæ omnipotentiae sit omne factibile, non requiritur, ut possit facere omne factibile collectivè, ita ut nihil aliud, præter ea quæ fecerit, possit facere, sed satis est, ut quodlibet factibile possit facere seorsum, & diuisione. Vel dic, omne bonum morale esse proportionatum homini quantum ad inclinationem, non tamen quantum ad executionem, sed excedere eius virtutem naturalem, ob naturalem infirmitatem ipsius hominis, & impedimenta, & causas inducentes ad operationem contrariam: sicut animæ separatae bonum proportionatum est, quantum ad inclinationem, reuniti corpori, quia ad hoc habet naturalem inclinationem; non tamen quantum ad assecutionem, quia virtute naturali nequit fieri talis reunio. Ad confirmationem dico: licet verum sit vsus operationis quandam promptitudinem acquiri, aut habitum, aut

aut dispositionem iuuantem ad facilitatem operationis; tamen ex alia parte multitudinem occasionum, suasionum, motiuorum, & pugnam carnis cum spiritu multo efficaciora esse; vt homo in bonis actionibus non persistat, & qui potest vni motiuo resistere, à pluribus persuadetur; & prosternitur. Et quamuis voluntas ipsa, & ratio non sint fatigabiles; organa tamen exteriora sensuum lassantur, deficiunt ipsa assuetudine operationum studiosarum, & quæ delectationem, & vtilitatem habent sæpè futuram, non præsentem, sicut vitiosæ operationes.

Ad 3. respondetur: optimam esse solutionem in eo positam. Ad impugnationem dico: consequentiam illam non valere, sicut nec valet: possumus singula peccata venialia vitare; ergo omnia. Item, non valet: possumus discere Grammaticam, Rhetoricam, & alias scientias, & artes; ergo omnes simul: nam vt ait D. Hiero. lib. i. Dialogorum aduersus Pelagianos nomine Attici: *Quis nostrum, quamuis sit ingeniosus, poterit omnia comprehendere cum eloquentissimus orator de Rhetorica, & iuris scientia disputans dixerit. Pauci unum possunt, utrumque nemo.* Vel dic: vt peccemus non faciendo omnia, quæ sunt in præcepto, satis esse, vt illa possimus efficere cum auxilio speciali gratiæ, quod semper paratum est: nam, vt ait D. Thom. hic art. 4. ad 2. *Quod possumus cum auxilio diuino, non est nobis omnino impossibile secundum illud Philosophi in 3 Ethic.*

*Qua per amicos possumus, aliququaliter nos p ossu-
mus .*

Ad argumenta tertiæ sententiæ respon-
detur . Ad 1. vt homini in puris naturali-
bus condito ad culpam imputetur, non
permanere in bono, satis esse, vt si vellet,
posset vitare singula peccata, & adimplere
singula præcepta, & facere singula bona
opera, & non requiri, vt posset omnia si-
mul, & per totam vitam, vel collectiuè.
D. August. verò loquitur de permanentia
in bono supernaturali, ad quam inquit, si
Angelo, vel homini defuisset auxilium suf-
ficiens, vt singula peccata cauerent, non
sua culpa cecidissent .

Ad 2. respondetur : hominem in puris
naturalibus, licet per virtutem naturalem,
non posset consequi finem suum natura-
lem perfectè, & completè ob eminentiam,
& celsitudinem tales finis ; posse tamen
consequi aliqualem beatitudinem natua-
lem imperfectam, & imperfecto modo :
vnde non esset deterioris conditionis, &
miserior omnibus creaturis, quia melius
est consequi istam aliqualem beatitudi-
nem, quam alias creaturas consequi per-
fectè suum finem naturalem, lapidem ver-
bi gratia esse in centro, sicut & melius est
habere aliqualem cognitionem de Deo,
quam perfectam scientiam de rebus infe-
rioribus .

Ad 3. respondetur : etiam hominem
naturaliter inclinari ad omne scibile natu-
rale cognoscendum ; & tamen non posse
om

ARTICVLVS II. 243

omne scibile collectiue cognoscere, sed diuisiue; ita ergo ex hoc quod homo inclinatur naturaliter ad omne bonum morale, solum sequitur posse facere quodlibet bonum morale diuisiue, non tamen collectiue. Vel dic: Auctorem naturæ dedisse inclinationem naturalem homini ad tam eleuatum bonum, ut non possit illud consequi virtute naturali: sicut anima separata habet naturalem inclinationem ad reunionem, quam nequit consequi naturali virtute. Ad confirmationem respondetur: argumentis illis iam esse satisfactum. Et quamuis infirmitas in homine lapso habeat rationem vulneris, poenæ, & priuationis, quam non haberet in puris naturalibus; eadem tamen est infirmitas, & debilitas ad operandum bonum in utroque statu.

ARTICVLVS III.

*Vtrum homo possit diligere Deum
super omnia ex solis naturalibus sine gratia.*

Prima conclusio: Homo in statu naturæ integræ nõ indigebat dono gratiæ superaddita naturalibus bonis ad diligendum Deum naturaliter super omnia, licet indigeret auxilio Dei ad hoc eum mouentis.

Secunda conclusio: In statu naturæ corru-

pta indiget homo, etiam ad hoc, auxilio gratiæ naturæ sanantis.

Dubium. An hæ conclusiones veræ sint.

Primo arguitur contra primam: *Ho-*
mo in natura integra non poterat ex
solis naturalibus diligere Deum, vt aucto-
rem, & finem supernaturalem; ergo neque
vt auctorem, & finem naturalem. Pro-
batur consequentia: Tum quia à parte rei
in Deo, vt est in se, non sunt distincta, sed
vnum, & idem, esse auctorem, & finem
naturalem, & supernaturalem. Tum etiam
quia si aliqua est inter hæc distinctio, Deus
vt auctor, & finis naturalis minorem ra-
tionem boni concipitur habere, quam vt
auctor, & finis supernaturalis; ergo si hoc
modo propositus non potest diligere sine au-
xilio gratiæ, nèque diligere poterit illo mo-
do propositus, quod enim maiorem ratio-
nem boni habet, magis est diligibile, ma-
gisq. mouere potest voluntatem. Confir-
matur: dilectio Dei super omnia etiam
naturalis excludit peccatum mortale, &
vt ait D. Thom. Quodlib. 1. art. 8. ad 2. est
summa præparatio ad gratiam habendam,
ergo non potest haberi ex viribus naturæ
etiam integræ.

Secundo arguitur contra secundam:
D. Thom. 1. p. q. 60. ar. 5. in corp. & ad 5. do-
cet, tam Angelum, quam hominem pec-
can-

cantem naturaliter diligere magis Deum, in quantum est bonum commune; quam se ipsum. Et in 2. dist. 33. q. 2. art. 2. ad 5. ait de pueris nō baptizatis in Lyrabo existentibus, gaudere naturali cognitione, & dilectione scilicet Dei. Et hic ideō asserit, hominem in natura integra posse naturaliter diligere Deum super omnia, quia hoc est illi connaturale; ergo cum etiam sit hoc connaturale homini in natura lapsa, nunc quoque poterit naturaliter Deum super omnia diligere. Confirmatur 1. homo lapsus viribus naturæ potest diligere falsos deos, patriam, & filios plusquam se ipsum, cum varijs exemplis constet; multos pro illis morti se obieciſſe; ergo multo magis poterit Deum, quem naturali lumine cognoscit esse magis diligendum, quam alia super omnia diligere. Confirmatur 2. homo si esset conditus in puris naturalibus, posset ex viribus naturæ Deum super omnia diligere; ergo & nunc in natura lapsa. Consequentia patet, nam, ut dictum est, homo in puris naturalibus, & in natura lapsa eandem virtutem operandi habent, & solum distinguuntur, sicut nudus, & nudatus. Antecedens probatur: tum ex D. Thom. hic in arg. *Sed contra*, & Quodlib. 1. art. 8. asserente secundum quosdam, hominem fuisse constitutum in solis naturalibus, Deumque super omnia dilexisse. Tum etiam, quia alias necessario futurus esset miser, ad beatitudinem enim naturalem dilectio Dei super omnia requiritur. Tum

denique, quia tunc (& idem est modo) naturali iure teneretur diligere Deum, ut auctorem, & finem naturalem super omnia; ergo posset sic illum diligere, alias ad impossibile teneretur; non enim esset hoc possibile ex gratiæ auxilio, sicut nunc.

Dicendum tamen est: utramque conclusionem D. Thom. veram esse. Pro cuius explicatione aduertendum est: duplicem esse dilectionem Dei super omnia, naturalem scilicet, qua diligitur Deus, ut auctor naturæ, & finis ultimus naturalis, & supernaturalis, qua diligitur Deus, ut auctor gratiæ, & finis ultimus supernaturalis. Colligitur hæc distinctio ex Diu. Thom. hic ad 1. Eamque approbant Pius Quintus, & Gregor. XIII. in Bulla contra Baium, dum inter alias eius propositiones hanc damnant, quæ est 34. *Distinctio illa duplicis amoris, naturalis, ut quo Deus amatur, ut auctor naturæ; & gratuiti, quo Deus amatur, ut beatificator, vana est, & commentitia, & ad illudendum sacris litteris, & pluribus veterum testimonijs excogitata.* Licet enim demus propositionem hanc solum esse damnatam ratione censuræ, quod unde constat? huius damnatio, prædictæ distinctionis approbatio est: nam si non est vana, & commentitia; ergo vera est, & fundamentum habet, & doctrinæ Patrum non aduersatur. Dilectio naturalis duplex etiam est: altera imperfecta, quam aliqui inefficacem, alii obiectiuam vocant, quæ est actus quidam inefficax, quo aliququaliter pro-

ponit

ponit homo placere Deo in omnibus, non tamen apponit efficacia media, nec curat amouere impedimenta peccatorum: altera perfecta, & inefficax, qua homo se, & omnia sua refert in Deum finem naturalem, illumque super omnia appetitiuè diligit. Quæ dilectio naturalis perfecta, & efficax adhuc est duplex: altera quæ parum durat, & simplicem actum voluntatis dicit, quo homo se, & omnia sua refert in Deum cum proposito absoluto, & efficaci placendi Deo in omnibus, & nihil admittendi voluntati eius contrariam, quod est Deum super omnia appetitiuè diligere, hæcque dilectio actualis, & affectiua vocatur: altera quæ diu, & longo tempore durat, quæ non dicit tantum singularem actum, sed vniuersalem obseruantiam mandatorum naturalium, consistitque in executione prædicti propositi, ac propterea effectiua, & habitualis appellatur.

Prima ergo conclusio D. Thom. non est intelligenda de dilectione Dei super omnia supernaturali (nam hanc neque in natura integra poterat homo habere ex solis naturalibus sine gratia, & charitate, vt hic ad 1. docet idem D. Tho.) Sed de dilectione naturali, non solum inefficaci, & imperfecta, verum etiam efficaci, & perfecta, & non solum de actuali, & affectiua, & per breue tempus durante, sed etiam de habituali, & effectiua, ac per multum tempus permanente. In statu enim naturæ integræ ex viribus naturæ poterat homo velle,

& operari omne bonum morale naturale,
& seruare omnia praecepta naturalia, & vi-
tare omnia peccata mortalia contra legē
naturae, vt ex dictis artic. praecedenti,
& ex dicendis artic. sequentibus consta-
bit.

Secunda conclusio, Si de dilectione na-
turali perfecta, & efficaci effectiua, & ha-
bituali, diuque, ac per multum tempus du-
rante intelligatur (de qua solam intelligen-
dam esse quidam asserunt) certissima est,
cum ex dictis art. praecedente, & ex dicen-
dis articulis sequentibus constet, hominem
in natura lapsa non posse omne bonum
morale operari, omnia praecepta naturalia
seruare, & omnia peccata contra legem
naturae vitare absque auxilio gratiae. Si ve-
ro intelligatur de dilectione naturali per-
fecta actuali, & affectiua, quae simplicem
actum voluntatis dicit, quo homo se, &
omnia sua refert in Deum, illumque super
omnia appretiatiue diligit, difficultate non
caret secunda conclusio. Quidam dicunt
talem dilectionem haberi posse ab homi-
ne lapsa ex viribus naturae absque auxilio
gratiae. Sed communis discipulorum D.
Th. sententia id negat.

Probatur 1. ex Concil. Arausico. 2. can. 25.
vbi dicitur: *Quod per peccatum primi hominis
ita inclinatum, & attenuatum fuerit liberum
arbitrium, ut nullus postea, aut diligere Deum,
sicut oportuit, &c. possit, nisi gratia eum, & mi-
sericordia diuina praeuenierit.* Vbi licet sermo
sit de dilectione charitatis; tamen illa no-
mi-

ARTICVLVS III. 249

mina inclinatum, & attenuatum, indicant etiam loqui Concilium de dilectione Dei naturali, quam ex viribus naturalibus liberi arbitrij poterat habere homo in natura integra, & in natura lapsa nequit habere ob infirmitatem, & imbecillitatem liberi arbitrij. Confirmatur ex D. August. Epist. 107. vbi ita scribit: *Liberum arbitrium ad diligendum Deum primi peccati granditate perdidimus.* Ac si diceret, robur naturale liberi arbitrij, quod homo habebat ad Deum naturaliter diligendum in natura integra, deperditum est per primi parentis peccatum, sicque nisi per gratiam sanetur, hoc præstare non potest in natura lapsa.

Secundò probatur: dilectio Dei super omnia perfecta, & efficax licet simplex voluntatis actus sit, est tamen actus omnium præstantissimus: natura autem infirma, licet possit aliquod opus efficere, non tamen præstantissimam operationem, quam natura sana, & integra poterat exercere. Includit etiam virtualiter talis actus obseruantiam omnium mandatorum naturalium, tanquam sufficiens causa illius, ad quod non requiritur, vt perseueret eo tempore, & in illis occasionibus, in quibus operis executio præstanda est, alias enim, nec actus dilectionis supernaturalis virtualiter contineret obseruantiam omnium mandatorum, cuius oppositum colligitur ex illo Ioan. 14. v. 23. *Si quis diligit me sermonem meum seruabit.* Et ex D. Basilio lib. de institutione, vel regulis monachorum capit. 2.

dicente: *Mandatum istud* (scilicet dilectionis Dei) *unum quidem videtur, sed omnium mandatorum in se virtutem complectitur*. Sicque haberi nequit sine auxilio gratiæ, sine quo non possunt omnia præcepta naturalia seruari, & omnia bona opera moralia fieri. Denique cum tali actu Deus super omnia appretiatiuè diligatur, nequit esse in peccatore existente in peccato mortali, nam hic plus appretiatiuè diligit creaturam, quam Deum, quem non omnibus aliis præfert, cum perseveret in eo, quod Dei amicitia est contrarium.

Tertiò probatur: Si homo in natura lapsa, & in peccato mortali existens posset naturali dilectione perfecta, & efficaci, actuali, & affectiua diligere Deum super omnia absque auxilio gratiæ, sequeretur, simul esse posse auersum à Deo fine naturali, & conuersum in Deum finem naturalem: sed hoc est falsum; ergo, &c. Sequela probatur: nam per peccatum mortale homo auersus est à Deo fine naturali præsertim si peccatum sit directè contra legem naturæ, & directè Deum finem naturalem offendat: immò etiam si peccatum sit contra supernaturalia, nam saltem indirectè auertit à Deo fine naturali, ut diximus supra q. 71. art. 1. per dilectionem autem Dei super omnia prædictam in Deum finem naturalem conuertitur; ergo simul esset auersus à Deo fine naturali, & conuersus in illum. Si dicas nullam esse consequentiam, nam per actum dilectionis Dei
super

ARTICVLVS III. 251

super omnia tollitur auersio à Deo fine naturali, non tamen peccatum mortale, nam hoc etiam auertit à Deo fine supernaturali, & non tollitur, nisi auferatur talis auersio, quod non fit nisi per gratiam, & charitatem supernaturalem. Non est autem inconueniens eundem hominem esse simul auersum à Deo fine supernaturali, & conuersum in illum, vt finem naturalem, habereque simul duos vltimos fines diuersi ordinis, vt diximus sup. qu. 1. art. 5. Contra hoc est: tum quia vt ait D. Thom. hic art. 7. *Humana natura defluens per actum peccati, quia non manet integra, sed corrumpitur, non potest per se ipsam reparari, neq. etiam ad bonum sibi connaturale.* Si per dilectionem autem Dei prædictam habitam ex viribus naturæ tolleretur auersio à Deo fine naturali, per se ipsam reparari posset ad bonum sibi connaturale. Tum etiam, nā in peccatis quæ directè sunt contra legem naturæ, auersio a Deo fine naturali est essentialis, & intrinseca peccato habituali; ergo ablata manere non potest peccatum habituale.

Hinc colligitur, hanc naturalem Dei dilectionem non posse haberi in natura lapsa cum solo auxilio speciali Dei absq. gratia, & charitate: sine hac enim nequit auferri peccatum. Vnde licet ex parte principii sufficiat auxilium speciale (non quidem ordinis naturalis, sed ordinis supernaturalis, quia peccator non potest diligere Deum, vt finem naturalem, quin diligat

ut finem supernaturalem, alias enim plus diligeret creaturam, quam Deum finem supernaturalem, quod esse nequit. cum dilectione Dei finis naturalis super omnia, nam non esset super creaturam illam, quā plusquam Deum finem supernaturalem diligeret) tamen ex parte termini requiritur gratia habitualis, quia talis actus est dispositio ultima ad illam, sicque simul, & in eodem instanti debet. cum illa esse gratia habitualis: propter quod in 2. conclusione asserit. *Diu. Thom.* in statu naturæ corruptæ indigere hominem, ad hoc, auxilio gratiæ naturam sanantis, quæ gratia habitualis, & iustificans est. Natura autem per hanc gratiam sanata, possibile est, hominē iustum habere actum dilectionis Dei finis naturalis super omnia procedentem ex viribus liberi arbitrii: quia in homine iusto non est impedimentum peccati; & quamvis habeat gratiam, & charitatem, potest non uti illis, & ex proprijs viribus elicere actum dilectionis Dei finis naturalis super omnia, sicut etiam licet habeat temperantiam infusam, potest non uti illa, & ex proprijs viribus elicere actum temperantiæ acquisite.

Ad argumenta autem facta in principio respondetur. Ad 1. negando consequentiā. Ad 1. probationē dico, licet illa duo non sint in Deo à parte rei actu, & formaliter distincta, esse tamen distincta virtualiter, hocq. sufficere, ut distincti actus ferantur in illa, sicut & in Deum, ut verum, & ut bonum. Ad 2. pro-

2. probationem dico, Deum, vt auctorem,
 & finem supernaturalem habere maiorem
 rationem boni, improporionati tamen,
 & excedentis virtutem naturalem volun-
 tatis, sicque esse magis diligibilem, sicut, &
 cognoscibilem secundum se, non verò no-
 bis propter excellentiam obiecti superna-
 turalis. Vndelicet homo possit Deū propo-
 sitū per fidem obiectū supernaturale ex vi-
 rib. naturæ amare sub ratione aliqua natu-
 rali, ita vt solum materialiter attingat ob-
 iectum supernaturale: non tamen sub ra-
 tione supernaturali. Ad confirmationem
 respondetur: dilectionem Dei super om-
 nia pure naturalem esse incompatibilem,
 cum peccato mortali; non tamen suffice-
 re ad illud tollendum ab homine per illud
 aucto a Deo fine supernaturali, nec ef-
 se ultimam dispositionem ad gratiam;
 sicque posse haberi ex viribus naturæ
 integræ: non tamen lapsæ per peccatum.
 Vnde homo lapsus, & in peccato mortali
 existens nequit Deum diligere, vt finem
 naturalem, quin illum diligat, vt finem su-
 pernaturalem, vt diximus. Et de hac di-
 lectione ait D. Thom. Quædlib. 1 artic. 8. ad
 2. esse summam præparationem, aut vlti-
 mam dispositionem ad gratiam habendā:
 loquitur enim de naturali dilectione Dei
 super omnia *Quando in summo fuerit. Tunc*
autem est in summo, quando simul diligi-
tur Deus, vt finis naturalis, & supernatu-
ralis, sicut cognitio Dei naturalis est in sum-
mo, quando cognoscitur Deus, vt aucto-
 ra.

254 QVAESTIO CIX.

naturæ, & gratiæ: nam gratia perfecit naturam, & supernaturalis cognitio, vel dilectio, naturalem.

Ad 2. respondetur: Diu. Thom. ibi loqui de dilectione naturali sumpta pro naturali inclinatione, vnde p. p. quæst. 60. artic. 1. ad 3. ait, *Dilectio naturalis semper est recta, cum amor naturalis nihil aliud sit, quam inclinatio nature indita ab auctore nature.* Quam inclinationem appetitum innatum quidam esse dicunt, etiam in Angelo. Nos verò ibi appetitum elicitedum, & actum voluntatis esse diximus necessariū, aut quo ad exercitiū, vt quidam aiunt, aut quo ad specificationem, vt alij asserūt. Hic verò loquimur de dilectione Dei electiua, & libera, quam naturalem vocamus, quia est de obiecto naturali, Deo scilicet, vt auctore naturæ. E quamuis ex prima dilectione; quæ est veluti fundamentum secundæ, optimè colligatur, secundam habere potuisse in natura integra ex viribus naturæ, quia est maxime conformis naturali inclinationi, & alias natura habet suam virtutem integram, & non est impedita per peccatum. In natura verò lapsa, & per peccatum corrupta haberi nequit ex viribus naturæ, quia hæc habet virtutem debilem, & infirmam, & per peccatum manet impedita, & ita non potest talem dilectionem, quæ est actus omnium præstantissimus, habere, quamuis sit maxime conformis naturali inclinationi. Ad 1. confirmationem responde-

tur

ARTICVLVS III. 255

tur: eos qui pro suis hæresibus, aut dijs falsis, aut patria, aut filijs moriuntur, se ipsos querere, vt consequantur famam, vel gloriam, vel quid simile, sicque prædicta non diligere plusquam se ipsos, vt colligitur ex D. August. lib. de Patientia cap. 17. Sed admissio antecedente, nego consequentiam: nam dilectio Dei super omnia est incompatibilis cū peccato mortali; dilectio verò prædictorū, peccatū est, aut cum peccato mortali est cōpatibilis, & idem est de alijs actibus moraliter bonis; & ideo ad dilectionem Dei naturalem super omnia, gratia, qua auferatur peccatum, egemus; ad dilectionem verò prædictorum, & ad actus moraliter bonos non indigemus gratia, immo nec speciali auxilio, nisi forte aliquis actus moraliter bonus, ita difficilis sit, vt vires liberi arbitrii superet, quales esse videntur, mortem subire propter honestum finem, & iniurias dimittere, ac inimicos diligere, & orare pro illis, propter quod Auctor imperfecti hom. 13. in Mattheum dixit: *Qui pro inimico suo orat, gratiæ opus exequitur.* Castitatis etiam conseruatio vehementi urgente tentatione, & occasione, & continentia de qua Sap. 8. v. 21. dicitur. *Sciui quoniam aliter non possum esse continens, nisi Deus det.* Et alia huiusmodi. Ex quo patet, hominem in natura lapsū, nec etiam omne bonum morale diuinitus posse operari sine gratiæ auxilio, nam non potest prædictos actus efficere: vt te-

nea-

neatur tamen aliquando illos habere, sufficit vt possit cum gratiæ auxilio, quod semper paratum est. Ad 2. confirmationem respondetur, satis probabile esse, hominem in puris naturalibus constitutum posse ex viribus naturæ Deum auctorem, & finem naturalem super omnia diligere dilectione perfecta, & efficaci, si non effectiua, & habituali diuque, ac per multum tempus durante, saltem affectiua, quæ simplicem actum voluntatis dicit. Quod, & insinuat D. Thom. artic. seq. ad 3. dicens: *Præceptum de dilectione Dei non potest homo implere ex puris naturalibus, secundum quod ex charitate impletur.* Indicans alio modo impleri posse. Iuxta hanc sententiam concessio antecedente neganda est consequentia. Ad probationem asserendum est, licet verum sit, hominem in puris naturalibus, & in natura lapsa eandem virtutem operandi habere: in puris tamen naturalibus nullum peccatum, & auersionem à Deo haberet, ac proinde nullum impedimentum, vt se ad Deum auctorem naturæ conuerteret per actum dilectionis. At in natura lapsa, cum in peccato existat, & auersus sit à Deo sine naturali, & supernaturali, impeditus est homo, ne per actum dilectionis conuertatur in Deum, dum auersio ab illo non tollitur, quæ tamen sine gratia auferri non potest. Secundo respondetur negando antecedens. Ad 1. probationem dico, D. Thom. in illis locis sicut, & artic. seq.

ARTICVLVS III. 257

seq. ad 3. per sola, & pura naturalia ea intelligere, quæ non pertinent ad ordinem supernaturalem. Licet autem homo in parvis naturalibus constitutus non posset ex viribus propriæ naturæ cum solo auxilio generali Deum auctorem, & finem naturalem diligere super omnia, aut pro eo vitam exponere, aut alios actus similes valde difficiles habere; posset tamen cum auxilio speciali intra ordinem naturæ: & ad Dei prouidentiam in illo statu pertineret, præbere hominibus specialia quædam auxilia intra naturalem ordinem, quibus possent habere prædictos actus. Ad 2. probationem hinc patet hominem in illo statu non necessario futurum esse miserum; quia posset Deum super omnia diligere, & beatitudinem naturalem consequi, si non ex viribus propriæ naturæ, cum auxilio tamen speciali ordinis naturalis, quod non minus paratum esset tunc, quam modo auxilium gratiæ. Ad 3. probationem hinc etiam patet, tunc hominem, non obisgari ad impossibile, cum posset Deum, ut finem naturalem diligere, & omnia, ad quæ teneretur, implere cum auxilio speciali ad ordinem naturæ spectante. Si hinc inferas, hominem modo in natura lapsa cum eodem auxilio speciali ordinis naturæ posse Deum diligere sine auxilio gratiæ. Respondetur negando sequelam; quia homini in natura lapsa solum datur auxilium generale ordinis naturalis: non autem illa auxilia particularia naturalia, quæ darentur

tur homini in puris naturalibus, sed loco illorum dantur auxilia supernaturalia, quæ sunt præstantiora: nam cum Deus ordinaverit hominem in supernaturalem finem, etiam ad opera naturalia, quæ tamen ob imbecillitatem naturæ non potest efficere, decrevit dare auxilia supernaturalia. Si obijcias oppositum colligi ex D. Aug. Epist. 130 ubi ait, Polemonem non solum ebriosum, verum etiam tum ebrium ad mores alios repente fuisse conuersum Xenocrate de frugalitate disputante, hocque non humano operi, sed diuino Creatoris, ac perfectioris naturæ, esse tribuendum. Respondetur: mutationem illam, si per auxilium speciale facta est, non fuisse factam à Deo vt auctore naturæ, & per auxilium speciale ordinis naturalis, sed vt auctore supernaturali per auxilium supernaturale, nam de hoc intelligitur illud Sap. 8. v. 21. *Nemo esse potest continens, nisi Deus det*, quo ibi Diu. Aug. quod dixerat confirmat: sicut & mutationem Assueri, cuius indignationem transtulit Deus in lenitatem, diuinæ gratiæ adscribit idem Diu. August. lib. de Gratia Christi cap. 24.



ARTICVLVS IV. 259

Vtrum homo sine gratia per sua naturalia legis præcepta implere possit.

Conclusio est negans.

Dubium 1. An in aliquo statu possit homo per sua naturalia implere præcepta supernaturalia, quantum ad substantiam.

Pars affirmans probatur 1. ex D. Thom. hic enim generaliter loquitur de omnibus præceptis absque vlla limitatione ad naturalia: de adimplerione autem eorum quantum ad substantiam ait: *Hoc modo homo in statu naturæ integræ potuit omnia mandata legis implere, scilicet per sua naturalia; ergo &c.*

Secundo probatur cum Caiet. hic. Gentilis edoctus fidem nolens esse Christianus posset credere totam fidem esse veram, vt Ecclesia tenet, sperare etiam se fore beatum in Cœlo: sed hoc, licet fide, & spe inani crederet, & speraret nulla supernaturali gratia adiutus, & sic credendo, & sperando præcepta fidei, & spei, quæ sunt supernaturalia, implere quo ad substantiam; er-

260 **QVÆSTIO CIX.**

go &c. Confirmatur; hæretici actus fidei, & charitatis quantum ad substantiam operum intus, & extra exercent sine villo supernaturali dono: sed illi præcepta supernaturalia fidei, spei, & charitatis implent tempore, quo obligant, vnde si tempore, quo tenentur credere mysterium Trinitatis, huic veritati assentirent, non peccarent; ergo &c.

Tertio probatur cum eodem Caietan. & alijs saltem præcepta supernaturalia de actibus externis impleri posse ab homine per facultatem naturæ sine auxilio supernaturali quantum ad substantiam: Homo in peccato mortali existens potest suscipere baptismum, & facere confessionem informem, quam deinceps non tenetur iterare - sed tunc licet non suscipiat gratiam, implet præceptum baptismi, & confessionis quantum ad substantiam per vires naturæ sine auxilio supernaturali, cum peccet, & ad peccandum diuinitus non adiungetur; ergo &c. Idem probabile esse dicunt nonnulli de eo, qui in peccato mortali indigne communicat, implere scilicet præceptum suscipiendi Eucharistiam, non solum ecclesiasticum, propter quod etiã Ecclesia excommunicet eos, qui non sumpserunt Eucharistiam, non comprehendit hæc censura eos, qui indigne sumpserunt, sed etiam diuinum quantum ad operis substantiam, ita vt licet peccet contra præceptum religionis, quo obligatur digne
sa-

ARTICVLVS IV. 261

facere, quæ pertinent ad cultum diuinum
non tamen contra præceptum speciale
recipiendi Eucharistiam. Idem etiam vi-
detur dicendum de eo, qui tempore, quo
inflat præceptum confitendi fidem my-
sterij Trinitatis, eam exterius confitetur,
implere scilicet hoc præceptum, etiam
si quia errat circa alia sit hæreticus, & nul-
lo supernaturali auxilio sit adiutus: ergo
&c. Confirmatur: præcepta naturalia, quæ
dantur de actibus virtutum externis, adim-
plentur faciendo actum externum quan-
tum ad substantiam, quamuis non proce-
dat à virtute, neque secundum modum
virtutis, vt patet si quis in necessitate elar-
giatur eleemosynam, & non ex virtute
misericordiæ, aut si restituat, & non ex
virtute iustitiæ, ergo etiam præcepta su-
pernaturalia, quæ dantur de actibus ex-
ternis virtutem supernaturalium, adimple-
buntur faciendo actum externum, quam-
uis non procedat à virtute supernaturali
neque secundum modum talis virtutis.
At talis actus fieri potest per facultatem
naturæ, cum nihil supernaturalitatis ha-
beat, nam solum eam habet, vt procedit
à virtute supernaturali; aut secundum mo-
dum illius; ergo &c.

Dicendum tamen est, Hominem
in natura lapsum, aut integrum non posse
quantum ad substantiam implere om-
nia præcepta supernaturalia diuini
aut collectivæ sine gratia iustificantiæ;
fine

sine hac tamen cum solo auxilio supernaturali posse seruire aliqua in utroque statu; in neutro autem sine talia auxilio supernaturali seruire posse ne vnum quidē. Prima pars probatur: homo non potest quantum ad substantiam adimplere præceptum supernaturale dilectionis Dei super omnia seu charitatis sine gratia iustificante nam sine hac, ut principio, vel termino, nequit esse actus charitatis, cū sit actus hominis grati, & amici Dei præstātiſſimus omniū, qui haberi possūt ab homine eleuato ad esse supernaturale, & in virtute cōtinēs obseruantia omniū mandatorū supernaturaliū; ergo nequit omnia præcepta supernaturalia etiam diuisiue implere sine gratia iustificante. Idem argumentum fieri potest de præcepto supernaturali contritionis, hæc enim cum sit vltima dispositio ad gratiā, nequit esse sine illa.

Secunda pars patet: homo enim cum auxilio supernaturali sine gratia iustificante potest adimplere præcepta fidei, & spei, cum constet actus fidei, & spei haberi posse ab homine existente in peccato mortali.

Tertia pars probatur 1. ex D. Thom. supra quæst. 63. artic. 2. ad 2. vbi sic habet: *Sunt quædam peccata mortalia, quæ homo sine gratia nullo modo potest vitare, quæ scilicet directe opponuntur virtutibus theologicis.* At si aliquod præceptum harum virtutum posset homo implere quantum ad substantiā sine auxilio supernaturali, posset absque vl-

ARTICVLVS IIIV. 263

la gratia vitare peccata directè opposita, his virtutibus, nam peccata vitat, qui præcepta implet quantū ad substantiā; ergo &c.

Secundò, præcepta supernaturalia virtutum theologicarum nequeunt impleri nisi per actus harum virtutum, de his enim actibus sunt: sed actus harum virtutum, cum sint supernaturales quantum ad substantiam, nequeunt haberi per vires naturæ; ergo neque præcepta earum impleri quantum ad substantiam.

Tertiò, Præcepta harum virtutum obligant ad credendum, sperandum, & diligendum, vt est necessarium ad salutem æternam, præcepta enim dantur de actibus, & medijs necessarijs ad salutem: sed hoc modo credere, sperare, & diligere nō potest homo ex viribus naturæ, vt constat ex Concil. Arausic. can. 25. & Trid. Sess. 6. can. 3. ergo &c.

Quartò, quia alias hereticus posset adimplere præceptum fidei quantum ad substantiam, cum habeat virtutem naturalem, per quam tale præceptum posset implere credendo fide humana mysterium fidei, quod credere tenetur: sed hoc est falsum, & absurdum maximum; ergo &c.

Quidam hic dicunt, argumenta hæc solum probare præcepta supernaturalia, quæ dantur de actibus internis non posse impleri sine auxilio supernaturali; quæ tamen dantur de actibus externis, impleri posse existimant ob tertium argumentum factū in principio.

Mibi

Mihi tamen cum aliis eandem esse rationem de vtrisque videtur. Sicut enim omissio actus interioris fidei, quando instat præceptum affirmatiuum de tali actu, opponitur fidei, virtuti theologicæ: ita & omissio exterioris confessionis: & sicut credere, quæ fides docet, ita & ea exterius confiteri est actus fidei elicited, vt multi docent: & sicut credere, vt est necessarium ad salutem, cadit sub præcepto fidei; ita confessio fidei, vt ore fit ad salutem: & sicut absurdum est hæreticum, implere præceptum fidei, assentiendo non ex fide diuina, sed humana veritati, quam tenetur credere, ita & implere præceptum confessionis fidei, confitendo non ex fide diuina, sed humana veritatem, quam tenetur confiteri. Præterea etiã ad confessionem fidei exteriorem, vt cadit sub præcepto supernaturali, necessarium esse auxilium Dei supernaturale colligitur ex illo Matth. 10. v. 32. vt est in Græco, *Qui confitebitur in me coram hominibus. &c.* Nam illud *In me* idem est ac mea virtute, & auxilio supernaturali, non propria, & naturali virtute, vnde Origines Hom. 2. in lib. Iudicum locum hunc explicans ait: *Vidisti quia confitentes in semetipso dixit confiteri, & quasi qui ipse in eis, viuat, & operetur opera vite.*

Denique nullum præceptum impleri potest quantum ad substantiam nisi fiat, quod præcipitur, & sub tali præcepto cadit, vnde si modus, etiam actui extrinsecus, caderet

ret

ret sub præcepto, vt si præciperetur ieiunare meritorie, non impleretur tale præceptum, faciendo actum sine tali modo: sed quolibet præcepto supernaturali præcipitur aliquid supernaturale, alias enim non supernaturale, sed naturale esset; ergo cum nihil supernaturale possit fieri ex viribus naturæ; nam est supra illas, & eas excedit, nullum præceptum supernaturale, siue sit de actu interno, siue externo impleri poterit ex viribus naturæ sine auxilio supernaturali.

Ad 1. verò respondetur negando maiorem cum Conrado & alijs: solum enim loquitur D. Thom. de præceptis legis naturalibus, quæ omnia asserit potuisse hominem implere quantum ad substantiam in natura integra per sua naturalia, quantum ad modum autem ait non potuisse implere, intelligens per modum, non intrinsecum (nam modus proprius, & intrinsecus cuiuscumque virtutis cadit sub præcepto, quod datur de actu talis virtutis, & ad eius substantiam pertinet, & aequit tale præceptum impleri quantum ad substantiam, quin impleatur quantum ad modum illi intrinsecum, vt colligitur ex D. Thom. & Caiet. supra q. 100, art. 10. & 2. 2. q. 44. art. 4.) sed extrinsecum, qui sub præcepto non cadit, qualis est modus charitatis, per quem impletio mandatorum est meritoria, & secundum quod est modus actu aliarum virtutum, non cadit sub præcepto teste D. Tho. supra quaest. 100, art. 10. Si

obiicias D. Th. in solutione tertii loqui de præcepto supernaturali charitatis. Respondetur hoc negando : solum enim loquitur Diu Thom. de præcepto dilectionis Dei naturalis, quia ait : *Non potest homo implere ex puris naturalibus secundum quod ex charitate impletur*, qui modus non cadit sub præcepto dilectionis Dei naturalis, alias huius dilectionis præceptum impleri non posset ab homine condito in puris naturalibus : sicut & teste D. Tho. supra quæst. 100. art. 10. *In hoc præcepto, Honora patrem, non includitur quod honoretur pater ex charitate.*

Ad 2. Respondetur negando minorem ; præceptum enim fidei, & spei, & charitatis nequit quantum ad substantiam impleri, nisi ex fide, & spe, & charitate ; nam hic modus sub tali præcepto cadit, ut diximus, & colligitur ex D. Tho. supra quæst. 100. art. 10 sicque si tale præceptum nequit impleri quo ad substantiam, quin impleatur quantum ad istum modum per actus supernaturales fidei, & spei, & charitatis, si sermo sit de præcepto affirmatiuo, nam negatiuum sine actu impleri potest, ab actu hæresis, vel desperationis, vel odii abstinendo, quem prohibet.

Ad confirmationem eodem modo respondetur. Ex quo patet, si instat præceptum fidei, quo præcipitur credere mysterium Trinitatis, peccare hereticos propter omissionem actus supernaturalis credendi illud ex fide, etiam si tali mysterio assen-

assentiat fide humana, qua sola illud credunt.

Ad 3. respondetur: licet sine gratia iustificante possit homo implere præcepta suscipiendi Sacramenta (excepto diuino præcepto suscipiendi Eucharistiam, de quo probabilius est, ut impleatur, necessarium esse, ut qui ad eam accedit, sit in gratia & per eam viuat, & sit Dei amicus, aut saltem hoc existimet, nam est Sacramentum viuorum, & amicorum) vnde licet qui ea suscipit in peccato mortali, peccet quidem contra religionis præceptum, quo obligatur digne facere, quæ pertinent ad cultum Dei, non tamen contra præceptum suscipiendi ea. At nequit talia præcepta implere sine auxilio supernaturali: quia sicut ad talia sacramenta ministranda, vel conficienda requiritur in ministro auxilium supernaturale, quo ut causa instrumentalis moueatur à Deo principali agente: ita & ad ea suscipienda requiritur auxilium supernaturale in suscipientes, sicut enim ad causandum, ita & ad suscipiendum aliquid supernaturale requiritur supernaturale auxilium, & motio Dei, siue hæc sit distincta ab ipsa productione, vel receptione, siue non: nam sicut productio est supra potentiam naturalem actiuam, ita receptio est supra potentiam naturalem passiuam. Præterea intentio, quæ requiritur ad suscipiendum Sacramentum, supernaturalem debere esse videtur; nam velle suscipere baptismum, est velle Christum

induere saltem per configurationem characteris, & velle intrare in corpus Ecclesiæ, ad intentionem autem supernaturalē auxilium supernaturale requiritur. Nec obstat, cum, qui in peccato mortali existens suscipit sacramentum, peccare: nam licet nemo diuinitus adiuuetur ad peccandum; adiuuari tamen potest ad id, quod est materiale in peccato, qualis est ministratio vel susceptio Sacramenti, qua præceptum quo ad substantiam impletur: sicut & cum quis actum fidei supernaturalis elicit ob inanem gloriam, licet non adiuuetur diuinitus ad peccandum, adiuuatur tamen ad actum fidei supernaturalem: De hæretico, qui confitetur mysterium Trinitatis, tempore, quo instat confessionis illius præceptum, idem dicendum est ac de eodē, quando interius credit hoc mysterium tempore, quo instat præceptum illud credendi; nam tale præceptum nō impletur, nisi per actum credendi, & confitendi ex fide, ut diximus. Ad confirmationem respondetur concedendo antecedens, & consequentiā; nam ut ait Diu. Thom. in 2. dist. 28. q. 1. art. 3. ad 2. *Sicut aliarum virtutum actus dupliciter considerari possunt, vel secundum quod sunt à virtute, vel secundum quod antecedunt virtutem, ita etiam est de charitate: potest enim aliquis, etiam charitatem non habens, diligere proximum, & Deum etiam super omnia, ut quidam dicunt, & hoc diligere intelligitur actus charitatis sub præcepto directè cadere, & non solum secundum quod à charitate procedit.*

Ne-

Negando tamen subsumptum : nam licet actus charitatis (& idem est de actu fidei , & spei) vt antecedit virtutem seu habitum charitatis non tempore , sed natura, non procedat ab habitu charitatis , vt quidam sentiunt; procedit tamen ab auxilio actuali supernaturali , & per facultatem naturæ fieri nequit: nam est supernaturalis, & eiusdem rationis , & speciei cum actibus , qui procedunt ab habitu charitatis. sicut actus antecedentes virtutem sunt eiusdem rationis , & speciei cum actibus, qui sunt à virtute . Nunquam tamen præceptum alicuius virtutis impletur per actus diuersæ rationis , & speciei ab actibus procedentibus à tali virtute .

Dubium 2. An possit homo sine gratia implere omnia legis præcepta naturalia, etiam in natura lapsa.

Pars affirmans probatur 1. ex illo Deut. 30. v. 11. *Mandatum hoc, quod ego præcipio tibi hodie, non supra te est. &c.* Vbi per mandatum intelligitur Decalogus; ergo cū non sit supra nos , per vires naturales sine auxilio gratiæ poterit homo implere omnia præcepta naturalia, quæ Decalogo comprehenduntur . Confirmatur : nam vt dicitur in Concil. Trident. Sess. 6. capit. 11. *Deus impossibilia non iubet* . Ergo cum Deus vt auctor naturæ præcipiat homini etiam in natura lapsa , vt seruet omnia mandata

naturalia, hæc omnia etiam collectiue seruare potest homo per vires naturæ, alias enim Deus vt auctor naturæ impossibilia iuberet, nam auxilium gratiæ non est à Deo vt auctore naturæ.

Secundò, homo in natura integra poterat seruare omnia mandata naturalia ex viribus naturæ; ergo etiam in natura lapsa. Probatur consequentia. Tum quia cum peccatum non destruat bonum naturæ, eadem vires naturales, quas habebat homo in natura integra, manserunt in natura lapsa. Tum etiam quia omnia præcepta naturalia simul sumpta non magis sunt proportionata viribus naturalibus hominis in natura integra, quam lapsa.

Tertiò, homo in statu naturæ lapsæ potest seruare aliqua præcepta naturalia, verbi gratia, quæ occurrunt hodie, & cras, aut aliquibus aliis diebus, ex viribus naturæ sine auxilio gratiæ; ergo & poterit seruare omnia, quæ per totam vitam occurrunt. Probatur consequentiæ nam seruatis quibusdam præceptis promptior, & habilior est homo ad alia seruanda; ergo seruatis sex præceptis, melius poterit seruare septimum, & hoc seruato, octauum, & sic de omnibus alijs.

Dicendum tamen est: Hominem in natura integra potuisse seruare omnia præcepta naturalia etiam collectiue ex viribus naturæ; in natura tamen lapsa non posse omnia etiam diuisiue implere ex viribus naturæ sine auxilio gratiæ. Vtraque
pars

ARTICVLVS IV. 271

pars est intelligenda de adimptione præceptorum naturalium quantum ad substantiam operum : nam quantum ad modum agendi, vt scilicet ex charitate fiant: inquit D. Thom. *hic Neque in statu naturæ integræ, neque in statu naturæ corruptæ potest homo implere absque gratia legis mandata.*

Prima autem pars probatur ex D. Tho. hic, vbi loquens de adimptione horum mandatorum quantum ad substantiam ait: *Hoc modo homo in statu naturæ integræ potuit omnia mandata legis implere.*

Secundo, in statu naturæ integræ natura humana, & eius virtus erat perfecta, & sana, & nulla erat repugnantia inter carnem, & spiritum, & alias præcepta naturalia erant proportionata virtuti naturali: ergo homo in tali statu poterat adimplere omnia præcepta naturalia: ratio enim ob quam Concilia, & Patres docent illa non posse implere in statu naturæ lapsæ, est, quia per peccatum mansit liberum arbitrium, debile, & infirmum. Confirmatur omnibus rationibus, quibus art. 2. dub. 2. concl. 1. probauimus, hominem in statu naturæ integræ posse omne bonum morale operari sine auxilio gratiæ, & art. 3. posse diligere Deum super omnia, vt est finis naturalis.

Secunda pars probatur 1. ex eodem D. Thom. hic, nam subdit: *Sed in statu naturæ corruptæ, non potest homo implere omnia diuina mandata sine gratia sanante.*

Secundo probatur cum eodem D. Tho.

M i v hic

hic in argum. *Sed contra* ex D. August. lib. de Hæresibus hæresi 88. vbi oppositum huius ad hæresim Pelagianorum pertinere his verbis asserit: *Hi Dei gratia in tantum inimici sunt, ut sine hac, posse hominem credant, facere omnia diuina mandata.*

Tertio probatur ex Conc. Milleuit. Can. 3. & 4. & 5. vbi sic dicitur: *Quicumque dixerit, ideo nobis gratiam iustificationis dari, ut, quod facere per liberum inuenitur arbitrium, facilius possimus implere per gratiam, tanquam etiam si gratia non daretur, non quidem facile, sed tamen possimus etiam sine illa implere diuina mandata, anathema sit.* Si dicas Pelagiū non solum loqui de obseruatione mandatorum naturalium, sed etiam supernaturalium fidei, & spei, & charitatis, & non solum de obseruatione mandatorum naturalium quantum ad substantiam, sed etiam quantum ad modum, vt scilicet ex charitate fiant, hancque doctrinam damnari à Concil. Milleuitano & à D. Aug. immo & à pluribus aliis Conciliis, & Sanctis Patribus, non quidem ea parte, qua asserit hominem posse sine gratia implere mandata naturalia, sed ea, qua addit posse etiā implere supernaturalia, & naturalia etiam quantum ad modum charitatis. Contra, nam Pelagiū præsertim loquebatur de mandatis, quæ Decalogus comprehendit, & naturalia esse constat: adhuc autem implenda humanam sibi solam non sufficere naturam, sed gratia Dei egere Concilia, & Sancti Patres asserunt propter naturæ infirmi-

firmitatem, & legem, quæ in membris nostris est, repugnantem legi mentis nostræ, vt patet ex epistolis Patrum Concilii Cartaginensis, & Milleuitani, & Innocentii Papæ, quæ apud D. August. sunt à 90. vsque ad 95. Si autem solum damnaretur Pelagius quatenus loquebatur de præceptis supernaturalibus, aut de naturalibus quantum ad modum charitatis, non assererent requiri gratiam propter naturæ lapsæ infirmitatem, & pugnam carnis contra spiritum, quæ est in nobis, cum etiam si nõ esset talis infirmitas, & pugna, gratia esset necessaria, sicut ea etiam indigebat homo in natura integra. Vide D. August. lib. de Natura & gratia cap. 43. & seq.

Si quæras autem, an ad omnia præcepta naturalia implenda sit necessaria gratia habitualis iustificans? Respondetur posse Deum per suam potentiam absolutam cõseruare hominem per totam vitam, & multum tempus in obseruatione omnium mandatorum legis quantum ad substantiã per solum auxilium actuale supernaturale sine gratia habituali iustificante; iuxta legem tamen, & potentiam Dei ordinariam necessariam esse gratiam habitualement, & iustificantem. Probatnr: nam Conc. Milleuit. vbi supra gratiam, quæ ad hoc requiritur, appellat, *Gratiam iustificationis*, & Patres illius Concilij epist. 95. apud D. August. hanc gratiam dicunt esse, *Qua Christiani, & filij Dei sumus, & infra Qua prædestinati vocamur, iustificamur, glorificamur,*

A B S T I O C I X.

Et inferius : *Qua saluamur, & iustificamur ex fide Christi.* Experientia quoque ipsa ostendit ; nunquam qui sine gratia est , sed in peccato existit , totam legem , eiusque omnia mandata custodire , iuxta illud Ioan. 14. v. 24. *Qui non diligit me sermones meos non seruat .* Ratione etiam quidam probant : nam qui implet totam legem , est rectè ordinatus circa media : non potest autem aliquis esse rectè ordinatus circa omnia media , quin sit etiam circa finem vltimum , scilicet Deum , quod nequit sine gratia , & amicitia Dei in statu naturæ lapsæ , in quo art. 3. diximus , hominem non posse diligere Deum finem naturalem , quin diligat , vt supernaturalem , quæ dilectio gratiam habitualement vt principium vel terminum habet . Vnde merito D. Tho. hic ait : *In statu naturæ corruptæ non potest homo implere omnia mandata diuina sine gratia seruante .* Quæ gratia iustificans est . Quod adeo certum esse nonnulli putant , vt de fide esse asserant . Alij dicunt licet non sit de fide , oppositura tamen eius non esse probabile , sed aliqua nota dignum .

Dixi in conclusione neque etiam diuisionè posse omnia mandata naturalia impleri sine auxilio gratiæ ex viribus naturæ ab homine in natura lapsa : quia non potest homo implere præceptum dilectionis Dei vt est finis naturalis super omnia , vt constat ex dictis art. 3. Sunt etiam nonnulla præcepta naturalia , quæ ita difficilia sunt , vt ipsorum adimpletio auxilium requirac

vt

ARTICVLVS IV. 275

vt patet ex dictis ar. 3. dub. vn. ad 1 Confirmationem 2.

Ad 1 verò respondetur: locum illum Deut. explicari à D. Paulo ad Rom. 10: v. 8. de verbo fidei, aut ad illud applicari, Vnde sicut verbum fidei non dicitur non esse super nos, quia per vires naturæ illud facere possumus; sed quia supernaturali Dei auxilio, quod semper paratum habemus, possumus implere, & vt eleuati sumus ad esse supernaturale non est supra nos, idem de Decalogo, vt comprehendit omnia præcepta naturalia, dicendum est. Nonnulli dicunt Decalogum nō esse supra nos, quia licet omnia mandata, quæ comprehendit, collectiue per vires naturæ implere non possumus; possumus tamen singula diuisione. Ad confirmationem respondetur: Concilium ibidem explicare quomodo Deus impossibilia non præcipiat, subdens: *Sed iubendo monet, & facere quod possis, & petere quod non possis, & adiuuat vt possis.* Vnde quod cum auxilio diuino possumus, non est nobis impossibile, vt hic ad 2. explicat D. Thom. Nec opus est, vt si Deus vt auctor naturæ iubet, adiuet vt possumus vt sic consideratus, sed satis est, vt quatenus auctor gratiæ sit paratus dare, quod requiritur ad id, quod vt auctor naturæ præcipit homini ordinato ad finem supernaturale, qualis est nunc in statu naturæ lapsæ, Vel dic: Deum nunquam dedisse homini præceptum seruandi omnia mandata collectiue, sed solum teneri nos seruare omnia di-

276 **QVÆSTIO CIX.**

nisiue per præcepta, quæ ponuntur seorsû,
quod ex viribus nature potest homo face-
re, & non valet consequentia à singulis
diuisiue ad omnia collectiue.

Ad 2. respondetur negando consequen-
tiam. Ad 1. probationem dico in homine
in natura lapsa mansisse easdem vires na-
turales, quantum ad substantiam, infirmas
tamen: vnde sicut homo sanis pedibus ha-
bet ambulandi possibilitatem; fractis
verò non habet, vt ait D. Aug. loco citato in
3. probatione conclusionis: ita homo in
natura integra habebat possibilitatem na-
turalem seruandi omnia præcepta natura-
lia collectiue; non tamen in natura lapsa.
Ad 2. probationem dico: omnia præcepta
naturalia simul, licet proportionata sint vi-
ribus naturalibus hominis, non tamen in-
firmi, & vulnerati, qualis est in natura la-
psa, quantum ad executionem: vide, quæ
diximus art. 2. dubio 2. ad 2. secundæ sen-
tentię.

Ad 3. respondetur negando consequen-
tiam. Ad probationem patet solutio ex
his, quæ diximus art. 2. dub. 2. ad confirma-
tionem 2. secundæ sententię: quæ exem-
plo hominis infirmi explicari possunt; am-
bulando enim fit habilior, & aptior ad cõ-
ualescendum, qui tamen si perseueret per
aliquod tempus, aliquando cadet ob infir-
mitatem.

Circa art. 5. nihil se offert dicendum.

Vtrum homo possit seipsum ad gratiam preparare per se ipsum absque exteriori auxilio gratia.

Conclusio est negans.

DVo fuerunt circa hoc hæreticorum errores. Primus Lutheranorum, asserentium liberum hominis arbitrium etiam a Deo motum, & excitatum nihil omnino agere, quo se disponat ad gratiam iustificationis obtinendam, contra quem errorem est doctrina Conc. Trident. Sess. 6. cap. 6 & 7. hæcque can. 4. diffinitio: *Si quis dixerit liberum hominis arbitrium à Deo motum, & excitatum nihil cooperari assentiendo Deo excitati, atque vocanti, quo ad obtinendam iustificationis gratiam se disponat, ac præparet &c. anathema sit.*

Secundus Pelagianorum dicentium hominem per vires liberi arbitrii naturales absque villo gratiæ auxilio se ad gratiam preparare. Contra quem est diffinitio Concilii Arausici 2. cap. 4. *Si quis, ut à peccato purgemur, voluntatem nostram Deum expectare contendit, non autem, ut etiam purgari velimus per Spiritus Sancti infusionem, & operationem in nos fieri consuetur, resistit ipsi Spiritui Sancto per Salomonem dicenti: Preparatur* vo.

*voluntas à Domino . Concilium etiam Mil-
leuitanum 2. & Concil. Trident. Sess 6. ca. 5.
& 6. cap. 1. & 2. & 3. eundem errorem
damnarunt .*

*D. Thom. media via inter hos duos ex-
tremos errores incedit, dum ait: hominem
quidem se ad gratiam præparare ; non ta-
men per se ipsum absque exteriori auxilio
gratiæ . Licet enim, vt homo se præparet
ad susceptionem doni habitualis gratiæ .
non oporteat præsupponere aliquod aliud
donum habituale in anima, quia sic proce-
deretur in infinitum ; tamen Oportet præsup-
poni aliquod auxilium , gratuitum Dei interioris
animam mouentis , sine inspirantis bonum pro-
positum . Cuius oppositum non docuit S.
Doctor in 2. d 28. q. 1. art. 4. vt quidam illi
falso imponunt . Afferit quidem ibi : *Ad
gratiam gratum facientem habendam ex solo
libero arbitrio se homo potest præparare .* Illud
tamen *Ex solo* , non excludit auxilium spe-
ciale, & motionem gratuitam Dei, sed do-
num habituale gratiæ: vnde idem est dice-
re *ex solo libero arbitrio* , ac dicere , *ex libero
arbitrio sine habituali dono gratiæ*: ibi enim
expressè ait, gratiam dupliciter posse acci-
pi : Primo pro eo, quo homo excitatur ad
conuertendum se, vt gratiam gratum fa-
cientem accipiat , quod gratia gratis data
dici potest, *Et sic sine gratia gratis data homo
se ad gratiam non præparat .* Secundò pro ali-
quo munere, seu dono habituali animæ in-
fuso , & licet quidam dicant sine hoc nul-
lum posse se ad gratiam gratum facientem
præ-*

ARTICVLVS VI. 279

præparare ; ipse tamen cum aliis docet , si-
ne hoc ex solo libero arbitrio , à Deo tamen
excitato per auxilium speciale posse se ho-
minem præparare ad gratiam gratum fa-
cientem habendam .

*Dubium. An per vires natura ali-
quo modo possit homo se dispone-
re, vel ita se gerere, ut infallibili-
ter consequatur gratiam iustifi-
cantem, aut vocationis.*

P Ars affirmans probatur 1. nam id vide-
tur significari verbis illis Prouerb. 16.
v. 1. *Hominis est animam præparare.* Et Isaie
3. v. 18. *Propterea expectat Dominus, ut mise-
reatur vestri.* Et Zacharie 1. v. 3. *Conuer-
tini ad me ait Dominus exercituum : & con-
uertar ad vos.* Et Apoc. 3. v. 20. *Ecce sto ad
ad ostium, & pulso, si quis audierit vocem
meam, & aperuerit iannam, intrabo ad il-
lum.*

Secundò, vt dicitur Act. 10. v. 34. *Non
est personarum acceptor Deus.* At si homo nõ
posset se ad gratiam præparare ex viribus
naturæ, esset personarum acceptio apud
Deum, quia non esset maior ratio ex parte
liberi arbitrii, quare Deus conferat gratiam,
aut iustificantem, aut vocationis huic, cui
conferat, quam alteri, cui negat ; ergo,
&c.

Tertiò, facienti quod in se est ex viribus
na-

280 **QVÆSTIO CIX.**

naturę Deus non denegat gratiam ; ergo per vires naturę aliquo modo potest homo se disponere ad gratiam, aut ita se gèrere, vt eam infallibiliter consequatur . Antecedens probatur : Qui facit quod in se est ex viribus naturę , non peccat : at peccaret, si non consequeretur gratiam, qua conuerteretur in Deum, quando conuerti tenetur ; ergo, &c.

Quarto, opera moraliter bona præsertim opera misericordię disponunt ad gratiam obtinendam : sed hæc fieri possunt per vires naturę, vt patet ex dictis art. 2. dub. 1. ergo, &c. Maior probatur ex illo Tobię 4. v. 11. *Eleemosyna ab omni peccato, & à morte liberat, &c.* Et Prouerb. 16 v. 6. *Misericordia, & veritate redimittur iniquitas.* Et Ecclesiastici 3 v. 33. *ignem ardentem extinguit aqua, & eleemosyna resistit peccatis.* Et Dan. 4. v. 24. *Peccatis tua eleemosynis redime, & iniquitates misericordijs pauperum : forsitan ignosceat delictis tuis.* Et Lucæ 11. v. 41. *Dante eleemosynam, & ecce omnia munda sunt vobis.* Et Act. 10. v. 31. Cornelio dicitur : *Eleemosyna tua commemorata sunt in conspectu Dei.*

Dicendum tamen est : Hominem per vires naturę nullo modo posse se ad gratiam disponere, aut aliquid facere, quo infallibiliter consequatur gratiam iustificantem, aut vocationis . Triplex distingui solet dispositio : vltima scilicet, qua posita statim introducitur forma, qualis est calor, vt octo respectu formę ignis ; remota, qua

ARTICVLVS VI. 281

qua posita non statim introducitur forma,
qualis est calor, vt quatuor respectu eius-
dem forme ignis: & remotissima, quę im-
proprię est dispositio, & potius dicenda est
remotio impediementi, quam dispositio,
quia non se tenet ex parte agentis, sed ex
parte passi, qualis est siccitas in ligno res-
pectu eiusdem forme ignis. Si ergo sit ser-
mo de dispositione vltima ad gratiam, tam
certa est conclusio, vt oppositum sit Pela-
gianum. Probatur: Tum ex Concilijs con-
tra errorem Pelagianorum adductis præ-
sertim Arausicano cap. 4. Tum etiam ex
illo Ioan. 6. v. 44. *Nemo potest venire ad me,*
nisi Pater, qui misit me, traxerit eum. Nam
vt hic in arg. *Sed contra*, ait D. Thom. *scilicet*
homo se ipsum preparare posset, non oporteret
quod ab alio traheretur. Tum deinde, quia
vltima dispositio ad gratiam nihil aliud est,
quam quædam conuersio ad Deum relicto
statu peccati: sed hæc tribuitur Deo aucto-
ri gratiæ Psal. 79. v. 8. *Deus virtutum con-*
uertere nos, Ierem. 31. v. 18. *Conuertere me,* &
conuertar, &c. Tren. 5. v. 21. *Conuertere nos*
Domine ad te, & *conuertemur*; ergo, &c.
Tum præterea, quia dispositio vltima de-
bet esse eiusdem ordinis cum forma ad
quam disponit, & infallibilem connexio-
nem cum illa habere: quod autem habe-
tur ex facultate nature non est eiusdem
ordinis cum gratia, cum hæc sit ordinis su-
pernaturalis, illud verò ordinis naturalis:
nec potest habere infallibilem connexio-
nem cum illa, nam forma supernaturalis
tran-

transcendit totum ordinem naturæ; ergo, &c. Tum denique, quia ut hic arguit D. Thom. agentis, cuius est proprium tendere in finem, est etiam mouere, & conuertere alia in talem finem: & agentis, cuius est formam introducere, est etiam ad illam disponere: sed respicere finem ultimum est proprium primi agentis, & gratiam conferre est proprium Dei, qui est particularis auctor gratiæ; ergo sine auxilio gratuito Dei interiorius mouentis non poterit homo se ad Deum conuertere, & se ad gratiam præparare. Si verò sit sermo de dispositione remota ad gratiam, certissima est etiam nostra conclusio. Probatur: Tum quia in Concilio Trident. Sess. 6. cap. 5. & 6. omnis dispositio ad iustificationem, siue ultima, siue remota diuinæ gratiæ tribuitur, & Sess. 14. cap. 4. de attritione, quæ dispositio remota est, declarat Sancta Synodus: *Donum Dei esse, & Spiritus Sancti impulsu, non adhuc quidem inhabitantis, sed tantum mouentis, quo poenitens adiutus viam sibi ad iustitiam parat.* Tum etiam, quia sicut generatio incipit à præuijs dispositionibus, ita & iustificatio à dispositionibus remotis, quæ à diuina vocatione, à qua exordium iustificationis in adultis sumendum est, ut dicitur in Concil. Trident. Sess. 6. cap. 5. incipiunt; ergo cum initium iustificationis, & vocatio non sit ex viribus naturæ, sed effectus, vel prædestinationis, aut prouidentiae supernaturalis, ut diximus 1. p. quæst. 23. art. 2. con. 1. nulla dispositio ad gratiam, etiam

ARTICVLVS VI. 183

etiam si remota sit, poterit ex viribus naturæ haberi. Tum denique, quia agens introducens formam introducit etiam non solum ultimam, sed etiam alias præcedentes, & remotas dispositiones; ergo cum Deus gratiam conferat, ab ipso etiam, ut auctore gratiæ debent esse dispositiones, etiam non ultimæ ad gratiam.

Si autem sit sermo de dispositione remotissima, asserunt multi illo genere dispositionis posse hominem ex viribus naturæ per opera moraliter bona se ad gratiam præparare, ut colligitur ex Caiet. hic 9. *Ad obiecta, & 9. Nec obstat, & Mag. Soto lib. 2. de Natura, & gratia cap. 1. Qui modus loquendi licet ab omni suspitione erroris liber sit; alijs tamen consultius videtur à voce dispositionis abstinere, & dicere: hominem quidem per opera moraliter bona ex viribus naturæ facta esse minus ineptum, non tamen magis dispositum ad gratiam. Nam dispositio debet esse eiusdem ordinis, & per agens introducens formam introducta: vnde lignum per siccitatem, quam habet ex propria forma, non dicitur se ad formam ignis disponere, sed minus ineptum esse ad eam suscipiendam, quam si tali siccitate careret. Est etiam dispositio initium quoddam introductionis formæ, hæcque virtute illius sequitur: initium autem iustificationis nullo modo est ex viribus naturæ, nec gratia sequitur virtute alicuius, quod est purè naturale; ergo, &c.*

Denique non posse hominem per vires
na-

naturę aliquid facere quo infallibiliter consequatur gratiam iustificantem, aut vocationis probatur: nam vel hoc esset aliquid positium, vel non apponere nouum impedimentum, aut obicem: sed neutrum; ergo, &c. Minor probatur: Tum quia, neutrum habet infallibilem connexionem cum gratia iustificante, aut vocationis, cum vtraque sit supernaturalis, & nihil naturale habeat infallibilem connexionem cum eo quod supernaturale est. Tum etiam, quia qui est in peccato mortali habet impedimentum in ordine ad gratiam, & diuinam vocationem; ergo licet non apponat nouum impedimentum ipsi gratiæ, sufficit præcedens, vt non conferatur ei gratia huiusmodi infallibiliter. Tum deinde, nam si homo per vires naturę aliquid faciens consequeretur infallibiliter gratiam iustificantem, aut vocationis, hoc deberet esse non quidem ex virtute, & natura operis, aut facti, sed ex facto aliquo, vel certè lege statuta à Deo pro sua libertate, aut ob merita Christi: at nulla fuit vnquam talis lex statuta, vnde enim constat? quin potius non esse talem legem colligitur ex Concilio Arausicano can. 6. vbi damnatur, qui dixerit: *Sine gratia Dei credentibus, volentibus, desiderantibus, & pulsantibus nobis misericordiam conferri.* Conferretur autem si talis lex esset statuta. Ex D. Augustino etiam sæpe asserente, nullam posse assignari rationem ex parte hominis, quare Deus vocat istum, & non illum, & quare istum trahat, & illum

lum non trahat : & quandoque vocare , & trahere meretrices , & histriones relictis illis , qui viuunt sine querela bona opera moralia facientes. vt patet Tractat. 6. in Ioan. & Quæst. 2. ad Simplicianum circa finem, quod non esset, si prædicta lex esset statuta ; ergo, &c.

Ad 1. verò respondetur: prouerbium Salomonis intelligendum esse de homine adiuto, & præuento Dei auxilio. *Ideo quippe scriptum est, hominis est præparare cor, quia homo præparat cor, non tamen sine adiutorio Dei qui tangit cor,* ait D. Aug. lib. 2. contra duas Epist. Pelag. cap. 8. Testimonium etiam Isaïæ eodem modo explicandum est: non enim expectat Deus consensum nostrum: qui ex sola facultate naturæ procedit, sed quem ipse in nobis atque nobiscum causat per speciale auxilium præuenientis gratiæ. Locus Zachariæ exponitur in Concil. Trident. Sess. 6. cap. 5. ita: *Cum dicitur conuertimini ad me, & ego conuertar ad vos, libertatis nostra admonemur. Cum respondemus: conuerte nos Domine ad te, & conuertemur, Dei nos gratia præueniri confitemur.* Vide etiam D. August. lib. de Gratia, & lib. arb. capit. 5. Eodem modo explicanda sunt verba Apoc. 3. non enim significant audire, & aperire, quod est Deo vocanti consentire, esse solius liberi arbitrii, sed huius esse, adiuti tamen, & moti à Deo iuxta illud Isaïæ 50. v. 5. *Domine aperuit mihi aurem, ego autem non contradico.* Vnde in Concilio Trident Sess. 6. c. 4. dicitur, Deo tangente cor hominis, neque ho-

hominem nihil omnino agere, neque sine gratia Dei mouere se ad iusticiam coram illo libera sua voluntate posse.

Ad 2. respondetur cum D. Aug. lib. 2. *Cōtra duas Epist. Pelag. cap. 7. negando minorem: nam in gratuitis non habet locum acceptio personarum, vt colligitur ex illis verbis Patris familias in Parabola operariorum vineę Mat. 20. v. 13 Amice non facio tibi iniuriam &c aut non licet mihi quod volo facere* Ex quib. infert D. Aug. *Sicut ergo hic nulla est acceptio personarum, quia sic alius gratis honoratur, vt alius debito non fraudetur: sic etiam cum secundum propositum Dei vocatur alius, alius non vocatur: Vocato datur gratuitum bonum, cuius boni est vocatio ipsa principium non vocato redditur malum, quia omnes rei sunt, ex eo quod per vnum hominem peccatum intravit in mundum.*

Ad 3. respondetur negando antecedens propositio enim illa, facienti quod in se est Deus non denegat gratiam, intelligenda est de faciente quod in se est non solum ex viribus naturę, sed ex auxilio gratię, vt patet ex D. Thom. hic ad 2. & infra qu. 112. ar. 3. vbi ex professo hanc propositionem explicabimus. Ad probationem dico non solum imputari homini ad culpam, si non faciat, quod potest viribus naturę, sed etiā si non faciat, quod potest per auxilium Dei: nam si non credat, si non speret, imputatur illi ad peccatum, cum tamen viribus naturę hæc non possit facere, nisi per auxilium speciale à Deo adiuvetur. Quamuis ergo,
qui

qui facit quod in se est ex viribus naturæ, non peccet hoc faciendo, peccat tamen non faciendo, quod potest Dei auxilio adiutus.

Ad 4. respondetur negando maiorem de operibus misericordiæ factis ex solis viribus naturæ. Ad probationem dico, loca illa intelligenda esse de eleemosyna facta ab illo, qui est in gratia, quæ ab omni peccato, & à morte dicitur liberare, & alia similia præstare, quia est opus satisfactorium pro pœnis temporalibus, quæ peccatis præteritis debentur, etiam postquam homo est in Dei gratia. Vnde ex illis non colligitur, opera moraliter bona præsertim opera misericordiæ facta per vires naturæ disponere ad gratiam obtinendam. Specialiter autem eleemosynas Cornelij fuisse dona Dei, & ex eius speciali auxilio factas docet D. Aug. lib. de Prædest. Sanct. cap. 7. & D. Tho. 2. 2. q. 10. art. 4. ad 3. inquit: *De Cornelio tamen sciendum est, quod infidelis non erat: alioquin eius operatio accepta non fuisset à Deo, cui sine fide nullus potest placere. Habebat autem fidem implicitam nondum manifestata Euangelij veritate. Vnde ut eum in fide plenius instrueret, mittitur ad eum Petrus. Non solum autem habuisse fidem informem, sed formatam gratia, & charitate colligitur, nam Act. 10. v. 1. appellatur, Vir religiosus, ac timens Deum. Et quamuis nonnulla ex prædictis locis præsertim Dan. 4. loquantur de eleemosyna, quæ fit ab existente in peccato mortali, intelligenda*

288 **QVÆSTIO CIX.**

da sunt iuxta ea quæ de dispositione remotissima diximus, hominem scilicet per opera moraliter bona ex viribus naturæ facta, esse minus ineptum, non tamen magis dispositum ad gratiam. Vel quia opera misericordiæ facta a peccatore, non quidem ex viribus naturæ, sed per auxilium Dei speciale, quo sæpe existentes in peccato mortali, immo, & infideles mouentur a Deo ad bona opera facienda, habent ex Dei liberalitate, non tamen ex lege infallibili, esse impetratoria, inuitando diuinam misericordiam, vt peccatori conferat auxilia, quibus se in Deum conuertat: sicut de oratione peccatoris docet D. Tho. 2.2.q.83.art.16. quamuis non sit meritoria, posse esse impetratiuam, & Deum eam audire, non quasi ex iustitia, quia peccator hoc non meretur, sed ex pura misericordia.

Circa articulum septimum nihil se offert scribendum.

ARTICVLVS VIII.

Vtrum homo sine gratia possit non peccare.

Prima conclusio: *Secundum statum nature integra etiam sine gratia habituali poterat homo non peccare nec mortaliter, nec venialiter;*

Secunda conclusio: *In statu nature corruptæ*

rupta indiget homo gratia habituali sanante naturam ad hoc, quod omnino à peccato abstinereat.

Tertia conclusio : *In quo quidem statu (naturæ scilicet sanatæ per gratiam secundum mentem appetitu carnali nondum totaliter reparato) Potest homo abstinere ab omni peccato mortali, quod in ratione consistit, non autem ab omni peccato veniali, propter corruptionem inferioris appetitus sensualitatis.*

Quarta conclusio : *Similiter etiam antequam hominis ratio, in qua est peccatum mortale, reparetur per gratiam iustificantem, potest singula peccata mortalia vitare, & secundum aliquod tempus, quia non est necesse, quod continuo peccet in actu; sed quod diu maneat absque peccato mortali esse non potest.*

Circa primam conclusionem dubitat Caictan. in statu naturæ integræ potuerit homo ex suis naturalibus vitare omnia peccata, etiam quæ sunt contra præcepta supernaturalia affirmatiua? Respondetque affirmando: licet enim non potuerit implere præcepta supernaturalia affirmatiua sine dono supernaturali: potuit tamen vitare peccata contra illa ex suis naturalibus, quia ad hoc sufficit, ex naturalibus nullum: obicem ponere, potuit autem nullum impedimentum præstare supernaturali dono tam habitualis gratiæ, quam diuinæ motionis speciali.

Oppositum tamen docent communiter alij discipuli D. Thom. præsertim Conradus hic: Unde afferunt primam conclusionem

articuli, non esse intelligendam de peccatis, quæ sunt contra præcepta supernaturalia, sed quæ sunt contra præcepta naturalia: Tum quia S. Doctor prædictam conclusionem probat; *Quia peccare nihil aliud est, quam recedere ab eo quod est secundum naturam.* Præcepta autem supernaturalia, non sunt secundum naturam, sed supra naturam. Tum etiam quia supra q. 63. ar. 2. ad 2. docet non posse hominem vitare sine auxilio gratiæ peccata contra virtutes theologicas. Tum deinde, nam vt ait D. August. lib. 14. de Ciuit. Dei cap. 27. & lib. de Natura & gratia cap. 48. homo in Paradiso, aut in natura integra indiguisset, auxilio speciali ad non peccandum contra legem, scilicet supernaturalem, nam contra naturalem sine tali auxilio posset non peccare. Tum denique, nam vt dicitur in Concil. Arausic. 2. cap. 19. *Natura humana etiam si in illa integritate, in qua est condita, permaneret, nullo modo se ipsam creatore non adiuvante seruaret.* Est autem ibi sermo de adiutorio gratiæ, nam subditur: *Vnde cum sine gratia Dei salutem non posset custodire quam accepit, quomodo sine Dei gratia posset reparare, quod perdidit?* Se autem ipsam seruare, & salutem, quam accepit custodiret sine gratiæ adiutorio, si sine illo vitaret omnia peccata, etiam quæ sunt contra præcepta supernaturalia affirmatiua; ergo &c. Quod verò ait Caietan. ad euitandum peccatum omissionis contra præcepta supernaturalia affirmatiua sufficere, ex naturalibus

libus nullum ponere obicem &c. negandum est, nam vltcrius requiritur actus supernaturalis, qui sine auxilio gratiæ haberi non potest.

Dubium 1. An homo in natura lapsa indigeat gratia auxilio ad vincendas tentationes.

Qui sine auxilio gratiæ nullum prorsus opus moraliter bonum posse hominem efficere asserunt, affirmant etiam nullā tentationē quāuis leuissimā superare posse sine auxilio gratiæ Probāt. 1. ex Scriptura Psal. 17. v. 30. *In te eripiar à tentatione, & Psal. 29. v. 8. Auertisti faciem tuam à me, & factus sum conturbatus* Et Psalm. 117. v. 13. *Impulsus euersus sum, ut caderem, & Dominus suscepit me, Et Matth. 6. v. 13. Be ne nos inducas in tentationem, Et Matth. 26. v. 41. Orate ut non intretis in tentationem.*

Secundò, ex Concilijs: nam in Araußicano 2. can. 9. sic dicitur: *Diuini muneris est cum & rectè cogitamus, & pedes nostros à falsitate & iniustitia tenemus, scilicet tentationi resistentes, & can. 14. Nullus miser de quantacumque miseria liberatur, nisi qui Deus misericordia prauenitur. Quæuis autem tentatio dicitur quantacumque miseria. In Concilio Palestino apud Diospolim coactus fuit Pelagius retractare capita suorum errorum, inter quæ vndecimum erat: *Be victoriam nostram non esse ex Dei adiutorio, sed**

ex libero arbitrio. Retractatio autem hæc :
*Ut fateatur , quando contra tentationes concu-
 piscenciasque dimicamus , quamuis & illic pro-
 priam habeamus voluntatem , non tamen ex illa
 sed ex adiutorio Dei nostram provenire victoriã.*
Confirmatur testimonijs Pontificum. Inno-
 centius enim Epist. 25. ad Concil. Cartaha-
 ginense , quæ est 92. apud D. Aug. inquit.
*Necesse est , ut quo auxiliante vincimus , eo
 iterum non adiuvante vincamur.* Quæ verba
Cælestinus I. Epist. 1. ex Innocentio de-
 sumpsit ad verbum , & can 6. tanquam re-
 gulam fidei contra Massilienses proposuit , &
 can. 9. hæc Papæ Zozimi verba adducit :
*Superbum est , ut quicquam sibi humana natura
 presumat , clamante Apostolo : non est nobis col-
 luctatio adversus carnem , & sanguinem , sed
 contra principes &c.*

Tertiò ex Patribus . Basilus namque
 lib. Moralium summorum Summa 62. c. 3.
 ita inquit *Oportet ubi quis permissus est. inten-
 tionem incidere , euentum ut sufferre possit ; &
 voluntatem Dei per orationem petere.* Et Chry-
 sost. hom. 24. in 1. ad Corinth. ait : *Sunt ne-
 ergo tentationes quas superare non possumus , &
 quæ nam sunt illæ omnes ut ita dicam , pos-
 sibilitas enim in diuino nutu est.* Prosper lib.
 adversus Collatorem cap. 35. ante mediũ ,
 inquit : *Quisquis igitur in tribulatione non
 deficit ab illo se non dubitat adiuvari , ad quem
 quotidie corda universorum fidelium clamant
 ne inferas nos tentationem .* D. August. lib.
 22. de Civit. Dei cap 23. multa genera ten-
 tationum enumerat , quas inquit sine gra-

ARTICVLVS VIII. 293

tia Dei non posse à nobis superari. Et idem colligitur ex eodem Epist. 106 & lib. 2. cōtra duas Epist. Pelag. cap. vlt. & lib. 2. Confessionum cap. 7. & lib. 50 Hom. Hom. 23 & D. Hieron. 2. Dialog. contra Pelagianos in illud Matth. 26. *Surgite vigilate &c.*

Quarto rationibus: Prima, non inaniter, sed vtiliter, non fallaciter, sed vere victoriam singularum tentationum occurrentiū, etiamsi leuiiores sint, supplici oratione à Deo postulamus, ergo signum est, nos indigere gratia, vt singulas etiam leuiiores tentationes vincamus. Secunda, pro quavis minima tentatione à nobis superata, non fallaciter, sed verè Deo gratias reddimus, ergo non absque dono & gratia ipsius ea tentatio fuit à nobis superata.

Dicendum tamen est: Hominem in natura lapsa sine speciali gratiæ auxilio viribus naturæ cum auxilio generali posse vnā, aut alteram tentationem superare. Pro huius explicatione aduertendum est 1. tentationem nihil aliud esse, quam motiū inducens ad malum, vel retrahens à bono, siue illud sit motiū amoris, siue tristitię, siue delectationis, siue quodcumque aliud simile. Quæ motiua ex triplici causa occurrere possunt: nempe ex suggestionē dæmonis. & ex inclinatione appetitus & ex occasionibus, quæ in hominum conuictu sese offerunt, qui sunt tres animæ hostes vulgo numerati.

Secundo aduertendum est: quasdam tentationes esse graues, magnas, vehemen-

mentes, & difficiles; alias leues; paruas: parum vrgentes, & faciles, vt colligitur ex illo 1. ad Corinth. 10. v. 13. *Tentatio vos non apprehendat nisi humana* Quod Chrysoft. hom. 24. exponit; *Hoc est parua, breuis. mediocris*, Primi generis sunt, quæ, vel multum durant, vel multum impellunt, quia sunt de obiecto, quod valde allicit ad sui prosecutionem, qualia sunt delectabilia gustus, & tactus, Secundi generis sunt, quæ vel parum durant, vel non multum alliciunt ad malum, neque multum retardant à bono. Nulla est autem certa regula ad cognoscendum, quæ sit leuis, & ut quæ sit magna tentatio: nam quæ respectu vnius est magna, potest esse leuis respectu alterius. Vnde hæc diuersitas potius comparate, quam absolute assignanda est, considerata scilicet proportionem ad eum qui tentatur.

Tertiò aduertendum est; tripliciter posse vinci tentationem. Primo ex prauo fine, vt cum quis vincit tentationem luxuriæ ex auaritia, aut gulæ ex inani gloria, & hoc modo certum est non esse necessariam gratiam, cum hæc non sit bona; nec vera victoria, *Quoniam carnalis cupiditas cupiditate alia non sanatur*, vt dicit D. August. lib. 3. contra duas Epistol. Pelag. cap. 4. ad medium. Secundo propter Dei amorem, & ex charitate, & hoc modo certum est, non posse tentationem vinci sine gratiæ auxilio. Tertiò propter motiuum, & finem honestum, Quod adhuc dupliciter

contingere, aut fieri potest: nempe, aut cum prouentu, seu lucro animæ, ita, vt talis victoria ad salutem animæ proueniat & conducat, siue per modum dispositionis proximæ, vel remotæ ad iustificationem. & hoc modo etiam certum est, necessariam esse gratiam, vel auxilium supernaturale: aut sine tali prouentu, fructu, seu lucro animæ, & hoc modo dicimus in conclusione, posse hominem in natura lapsa sine speciali auxilio gratiæ vincere, non quidem omnes tentationes simul, aut per totam vitam, ait namque D. August. in illud Psalm. 89. *Et dixisti conuectimini &c.* de Deo loquens: *Sine cuius adiutorio per arbitrium voluntatis tentationes huius vite superare non possumus.* Sed vnā, aut alterā, saltem ex leuioribus: nam graues, & difficiles tentationes sine gratiæ auxilio vinci non posse, fatentur nunc cōmuniter Theologi, & colligitur ex dictis art. 3. dubio vnico ad 1. confirmationem 2. & art. 4. dub. 2. ad finem conclusionis; sicut enim sine gratiæ auxilio non potest homo seruare præcepta difficilia, & bona opera ardua efficere, ita, nec graues, & magnas tentationes superare, quales fuerunt, quibus impugnatus est Iob, illa etiam de qua Paulus dicebat 2. Corinth. 12. v. 7. *Datus est mihi stimulus carnis meæ, &c.* Propter quod ter Dominum rogaui &c. *Et dixit mihi, sufficit tibi gratia mea.* Et quas ad Roman. 8. v. 35. commemorat, & de quibus subdit v. 37. *Sed in his omnibus superamus propter eum*

(vel vt legit D. August. lib. de Gratia, & libr. arb. cap. 17.) *per eum qui dilexit nos.*

Conclusio ergo sic explicat a probatur: nam in Bulla Pij V. & Greg. XIII. hæc Michaelis Baij propositio quæ est 30. damnatur: *Non solum fures hi sunt, & latrones, qui Christum viam, & ostium veritatis, & vitam negant, sed etiam quicumque aliunde quam per Christum in viam iustitiæ, hoc est ad aliquam iustitiam conscendi posse dicunt, aut tentationi vniuersaliter sine gratia ipsius adiutorio resistere posse hominem, sic vt in eam non inducatur, aut ab ea superetur.* Si dicas hanc propositionem fuisse damnatam non ob doctrinam, sed ob censuram.

Ad minus hinc colligitur nostram conclusionem nihil periculi habere; sed tutissimam esse. Præterea falsam esse prædictæ damnationis expositionem colligitur: nam eodem modo exponi posset damnatio aliarum propositionum eiusdem auctoris præsertim 13. *Pelagij sententia est, opus bonum citra gratiam adoptionis factum, non est regni coelestis meritorium.* Cur enim hæc non solum ratione censuræ, sed etiam doctrinæ damnatur, & non illa? Quando enim Summi Pontifices, & Ecclesia solam censuram prohibent non damnata doctrina, sed vtique explicant, vt patet in opinionibus circa præseruationem B. Virginis à peccato originali. Cum autem absolute damnant aliquam propositionem, etiam si censuram contineat, non hanc solum, sed doctrinam præcipue damnare intendunt,

vt patet innumeris exemplis, hoc maxime sumpto ex Concil. Trident. Sess. 7. de Confirmatione can. 2. *Si quis dixerit iniurios esse Spiritui Sancto eos qui sacro Confirmationis Chrismati virtutem aliquam tribuunt, anathema sit.*

Secundò probatur testimonijs, & rationibus, quibus art. 2. dub. 1. ostensum est posse hominem sine auxilio gratiæ facere aliqua bona opera moralia. Non est enim natura humana totaliter corrupta, nec liberum arbitrium amissum, & extinctum, vt non possit aliquam leuem tentationem superare sine auxilio gratiæ. Sicut etiam, non est gratia, vt occurrat recta cogitatio, requisita ad aliquod facillimum bonum opus efficiendum: ita, nec requisita ad vincendam leuem tentationem, siue negatiuè se habendo, siue operando bonum. Ex quo non sequitur negandum esse, nos orare debere, ne intremus in tentationem, hoc enim licet teste D. August. loco citato à D. Thom. hic in argum. *Scilicet contra*, neget qui contendit ad non peccandum scilicet per totam vitam, & ad velle tentationi resistendum, gratiæ Dei adiutorium non esse homini necessarium, vt assererat Pelagius: non tamen negat, qui vnā, aut, alteram leuissimam tentationem superare posse affirmat sine speciali gratiæ auxilio.

Ad 1. verò respondetur, verba illa scripturæ sacre intelligenda esse non de vna, aut altera tentatione, sed de omnibus. Vel certe de vehementibus, & magnis. Vel

298 **QVÆSTIO XIX.**

de quorumque victoria cum prouentu.
 Vel ex charitate, sine qua, licet peccato
 resistere possimus, non tamen illud pro-
 priè vincere, vt docet D. Thom. in 2. d. 28.
 quæst. 1. art. 2. ad 6. vnde D. August. lib. 21.
 de Ciuit. Dei cap. 16. inquit: *Tunc victa
 vitia deputanda sunt, cum Dei amore vincun-
 tur, quem nisi Deus ipse non donat.*

Ad 2. & eius confirmationem eodem
 modo respondetur.

Ad 3. idem est respondendum. D. Basi-
 lius *Euentum* appellat, quem S. Paulus 1.
 ad Corinth. 10. v. 13. apud nostrum inter-
 prætem vulgatum *Prouentum*. per quem
 Glossa interlinearis ibi intelligit *Augmen-
 tum virtutis*, & verbis, quæ subdit Apосто-
 lus *ut possitis sustinere*, addit *Perscueranter*.
 Et rectè: nam verbum Græcum (ita susti-
 nere) significat, vt supersint adhuc vires
 ad plus aliquid sustinendum. Et vt non-
 nulli adnotarunt, verba illa non significant
 causam finalem, sed expositionem con-
 tinent præcedentis vocabuli *Prouentum*.
 Quasi dicat, faciet prouentum per hoc,
 quod vires dabit efficaces ad sustinendum
 vsque in finem D. Chrysosth. etiam de vi-
 ctoria tentationum cum prouentu loquit-
 tur: vnde ibidem subdit: *Quare, vt certo
 cognoscas, non solum illas, quæ virtutem no-
 stram exuperant non posse nos sine diuino auxilio
 facile sustinere, sed ne has quidē humanas ad-
 dit: sed faciet cum tentatione, & prouentu,
 ut possitis sustinere &c. ipse namque patientiā
 dat, & caliditatem mutationis inducit, ut in*
 hac

hac parte tollerabilior fiat tentatio Sunt etiam qui dicunt. Chrysoſth. non bene adduci pro oppoſita ſententia, quia non dixit abſolute nullam tentationem vinci poſſe, ſed non poſſe facile vinci. Proſper etiam de tribulationibus grauioribus loquitur. qualis fuit tribulatio Iob. Vel de victoria leuiorum cum prouentu. De eiſdem loquuntur D. Aug. & alij Sancti Patres.

Ad 4. Respondetur negando conſequentiam, vtriuſque rationis: nam etiam petimus in oratione, quę per cauſas naturales, & naturaliter nobis conceduntur, vt pluuiam, & ſanitatē, & pro illis gratias agimus, Quoties etiam Sancti docent poſtulandam eſſe victoriam tentationum, loquuntur de victoria cum prouentu. Vide quę diximus art. 2. dub. 1. ad 3.

Dub. 2. An homo exiſtens in peccato mortali poſſit diu noua peccata vitare ſaltem contra præcepta naturalia.

Partem affirmantem tenent Durandus in 2. diſt. 28. q. 3. & alij. Probantq. 1. Homo in ſtatu naturę integrę poterat naturaliter omnia peccata contra præcepta naturalia vitare: ſed quę pertinent ad naturam, per peccatum non amittuntur, licet forte habilitas minuatur; ergo idem poterit homo in peccato mortali exiſtens. Confirmatur; nam alias talis homo neceſ-

300 QVÆSTIO CIX.

fario incidere in noua peccata, utpote non habens potentiam ad non peccandū: sed hoc est falsum, nam quod est necessarium imputari nequit ad peccatum; ergo &c.

Secundò, homo sine gratia potest seruare omnia præcepta naturalia diuini, & in particulari: sed vnum ex præceptis naturalibus est non peccandi contra legem naturæ, nam lex naturalis dicitur malum esse fugiendum: ergo potest seruare hoc præceptum, ac proinde non peccare.

Tertio, quia sequeretur posse hominem certo scire se esse in gratia: consequens est falsum; ergo &c. Sequela probatur: homo experientia potest scire se multo tempore abstinuisse à peccato; ergo si id non potest facere, nisi qui est in gratia, posset scire se esse in gratia.

Quarto, quia etiam sequeretur peccatorem statim teneri ad agendam poenitentiam: consequens est falsum; ergo &c. Sequela probatur: si non statim agit poenitentiam exponit se periculo evidenti incidendi in alia peccata: ergo tenetur hoc periculum vitare agendo poenitentiam, nam qui amat periculum, peribit in illo.

Dicendum tamen est: Hominem in peccato mortali existentem non posse diuina peccata etiam contra præcepta naturalia vitare. Docet hoc expresse D. Th. hic, & probat auctoritate D. Greg. super Ezechielem dicentis: *Quod peccatum*

quod

quod mox per pœnitentiam non deletur, suo pondere ad aliud trahit. Quæ verba formalia apud D. Greg. licet non repererim, hæc æquiualentia inueni Homil. 17. in Ezechielem: Peccatum quod per pœnitentiam citius nõ deletur, aut peccatum est, aut causa peccati, &c. Si citius pœniteudo non tergitur, iusto iudicio omnipotens Deus obligatam peccatis mentem etiam in culpam alteram permittit cadere. Ex quo patet peccatum pœnitentia non deletum ad aliud tanquam ad pœnam trahere. Cumque reatus pœnæ maneat etiã actu transacto, meretur enim peccator, & dignus est, vt Deus in pœnam peccati præcedentis, quod manet reatu, auferat auxilia efficacia, & permittat incidere in alia peccata; non solum loquitur D. Gregor. de peccato in actu, aut cuius affectus, & amor adhuc perseuerat, sed etiam de peccato habituali.

Secundò probat ratione, quæ ad hanc formam reduci potest: vt homo possit vitare omnia peccata mortalia, necessum est, vt habeat cor suum firmatum in Deo, ita vt pro nullo bono consequendo, vel malo vitando ab eo separari velit: sed qui est in peccato mortali, non habet cor suum hoc modo firmatum in Deo, sed ab eo potius auersum, & conuersum ad creaturam tanquam ad vltimum finem; ergo non potest vitare omnia mortalia. Maior probatur: tum à simili; sicut enim inferior appetitu non totaliter subiecto rationi nõ potest esse quin contingant inordinati mo-

tus in appetitu sensitivo : ita etiam ratione hominis non totaliter subiecta Deo, & in eo firmata, consequens est, vt contingant multæ inordinationes in ipsis actibus rationis. Tum etiam, quia cum multa occurrant in hac vita, mala scilicet quæ formidamus, & bona delectabilia ad quæ allicimur, nisi homo habeat cor suum firmatum in Deo recedit ab eo propter consequenda bona, vel mala vitanda contemnendo præcepta ipsius, & ita peccat mortaliter. Tum denique, quia in repentinis homo operatur secundum finem præconceptum, & secundum habitum præexistentem, vt dicit Philosophus 3. Ethic. c. 8. ergo qui non habet cor suum firmatum in Deo, sed ab eo auersum, & ad bonum commutabile conuersum, eliget quod est consonum fini quem habet : nam mens communiter eligit illud, ad quod magis inclinatur, nisi per discursum, & præmeditationem rationis ab illo fine abducatur per contrariam sollicitudinem; hanc vero sollicitudinē habere regulariter est impossibile, & non potest homo semper esse in tali præmeditatione, Sicque non potest contingere, vt diu permaneat, quin operetur secundum consequentiam voluntatis deordinate à Deo, nisi cito per gratiam ad debitum ordinem reparetur. Vide D. Th. quæst. 14. de Verit. ar. 12. & quæ diximus hic art. 4. dub. 2.

Ad 1. verò respondetur distinguendo minorem : si sit sermo de his quæ pertinent
ad

ARTICVLVS VIII. 303

ad naturam tãquam principia naturæ, aut eius proprietates, concedo minorem : Si verò etiam comprehendatur vigor, quem habet natura ex coniunctione ad iustitiã originalem, vel gratiam, à quo habet natura esse integram vt patet ex dictis art. 2. nego minorem. Ad confirmationem respondetur cum D. Th. & Caiet. hic ad 1. hominem in peccato mortali existentem posse vitare singulos actus peccati, & necessitatem incidendi in noua peccata non esse absolutam, sed ex suppositione; supposito namque statu peccati mortalis, necessarium est hominem incidere in noua peccata: quod tamen in tali statu perseueret, & extra gratiam, quæ confert potentiam proximam ad vitanda peccata, voluntarium est homini, & eius culpa est: unde *A peccato non excusatur, quod sine gratiã peccatum vitare non potest* inquit D. Thom.

Ad 2. respondetur: non esse vnum præceptum non peccandi, sed hoc collectione omnium præceptorum præcipi, & impletionem omnium præceptorum impleri.

Ad 3. Respondetur negando sequelam. Ad probationem negandum est, certitudine infallibili posse hominem seclusa diuina reuelatione cognoscere, se vitasse omnia peccata diu aut multo tempore: nam vt dicitur Psal. 18. v. 13. *Delicta quis intelligit?* Licet enim peccata transgressionis facilius cognoscuntur; omissionis tamen difficile cognoscuntur, vt ibi docet D. Th.

Ad 4. respondetur negando sequelam.

Ad

Ad probationem dico, cum possit peccator singula peccata vitare, illud periculum esse remotum; solum autem est speciale peccatum, nō vitare periculum peccandi, quando proximē, & directē incurritur peccati occasio.

Dubium 3. An homo iustus possit vitare omnia peccata venialia.

Pars affirmans probatur 1. Posse enim significat Scriptura Sacra Tobia 4. v. 23. *Multa bona habebimus si timuerimus Deū & recesserimus ab omni peccato.* Psal. 118. v. 1. *Beati immaculati in via.* Matth. 5. v. 48. *Estote perfecti, sicut & Pater vester perfectus est.* Ad Coloss. 2. v. 15. *Vt sitis sine querela.* Et 1. Ioan. 3. v. 9. *Omnis qui natus est ex Deo peccatum non facit.* Immo, & de facto aliquos vitasse inuuit eadem scriptura Gen. 6. v. 9. *Noe vir iustus atque perfectus fuit.* Gen. 17. v. 1. *dixit Dominus Abraham: Ambula coram me, & esto perfectus.* Job. 27. v. 6. *ait: Neque enim reprehendit me cor meū in omni vita mea.* Et Luca 1. v. 6. dicitur de Zacharia, & Elisabeth. *Erant autem iusti ambo ante Deum incedentes in omnibus mandatis, & iustificationibus Domini sine querela.* De quorum filio Ioanne Baptista canit Ecclesia: *Ne leui saltem maculare vitam fame posses.*

Secundō, in Concil. Arausic. 2. can. vlt. sic dicitur: *Hoc etiam secundum fidem catho-*

ARTICVLVS VIII. 305

licam credimus, quod accepta post baptismum gratia omnes baptizati Christo auxiliante, & cooperante, qui ad salutem pertinent, possint, & debeant si fideliter laborare veluerint adimplere. Sed vitare omnia peccata venialia ad salutem pertinet; ergo &c. Confirmatur: nam D. Hieron. dialogo 1. contra Pelagianos, & D. Aug. lib. 2. de Peccat. merit. & remis. cap. 6. docent hominem sine peccato esse posse in hac vita per Dei gratiam; ergo &c.

Tertio, si homo iustus adhuc cum gratia non posset vitare omnia peccata venialia, non peccaret; quia nullus peccat in eo quod vitare non potest: sed hoc est falsum; ergo &c. Si dicas, vt peccet sat esse vt possit vitare singula, & non requiri, vt possit vitare omnia, Contra: Homo iustus non solum tenetur vitare singula, sed etiam omnia collectivè, ergo cum nullus teneatur ad impossibile opus est, vt omnia peccata venialia collectivè vitare possit saltem cum auxilio gratiæ, quod Deus conferre sit paratus. Confirmatur: nam aliàs homo licetè posset dicere, nolo vitare omnia peccata venialia: licitum enim est dicere, nolo facere quod non possum: consequens est falsum; ergo &c.

Dicendum tamen est: Hominem iustū absque speciali privilegio non posse omnia peccata venialia vitare per totam vitam, aut longo tempore. Non est hic sermo de homine iusto in statu naturæ integræ: nam vt hic ait D. Thom. *Secundum statum natu-*

306 **QVÆSTIO CIX.**

ra integra, etiam sine gratia habituali potestas homo non peccare, nec mortaliter, nec venialiter. Sed de homine iusto post naturam lapsam, & corruptam peccato originali, sanatam tamen per gratiam habitualement, in hac vita secundum mentem, appetitum carnali nondum totaliter reparato. In quo quidem statu (inquit D. Th.) potest homo abstinere ab omni peccato mortali, quod in ratione consistit, non autem potest abstinere ab omni peccato veniali propter corruptionem inferioris appetitus sensualitatis, cuius motus singulos quidem ratio reprimere potest (& ex hoc habent rationem peccati, & voluntarij) non autem omnes: quia dum uni resistere nititur, fortassis alius insurgit, & etiam quia ratio non semper potest esse pervigil ad huiusmodi motus vitandos. Quibus verbis S. Doctor nostram conclusionem docet, & optimè probat.

Secundò probatur ex Concilijs in Millevitano enim 2. cap. 6. sic dicitur: Item placuit, quod ait S. Ioannes Apostolus, si dixerimus, quia peccatum non habemus, nos metipsos seducimus, & veritas in nobis non est: quisquis sic accipiendum putaverit, ut dicat, propter humilitatem oportere dici, nos habere peccatum, non quia vere ita est, anathema sit. Et cap. 7. & 8. idem dicitur de verbis illis orationis dominicę: Dimitte nobis debita nostra. Illa scilicet dicere sanctos, non solum pro alijs, sed etiam pro se ipsis, & non solum humiliter, sed etiam veraciter, probaturque cap. 7. Sanctus enim, & iustus erat Apostolus Iacobus, cum dicebat: in malis offendimus omnes.

ARTICVLVS VIII. 307

nes . Nam quare aditum est omnes , nisi ut ista sententia conueniret, & Psalmo ubi legitur: Non intres in iudicio cum seruo tuo , quia non iustificabitur in conspectu tuo omnis uiuens ? Et in oratione sapientissimi Salomonis : non est homo qui non peccet &c.

In Trid. etiam Concilio Sess. 6. c. 11. dicitur : Licet enim in hac mortali uita quantumuis sancti , & iusti in leuia saltem, & quotidiana , qua etiam venialia dicuntur peccata quandoque cadant , non propterea desinunt esse iusti : nam iustorum illa vox est , & humilis , & verax: Dimitte nobis debita nostra. Et can. 23. Si quis hominem semel iustificatum dixerit posse in tota uita peccata omnia etiam venialia vitare , nisi ex speciali priuilegio quodammodo de Beata Virgine tenet Ecclesia, anathema sit .

Priuilegiū hoc soli B. Virgini fuisse cōcessum docet D. Aug. lib. de Natura, & gratia c. 36. ubi cum plures sanctos, & sanctas cōmemorasset, & inter eos etiam Ioann. Baptistam inquit : Excepta itaque Sancta uirgine Maria, de qua propter honorem Domini nullam prorsus cum de peccatis agitur, habere uolo questionem &c. Si omnes illos Sanctos, & Sanctas cum hic uiuerent congregare possemus, & interrogare utrum essent sine peccato, quid fuisse responsuros putamus &c. Si hoc interrogari potuissent, una uoce clamassent: si dixerimus quia peccatum non habemus, nos ipsos seducimus, & ueritas in nobis non est. Quod adeo certum quidam existimant, ut de fide esse dicant, sicut & de fide est neminem excepta Virgine Maria præseruari ab ori:

originali peccato. Probantque ex eodem D. August. lib. 1. contra duas Epist. Pelag. cap. 14. sic scribente. *Sine peccato in hac vita neminem dixerim; quantalibet Pelagiani, quia hec dicimus, aduersum nos instentur, & dirumpantur insania, non quia peccati aliquid remaneat, quod in Baptismo non remittatur, sed quia in nobis in huius vita infirmitate manentibus quotidie fieri non quiescunt; qui fideliter orantibus, & misericorditer operantibus quotidie remittantur. Hec est fidei catholica sanitas, quam Sanctus ubique seminat Spiritus, non prauitatis haeretica vanitas, & praesumptio spiritus. Et lib. de bono perseverantie cap. 2. ubi tria esse inquit, quae maximè aduersus Pelagianos catholica defendit Ecclesia: Alterum est: in quantacumque iustitia sine qualibuscumque peccatis in hoc corruptibili corpore neminem vivere.*

Sed quia idem D. August. lib. de Spiritu, & littera cap. 2. dicit: *Non multum erratur, nec perniciosè, cum qualiam quisque benevolentia fallitur, afferens scilicet aliquem, vel aliquos sine ullo hic vixisse peccato, dummodo non patet hoc sine Dei adiutorio viribus naturæ fieri, ideò alij non ita certum esse existimant: dicunt tamen sine fundamento loquutos fuisse eos, quiasserunt, hoc priuilegium alijs sanctis fuisse concessum, ut Ioanni Baptistæ, & Ieremiæ.*

In quo autem huiusmodi priuilegium consistat colligitur ex D. Thom. 3. p. qu. 27. art. 3. ad 4. & q. 24. de Verit. art. 9. & in 3. d. 3. q. 1. art. 2. quæstiuncula 3. ad 1. nempe in

ARTICVLVS VIII. 309

tribus. In perfectione gratiæ, ablatione, vel ligatione fomitis, & extrinseca Dei manutenentia, & prouidentia speciali circa talem personam.

Dixi in conclofione, omnia peccata venialia, quod non solum intelligendum est de omnibus venialibus ex surreptione, aut imperfecta deliberatione, sed etiam de omnibus venialibus ex genere, & ex imperfectione materiæ. Licet enim non sit omnino improbabile, quod docent Conradus hic, & Durandus in 2. d. 28. q. 3. nu. 8. peccata omnia venialia ex genere, aut ex paruitate materiæ, quæ fiunt ex deliberatione posse hominem iustum vitare, sicut & peccata mortalia, quæ non nisi ex deliberatione fiunt, & sola peccata venialia propter imperfectionem actus esse, quæ omnia vitari nequeunt, quia ratio non potest semper esse peruigil ad reprimendos omnes motus sensualitatis: immo dum vnus reprimitur alter subito resurgit. Tamen probabilius est oppositum, nempe, nec etiam omnia venialia ex genere, aut ex materiæ leuitate posse hominem iustum vitare cum gratia, & aliis communibus auxilijs, absque speciali priuilegio. Tum quia Scriptura, Concilia, & Patres absolutè loquuntur de peccatis venialibus sine aliqua distinctione. Tum etiam quia quoque peccata venialia ex genere, & leuitate materiæ dicuntur quotidiana, quæ facile committuntur, & passim occurrunt viris iustis. Tum denique, quia maior vir-

310 **QVAESTIO CIX.**

tus requiritur ad vitanda omnia venialia simul, quam ad vitanda omnia mortalia; nam vt ait D. Tho. supra q. 73. art. 4. *Quanto aliqua virtus fuerit maior, tanto etiam minor peccata cohibet.* Ergo licet cum gratia possit iustus vitare omnia peccata mortalia, vt tamen possit vitare omnia venialia, maiori virtute opus est speciali scilicet auxilio, & priuilegio Dei. Negandum tamen non est, concessum fuisse nonnullis sanctis speciale donum, & priuilegium vitandi peccata venialia, non quidem absolute, & circa omnem materiam, sicut B. Virgini, sed circa vnam, aut alteram determinatam materiam. Hoc concessum fuisse nostro Angelico Doctore significat Ecclesia de eo canens: *O munus Dei gratia vincens quoduis miraculum, pestifera superbia nunquam persensit stimulum.* Et de eodem dicens: *Per quietem sentire visus est sibi ab Angelis costringi lumbos, quo ex tempore, omni postea libidinis sensu caruit.*

Dixi etiam, per totam vitam, aut longo tempore: nam per aliquod breue tempus optime potest homo esse absq. omni peccato veniali eiusque macula. Vnde illud 1. Ioan. 1. *Si dixerimus peccatum non habemus, &c.* Inquit D. Thom. 3. p. q. 79. art. 4. ad 2. *Non est intelligendum quin aliqua hora possit homo esse absque omni reatu peccati venialis, sed quia vitam istam Sancti non ducunt sine peccatis venialibus.* Patet etiam, alias enim nullus iustus adultus posset immediate post mortem migrare in Caelum, quia

ARTICVLVS VIII. 311

quin detineretur in Purgatorio : consequens est falsum ; ergo, &c. Vide *D. Hieron. lib. 3. Dialog. aduersus Pelagianos circa principium*.

Ad 1. verò respondetur : locis illis significari quidem, posse vitari ab homine iusto omnia peccata venialia diuisiuè ; non tamen collectiuè. Præterea loca illa explicari solent cum *D. Aug. lib. de Perfectione iustitiæ de peccatis mortalibus, quæ perfectioni in hac vita possibili repugnant, nam venialia licet repugnent perfectioni patriæ, non tamen viæ, ut ait D. Thom. 2. 2. qu. 24. art. 8. ad 2.* Quod verò de Ioanne Baptista canit Ecclesia non conuincit liberam fuisse a peccatis omnibus venialibus, sed ea intentione desertum petiisse ; Sancti enim omnia peccata cauere conantur, aliqua tamen ob fragilitatem incurrunt. Vel est intelligendum de peccatis venialibus in aliqua certa, & determinata materia, qualia sunt verba ociosa, & mendacia iocosa, & alia huiusmodi, quæ in ciuitatibus frequentius committuntur.

Ad 2. respondetur : Possè quidem baptizatos, & debere adimplere, quæ ad salutem pertinent Christo auxiliante : cum autem Christus solum conferat auxilium omnibus ad vitanda singula peccata venialia, non verò ad vitanda omnia collectiuè, singula, vel omnia diuisim possunt vitare omnes, non tamen omnia collectiuè, sed soli illi, quibus hoc speciali priuilegio conceditur. Ad confirmationem respondetur : Sanctos

Etos illos intelligendos esse, posse hominem per Dei gratiam esse in hac vita absque vlllo peccato ad tempus, non tamen semper: vnde D. Hieron Dialogo 3. post medium ait: *Hoc est quod tibi in principio dixeram, in nostra esse possum potestate, vel peccare, vel non peccare: sed hoc pro modo, & tempore, & conditione fragilitatis humane; perpetuitatem autem impeccantia soli reseruari Deo, & ei, qui verbum caro factus carnis detrimenta, & peccata non pertulit. Neque quia ad breue possum, coges me, vt possim iugiter. Vel per Dei gratiam, non eam intelligunt, quæ communiter datur omnibus iustis, sed speciale priuilegium: vnde D. August. qui capit. illo 6 concedit hominem posse per Dei gratiam esse sine peccato, cap. 7. sequenti negat esse vllum hominem sine illo, quia scilicet nullus, B. Virgine excepta, habuit tale priuilegium.*

Ad 3. respondetur optimam esse solutionem in eo assignatam, quæ sumpta est ex D. Thom. hic. Ad eius impugnationem, omiſſis aliis, communis solutio est: vt peccata venialia imputetur hominibus iustis, non opus esse, vt Deus det, aut paratus sit dare auxilium sufficiens ad vitanda omnia collectiue, sed satis esse, vt det auxilium ad vitanda omnia diuisiue, & seorsum: nam peccata semper se offerunt vitanda diuisiue, & seorsum, ac in particulari, non omnia simul: Vnde sicut D. Th. 3, Contra gentes cap. 160. dicit: *Licet ille, qui est in peccato non habeat hoc in propria potestate,*
quod

ARTICVLVS VIII. 313

quod omnino vitet peccatum, habet tamen nunc vitare hoc, vel illud peccatum: unde quodcumque committit, voluntarie committit; & ita non immerito ei imputatur ad culpam. Idem dicit hic, & supra q. 74. art. 3. ad 2. de peccatis venialibus, quæ homo in gratia existens committit. Et quamuis verum sit hominem iustum non solum teneri ad vitanda omnia collectivè, cum tenetur servare totam legem, quæ dicit collectionem omnium præceptorum; tamen non eodem modo tenetur ad vitanda omnia collectivè, quoad vitanda singula: nam singula tenetur vitare primo, & per se; omnia verò collectivè ex consequenti, & secundario, quia nullum est in particulari quod non teneatur vitare: sicut omnes creaturæ collectivè sumptæ sunt à Deo creatæ, quia quamuis divisivè eas creaverit, nulla tamen est, quæ non sit à Deo creata. Licet autem id ad quod primo, & per se obligatur homo, debeat esse moraliter possibile; id tamen ad quod secundario ex consequenti, & per accidens, seu ratione alterius obligatur, non opus est, ut sit hoc modo possibile; diximus enim supra q. 19. art. 4. dub. 2. hominem ratione conscientie erroneæ posse obligari per accidens ad opposita, quæ simul operari est impossibile. Vel si renuis concedere hominem obligari ad impossibile etiam secundario, & per accidens, dic: omnia obligari ad vitanda omnia peccata collectivè, non ut sic sumpta secundum se, sed ratione singulorum,

O i

& hoc

& hoc modo etiam esse possibile illa vitare,
 quia posse vitare omnia ratione singulari
 non est aliud, quam posse vitare singula,
 sicut Deum creasse omnes creaturas col-
 lectiue ratione singularum, non est aliud
 quam creasse singulas. Ad confirmatio-
 nem respondetur negando sequelam: nam
 ille actus, nolo vitare omnia peccata venia-
 lia collectiue, includit etiam nolitionem
 vitandi aliqua, cum non possint non

vitari omnia, quin non vitentur

aliqua. Præterea non est

licitum velle omnia

que vitare non

possumus; nam

non possumus

mus

vitare peccatum Antichristi,

& tamen non est lici-

tum velle, vt An-

tichristus pec-

cet



313

ARTICVLVS IX.

Vtrum ille, qui consequutus est gratiam, per se ipsum possit operari bonum, & vitare peccatum absque auxilio gratiæ.

Conclusio est negans.

Dubium. *An homo in gratia existens utroque auxilio, generali scilicet & speciali indigeat ad quodcumque bonum operandum, & quodcumque peccatum vitandum.*

Variæ sunt de hac re Doctorum sententiæ. Prima affirmat ad quodcumque opus etiam naturale moraliter bonum, & quodcumque peccatum vitandum indigere iustum auxilio gratiæ speciali. Quæ sententia præter argumenta adducta art. 2. dub. 1. probatur 1. ex D. Aug. lib. de Natura & gratia cap. 26. afferente: *Sicut oculus corporis plenissime sanus nisi candore lucis adiutus, non potest cernere. sic, & homo perfectissime etiam iustificatus nisi æterna luce iustitiæ diuinitus adiuuetur: rectè non potest vivere.* Sed be-

316 QVAESTIO CIX.

nè moraliter operari, est rectè viuere ; ergo, &c.

Secundò D.Thom. hic docet iustum indigere auxilio speciali ad operandum bonum, & vitandum peccatum, *Propter conditionem status humanae naturae, quae quidem licet per gratiam sanctur quantum ad mentem, remanet tamen in ea corruptio, & infectio quantum ad carnem &c.* Et propter hoc etiam re. natis in filios Dei per gratiam conuenit dicere. *Et ne nos inducas in tentationem.* Sed hæc ratio etiam probat necessitatem auxilii specialis ad singula bona opera, & singula peccata vitanda ; ergo, &c.

Secunda sententia auserit, iustum indigere auxilio speciali ad singula bona opera : non quidem moraliter bona secundum se, nam si aliqua potest homo lapsus efficere sine tali auxilio, vt probatum est artic. 2. dub. 1. multo magis poterit iustus ; sed quatenus sunt meritoria, & ad singula opera supernaturalia. Probatur 1. auctoritate Coelestini 1. Epist. ad Episcopos Gallicæ cap. 7. ubi hanc diffinitionem : *Omnia studia, & merita Sanctorum in Dei gratiam referenda sunt.* Probat alia diffinitione Zozimi illis verbis : *Preparatur animæ voluntas à Domino, & vt boni quicquam agant, paternis inspirationibus suorum ipse tangit corda seruorum.* Et cap. 8. diffiniens iterum omne opus pium, & omnem sanctam cogitationem ex Dei gratia esse, adducit alia eiusdem Zozimi verba : *Quod tempus est, in quo eius non indigemus auxilio? in omnibus igitur*

igitur causis, moribus, actione &c. adiutor & protector implorandus est, quia non est nobis colluctatio aduersus carnem, & sanguinem &c. Sed hæc iustificatos etiam comprehendunt; ergo, &c.

Secundò, auctoritate Innocentij 1. Epist. 1. vbi dicit: *Licet David sanctus, & iustus esset, adiutorem sibi Deum, & assilum adiutorem inuocat, nec illi sufficit inuocare assilum, sed ne quando illum deserat, orationibus pronus exoptat.*

Tertiò, ex Concil. Arausic. cap. vlt. dicente: *Hoc etiam confitemur baptizatos, quæ ad salutem pertinent posse, & debere implere, Christo tamen auxiliante, & cooperante.*

Quartò, ex Concil. Trid. Sess. 6. cap. 16. vbi dicit: *Christus Iesus tanquam caput in membra in ipsos iustificatos virentem ingiter insluit, quæ omnia bona opera antecedit, comitatur, & subsequitur, & sine qua nullo modo illi gratia, & meritoria esse possunt.*

Quintò, ex D. Aug lib de Gratia, & lib. arbit. cap. 6. vbi ait: *David dicens, adiutor meus esto ne derelinquas me, ostendit, quia si derelictus fuerit, nihil valet ipse per se. Et lib. de Correp. & Gratia cap. 1. Nec ita, ut cum quis fuerit à peccato liberatus, iam non indigeat sui liberatoris auxilio, sed audiens à Domino, siue me nihil potestis facere, dicat, & ipse, adiutor meus &c.*

Sextò, ratione: Ad singula opera meritoria indiget homo iustus excitari à Deo per Sanctam cogitationem, iuxta illud, *Non quod sufficientes simus cogitare &c. Et*

go cum hoc modo excitari non sit illi debitum, gratia est actualis specialis auxilii. Confirmatur: vt opus hominis iusti sit meritorium non sufficit esse bonum ex obiecto, & circumstantiis, sed requiritur, vt sit ordinis supernaturalis, vel ad minus referatur aliquo modo in finem supernaturalem: sed ita hominem excitari, aut cogitatione præueniri, vt ex illa faciat opus supernaturale, vel relatum in finem supernaturalem, cum non sit debitum homini, est gratia specialis auxilii; ergo ad singula opera meritoria indiget homo iustus speciali auxilio.

Tertia sententia est: hominem iustum nõ indigere speciali auxilio non solum ad singula bona opera, sed nec ad omnia, gratiamque iustificantem cum auxilio generali sufficere, vt homo perseveret per longum tempus vitando omnia peccata, & operando omnia opera virtutis, quæ sunt in præcepto. Probant 1. nam D. Tho. hic art. 4. ait: *In statu natura corrupta non potest homo implere omnia mandata diuina sine gratia sanante*. Indicans cum illa posse omnia implere. Et art. 8 loquens de statu hominis existentis in gratia sanante naturam inquit: *In quo quidem statu potest homo abstinere ab omni peccato mortali*. Et in 3. dist. 31. q. 1. art. 3 ostendit minimam charitatem sufficere ad resistendum omnibus tentationibus. Et 3. part. quæst. 62. artic. 6. ad 3. ait: *Minima gratia potest resistere cuiuslibet concupiscentiæ, & mereri vitam æternam*. Cur ergo

ergo ipsa gratia, & charitas cum auxilio generali non erit sufficiens, vt homo perseueret per longum tempus vitando omnia peccata, & operando omnia opera virtutis, quæ sunt in præcepto?

Secundò, homo in statu naturæ integræ cum sola gratia, & auxilio generali posset per multum tempus seruare omnia mandata, & vitare omnia peccata, vt colligitur ex D. Aug. lib. 14. de Ciuit. Dei cap. 10. & lib. de Bono perseuerantiæ cap. 7. Et libro de Correp. & gratia cap. 11. & ex D. Anselmo lib. de casu diaboli cap. 2. & 3. & 4. ergo etiam nunc. Probatur consequentia, nam gratia, quæ nunc confertur iustis per Christum est maioris efficacis, quam gratia collata Adæ in statu innocenti, iuxta illud ad Rom. 5. v. 21. *Vbi abundauit delictum, superabundauit, & gratia*.

Tertiò, peccator cum solo auxilio generali potest per aliquod breue tempus cauere peccata, & facere, bona opera; ergo iustus cum gratia, & auxilio generali plus aliquid poterit, nempe per multum tempus id præstare.

Dicendum tamen est: hominem in gratia existentem cum solo auxilio generali posse efficere aliquod bonum opus non solum naturale, sed etiam ordinis supernaturalis; & vitare aliquod peccatum, & vincere aliquam tentationem circa obiectum supernaturale, vel ex motiuo supernaturali, vt tamen id præstare, & in hoc perseuerare possit per multum tempus.

indigere auxilio speciali. Pro huius explicatione aduerte, auxilium generale eff. duplex, naturale scilicet, & supernaturale; sicut enim datur auxilium vniuersale omnibus operantibus opera naturalia: ita datur auxilium vniuersale omnibus operantibus opera supernaturalia. Prima ergo pars conclusionis non est intelligenda de auxilio generali ordinis naturalis: nam licet cum illo possit iustus efficere bonum aliquod morale naturale, non minus, quam homo lapsus; non tamen bonum opus supernaturale, quales sunt actus fidei, spei, & charitatis: sed de auxilio generali ordinis supernaturalis.

Probatur i. ex Concil. Milleuit. 2. can. 3. ubi sic dicitur: *Quicumque dixerit gratiam Dei, in qua iustificamur per Iesum Christum Dominum nostrum ad solam remissionem peccatorum valere, quæ commissa sunt, non etiam ad aliud, anathema sit.* At non valeret ad id, si cum solo auxilio generali ordinis supernaturalis non sufficeret ad aliquod bonum opus supernaturale, quod est in præcepto, ideo enim natura ad id non valet, quia illi auxilium speciale superaddendum est; ergo, &c.

Secundò probatur ex D. Tho. hic enim non ad quodcumque bonum opus etiam meritorium vitæ æternæ, aut supernaturale docet requiri auxilium speciale, sed ad rectè viuendum, quod non significat vnũ, aut alterum bonum opus efficere, sed plura, & per multum tempus, ad idque tale auxi-

ARTICVLVS IX. 321

auxilium speciale requiri ait. Propter conditionem status humanæ naturæ, quæ quidem licet per gratiam sanetur quantum ad mentem, remanet tamen in ea corruptio, & infectio quantum ad carnem. Sed hæc infectio, & corruptio non obstat, vt vnum, aut alterum bonum opus meritorium, aut supernaturale efficiatur; sicut nec obstat in peccatore, cuius natura, nec etiam quantum ad mentem sanata est, vt vnum, aut alterum bonum morale efficiat; ergo, &c. Confirmatur: indigentia specialis auxilij provenit ab impedimentis, & tentationum impugnatione; non enim desunt iusto principia intrinseca sufficientia ex se ad omnem bonam operationem: sed hæc ratio non probat impossibilem esse quemcumque actum singularem, sed solum perseverantiam, & frequentiam actuum; ergo, &c.

Tertiò probatur: Non sunt minoris efficacię gratia iustificans, & principia habitualia, quæ cum ea infunduntur, ad supernaturales actiones, quam sit natura, & naturales potentie ad operationes naturales sed natura etiam corrupta potest aliquod opus bonum morale efficere absque gratiæ auxilio speciali; ergo & gratia, & charitatis cum solo auxilio generali supernaturali poterit aliquod opus supernaturale efficere.

Secunda pars conclusionis probatur primo ex D. Tho. hic, vbi ad rectè viuendum quod in bonis operibus diu perdurare requirit, docet, hominem præter gratiam,

habitualement indigere alio auxilio gratiæ, scilicet actuali propter duo : *Primo quidem ratione generali, &c. Secundo ratione speciali.* Quod est dicere : indigere duplici auxilio actuali, nempe generali, & speciali : generali quidem ad operandum, quia nulla res creata potest in quemcumque actum prodire, nisi virtute motionis diuinę, speciali verò ad diu, multumque tempus in bonis operationibus permanendum : quia ob corruptionem, & infectionem, quæ remanet in natura humana quantum ad carnem, & ob ignorantie obscuritatem, quæ remanet in intellectu, necesse est nobis, vt à Deo, qui omnia nouit, & potest, dirigamur, & protegatur, vt diu eius voluntatem faciamus, & tentationes superemus.

Secundò probatur auctoritate D. Aug. hic in argum. *Sed contra*, adducta a D. Th. & lib. de Ecclesiasticis dogmatibus cap. 24. vbi ait : *Neminem, etiam baptismatis gratia renouatum, idoneum esse ad superandas diaboli insidias, & ad vincendas carnis concupiscentias, nisi per quotidianum adiutorium Dei perseuerantiam bonæ conuersationis acceperit.* Quæ est etiam sententia Cœlestini Papæ Epist. ad Episcopos Galliæ cap. 6. Perseuerantiæ autem nomine non solum eam, quæ est vsque ad finem intelligit, sed etiam qua quis multum tempus in bona conuersatione perseuerat, etiam si post annos decem verbi gratia, aut plures ab ea labatur, & peccet mortaliter : hanc enim etiam posse dici perseuerantiam tanquam temporis sui

ſui docet idem D. Aug. lib. de Bono perfeuerantię cap. 1.

Tertio probatur ex illo Ioann. 17. v. 11. *Pater Sancte ſerua eos in nomine tuo.* Quod D. Chryſoſth. ibi hom. 80. explicat: *Hoc eſt auxilio, quo ſcilicet indigent, vt in bono permaneant, non ſolum vſque in finem, ſed etiam diu: Vnde ſubdit: Cum eſſem cum eis ego ſeruabam eos in nomine tuo.* Quod de auxilio ad diu in bono permanendum intelligendum eſſe conuincit Iudę perditio, qui vt ait D. Cyrillus lib. 11. in Ioan cap. 21. *Non minus, quam ceteri diuina gratia regebatur.* Vt ſcilicet permaneret in bono toto tempore quo permaſit, licet vſque ad finem non perfeuerauerit: *Atqui non ille tantum perditus eſt, ſed multi poſtmodum,* ait D. Chryſoſt. loco citato, quos quidem Pater ſuo auxilio ſeruauit ad tempus, non vſque ad finem.

Si quæras autem, an Deus ſit paratus dare hoc auxilium ſpeciale iuſtis, vt per longum tempus vitent peccatum, & tentationes viuant, & bonum operentur, ſicque rectè viuant? Reſpondetur: paratum eſſe, Chriſtus enim hortatur hoc auxilium petere, & orare, *Ne nos inducas in tentationem.* Hoc autem paratum eſſe, & velle, illud dare conuincit: nam vt ait D. Auguſt. ſerm. 29. de Verbis Domini: *Non vtrique nos tantum hortaretur, vt peteremus, niſi dare vellet.* Sed hoc ex his quæ dicemus ardu. ſeq. de dono perfeuerantię amplius patebit.

Ad argumenta autē primæ sententiæ respond. Ad 1. rectè viuere, non significare semel, aut bis bene moraliter operari, sed in hoc per multum tempus perdurare. Vnde D. August. loco citato in argumento præmiserat: *Ipse Deus cum iustificat impium, non deserit, si non deseratur, ut piè semperque in se uiuatur.*

Ad 2. Auctores secundæ sententiæ respondent, D. Thom. non loqui de operibus bonis moralibus, sed de solis operibus supernaturalis ordinis; Tum quia superflue quæreret, an necessaria sit gratia ad hæc opera homini iusto, cum iam determinasset, posse effici sine gratia à peccatore. Tum etiam, nam ait: *Homo ad rectè viuendum dupliciter auxilio indiget: uno modo, quantum ad aliquod habituale donum, per quod natura humana corrupta sanetur, & etiam sanata eleuetur ad operanda opera meritoria, vires auctiores, quæ excedunt proportionem nature.* Sed quia rectè viuere non solum est operari bona opera supernaturalia, sed etiam moralia, quæ licet in homine iusto meritoria sint, considerari possunt dupliciter nempe secundum se, & quatenus meritoria sunt. Respondetur: de vtriusque operibus fuisse loquantur D. Thom. non quidem de vno, aut altero, sed de pluribus, & perseverantia in illis, non vsque in finem, nam de hoc agitur art. seq. sed per multum tempus, nam hoc significat rectè viuere.

Ad argumenta secundæ sententiæ respondetur. Ad 1. verba illa non esse contra

ARTICVLVS IX. 325

nos, nam auxilium generale supernaturale gratia Dei est, qua voluntas à Domino præparatur, & qua Deus tangit corda sanctorum: Et quamuis tale auxilium in ordine supernaturali generale sit: respectu tamen auxilij naturalis speciale est. Quomodo autem orandus sit Deus pro eis, quæ cum solo auxilio generali etiam naturali haberi possunt, explicuimus supra art. 2. dub. 1. ad 3. Et quamuis ibi esset sermo de auxilio speciali, etiam in ordine supernaturali, non vrgent verba illa de singulis bonis, sed de omnibus.

Ad 2. & 3. & 4. & 5. auctoritatem eodem modo quo ad 1. respondetur.

Ad 6. respondetur negando consequentiam: nam licet illa excitatio, & auxilium supernaturale prædeterminans non sit debitum naturæ secundum se; est tamen debitum homini eleuato per gratiam, & virtutes infusas, quæ sunt principia actionum supernaturalium, non minus quam auxilium naturale prædeterminans est debitum principijs, & causis naturalibus ad actiones naturales, vt explicuimus ar. 2. dub. 1. ratione 4. probationis 5. Ad confirmationem eodem modo respondetur.

Ad argumenta tertie sententiæ respondetur: *Diu. Thom.* in illis locis loqui de gratia, & charitate secundum se, & ex natura sua, qua ratione inamissibilem esse dicit 2. 2. q. 24. art. 11. cum quo tamen stat, vt ex parte subiecti propter infirmitatem naturæ, & varias tentationes insurgen-

gentes indigeat homo iustus auxilio speciali ad perseverandum in observatione mandatorum, & vitatione peccatorum, Quod auxilium, vt docet Caiet. ar. seq. ad finem, non est necessarium iustis, vt possint, nam omnibus, quibus datur gratia, datur, vt possint bene operari, & resistere tentationibus, & perseverare, sed vt operentur, & utantur potentia, quam habent per gratiam, quando oportet: aliud est enim auxilium, quo possumus, aliud verò quo de facto operemur.

Ad 2. quidam negant antecedens. Sed illo concesso respondetur negando consequentiam. Ad probationem dico, hoc non prouenire ex inefficacia gratiæ, sed ex conditione status: nam vt ait Diu. Thom. q. 27: de Verit. art. 5. ad 3. *Quantumcumque homo habeat habitum gratia, semper tamen indiget diuina operatione, &c. Et hoc propter infirmitatem nostra natura, & multitudinem impedimentorum, qua quidem non erant in statu natura condita: unde magis tunc poterat homo stare per se ipsum, quam nunc possint habentes gratiam, non quidem propter defectum gratia, sed propter infirmitatem natura.*

Ad 3. respondetur negando consequentiam; nam licet per gratiam sanetur natura quantum ad mentem: remanet tamen corruptio, & infectio in ea quantum ad carnem. & ignorantie obscuritas in intellectu, ob quas indiget speciali auxilio ad diu bene operandum, & vitandum peccata, vt hic docet D. Thom. Vel dic: iustum

ARTICVLVS X. 327

stum cum gratia potentiam habere ad hoc; auxilium autem speciale requiritur, non vt possit, sed vt de facto perseueret,

ARTICVLVS X.

*Vtrum homo in gratia constitutus
indigeat auxilio gratia ad
perseuerandum.*

Conclusio est affirmans.

Oppositum huius tenuit Pelagius, tenentque hæretici recentiores. Cōtra Pelagium diffinitur in Concil. Arausic. 2. cap. 10. *Adiutorium Dei etiam renatis, ac sanctis semper est implorandum, ut ad finem bonum peruenire, vel in bono possint opere perdurare.* Contra hereticos nostri temporis dicitur in Concil. Trid. Sess. 6. canon 22. *Si quis dixerit iustificatum, vel sine speciali auxilio Dei in accepta iustitia perseuerare posse, vel cum eo non posse, anathema sit.* Ex quibus patet conclusionem articuli certam esse secundum fidem. Quam multis Sacre Scripturæ testimonijs probant D. Thom. 3. Contra gentes cap. 155. D. Aug. lib. de Bono perseuerantiæ, & lib. de Gratia, & lib. arb. cap. 6. & lib. de Corrept. & gratia cap. 8. & alij Sancti Patres.

Dubium. An donum perseverantia sit auxilium distinctum ab eo, quod requiritur ad permanendum in bono per multum tempus, & à dono confirmationis in gratia.

Pars negans probatur i. D. Thom. hic ita habet; *Dicitur perseverantia continuatio quadam boni usque ad finem vite. Et ad talem perseverantiam habendam homo in gratia constitutus non quidem indiget aliqua alia habituali gratia, sed divino auxilio ipsum dirigente, & protegente contra tentationum impulsus, sicut ex precedenti questione apparet.* Ergo cum art. præced. ad quem se refert, egerit de auxilio, quod requiritur ad permanendum in bono per multum tempus, sentit illud idem esse cum hoc, quod requiritur ad continuationem boni usque ad finem vitæ.

Secundò, difficilius est perseverare in bono per longum tempus, quam usque ad finem vitæ, nam potest contingere, ut quis post iustificationem statim moriatur sine tentationibus, & periculis; ergo qui potest perseverare in bono per multum tempus, etiam poterit perseverare usque ad finem vitæ, sicq. ad hoc non erit necessarium auxilium distinctum, & specialius eo, quod requiritur ad primum. Confirmatur: Qui habet auxilium perseverandi in gratia per decem annos verbi gratia, potest

potest in dimidio talium annorum dormiens occidi: ergo, & perseverare in gratia usque ad finem vitæ absque alio auxilio specialiori.

Tertiò, donum perseverantiæ nihil habet, quo à dono confirmationis in gratia distinguatur, utrumque enim dicit continuationem boni usque ad finem vitæ: ergo non est ab illo distinctum.

Dicendum tamen est: Donum perseverantiæ usque in finem auxilium esse speciale distinctum ab eo, quod requiritur ad diu permanendum in bono, de quo articulo præced. egimus, & à dono confirmationis in gratia. Auxilium dicitur, quia non est aliqua gratia habitualis, sed actualis gratia, vel actuale auxilium speciale, cui nomen doni convenit, qui omnino liberaliter, & gratis donatur a Deo. Quod auxilium datur, ut homo actu, & de facto, ac in exercitio perseveret: nam ut cum D. August. ait D. Thom. hic ad 3. *Homo in primo statu accepit donum, per quod perseverare posset non autem accepit, ut perseveraret. Nunc autem per gratiam Christi multi accipiunt, & donum gratia, quo perseverare possunt & ulterius eis datur, quod perseverent.* Que doctrina contraria non est verbis citatis ex Concil. Arausico & Trid. in quibus dicitur auxilium, seu donum perseverantiæ implorandum esse sanctis, ut perseverare possint, & sine illo non posse perseverare: nam præter id, quod hic 9. *Ad hoc dicitur.* respondet Caietan. dico, verba Conciliorum

rum intelligenda esse in sensu composito, non est enim possibile, ut componantur carentia auxilij, vel doni perseuerantiæ, & perseuerare vsque ad finem: verba autem D. Thom. sensum diuisum efficere, per gratiam enim potentiam habet iustus, ut perseuerare possit; nunquam tamen perseuerabit actu, & de facto sine dono perseuerantiæ gratiæ superaddito. Hoc autem auxilium speciale esse asserit Concil. Trid. vbi supra, & patet; nam si ad diu, & per aliquod tempus perseuerandum requiritur auxilium speciale, ut ostensum est artic. præced. multo magis necessarium erit ad perseuerandum vsque ad finem vitæ, ad quod datur perseuerantiæ donum.

Distinctum verò esse ab eo, quod datur ad diu, & per aliquod longum tempus perseuerandum: probatur l. ex Diu. Aug. lib. de bono perseuerantiæ cap. i. vbi sic habet: *Sed ne quisquam reluctetur, & dicat, si ex quo fidelis quisque factus est, vixit verbi gratia decem annos; & eodem medio tempore à fide lapsus est, non ne quinque annos perseuerauit? Non contendo verbis, si & illa perseuerantia putatur esse dicenda tanquam temporis sui, hanc certè de qua nunc agimus perseuerantiam, qua in Christo perseueratur vsque in finem, nullo modo habuisse dicendus est, qui non perseuerauerit vsque in finem: potiusque hanc habuit vnius anni fidelis. & quantum infra cogitari potest, si donec moreretur fideliter vixit; quam multorum annorum, si exiguum temporis ante mortem à fidei stabilitate de-*

defecit. Confirmatur : nam hæc duo auxilia videntur distingui in Concil. Arausica. 10. cum dicitur: Sanctis implorandum esse adiutorium Dei. *Ut ad finem bonum, peruenire, vel in bono possint opere perdurare.*

Secundo probatur : Qui perseverat usque in finem plus debet Deo, plusque ab eo recipit, quam qui non perseverat usque in finem, etiam si per multum tempus perseveret : ergo specialius, & distinctum auxilium ab eo accepit. Si neges consequentiam, nam solum sequitur accepisse continuationem, & extensionem præcedentis auxilij usque ad mortem. Contra ; nam eodem modo posset dici non accepisse distinctum auxilium à generali in ordine supernaturali, sed huius continuationem, vel extensionem usque ad mortem præsertim parvulos, qui cum gratia baptismali in eis per duos annos conservata decedunt, sed hoc est falsum, constat enim donum perseverantiæ non esse auxilium generale, sed speciale, etiam in ordine supernaturali. ergo &c.

Tertio probatur : multis datur perseverantiæ donum, & non auxilium speciale permanendi per multum tempus, aliis etiam multis datur auxilium perseverandi per multum tempus, & non donum perseverantiæ; ergo hoc distinctum est ab illo. Antecedens quo ad primam partem patet in his, qui statim post iustificationem decedunt ; in parvulis etiam qui post acceptam baptismi gratiam antequam ad ætatem

tem, in qua peccare possint, perueniant, moriuntur, licet eam per annos duos in gratia permaneant, ad hoc non indigent auxilio speciali distincto ab ipsa gratiæ conseruatione, cum non sint in periculo eam amittendi constituti, sicut adulti ob tentationum impetum, carnis infectionem, & ignorantie obscuritatem; illis tamen donum perseuerantiæ datur, vt docet D. August. lib. de Bono perseuerantiæ cap. 17. Quo ad secundam partem patet etiam in multis reprobis, qui diu in gratia Dei permanserunt, & dono perseuerantiæ caruerunt, quales fuerunt Iudas, & illi Christi discipuli, qui eo relicto abierunt retro, vt docet D. August. lib. de Corrept. & gratia cap. 9. Confirmatur; donum perseuerantiæ est effectus proprius prædestinationis, & solis prædestinatis; auxilium autem perseuerandi per multum tempus datur etiam reprobis, & in illis alterius prouidentie effectus est; ergo distincta sunt auxilia, illudque specialius isto.

Quod dicimus in vltima conclusionis parte donum perseuerantiæ esse distinctum à dono confirmationis, negant nonnulli. Illud tamen docent communiter Theologi. Probatur 1. ex D. Thom. 1. p. q. 100. ar. 2, ad 1. vbi ait; si Adam non peccasset, filij eius, etiam si filij gehennæ non fierent per peccatum, sed in iustitia perseuerarēt. Hoc non esset per hoc quod essent in iustitia confirmati. Per hoc autem esset, si donum per-

perseuerantiæ esset idem cum dono confirmationis ; ergo &c.

Secundò , donum perseuerantiæ est commune omnibus iustis prædestinatis : donum autem confirmationis est specialissimum, quod Deus non nisi B. Virgini , Apostolis , & alijs paucissimis concessit , ergo non sunt idem, sed dona distincta

In quo autem distinguantur , non eodem modo explicant omnes Omissis alijs, verus dicendi modus est : hæc duo dona differre , quia donum confirmationis dat non posse peccare mortaliter , vel venialiter : iuxta modum quo datur. Quidam enim ita confirmatur in gratia , vt nec mortaliter, nec venialiter peccare possint, vt B. Virgo ; alij verò licet possint peccare venialiter, non tamen mortaliter , vt Apostoli . Donum verò perseuerantiæ hoc non præstat , sed vt homo non peccet mortaliter vsque ad finem vitæ , & infallibiliter moriatur in gratia, quamuis absolute possit peccare . Quod non ita intelligendum est , vt quidam explicant, asserentes confirmatum in gratia non posse peccare mortaliter , quia præuenitur taliter sua gratia , vt non sinat eum tentari ad peccandum mortaliter ; qui vero solum habet donum perseuerantiæ, potest quidem tentari , & de facto tentabitur ad peccandum mortaliter ; sed non cadet . Hoc enim falsum est : nam Paulus Apostolus confirmatus erat in gratia , & tamen dicebat 2. ad Corinth. 12. v. 7. *Et ne magnitudo reuelatio-*

334 QVAESTIO CIX.

num extollat me, datus est mihi stimulus carnis mee angelus Satana, ut mea colaphizet. Quod Glossa, L yra, & alij de tentatione carnis exponunt. Sic ergo intelligendum est: ut habentes donum perseverantiae habeant infallibiliter non peccare mortaliter & perseverare in gratia usque ad finem ab extrinseca mantenentia Dei, & diuina protectione, iuxta illud Ioan. 10. v. 28. Non rapiet eas quisquam de manu mea. Vide D. Thom 3. Contra gentes cap. 55.

At verò confirmati in gratia sunt impotentes ad peccandum mortaliter, vel etiā venialiter ex aliquo dono gratiae ipsis intrinseco. Vnde D. Thom. in 3. dist. 3. q. 1. art. 2. quæstioncula 3. de B. Virgine loquens ait. In secunda sanctificatione, & emundatio, & confirmatio in bono quodammodo consummata est secundum perfectionem via. Cuius rationem reddit inferius, quia scilicet: In secunda sanctificatione gratia superaddita fuit, qua ita potentiam liberi arbitrii impleret, ut in contrarium flecti non posset, non quidem tollendo naturam libero arbitrio, sed defectum. Et ad 2. Potentia peccandi aufertur dupliciter, vel per hoc quod liberum arbitrium ultimo fini coniungitur, &c. Alio modo aufertur per hoc, quod gratia tanta infunditur, quæ omnem defectum tollat: & sic in B. Virgine quando concepit Dei filium ablata est peccandi potentia. Ex quibus colligitur, gratiam, aut perfectionem gratiae intrinsecam esse, quæ confirmatis in gratia dat non posse peccare. Vide D. Th. quæst. 24. de Verit. art. 9.

Si

ARTICVLVS X. 335

Si quæras autem, an Deus sit paratus conferre omnibus donum perseverantiae. Respondeo: duas esse de hac re oppositas sententias. Prima est negans, quam tenent aliqui, & probant. Tum quia Deus non est paratus conferre omnibus beneficium prædestinationis; ergo nec donum perseverantiae, quod est eius proprius effectus. Tum etiam, quia donum perseverantiae non est necessarium, ut quis possit saluari, sed ut de facto, & infallibiliter saluetur; ergo Deus non est paratus illud conferre, nam solum est paratus conferre omnia, quæ sunt necessaria, ut homines possint saluari, propter hoc enim est paratus conferre omnibus donum confirmationis in gratia. Tum denique, nam Deus ab æterno decrevit non conferre reprobis donum perseverantiae; ergo non est paratus dare illis.

Secunda sententia est affirmans, quam tenent communiter Theologi, & nos amplectimur. Probaturque. Tum ex Concilio Trid. Sess. 6. cap. 13. ubi dicitur: *De perseverantia munere, quo scriptum est: Qui perseveraverit usque in finem, hic saluus erit, nemo sibi certi aliquid absoluta certitudine polliceatur: tamen si in Dei auxilio firmissimam spem collocare, & reponere ampes debent, Deus enim nisi ipsis illius gratia defecerint, sicut cepit opus bonum, ita perficiet operam velle, & perficere.* Sed hoc significat Deum esse paratum quantum est ex se dare omnibus donum perseverantiae, nisi per illos steterit; ergo, &c. Tum etiam, nam in oratione Dominica iube-

ubemur petere perseverantiam; ergo Deus est paratus illam conferre, non enim iubet petere, quod ipse non est paratus dare, nam impertinens esset talis petitio. Tum deinde, nam Deus, cum sit paratus conferre omnibus salutem æternam, debet esse paratus cōferre omnia, quæ sunt necessaria ad consequutionem vitæ æternæ: sed. huiusmodi est donum perseverantiæ; ergo, &c. Tum denique, nam Deum esse paratum, pertinet ad voluntatem antecedentem non ad consequentem, alias non esset paratus omnes saluos facere: sed voluntate antecedente Deus vult omnibus conferre donum perseverantiæ, sicut vult omnes saluos fieri; ergo paratus est illud omnibus dare.

Neque argumenta prioris sententiæ multum urgent, Nam prioris consequentia nulla est, cum etiam gloria sit effectus prædestinationis, & tamē illam conferre Deus paratus est: nulla est etiam consequentia 2. argumenti, Deus enim non solum est paratus conferre auxilium sufficiens, quo homines possint saluari, sed etiam efficax, quo de facto saluentur, quale est auxilium, seu donum perseverantiæ. Et non est eadem ratio de dono confirmationis, nam non est necessarium, ut quis de facto salvetur, sicut est necessarium donum perseverantiæ. Nulla est denique consequentia tertij argumenti, nam eodem modo probaretur Deum non esse paratum dare vitam æternam reprobis. Vnde dico licet Deus decreuerit, & voluntate consequente

te fit determinatus non dare donum perseverantiꝝ reprobis, quia tamen voluntate antecedente vult illud dare, sicut vitam æternam, illud dare paratus est.

Ad argumenta autem facta in principio respondetur. Ad 1. donum perseverantiæ, licet quandoque sit absque permanentia, in gratia per multum tempus in hac vita, vt patet in eis, qui statim post iustificationem, & acceptam gratiam moriuntur; tamen quia sæpè cum illa est, ideo ait Diu. Thom. ex articulo præcedente patere hominem iustum indigere diuino auxilio contra tentationum impulsus; quod tamen, quando facit perseverare vsque ad finem vitæ, distinctum est ab eo, quod solum vsque ad certum tempus quantumvis longum facit perseverare.

Ad 2. respondetur: cum quis post iustificationem statim moritur, dari illi donum perseverantiæ, non quidem ad operandum, sed ad eripiendum illum à malitia, ne mutet intellectum eius, quod magnum Dei donum est. Vnde D. Aug. lib. de Bono perseverantiæ inquit: *Videte iam à veritate, quæ sit alienum, negare donum Dei esse perseverantiam vsque in finem huius vitæ, cum vitæ huius quando voluerit ipse dat finem, quem si dat ante imminuentem lapsum, facit hominem perseverare vsque in finem.* Licet ergo difficilius sit operari, & resistere tentationibus per longum tempus, quam per breue, non tamen quam perseverare in bono vsque ad finem vitæ: nam hoc requirit specialissimam ma-

338 QVAESTIO CIX.

nutenentiam Dei, & particularissimam, prouidentiam, qua disponat mortem tali tempore euenire, qua est homo in gratia. Ad confirmationem distinguo antecedens; simpliciter, & absolute, ac in sensu diuiso concedo: supposito carentia doni perseuerantiae, & in sensu composito, nego antecedens; eodem enim modo probari posset, contingere posse, vt aliquando reprobus saluetur, nam aliquando est in gratia, & tunc potest occidi.

Ad 3. respondetur negando antecedens; explicatum est enim per quid distinguantur donum perseuerantiae, & confirmationis, etiam si vtrumque dicat continuationem boni vsque ad finem.

QVAESTIO CX.

De gratia quantum ad eius essentiam.

Circa articulum primum, & secundum nihil se offert dicendum.



339

ARTICVLVS III.

*Vtrum gratia sit idem quod
virtus.*

Conclusio est negans.

Dubium. *An gratia sit eadem res
cum virtute charitatis.*

PArtem affirmantem tenent Scotus in
2.d.27.q.1. Durandus dist.26.q.1.n.8.
& alii. Probatur 1. ex Conc. Trident.
Sess.6.cap. 7. vbi loquens Concil. de Causa
formali iustificationis ait: iustificationem
fieri, *Dum charitas Dei diffunditur in cordi-
bus eorum, qui iustificantur. Vnde in iustifica-
tione hæc omnia simul infusa accipit homo, fi-
dem, spem, & charitatem.* Ergo cum iustifi-
catio fiat per gratiæ infusionem, illiusque
nullam mentionem ibi faciat Concilium,
senset idem esse cum charitate, & huius
nomine illam comprehendit.

Secundò, nihil tribuitur gratiæ, quod nõ
charitati: hæc enim sicut & gratia dat
iustitiam, primo diuinum esse, filiumque Dei
appellari, & esse, iuxta illud 1. Ioan. 3.v.1.
*Videte qualem charitatem dedit nobis Pater,
ut filij Dei nominemur, & simus.* Secundo ef-
se gratum, & dilectum iuxta illud Ioan. 14.
v.21. *Qui diligit me diligetur à Patre meo.*
Tertio, vitam animæ, iuxta illud 1. Ioan. 3.

340 *QVÆSTIO CX.*

v. 14. *Qui non diligit manet in morte.* Quarto, remissionem peccatorum, iuxta illud Lucæ 7. v. 47. *Remittuntur ei peccata multa, quoniam dilexit multum.* Quinto, unionem cum Deo, iuxta illud 1. Ioan. 4. v. 16. *Qui manet in charitate in Deo manet, & Deus in eo,* & alia huiusmodi; ergo signum est, eandem rem esse gratiam, & charitatem.

Tertio, si gratia, & charitas distinguerentur realiter possent ab inuicem separari: sed hoc est falsum, nam si gratia esset sine charitate, homo habens illam iustus esset, & saluaretur carens veste nuptiali, & non diligens Deum diligeretur ab illo; ergo, &c.

Dicendum tamen est: Gratiam non esse eandem rem cum virtute charitatis, sed ab ea realiter distingui. Probat 1. nā id significatur 1. ad Corinth. 13. v. 13. cum dicitur: *Gratia Domini nostri Iesu Christi, & charitas Dei.* Et 1. ad Timoth. 1. v. 14. *Superabundauit gratia Domini nostri cum fide, & dilectione.* Nam hæc distinctionem gratiæ à charitate, sicut & à fide indicant.

Secundò, nam idem significatur in Conciliis, cum dicitur in Concil. Viennensi, *Conferri in Baptismo informantem gratiam, & virtutes.* Quod & habetur in Clementina vnica de Sum. Trinit. Et in Concil. Trid. Sess. 6. cap. 7. de iustificatione: *Non est sola peccatorum remissio, sed & sanctificatio, & renouatio interioris hominis per voluntariam susceptionem gratiæ, & donorum.* Et can. 11. *Si quis dixerit homines iustificari, sola peccato-*
rum

ARTICVLVS III. 341

*rum remissione exclusa gratia, & charitate &c.
anathema sit.*

Tertio, gratia præcedit charitatem; ergo non est idem cum illa. Antecedens probatur: gratia est donum secundum quod datur Spiritus Sanctus: sed datio Spiritus Sancti præcedit charitatem, sicut causa effectum iuxta illud ad Roman. 5. v. 5. *Charitas Dei diffusa est in cordibus nostris per Spiritum Sanctum, qui datus est nobis; ergo, &c.* Ratio est D. Th. qu. 27. de Verit. art. 2. arg. 2. *Sed contra.*

Quarto probatur ratione D. Thom. hic: Charitas est dispositio hominis habentis esse supernaturale, & diuinum, naturamque diuinam participatam; ergo realiter distinguitur à gratia, quæ est participatio diuinæ naturæ, & homini tribuit esse supernaturale. Consequentia patet, dispositio enim ab esse, & natura præexistente realiter distinguitur. Antecedens probatur: nam ut ait Arist. 7. Physic. Tex. 17 lect. 5. *Virtus est quadam dispositio perfecti. Dico autem perfectum quod est dispositum secundum naturam.* In ordine scilicet ad finem, quem respicit ipsa virtus, ita ut sit tali fini proportionatum; ergo cum finis, quem respicit charitas, sit supernaturalis, homo habens illam dispositus esse debet per esse supernaturale, & diuinam naturam participatam, quæ est ipsa gratia, qua fit tali fini proportionatus. Si dicas idem argumentum fieri posse de fide, & spe, quas tamen constat non necessario præsupponere, gratiam.

Respondetur: de fide, & spe formatis ideam argumentum fieri posse, non tamen de illis, ut sunt informes, quia ut sic non sunt virtutes secundum statum, & perfectam rationem virtutis. Sicut autem calor in aqua, ubi est in esse imperfecto, non supponit in illa esse proportionatum ad calefaciendum: ita fides, & spes, in peccatore cum sint secundum esse imperfectum, & informe, nam mortue sunt, non supponunt esse supernaturale proportionatum operationi, & fini supernaturali. Præterea argumentum procedit de virtute, quæ respicit finem, ut principium actus, quo illum consequimur: fides autem, & spes informes non ita respiciunt finem supernaturalem, cum non sint principia actus meritorij, quo illum consequimur. Vide D. Tho. q. 27. de Verit. ar. 2.

Ad 1. verò respondetur negando ibi nullam fieri mentionem gratiæ, nam in principio illius capituli 7. eius expressam mentionem facit Concilium, & inferius etiam cum subdit: *Unica formalis causa* (scilicet iustificationis) *est iustitia Dei. non qua ipse est iustus, sed qua nos iustos facit, qua videlicet ab eo donati renouamur.* Per hanc enim iustitiam gratia, & dona, per quorum suspensionem dixerat fieri renouationem interioris hominis, debent intelligi.

Ad 2. respondetur aliqua quæ sunt propria gratiæ, tribui charitati, non quia charitati conueniat secundum se, sed propter cōcomitantiam, & inseparabilitatem ab ha-

habitu gratiæ. Locus autem 1. Ioann. 3. de charitate Dei, quæ ipse nos diligit, loquitur, vnde Syrus sic illum interpretatur; *Videte quanta sit charitas Patris erga nos, qui filios vocauit nos, effecitque*. Per gratiam scilicet, per quam vt colligitur ex 2. Petri 1. v. 4. diuinæ efficimur consortes naturæ, nõ quidem consortio æqualitatis, sed participationis, vt ibi explicat D. Th. Sunt etiam qui dicunt, illud 1. ad Corinth. 15. v. 10. *Gratia Dei sum id, quod sum*, significare plenitudinem illam effendi, quæ est in Deo, quamque ipse explicuit Exodi 3. v. 14. dicens: *Ego sum, qui sum*, participari per gratiam ab homine habente illam, & per illam Deo per quandam participationem effecto.

Ad 3. respondetur concedendo maiorem si sermo sit de potentia Dei absoluta, & negando minorem. Ad cuius probationem dico, nullum esse inconueniens, hominem in casu, quo Deus ab eo auferret charitatem sine culpa eius, iustum esse, & saluari, nam gratia iustitia dicitur, qua induti sunt electi, sicque vestis nuptialis, & cum nos filios Dei constituat, etiam hæredes Dei, & cohæredes Christi faciat. Deus autem non ita dicitur diligere diligentes se, vt non nisi supposita eorum dilectione diligat eos: nam vt dicitur 1. Ioan. 4. v. 10. *In hoc est charitas: non quasi nos dilexerimus Deum, sed quoniam ipse prior dilexit nos*. Sed quia non diligit secundum legem ordinariam, nisi illos, quibus simul cum gratia infundit

charitatem, qua ipsi eum diligunt actu liberè, & meritoriè, si aduli, & sui compotes sint.

ARTICVLVS IV.

*Vtrum gratia sit in essentia animæ
sicut in subiecto. an in aliqua
potentiarum.*

Conclusio: Gratia sicut est prius virtute, ita habet subiectum prius potentijs animæ, ita scilicet quod sit in essentia animæ.

Oppositū huius tenent qui afferunt gratiam esse idem cum charitate. Probātque 1. Nullus est habitus, qui sit in essentia animæ, sed omnes sunt tanquam in subiecto in eius potentijs: sed gratia est habitus, ergo &c.

Secundò, gratia, & gloria sunt in eodem subiecto, nam nihil aliud est gloria, quam gratia consummata: sed gloria non est in essentia animæ, sed in potentijs, nam nihil aliud est, quam beatitudo, quæ in actu voluntatis, aut intellectus consistit; ergo &c.

Tertio, contraria debent habere idem subiectum a quo se expellant: sed subiectū peccati, quod contrariatur gratiæ, non est essentia animæ, sed potentiæ; ergo &c.

Dicendum tamen est: veram esse conclusionem D. Tho. probatur cum eodem:

Per

ARTICVLVS IV. 345

Per gratiam regeneramur in filios Dei : sed generatio per prius terminatur ad essentiam, quã ad potentias ; ergo gratia per prius est in essentia animæ, quam in potentijs . Confirmatur: Si Deus, vt potest, ab homine auferret omnes animę potentias, maneret in tali homine, si antea esset iustus, gratia, per quã formaliter esset Deo gratus, & filius Dei adoptiuus : & tunc non esset gratia in potentijs, sed in animæ essentia ; ergo & nũc.

Ad 1. verò respondetur ex D. Th. supra quæst. 50. art. 2. in animæ essentia nullum esse habitum, qui sit dispositio in ordine ad operationem, vel in ordine ad naturam humanam : *Sed si loquamur de aliqua superiori natura, cuius homo potest esse particeps secundum illud 2. Petri 1. Vt simus consortes nature diuine, sic nihil prohibet in anima secundum suam essentiam esse aliquem habitum scilicet gratiam .*

Ad 2. respondetur negando minorem : gloria enim est gratia cõsummata per beatitudinem, non beatitudo ipsa formalis, nam hæc est actus secundus, gloria autem, & gratia actus primus, vt hic §. *Ad primum*, docet Caietanus. Si argumentum aliquid efficeret, probaret etiam gratiam non esse habitum, sed actum .

Ad 3. respondetur negando minorem : licet enim peccati actualis subiectum sit potentia; peccati tamen habitualis, & maculæ, cui gratia opponitur, subiectum est essentia animæ .

QVÆSTIO CXI.

De diuisione gratiæ.

Circa articulum primum nihil se offert scribendum.

ARTICVLVS II.

Vtrum gratia conuenienter diuidatur per operantem, & cooperantem :

Conclusio est affirmans.

Diuisio hæc non est gratiæ secundum se, sed secundum diuersos eius effectus; eadem enim gratia respectu vnius effectus dicitur operans, & respectu alterius cooperans : nam vt hic ait D. Th. *In illo effectû, in quo mens nostra est mota, & non mouens, solus autem Deus mouens, operatio Deo tribuitur, & secundum hoc dicitur gratia operans. In illo autem effectû, in quo mens nostra, & mouet, & mouetur, operatio non solum attribuitur Deo, sed etiam animæ, & secundum hoc dicitur gratia cooperans. Quod tam gratiæ sumptæ pro habituali dono, quam acceptæ pro diuino auxilio actuali, quo nos monet ad bene volendû, & agen.*

agendū, conuenit: inquit enim S. Doctor: Si accipiatur gratia pro habituali dono, sic est duplex gratia effectus, sicut, & cuiuslibet alterius forma. Quorum primus est esse, secundus est operatio. Sic igitur habitualis gratia in quantum animam sanat, vel iustificat, siue gratam Deo facit, dicitur gratia operans: in quantum verò est principium operis meritorij, quod ex libero arbitrio procedit dicitur cooperans. Huac enim effectum non sola ipsa efficit, sed cum libero arbitrio, quod respectu talis effectus, operis scilicet meritorij, non solum se habet, vt motum, sed etiam vt mouens, & efficiens. Primum verò effectum sola ipsa gratia facit, non quidem effectiue, sed formaliter eo modo, quo albedo dicitur facere albam superficiem, vt ad 1 docet D. Thom. & respectu talis effectus mens nostra dicitur mota, & non mouens. solus autem Deus mouens, quia solus ipse est, qui in anima gratiam producit, quæ effectum formalem, quem gratia formaliter præbet, ipse solus effectiue operatur, & ratione illius animam mouet, sicut ignis faciens lignum calidum mouet illum à frigido in calidum.

Si verò sumatur gratia pro diuino auxilio actuali, quo nos mouet Deus ad beneuolendum, & agendum, cum tale auxilium duplex sit, physicum scilicet, & morale, dupliciter gratia actualis potest dici operans, & cooperans: nempe physice, & moraliter, & eo modo, quo operans, vel cooperans est, dicitur mens nostra, vel

348 **QVÆSTIO CXI.**

mota solum, & non mouens, vel mota simul, & mouens. Si enim fuerit operans physicè, mens nostra dicetur mota, & nō mouens physicè: si autem cooperans physicè, mens nostra dicetur mota, & mouens physicè. At si fuerit operans moraliter, mens nostra erit mota, & non mouens moraliter, quamuis physicè mouēs sit: si autem fuerit cooperans moraliter, mens nostra mota, & mouens etiam moraliter erit. Explicemus hoc. Auxilium physicum, quo Deus nos mouet ad agendum, & volendum, est motio diuina physicè præmouens ac prædeterminans voluntatem. Hæc autem motio duplicem habet effectum: alter est præmouere, & prædeterminare voluntatem, & facere vt velit, & faciat: alter est ipsa volitio seu operatio voluntatis. Respectu primi effectus voluntas est mota, & non mouens, & solus Deus est mouens, nam vt ait D. Aug. lib. de Gratia, & lib. arbit. cap. 16. *Ille facit, vt velimus bonum. Ille facit, vt faciamus præbendo vires efficacissimas voluntati.* Et cap. 17. *Vt velimus sine nobis operatur.* Ac proinde respectu talis effectus auxilium vel gratia actualis dicitur operans. Respectu secundi effectus voluntas se habet vt mota, & vt mouens physicè, nam operationem, & consensum voluntatis, non solus Deus efficit, sed etiam ipsa voluntas, vnde ibidem subdit D. Aug. *Cū autē volumus nobiscū cooperatur.* Ac proinde respectu talis effectus auxilium vel gratia actualis dicitur cooperans.

Au.

ARTICVLVS II. 349

Auxilium morale est, quo Deus nos ad bene volendum, & agendum moraliter mouet admonendo, inuitando, vocando, suadendo, vel alio modo, quod interius præstat per sanctam cogitationem, qua, ratio nobis proponit, vel malum fugiendum, vel bonum prosequendum, quod ad salutem animæ conducit, & per motum subitum voluntatis, qui sequitur prædictam sanctam cogitationem, delectationem scilicet boni cogitati, vel terrorem, & fugam mali cogniti. Vnde Diu August. lib. de Spiritu, & littera cap. 34. inquit: *Visorum suasionibus agit Deus, ut velimus. Et lib. 2. de Peccat. merit. & remis. c. 17. ait: Nolunt homines facere quod iustum est, siue quia latet an iustum sit, siue quia non delectat* &c: *Vt autem innotescat, quod latebat, & suaue fiat, quod non delectabat, gratia Dei est, qua hominum adiuvat voluntates.* Quæ gratia respectu diuersorum effectuum, & moraliter operans, & moraliter cooperans dici potest. Respectu enim illius effectus, in quo mens nostra est mota, & non mouens moraliter, dicitur gratia operans; respectu verò illius effectus, in quo mens nostra est mota, & mouens moraliter, dicitur cooperans. Dicitur autem mens nostra mota, & non mouens moraliter, cum scilicet præiua motione morali sanctæ cogitationis, mens ipsa, licet se moueat physicè actum non solum vitalem, sed etiam liberum eliciendo; non tamen se moraliter mouet, quia talem actum liberum eli-

cit

350 QVAESTIO CXI.

cit absque consilio, & praeuio motiuo, affectuque ad bonum aliquod, ex quo se ad talem actum eliciendum moueat, ut patet ex dictis supra quæst. 9. ar. 4. *Est autem in nobis* (inquit D. Thom. hic) *duplex actus. Primus quidem interior voluntatis. Et quantum ad istum actum voluntas se habet ut mota, Deus autem ut mouens, & praesertim cum voluntas incipit bonum velle, quæ prius malum volebat. Et ideo secundum quod Deus mouet humanam mentem adhunc actum, dicitur gratia operans. Alius autem actus est exterior, qui cum à voluntate imperetur, ut supra habitum est, consequens est, quod ad hunc actum operatio attribuatür voluntati. Et quia etiam adhunc actum Deus nos adiuvat, & interius confirmando voluntatem, ut ad actum perueniat, & exterius facultatem operandi præbendo, respectu huiusmodi actus dicitur gratia cooperans. Vbi aduertendum est: nomine actus interioris intelligere D. Thom. eum, qui non est ab alio imperatus, sed elicitus à voluntate, & non ex affectu aut intentione alicuius boni præsupposita: nomine verò exterioris actus intelligere, non solum eum, qui elicitur ab alia potentia, sed etiam illum, qui licet à voluntate eliciatur, imperatus tamen ab alio, & ex affectu, aut intentione alicuius boni præsupposita fit. Gratia autem moraliter operans dici non potest respectu actus imperati, qui fit ex intentione alicuius boni præsupposita: nam in tali actu voluntas non solum est mota, sed etiam mouens moraliter,*

ARTICVLVS II. 351

ref, cum ex affectu, & intentione præsupposita se moueat ad prosequendum bonū quod vult, sed necessario dici debet respectu actus imperantis, qui non fiat cum consilio, & præuio motu ad bonum, aut ex affectu alicuius boni. Gratia autem cooperans moraliter respectu actus imperati dicitur, quia in illo voluntas & mouetur à Deo, & seipsam moraliter mouet.

ARTICVLVS III.

Vtrum gratia conuenienter diuidatur in præuenientem, & subsequuentem.

Conclusio est affirmans.

Hanc diuisionem, sicut & explicatam art. præced. asserit D. Thom. non esse gratiæ secundum essentiā, sed solum secundum effectum, illaque diuidi gratiam qualitercumque gratia accipitur, nempe pro habituali vel actuali. Numerat autem quinque effectus gratiæ in nobis S. Doctor, & ait: gratiam, quatenus causat in nobis primum effectum, vocari præuenientem respectu secundi effectus, & quatenus causat secundum effectum, esse subsequentem respectu primi, & præuenientem respectu tertij, & sic de cæteris usque

vsque ad vltimum, quem vt causat, solum est subsequens. Cum autem primus effectus inter quinque, quos numerat, sit, *Vt anima sanetur*, quæritur, quomodo gratia actualis causet hunc effectum. Respondetur: causare illum non formaliter, sed dispositiue: quia operatio nostra procedens ex gratia actuali dispositio est ad iustificationem, in qua consistit sanitas animæ. Vel gratia actualis dicitur sanare ab infirmitate, & debilitate, quam habent potentie nostræ ad rectè operandum præsertim opera, quæ conducunt ad salutem animæ. De cæteris effectibus nullum est dubium, propriè conuenire animæ illos causare.

Si quæras etiam quomodo membra huius diuisionis distinguantur à membris diuisionis traditæ articulo præcedenti? Respondetur: quia quamuis omnis gratia operans sit præueniens; non tamen omnis gratia præueniens est operans, vt patet de gratia actuali, quæ causat volitionem boni, quæ respectu perseuerantiæ in bono est præueniens, cum hic effectus sit illo posterior; non tamen est operans, quia volitionem boni non solum Deus causat, sed etiam voluntas. Quando autem istæ gratiæ secundum rem coincidunt, quia omnis gratia operans est præueniens, ratione distinguuntur: quia gratia operans dicitur, quia in eius effectum mens nostra est mota non mouens; gratia verò præueniens, quia eius effectus est prior alio. Si
mili

ARTICULVS III. 353

mili modo distinguuntur gratia coope-
rans, & subsequens; cooperans enim di-
citur, quia in eius effectu mens nostra est
mota, & mouens; subsequens verò, quia
eius effectus est posterior alio.

Solet præterea gratia actualis diuidi in
excitantem, & adiuuantem, quam diuisio-
nem multi colligunt ex Concil. Trid. Sess.
6 cap. 5. & 6. & can. 3. & 4. Sed ibi potius
videtur significari gratiam excitantem ef-
se adiuuantem, sicut & ipsa, & quælibet
alia gratia est Dei adiutorium, Non nego
sicut nec D. Thom. hic ad 3. plures alias
distingui posse gratias. Sed omnes ad præ-
dictas reduci posse haud dubito, Vnde
excitantem ad operantem, & præuenien-
tem pertinere, & adiuuantem ad coopera-
tem, & subsequentem communiter as-
seritur: Ex quo sequitur, dari gratiam
excitantem physicè, & moralitèr, & ad-
iuuantem moralitèr, & physicè, sicut de
operante, & cooperante dictum est.

Circa artic. 4. & 5. nihil se offert di-
cendum.



QVÆSTIO CXII.

De causa gratia.

ARTICVLVS I.

*Utrum solus Deus sit causa
gratia.***Conclusio est affirmans.***Dubium : An aliquis alius à Deo
possit esse causa efficiens principa-
lis physica gratia.*

Pars affirmans probatur 1. Christus ut est homo est causa principalis physica efficiens gratiæ, ergo aliquis alius à Deo. Antecedens probatur : Tum quia id significant illud Matth. 9. v. 6. *Filius hominis habet potestatem in terra dimit-
tendi peccata.* Illud etiam Ioan. 1. v. 17. *Gratia, & veritas per Iesum Christum facta est.* Quod dominium, & auctoritatem significat, ut ibi ait Theophylactus. Illud quoque Ioan. 10. vers. 9. *Ego sum ostium.* Per me, si quis introierit, saluabitur. Nam ut ait D. Thom. 3. p. q. 8. art. 6. ad 3. in ostio importatur principalis auctoritas. Tum etiam, nam D. Thom. in 4. dist. 5. qu. 2. artic. 2. quæstiuncula 2. sic habet

Agens

ARTICVLVS I. 355

Agens principale baptizando est ipse Deus per auctoritatem, & ipse Christus secundum quod homo. Ex quo infert Christum debere habere gratiam, cum eam in baptizatis causet, agens enim principale oportet habere formam, quam inducit per suam actionem. Tum denique Christus, ut homo, eiusque anima habet formam productiuam nostræ gratiæ, hacque perfectionem, nempe gratiam capitalem quæ ut capitalis operatiua est, influens in membra ergo est causa principalis efficiens physica nostræ gratiæ.

Secundo, esse causam principalem efficientem physicam gratiæ non repugnat creaturæ; ergo potest ei conuenire. Antecedens probatur: gratia non habet infinitam perfectionem, nec producit ex nihilo per creationem; ergo non requirit infinitam perfectionem in sua causa principali, talemque proinde esse, non quidem primam, sed secundam primæ subordinatam, non repugnat creaturæ. Confirmatur: Homo per supernaturalem habitum est causa principalis actus supernaturalis charitatis, & visionis Dei; ergo etiam potest esse causa gratiæ, sicut enim hæc est participatio diuinæ naturæ, ita ille est participatio diuini actus, & sicut per hanc, ita & per illum similes Deo efficiuntur, ut patet 1. Ioan. 3. v. 2.

Dicendum tamen est: 'Nullum alium à Deo posse esse causam principalem efficientem physicam gratiæ. Probatur 1. ex illo

356 QVAESTIO CXII.

illo Iob. 14. v. 4. *Quis potest facere mundum
de immundo conceptum semine? non ne tu, qui
solus es.* Quod Chaldeus sic interpretatur:
*Quis dabit mundum virum, qui est pollutus in
peccatis, nisi Deus, qui unus est, qui parcat ei?*
Si autem alius à Deo esse posset causa prin-
cipalis efficiens physica gratiae, non solus
Deus posset facere mundum de immundo,
sed etiam ille alius, qui hoc modo causa
gratiae esset. Ex illo etiam Psal. 83. v. 12.
Gratiam & gloriam dabit Dominus. Quod
de Gratia supernaturali explicant D. Aug.
& comuniter sancti Patres, & expositores.

Secundo ex Concil. Trid. Sess. 6. cap. 7.
ubi dicitur. *Iustificacionis causa sunt &c. ef-
ficiens misericors Deus &c. Meritoria autem
dilectissimus, unigenitus suus, Dominus noster
Iesus Christus.* Quibus verbis significatur
solum Deum esse causam efficientem,
principalem scilicet, & physicam iustifica-
tionis, & gratiae, huiusque non physicam,
sed moralem, ac meritoriam tantum cau-
sam esse Christum ut hominem.

Tertio: nullus alius à Deo potest ut cau-
sa principalis physica dare Spiritum San-
ctum, aut illum spiritualiter & inuisibiliter
mittere, aut homines in filios Dei adopta-
re; ergo nec gratiam causare. Consequen-
tia patet quia cum gratia datur Spiritus
Sanctus, & per illam inuisibiliter mittitur,
per illamque homines in filios Dei ado-
ptantur. Antecedens quo ad primam par-
tem patet, ex D. Aug. 15. de Trinit. cap.
26. dicente: *Quomodo Deus non est qui dat*

Spi-

ARTICVLVS I. 357

Spiritum Sanctum ? Quoad secundam ex D.Thom. 1. par. q. 43. art. 1. in corp. & ad 1. docente, missionem Spiritus Sancti importare, *Processionem originis, quæ est secundum aequalitatem*, quæ non potest esse ab alio, qui non sit Deus. Quoad 3. ex eodem D.Thom. 4. Contra gentes cap. 17. ratione 21. asserente: *Adoptare in filios Dei, non potest esse opus alterius nisi Dei.*

Quarto, si aliquis alius à Deo posset gratiam producere hoc esset aut virtute naturali, aut virtute superaddita supernaturali, sed neutro modo potest gratiam producere; ergo nullo. Minor probatur; causa efficiens physica principalis debet esse potior suo effectu; ergo cum gratia excedat omnem facultatem naturæ à nulla creatura potest virtute propria & naturali produci. Nec virtute superaddita: nam cum gratia sit quædam participatio diuinæ naturæ, quæ omnem aliam excedit, nequit produci nisi ab habente talem naturam, sicut nequit ignire, hoc est participationem naturæ ignis producere, nisi solus ignis. Vnde quantumcumque quis per gratiam superadditam eius naturæ consors sit naturæ diuinæ, huiusque participationē habeat, nequit in alio participationē diuinæ naturæ, quæ est ipsa gratia, causare principaliter: sicut nec ferrum ignitum potest ignire quantumcumq. ipsum ignitum sit sed hoc solius ignis est. Ratio est D. Tho. hic. Confirmatur gratia non est forma naturalis, neque ex sua natura actiua, & pro.

productiua sibi similis ; ergo neque virtute naturali produci potest à creatura, alias enim in virtute naturali creaturæ contingeretur, sicque non excederet totum ordinem naturalem, nec esset supra naturam, sed forma naturalis ; neque produci potest à creatura, vteleuata per gratiam ipsam, quia sicut per quantitatem nequit produci alia quantitas, quia non est forma productiua, ita nec per gratiam alia gratia.

Ad 1. vero responderetur negando antecedens Ad 1. probationem dico, Christum, vt docet D. Thom. 3. p. q. 64. ar 3. & 4. respectu gratiæ, & remissionis peccatorum, duplicem habuisse potestatem, vnam auctoritatis, seu principalis agentis, quæ ei competit quatenus est Deus, aliam excellentiæ, seu ministerij principalis, quæ ei competit, vt est homo in quantum eius humanitas est instrumentum coniunctum diuinitati in persona ; ex quo principalitatem, & causalitatem quandam habet respectu instrumentorum extrinsecorum, ob quam principalitatem subdit sanctus Doctor art 4. citato ad 3. posse potestatem excellentiæ nominari auctoritatem. Si ergo loca Scripturæ citata velimus intelligere de potestate auctoritatis, seu principalis agentis asserendum est, loqui de Christo non vt homine, sed vt Deo, aut de filio hominis non ratione naturæ, sed ratione personæ, cui, cum sit diuina persona, & Deus, conuenit esse causam principalem physicam gratiæ. Si verò loqui velimus de

ARTICVLVS VIII. 359

de Christo, vt homine, & de filio hominis ratione naturæ, intelligendæ sunt de potestate excellentiæ, quæ auctoritas etiam appellatur, non quidem agentis principalis, sed instrumenti coniuncti, quod principalitatem quandam habet respectu instrumentorum separatorum. Ad 2. probationem dico, Diu. Thom. ibi non asserere Christum esse agens principale per auctoritatem, sed per meritum, vnde subdit: *Cuius meritum operatur in Baptismo*. Esse autem hoc modo agens principale solum est habere potestatem ministerii principalis siue potestatem excellentiæ, quæ teste eodem S. Doctore 3. p. q. 64 art. 3. inter alia consistit. *In hoc quod meritum, & virtus passionis eius operatur in sacramentis*. Cui consonat quod idem S. Doctor ait in 4. d. 19. q. 1. a. 1. *quæst iuncula 2. Potestas clauium in Christo est sicut in per se agente ad salutem nostram, per auctoritatem quidem in quantum est Deus, sed per meritum in quantum est homo, & ideo dicitur, quod habet clauem excellentiæ*. Quidam distinguunt de agente principali, physico scilicet; & morali, asseruntque Christum, licet non sit agens principale physicum nostræ gratiæ, esse tamen illius agens morale principale, nam nobis gratiam meruit non quidem, vt instrumentum Dei, alias enim Deus ipse esset qui mereretur, sed vt causam principalem meritoriam. Vnde in Concil. Trid. Sess. 6. cap. 7. Christus dicitur causa meritoria iustificationis, instrumentalis verò Sacramen-

360 **QVABSTIO CXII.**

mentum, quo indicatur Christum causam principalem meritoriam esse: D. Thom. autem non loqui de causa principali physica, sed de morali, & meritoria. cum Christum agens principale appellat.

Ad 3. probationem dico, gratiam Christi non esse de se operatiuam, & productiuam nostræ gratiæ, sed solū per virtutem instrumentalem ei superadditam, quæ imperfectior est gratia ipsa tam Christi, quā nostrā, propter hancque virtutem habere, esse gratiam capitalem influentem in mēbra, ut autem Christus esset causa efficiens physica principalis nostræ gratiæ, opus esset, ut eius gratia de se haberet, esse operatiuam, & influentem in nos gratiam.

Ad 2. argumentum respondetur negando antecedens. Ad probationem dico, rationem, ob quam creaturæ repugnat esse causam principalem efficientem physicam gratiæ, assignari optimam à D. Thom. q. 27. de Verit. ar. 3. *Gratia enim est quadam perfectio eleuans animam ad quoddam esse super naturale; nullus autem effectus supernaturalis potest esse ab aliqua creatura duplici ratione. Primo quidem quia eius solius est rem ultra statum naturæ promouere, cuius est gradus naturæ statuere, & limitare; quod solius Dei constat esse. Secundo, quia nulla virtus creata agit nisi præsupposita potentia materia, potentia autem naturalis creaturæ non se extendit ultra perfectiones naturales, unde nullam supernaturalem operationem aliqua creatura efficere potest, & inde est, quod miracula sola virtute diuini*

diuina a gente fiunt, quamuis ad miraculis operationem aliqua creatura cooperetur, vel orando, vel qualitercunque aliter ministerium adhibendo, & propter hoc nulla creatura affectiue gratiam causare potest. Per supernaturalem operationem eam intelligitur, quæ in materia, vel subiecto nullo modo naturalem potentiam supponit, quia nulli agenti creato subiicitur; sed soli Deo. Vnde licet actus charitatis, & visionis Dei sit operatio supernaturalis, quia tamen præsupponit habitum ratione cuius intellectus, aut voluntas potentiam quodammodo connaturalem habet ad talem actum, hunc enim elicere, & recipere illi quodammodo connaturale est supposita eleuatione per habitum, ut explicuimus 1. par. q. 12 ar. 5. ideo talis actus homo per supernaturalem habitum causa efficiens physica principalis esse potest; non vero gratiæ, aut alterius habitus, vel effectus supernaturalis, solam potentiam obedientialem supponentis in materia, vel subiecto. Et per hoc respondetur ad confirmationem.



ARTICVLVS II.

Vtrum requiratur aliqua præparatio, & dispositio ad gratiam ex parte hominis.

Conclusio est affirmans.

Secundum fidem certa hæc conclusio est, vt conuincunt loca scripturæ sacræ hic adducta à D. Thom. & definitio Concil. Trid. Sess. 6. cap 5. & 7. & can. 4: quâ ibi vide.

Dubium. An actus liberi arbitrii moti à Deo sint dispositiones physicae, & ex natura rei ad gratiam, an solum morales, & ex diuina motione.

Solum esse dispositiones morales, & ex diuina institutione asserunt multi. probantque 1. Quia nulla est dependentia realis gratiæ ab his dispositionibus, gratia enim confertur pueris ante vsum rationis absque aliquadispositione; ergo &c.

Secundò, in doctrina D. Thom. gratia est in essentia animæ, dispositiones autem in potentijs, dispositio autem naturalis, & physica in eodem subiecto, vt est forma
ad

ad quā disponit, collocanda est; ergo, &c.

Tertio; quia non habet locum in his dispositionibus ratio propter quam dispositiones naturales, & artificiales requiri solent; in naturalibus enim eas exigit in differentia materiæ ad plures formas, vt ad vnā speciatim deputetur, quam indifferentiam anima, non habet ad gratiam, & si quam habet, non indiget forma determinante: in artificialibus verò requiritur aliquando dispositio propter ineptitudinem materiæ: anima autem ad gratiam aptitudinem habet potentiz obedientialis; ergo &c.

Quarto, dispositio physica est dispositio, non tantum in fieri, sed in facto esse, hæ autem solum requiruntur in ipsa gratiæ productione, non in conseruatione; ergo non sunt physice, sed morales dispositiones, quæ requiruntur propter congruentiam, quia conueniens est, vt homo liber libere in Deum moueatur, & iustificetur.

Quinto probari etiā potest: quia si actus dilectionis Dei, aut cōtritionis esset vltima dispositio physica, & ex natura rei ad gratiā, sequeretur hominem esse causam principalem efficientem physicam suæ gratiæ: sed hoc est falsum; ergo &c. sequela probatur: causa efficiens physica principalis vltimæ dispositionis physice ad aliquam formam; est etiam causa efficiens physica principalis talis formæ: sed homo est causa efficiens physica principalis actus dilectionis Dei, & contritionis; ergo, & gratiæ, si

talis actus est dispositio physica, ultima ad illam.

Sexto, ad formam quæ creatur nulla requiritur dispositio physica, & ex natura rei, sed gratia creatur à Deo; ergo &c. Minor probatur: Tum quia iustificati per gratiam dicuntur ad Ephesios 2. v. 10. *Creati in Christo Iesu.* Et 2 ad Corinth. 5. v. 17. & ad Galatas 6: v. 15. *Nova creatura.* Tum etiam quia forma, quæ non educitur de potentia subiecti, creatur: sed gratia non educitur de potentia animæ, in hac enim nulla est potetia ad gratiã, neq. hæc continetur in potentia alicuius creaturæ, cum sit supra omnem potentiam creaturæ, ergo &c.

Dicendum tamen est: Actus liberi arbitrij moti a Deo dispositiones esse physicas, & ex natura rei ad gratiam. Probat. 1. ex illo Matth. 25. v. 15. *Dedit unicuique secundum propriam virtutem:* nam ut hoc explicans ait D. Thom. 2. 2. qu. 24. art. 3. ad 1. *Illam virtutem secundum quam sua dona Deus dat unicuique, est dispositio, vel preparatio precedens, siue conatus gratiam accipientis.* nomen autem virtus propriè capacitatem, & dispositionem physicam significat; ergo &c.

Secundo probatur ex D. Th. hic dicente: *Praexigitur ad gratiam aliqua gratia preparatio, quia nulla forma potest esse, nisi in materia disposita.* Vbi non est sermo de dispositione morali, sed de physica, cum constet falsum esse, nullam formam esse posse in materia disposita morali dispositione: ergo

ARTICVLVS II. 365

ergo &c. Confirmatur: nam, vt hic ad 1. & ou seq. art. 8 ad 2. ait D. Thom. Præparatio, & dispositio ad gratiam, quæ est simul cum infusione gratiæ, licet ordine naturæ præcedat gratiæ consequutionem, sequitur tamen gratiæ infusionem: at, quæ tantum est præparatio, & dispositio moralis, non sequitur formam, sed illam tantum præcedit, sicut meritum præcedit premium prætiū redemptionem; ergo &c.

Tertiò probatur ratione sumpta ex Diu. Thom. in 4. dist. 17. q. 1. a. 1. quæstiuncula 2. *Præparatio, quæ exigitur in materia ad hoc, quod formam suscipiat, duo includit scilicet, quod sit in debita proportione ad formam, & ad agens, quod debet formam inducere.* Sed hæc duo habent ex sua natura motus liberi arbitrij in Deum, & in peccatum; ergo sunt ex natura rei dispositiones ad gratiā. Minor probatur proportio ad agens attenditur secundum approximationem ad illud, proportio verò debita ad formam secundum ordinem ad illam, & remotionem impimenti: sed prædicti motus ex sua natura habent nos Deo approximare, quia Deo, non loco, sed affectu propinquamus, ad Dei gratiam ordinate, peccatiq; impediementum remouere; ergo ex sua natura habent esse dispositiones ad gratiam.

Quartò probatur cum Conrado hic: Ordo, & natura rei requirit, vt qui per actualem motum gratiam amisit, & a Deo auersus est, per motum actualem

ad Deum se conuertat, & gratiam consequatur, & nisi talem motum habeat non fit, aut censeatur ad gratiam dispositus: ergo talis motus dispositio est ex natura rei.

Quintò, sicut calor, ut octo nequit ex natura rei esse cù priuatione formæ ignis; ita nec actus charitatis, & contritionis cum priuatione gratiæ; ergo sicut calor, ut octo est physica, & ex natura rei dispositio ad formam ignis, ita actus charitatis, & contritionis ad gratiam.

Sextò, prædicti actus sunt eiusdem ordinis cum gratia, & verè, & realiter, & intrinsecè coaptant animam ad gratiam, habentque realem, & necessariam connexionem cum illa; ergo sunt dispositiones physiciæ, & ex natura rei, hoc enim est esse physicam, & ex natura rei dispositionem.

Ad 1. verò respondetur; multa esse, quæ in vno dependèntiam realem habent à quibusdam dispositionibus, quam non habent in alio subiecto; scientia enim in homine ex natura rei dependet à discursu, quam dependentiam non habet in Angelo. & in vno homine vita dependentiam realem habet à tali complexione, quam non habet in alio diuersam complexionem habente, & mollities in cera realiter dependet à calore, quam dependentiam non habet in luto. Ita ergo in adultis est realis dependentia gratiæ à prædictis dispositionibus, motibus scilicet liberi arbitrij in Deum, & in peccatum, quæ
non

non est in pueris, nam vt ait D. Tho. in 4 dist. 17. q. 1. ar. 3. quæstiuncula 2. *Quando voluntas non habet actum contrarium, sicut est in pueris, sine violentia voluntatis potest infundi gratia &c.* Sed quando voluntas habet suum actum sicut est in adultis, requiritur actus voluntatis ad gratiam suscipiendam ad auctorem ordinans.

Ad 2. respondetur: sicut dispositiones ad formam substantialem non recipiuntur immediatè in materia prima, in qua recipitur forma substantialis: sed in toto composito: ita non esse necessarium, vt dispositiones ad gratiam quamuis physicæ sint, subiectionentur in essentia animæ, in qua est gratia, sed satis est, vt immediatè subiectionentur in aliqua animæ potentia, hanc enim perficiendo, actuando, & eleuando, perficiunt etiam, & eleuant animam, vt sit proportionata ad recipiendam gratiam.

Ad 3. respondetur falsum esse animam non esse indifferentem ad gratiam, & non indigere dispositione ad illam determinante; sicut enim est indifferens voluntas ad charitatem, & odium, iustitiam, & iniustitiam, virtutem, & vitium: ita essentia animæ ad gratiam, & peccatum habituale, & per actus liberi arbitrii bonos, vt per dispositiones, determinatur ad gratiam consequendam, per malos vero ad maculam peccati.

Ad 4. respondetur non semper dispositionem physicam, quæ requiritur ad fieri,

& introductionem formæ, requiri etiam ad formæ conseruationem; calor enim qui requiritur ad introductionem formæ carbonis in materia ligni, non est necessarius ad talis formæ conseruationem.

Ad 5. variæ assignari solent solutiones. Præcipuæ sunt duæ. Prima est hominem esse causam physicam principalem actus charitatis, vel contritionis, quatenus actus virtutis est, & operatio vitalis supernaturalis; non tamen ut habet rationem ultimæ dispositionis, quia ut sic à solo Deo causante gratiam est principaliter talis actus: sicut calor ut, octo licet secundum suam essentiam producat à forma ignis geniti, ut tamen habet rationem dispositionis ad talem formam à solo generante producit. Nec obstat hos actus etiam, ut habet rationem dispositionis esse ab habitu charitatis, aut pœnitentiæ: ac per consequens à voluntate hominis constituta per talem habitum, tanquam à causa principali. Respondetur namque, à multis id negari, ut patebit q. seq. art. 8. licet enim hi actus in veritate procedant ab habitu charitatis, aut pœnitentiæ; tamen in illo priori in quo intelliguntur habere rationem dispositionis, non intelliguntur esse ab habitu, sed ab auxilio diuino; & secundum istam rationem esse à gratia operante. Et quamuis ab aliis concedatur, tales actus, ut habent rationem dispositionis, esse ab habitu in genere causæ effectiuæ; tamen habitus,

non

non habet rationem formæ constituentis subiectum in actu: sed rationem instrumenti in ordine ad hos actus, vt habent modum dispositionis. Sicut enim primus motus cordis procedit quidem effectiue à principio vitali, tamen illud principium vitale, non concurrit ad operationem per modum principij vitalis, vnde illa operatio non tribuitur viuenti: nec se mouet in illa, sed mouetur ab Auctore naturæ: ita actus contritionis, vel dilectionis Dei, vt est vltima dispositio ad gratiam, non est ab habita, vt habet rationem formæ & virtutis operatiuæ principalis; sed vt habet rationem instrumenti: sicque homo per illum non se mouet, sed mouetur; nec se disponit, sed disponitur à Deo. Quod non opponitur Concilio Trid. locis hic ante dubium citatis afferenti, hominem se ad gratiam disponere, ac preparare; nam ibi est sermo de dispositione morali, quæ est à gratia cooperante, vt patet ex illis verbis *Nihil cooperari &c.* Verum autem est, hominem se disponere ad gratiam moraliter, dū auxilio Dei cooperatur assentiendo; non verò de dispositione physica, quam à gratia operante esse diximus, ac proinde hominem non se mouere, sed moueri, nonque se physice principaliter disponere ad gratiam, sed à Deo disponi, sicut, nec ignis se ad propriam formam disponit, sed ad eam disponitur materia à generante ignem. Secunda solutio est; licet nos ex auxilio supernaturali, aut ex habitu charitatis, & po-

nitentiae, ut causae efficientes principales physicae producamus actus supernaturales dilectionis Dei, & contritionis, ut sunt ultime physicae dispositiones ad habendam gratiam; non tamen producere nos, ut causas efficientes principales physicas gratiam, sed hanc à solo Deo causari per infusionem. Quamvis enim quando ad introductionem formae sufficit dispositio physica, hanc introducens, introducat etiam formam; tamen si praeter dispositionem physicam requiratur ad introductionem formae aliqua moralis conditio in agente extrinseco, quam nequit causare, qui introducit physicam dispositionem, hanc introducens, non introducit formam: Licet autem actus charitatis & contritionis sint dispositiones physicae ad gratiam: non tamen secundum suam physicam entitatem sufficiunt ad positionem gratiae, nisi interveniat specialis Dei benevolentia, & acceptatio, atque amor nonaque gratia & misericordia, ut patebit q. seq. art. 2. dub. 2. Et ideo licet nos causae efficientes principales physicae simus actuum, qui sunt ultime dispositiones ad gratiam, per illosque nos disponamus ad eam obtinendam, non tamen sumus causae efficientes principales physicae gratiae.

Ad 6. respondetur circa productionem gratiae tres esse Doctorum sententias. Prima est Scoti in 4. dist. 1. q. 3. *Ad primam ergo*, gratiam produci per creationem. Secunda est gratiam non creari; quia non est

ARTICVLVS II. 371

est res subsistens, sed concreari in subiecto in quo inhereret. Tertia est, nec creari, nec concreari, sed educi de potentia obedientiali subiecti, in quo est. Primę, & secundę sententię videtur fauere D. Thom. q. 27. de Verit. art. 3. ad 9. Sed tertiam tenet absque dubio: Vnde quęst. 1. de Virtutibus ar. 10. ad 13. docet virtutes infusas esse in potentia animę obedientiali. Et cũ 1. p. q. 45. ar. 5. dixisset creaturam non posse assumi vt instrumentum ad creandum, docet in 3. p. q. 62. ar. 1. Sacramenta esse causas instrumentales gratię, aperte indicans hanc non creari. Idem etiam insinuat hic ad 3. & supra q. 110. art. 2. ad 3. & infra q. 113. ar. 9. vbi ait opus creationis in quo ex nihilo fit aliquid esse maximum ex parte modi agendi, iustificationem verò ex parte eius, quod fit, seu termini: si autem gratia, quę est terminus iustificationis crearetur, etiam ex parte modi esset iustificatio maximum opus. Idem etiam communiter docent Theologi presertim discipuli D. Thom. Probatur, quod creatur debet esse subsistens, & quod concreatur simul cum alio, & ad creationem alterius creatur: sed gratia non est subsistens & quando in iustificatione impij produci- tur, non est aliquid, quod ex nihilo creetur cum quo simul, & ad cuius creationem creetur gratia: ergo &c. Pręterea, quod natura sua habet produci per creationem, habet etiam ex sua natura desinere per annihilationem, vt patet in Angelo: sed

gratia non desinit per annihilationem, tum quia de lege ordinaria Deus nihil annihilat: tum etiam quia vt docet D Tho. 2.2.q.24 art.10 gratia corrumpitur effectiue per peccatum, ad annihilationem autem nihil potest effectiue concurrere, nisi solus Deus; ergo nō incipit esse per creationem. Per quam ergo actionem? per quandam supernaturalem, quam mirabilem quandam generationem participationemue diuinæ generationis appellare possumus, cum per gratiam filii Dei efficiamur, & ex Deo nati dicamur. In forma igitur neganda est minor argumenti (quamuis etiam si eam admitteremus cum prima sententia dicere possemus cum M Soto lib.de Natura & gratia cap.9. dispositionem physicam requiri, si non ad creationem gratiæ, ad eius tamen cum anima vnionem, sicut, & requiritur ad vnionem animæ rationalis cum corpore.) Ad primam probationem dico, ibi non sumi creationem proprie quæ est productio rei substantis ex nihilo, sed latè, vnde Diu. Thom. supra q. 110. art. 2. ad 3. ait: *Gratia dicitur creari, ex eo quod homines secundum ipsam creantur, id est in nouo esse constituentur ex nihilo, id est, non ex meritis.* Ad 2. probationem neganda est minor; cum enim gratia pendeat in esse, fieri, & conseruari ab anima, & non producat per productionem animæ, non creatur, nec concreatur, sed de potentia animæ educitur, non quidem naturali, sed obedi-

ARTICVLVS III. 373

dientiali. Vide quæ diximus 1. part. q. 45. ar. 4.

ARTICVLVS III.

*Vtrum necessario detur gratia se
preparanti ad gratiam, vel fa-
cienti, quod in se est.*

Conclusio est negans.

Dubium. *An facienti, quod in
se est ex sola facultate nature,
Deus non deneget gratiam, sed
hanc ei infallibiliter, & ex certa
lege conferat.*

PArtem affirmantem quidam tenent, &
probant 1. ex D. Thom. quæst. 14. de
Verit. art. 1. ad 1. ubi sic habet: Ad diui-
nam providentiam pertinet, ut cuilibet pro-
videat de necessarijs ad salutem, dummodo
ex parte eius non impediatur. Si enim aliquis
taliter nutritus (scilicet in silvis) ductum
naturalis rationis sequeretur in appetitu bo-
ni, & fuga mali, certissime est tenendum,
quod ei Deus, vel per internam inspira-
tionem reuelaret ea, quæ sunt ad cre-
dendum necessaria, vel aliquem fidei prædi-
cator.

catorem ad eum dirigeret. sicut misit Petrum ad Cornelium Act. 10. Et ad 2. dicit : *Quamuis non sit in potestate nostra cognoscere ea, qua sunt fidei ex nobis ipsis ; tamen si nos fecerimus quod in nobis est, ut scilicet et ductum rationis sequamur, Deus non deficiet nobis ab eo, quod nobis est necessarium.* Et in 2. d. 28 q. 1. art. 4. ad 4. ita ait : *Etiam ad fidem habendam aliquis se preparare potest, per id quod in naturali ratione est : unde dicitur, quod si aliquis in barbaris natus nationibus, quod in se est faciat, Deus sibi revelabit illud, quod est necessarium ad salutem, vel inspirando, vel doctorem mittendo.*

Secundo, in potestate cuiuslibet hominis adulti est eius salus, & iustificatio, iuxta illud Ecclesiastici 15. v. 18. *Ante hominem vita. & mors &c.* Et Ioan. 1. v. 12. *Dedit eis potestatem filios Dei fieri*; sed non esset in cuiuslibet potestate, nisi infallibiliter, & ex certa lege Deus conferret gratiam primæ vocationis, auxiliaque prævenientis gratiæ facienti quod in se est ex sola facultate naturæ, quia salus sine talibus auxilijs gratiæ haberi non potest ; ergo, &c.

Tertio, quia alias sequeretur aliquem sine sua culpa carere gratia, & damnari consequens est falsum ; ergo, &c. Sequela probatur : Qui facit totum, quod in se est ex viribus naturæ, non peccat ; ergo si Deus ei infallibiliter, & ex certa lege non conferat gratiam, & auxilia necessaria ad salutem, sine sua culpa poterit carere gratia, & damnari.

Quarto, Deus vult omnes homines salvos

uos fieri : sed non vellet, si cuicumque facienti quod in se est ex viribus naturæ, non daret auxilia necessaria ad salutem, etiam sufficientia, qualis est prima vocatio; ergo infallibiliter illa confert cuicumque id facienti, decretumque illa conferendi lex ipsius Dei est.

Quintò, Deus præcipit nos reconciliari his, qui nos offendunt; si ipsi nobis reconciliari velint; ergo etiam Deus ipse reconciliabitur nobis, si nos fecerimus ex parte nostra, quod in nobis est.

Dicendum tamen est : facienti quod in se est ex sola facultate naturæ, non infallibiliter, & ex certa lege conferri à Deo gratiam; unde quod communiter dicitur, facienti quod in se est Deus non denegat gratiam, intelligendum est de faciente quod in se est ex diuino auxilio. Prima pars probatur à D. Thom. hic : *Quia denum gratia excedit omnem præparationem virtutis humanæ.* Quod non solum est verum de dono gratiæ habitualis, sed etiam actualis, nam vtræque gratia est supernaturalis, ac proinde excedit omne, quod ex sola facultate naturæ fit : infallibiliter autem, & ex certa lege non confertur à Deo, quod excedit præparationem virtutis humanæ, & ad quod hæc nullam habet proportionem; ergo facienti quod in se est ex sola facultate naturæ non datur infallibiliter, & ex certa lege gratia habitualis, nec actualis.

Secundò probatur : homo per vires naturæ sine auxilio gratiæ non potest diligere

re Deum etiam, vt finem naturalem super omnia, nec omnia præcepta naturalia seruare, nec omnia opera moraliter bona facere, sed vnum, aut alterum, vt patet ex dictis supra q. 109. art. 2. & sequentibus: at non cuicumque facienti aliquod opus bonum moraliter Deus infallibiliter confert gratiam, alias nullus esset cui non conferret, cum vix possit inueniri homo adultus, qui non faciat vnum, aut alterum opus moraliter bonum; ergo nec cuicumque facienti quod in se est ex viribus naturæ.

Tertiò, in Concilio Arauficano 2. can. 3. diffinitur: *Si quis ad inuocationem humanam gratiam Dei dicit conferri, non autem ipsam gratiam facere, vt inuocetur à nobis contradicit Esaiæ Propheta, vel Apostolo idem dicenti: Inuentus sum à non querentibus me, palam apparui his, qui me non interrogabant.* Et can. 4. *Si quis, vt à peccato purgemur voluntatem nostram Deum expectare contendit &c resistit ipsi Spiritui Sancto &c.* Et can. 5. *Si quis, sicut augmentum ita, & initium fidei &c. non per gratia donum &c. & naturaliter nobis inesse dicit, Apostolicis dogmatibus aduersarius approbatur &c.* Et can. 6. *Si quis sine gratia Dei credentibus, volentibus, desiderantibus, laborantibus, vigilantibus &c. nobis misericordiam dicit conferri &c. resistit Apostolo &c.* At si facienti quod in se est ex sola facultate naturæ Deus infallibiliter, & ex certa lege conferret gratiam, misericordiam conferret laboranti sine gratia Dei, & initium fi-
dei

dei non per gratiæ donum, sed naturaliter nobis inesset, Deusque nostram voluntatem expectare, & ad inuocationem humanam gratiam conferret; ergo, &c.

Quarto probatur: Sanct. Prosper libro contra Collatorem cap. 4. 5 & 6. impugnat Cassianum asserentem: *Qui cum in nobis ortum quendam bonæ voluntatis inspexerit, illuminat eam confestim &c.* Sed hoc non esset falsum, si Deus facienti quod in se est ex viribus naturæ infallibiliter gratiam conferret; ergo, &c. Immo nec concedendum est, Deum intuitu alicuius operis nostri conferre gratiam primæ vocationis, etiam si dicatur de hoc nõ esse legem, neq. hoc esse infallibile: quia daretur causa primi effectus prædestinationis, & ex parte nostræ esset primum initium; cuius oppositum ostendimus 1. p. q. 23. art. 5.

Denique probatur argumentis, quibus supra q. 109 art. 6. probatum est hominem per vires naturæ non posse se ad gratiam præparare, aut aliquid facere, quo infallibiliter consequatur gratiam iustificantem, aut vocationis.

Secunda pars conclusionis certa etiam est, asseriturque ab omnibus cum D. Thom. hic de præparatione dicente: *Alio modo potest considerari secundum quod est à Deo mouente, & tunc habet necessitatem ad id, ad quod ordinatur à Deo, non quidem coactionis, sed infallibilitatis.* Cum autem dicitur facienti quod in se est ex diuino auxilio Deus non denegat gratiam, non est intelligendum hoc

hoc de gratia, quæ est prima vocatio, aut primum Dei auxilium; nam impossibile est ante primum auxilium hominem facere quod in se est ex diuino auxilio; sed de gratia, quæ sequitur, vel est post auxilium diuinum, quo homo facit quod in se est. Non est etiam intelligendum de faciente ex diuino auxilio quodcumque opus, qui enim credit, vel sperat, ex diuino auxilio facit hoc opus, & tamen non quicumque hoc facit, consequitur gratiam iustificationis. Sed de faciente opus ex diuino auxilio efficaciter mouente ad iustificationem. Colligitur hoc ex ratione, quam D. Thom. subiungit: *Quia intentio Dei deficere non potest, secundum quod Augustinus dicit in lib. de Prædestinatione sanctorum, quod per beneficia Dei certissimè liberantur quicumque liberantur. Vnde si ex intentione Dei mouentis est, quod homo, cuius cor mouet, gratiam consequatur, infallibiliter ipsam consequitur, secundum illud Iero. 6. Omnis, qui audit à Patre, & didicit, venit ad me. Cum autem ex intentione Dei mouentis est, vt homo, cuius cor mouet, gratiam consequatur, diuinum auxilium ex quo est opus, vel dispositio non solum vltima, sed etiam remota, efficaciter mouet ad iustificationem, ad illamque efficaciter immediatè si vltima sit dispositio, vel mediatè, si sit dispositio remota, conducit, cum sit ex Dei proposito, & intentione efficaci hominem iustificandi.*

Ad 1. verò respondetur. D. Thom. ibi loqui de eo, qui facit quod in se est, & ductū
na-

naturalis rationis sequitur, non quidem ex sola facultate naturę, sed ex auxilio pręuenientis gratiæ: Vnde idem S. Doctor ad Roman. 10. lect. 3. sic habet: *Si qui tamen eorum fecissent quod in se est, Dominus eis secundum suam misericordiam prouidisset, mittere eis predicatorem fidei, sicut Petrum Cornelio Act. 10, & Paulum Macedonibus, ut habetur Act. 10. Sed tamen hoc ipsum quod aliqui faciunt quod in se est, conuertendo se scilicet in Deum; ex Deo est mouente corda ipsorum ad bonum; Trem. 3. Conuerte nos Domine ad te, & conuertemur. Quod explicatio est verborum, quę in locis citatis in argumento habet. Optimamque esse, colligitur ex exemplo Cornelii utrobique posito, quem non ex sola facultate fecisse quod in se erat, sed speciali auxilio pręuenientis gratiæ constat. nam ut docet D. Th. 2. 2. q. 10 artic. 4. ad 3. *Infidelis non erat &c. habebat autem fidem implicitam &c. Vnde ut eum in fide plenius instrueret, missus est ad eum Petrus.**

Ad 2. respondetur negando minorem falsus enim, & iustificatio est in potestate hominis, non quidem tanquam in primo inchoante, aut incipiente, sed tanquam in consentiente liberę, & cooperante supposito auxilio pręuenientis gratiæ. Vnde Diu. Aug. lib. de Bono perseuerantię cap. 8 inquit. *Non itaque in hominum, sed in Dei est potestate, ut habeant homines potestatem filios Dei fieri. Ab ipso quippe accipiunt eam, quidam cordi humano cogitationes pias, po-*

quas habeat fidem, qua operetur per dilectionem.

Ad 3. respondetur negando sequelam; Deus enim omnibus hominibus tribuit auxilia sufficientia ad salutem, & quamvis faciendo quod in se est ex viribus naturæ homo non peccet, peccat tamen non bene utendo auxiliis sufficientibus.

Ad 4. respondetur: licet Deus non tribuat hominibus auxilia sufficientia, quia ad illa se disponant, ac præparent faciendo quod in se est ex viribus naturæ, omnibus tamen adultis tribuit auxilia sufficientia ad salutem, sicque omnes saluos fieri vult.

Ad 5. respondetur: etiam Deum reconciliari nobis, si nos velimus reconciliari Deo; hæc tamen velle, sicut oportet, non possumus ex viribus naturæ, sed ex auxilio gratiæ, alias enim sine dispositione supernaturali iustificaremur.

ARTICVLVS IV.

Vtrum gratia sit maior in uno, quam in alio.

Conclusio est affirmans.

*Vtrum homo possit scire se habere
gratiam.*

Conclusio est negans.

T Ripliciter intelligi potest hominem
scire se habere gratiam. Primo per
reuelationem. Secundò per se ip-
sum, & hoc certitudinaliter. Tertiò conie-
cturaliter per aliqua signa. Primo modo cer-
tū est, posse hominē scire se habere gratiam;
id per reuelationem sciuisse Paulū colligit
D. Tho. nam vt ipse refert 2 ad Corinth. 12.
v 9. Dominus ei dixit: *Sufficit tibi gratia
mea.* Tertiò modo etiam asserit S. Doctor:
*Aliquis cognoscere potest se habere gratiam in
quantum sciit, et percipit se delectari in Deo, &
contemnere res mundanas, & in quantum ho-
mo non est conscius sibi alicuius peccati morta-
lis.* Secundò autem modo negat conclu-
sio posse hominem scire se habere gratiā.
Quē probari posset multis Sac, ræ Scriptu-
ræ testimoniis. Sufficiant duo quē hic ad-
ducit D. Thom. Primum in argumento.
Sed contra. Ex Ecclesiastes capit. 9. vers. 1.
Nescit homo vtrum amore, an odio dignus sit.
Vbi de amore, & odio Dei sermo est, & de
homine iusto, vt colligitur ex præcedenti-
bus, *Sunt iusti &c.* Peccatorem enim certo
scire se esse in peccato, ac proinde odio di-
gnum,

ARTICVLVS V. 383

Hier lib. 2. aduersus Pelagianos sic Pauli testimonium explicans: *Mire, nec me ipsum iudico, nihil mihi conscius sum, nec tamen in hoc iustificatus sum. Qui hoc dicebat, nullius utique peccati sibi conscius erat. Sed quia lēgerat: Delicta quis intelligit? Et: Sunt viē qui videntur viro iustā: nouissima autem earum respiciunt in profundum inferni. Et iterum omnis vir videtur sibi iustus, Deus autem corda hominum dirigit: idcirco temperabat sententiam, ne forte per ignorantiam deliquisset: maxime cum scriptura testetur: Est iustus, qui perit in iustitia sua, &c. Alii admittentes tunc iam Paulum habuisse reuelationem suæ gratiæ, dicunt, illum non protulisse prædicta verba pro se ipso, sed communē hominum personam agente m. sicut & cū ad Rom. 7. vers. 14. dixit: Lex spiritalis est: ego autem carnalis sum venundatus sub peccato, quod enim operor non intelligo, &c. Vel si pro se ipso illa protulit verba, hoc fecit attendendo ad communem modum cognoscendi propriam iustitiam, præciso priuilegio specialis reuelationis, quod habebat.*

Cercissima est ergo conclusio articuli quam confirmat doctrina Concilii Trid. Sess. 6. cap. 9. dicentis. *Sicut nemo pius de Dei misericordia, de Christi merito, deque Sacramentorum virtute, & efficacia dubitare debes. sic quilibet, dum se ipsum, suamque propriam infirmitatem, & indispositionem respicit, de sua gratia formidare, & timere potest. cum nullus scire valeat certitudine fidei.*
cui

gratia non definit per annihilationem ; tum quia de lege ordinaria Deus nihil annihilat : tum etiam quia vt docet D Tho. 2.2.q.24 art.10 gratia corrumpitur effectiue per peccatum , ad annihilationem autem nihil potest effectiue concurrere , nisi solus Deus ; ergo nō incipit esse per creationem . Per quam ergo actionem ? per quandam supernaturalem , quam mirabilem quandam generationem participationemue diuinæ generationis appellare possumus , cum per gratiam filii Dei efficiamur , & ex Deo nati dicamur . In forma igitur neganda est minor argumenti (quamuis etiam si eam admitteremus cum prima sententia dicere possemus cum M Soto lib.de Natura & gratia cap.9. dispositionem physicam requiri , si non ad creationem gratiæ , ad eius tamen cum anima vnionem , sicut , & requiritur ad vnionem animæ rationalis cum corpore .)

Ad primam probationem dico , ibi non sumi creationem proprie quæ est productio rei substantis ex nihilo , sed latè , vnde Diu. Thom. supra q. 110. art.2. ad 3. ait : *Gratia dicitur creari , ex eo quod homines secundum ipsam creantur , id est in nouo esse constituentur ex nihilo , id est , non ex meritis .*

Ad 2. probationem neganda est minor ; cum enim gratia pendeat in esse , fieri , & conseruari ab anima , & non producat per productionem animæ , non creatur , nec concreatur , sed de potentia animæ educitur , non quidem naturali , sed obedi-

dien-

ARTICVLVS III. 373

dientiali. Vide quæ diximus I. part. q. 45, ar. 4.

ARTICVLVS III.

*Vtrum necessario detur gratia se
preparanti ad gratiam, vel fa-
cienti, quod in se est.*

Conclusio est negans.

Dubium. *An facienti, quod in
se est ex sola facultate natura,
Deus non deneget gratiam, sed
hanc ei infallibiliter, & ex certa
lege conferat.*

PArtem affirmantem quidam tenent, & probant I. ex D. Thomæ quæst. 14, de Verit. art. 11 ad 1. ubi sic habet: *Ad diuinam providentiam pertinet, ut cuiuslibet provideat de necessarijs ad salutem, dummodo ex parte eius non impediatur. Si enim aliquis taliter nutritus (scilicet in silvis) ductum naturalis rationis sequeretur in appetitu boni, & fuga mali, certissime est tenendum, quod ei Deus, vel per internam inspirationem reuelaret ea, quæ sunt ad credendum necessaria, vel aliquem fidei prædicato.*

catorem ad eum dirigeret, sicut misit Petrum ad Cornelium Act. 10. Et ad 2. dicit : *Quamuis non sit in potestate nostra cognoscere ea, qua sunt fidei ex nobis ipsis ; tamen si nos fecerimus quod in nobis est, ut scilicet et ductum rationis sequamur, Deus non deficiet nobis ab eo, quod nobis est necessarium.* Et in 2. d. 28 q. 1. art. 4. ad 4. ita ait : *Etiā ad fidem habendam aliquis se preparare potest, per id quod in naturali ratione est : unde dicitur, quod si aliquis in barbaris natus nationibus, quod in se est faciat, Deus sibi reuelabit illud, quod est necessarium ad salutem, vel inspirando, vel doctorem mittendo.*

Secundo, in potestate cuiuslibet hominis adulti est eius salus, & iustificatio, iuxta illud Ecclesiastici 15. v. 18. *Ante hominem vita. & mors &c.* Et Ioan. 1. v. 12. *Dedit eis potestatem filios Dei fieri :* sed non esset in cuiuslibet potestate, nisi infallibiliter, & ex certa lege Deus conferret gratiam primæ vocationis, auxiliaque præuenientis gratiæ facienti quod in se est ex sola facultate naturæ, quia salus sine talibus auxilijs gratiæ haberi non potest ; ergo, &c.

Tertio, quia alias sequeretur aliquem sine sua culpa carere gratia, & damnari consequens est falsum ; ergo, &c. Sequela probatur : *Qui facit totum, quod in se est ex viribus naturæ, non peccat ; ergo si Deus ei infallibiliter, & ex certa lege non conferat gratiam, & auxilia necessaria ad salutem, sine sua culpa poterit carere gratia, & damnari.*

Quarto, Deus vult omnes homines saluos

uos fieri : sed non vellet, si cuicumque facienti quod in se est ex viribus naturæ, non daret auxilia necessaria ad salutem, etiam sufficientia, qualis est prima vocatio; ergo infallibiliter illa confert cuicumque id facienti, decretumque illa conferendi lex ipsius Dei est.

Quintò, Deus præcipit nos reconciliari his, qui nos offendunt; si ipsi nobis reconciliari velint; ergo etiam Deus ipse reconciliabitur nobis, si nos fecerimus ex parte nostra, quod in nobis est.

Dicendum tamen est : facienti quod in se est ex sola facultate naturæ, non infallibiliter, & ex certa lege conferri à Deo gratiam; unde quod communiter dicitur, facienti quod in se est Deus non denegat gratiam, intelligendum est de faciente quod in se est ex diuino auxilio. Prima pars probatur à D. Thom. hic : *Quia deum gratia excedit omnem præparationem virtutis humanæ.* Quod non solum est verum de dono gratiæ habitualis, sed etiam actualis, nam vtraque gratia est supernaturalis, ac proinde excedit omne, quod ex sola facultate naturæ fit : infallibiliter autem, & ex certa lege non confertur à Deo, quod excedit præparationem virtutis humanæ, & ad quod hæc nullam habet proportionem; ergo facienti quod in se est ex sola facultate nature non datur infallibiliter, & ex certa lege gratia habitualis, nec actualis.

Secundò probatur : homo per vires naturæ sine auxilio gratiæ non potest diligere

re Deum etiam, vt finem naturalem super omnia, nec omnia praecepta naturalia seruare, nec omnia opera moraliter bona facere, sed vnum, aut alterum, vt patet ex dictis supra q. 109. art. 2. & sequentibus: at non cuiumque facienti aliquod opus bonum moraliter Deus infallibiliter confert gratiam, alias nullus esset cui non conferret, cum vix possit inueniri homo adultus, qui non faciat vnum, aut alterum opus moraliter bonum; ergo nec cuiumque facienti quod in se est ex viribus naturæ.

Tertiò, in Concilio Arausicano 2. can. 3. diffinitur: *Si quis ad inuocationem humanam gratiam Dei dicit conferri, non autem ipsam gratiam facere, vt inuocetur à nobis contradicit Esaiæ Propheta, vel Apostolo idem dicenti: Inuentus sum à non querentibus me, palam apparui his, qui me non interrogabant. Et can. 4. Si quis, vt à peccato purgemur voluntatem nostram Deum expectare contendit &c. resistit ipsi Spiritui Sancto &c. Et can. 5. Si quis, sicut augmentum ita, & initium fidei &c. non per gratia donum &c. & naturaliter nobis inesse dicit, Apostolicis dogmatibus aduersarius approbatur &c. Et can. 6. Si quis sine gratia Dei credentibus, volentibus, desiderantibus, laborantibus, vigilantibus &c. nobis misericordiam dicit conferri &c. resistit Apostolo &c. At si facienti quod in se est ex sola facultate naturæ Deus infallibiliter, & ex certa lege conferret gratiam, misericordiam conferret laboranti sine gratia Dei; & initium fi-*
dei

dei non per gratiæ donum, sed naturaliter nobis inesset, Deusque nostram voluntatem expectare, & ad inuocationem humanam gratiam conferret; ergo, &c.

Quarto probatur: Sanct. Prosper libro contra Collatorem cap. 4. § & 6. impugnat Cassianum asserentem: *Qui cum in nobis ortum quendam bonæ voluntatis inspexerit; illuminat eam confestim &c.* Sed hoc non esset falsum, si Deus facienti quod in se est ex viribus naturæ infallibiliter gratiam cōferret; ergo, &c. Immo nec concedendum est, Deum intuitu alicuius operis nostri cōferre gratiam primæ vocationis, etiam si dicatur de hoc nō esse legem, neq. hoc esse infallibile: quia daretur causa primi effectus prædestinationis, & ex parte nostræ esset primum initium; cuius oppositum ostendimus i. p. q. 23. art. 5.

Denique probatur argumentis, quibus supra q. 109 art. 6. probatum est hominem per vires naturæ non posse se ad gratiam præparare, aut aliquid facere, quo infallibiliter consequatur gratiam iustificantem, aut vocationis.

Secunda pars conclusionis certa etiam est, asseriturque ab omnibus cum D. Thom. hic de præparatione dicente: *Alio modo potest considerari secundum quod est à Deo mouente, & tunc habet necessitatem ad id, ad quod ordinatur à Deo, non quidem coactionis, sed infallibilitatis.* Cum autem dicitur facienti quod in se est ex diuino auxilio Deus non denegat gratiam; non est intelligendum

hoc

hoc de gratia, quæ est prima vocatio, aut primum Dei auxilium; nam impossibile est ante primum auxilium hominem facere quod in se est ex diuino auxilio; sed de gratia, quæ sequitur, vel est post auxilium diuinum, quo homo facit quod in se est. Non est etiam intelligendum de faciente ex diuino auxilio quodcumque opus, qui enim credit, vel sperat, ex diuino auxilio facit hoc opus, & tamen non quicumque hoc facit, consequitur gratiam iustificationis. Sed de faciente opus ex diuino auxilio efficaciter mouente ad iustificationem. Colligitur hoc ex ratione, quam D. Thom. subiungit: *Quia intentio Dei deficere non potest, secundum quod Augustinus dicit in lib. de Prædestinatione sanctorum, quod per beneficia Dei certissimè liberantur quicumque liberantur. Vnde si ex intentione Dei mouentis est, quod homo, cuius cor mouet, gratiam consequatur, infallibiliter ipsam consequitur, secundum illud Iero. 6. Omnis, qui audit à Patre, & didicit, venit ad me. Cum autem ex intentione Dei mouentis est, vt homo, cuius cor mouet, gratiam consequatur, diuinum auxilium ex quo est opus, vel dispositio non solum vltima, sed etiam remota, efficaciter mouet ad iustificationem, ad illamque efficaciter immediatè si vltima sit dispositio, vel mediatè, si sit dispositio remota, conducit, cum sit ex Dei proposito, & intentione efficaci hominem iustificandi.*

Ad 1. verò respondetur. D. Thom. ibi loqui de eo, qui facit quod in se est, & ductū
na-

naturalis rationis sequitur, non quidem ex sola facultate naturę, sed ex auxilio pręuenientis gratiæ: Vnde idem S. Doctor ad Roman. 10. lect. 3. sic habet: *Si qui tamen eorum fecissent quod in se est, Dominus eis secundum suam misericordiam prouidisset, mittere eis predicatorem fidei, sicut Petrum Cornelio Act. 10, & Paulum Macedonibus, ut habetur Act. 10. Sed tamen hoc ipsum quod aliqui faciunt quod in se est, conuertendo se scilicet in Deum, ex Deo est mouente corda ipsorum ad bonum, Tren. 3. Conuerte nos Domine ad te, & conuertemur. Quod explicatio est verborum, quę in locis citatis in argumento habet. Optimamque esse, colligitur ex exemplo Cornelii utrobique posito, quem non ex sola facultate fecisse quod in se erat, sed speciali auxilio pręuenientis gratiæ constat, nam vt docet D. Th. 2. 2. q. 10 artic. 4. ad 3. *Infidelis non erat &c. habebat autem fidem implicitam &c. Vnde ut eum in fide plenius instrueret, missus est ad eum Petrus.**

Ad 2. respondetur negando minorem falsus enim, & iustificatio est in potestate hominis, non quidem tanquam in primo inchoante, aut incipiente, sed tanquam in consentiente liberę, & cooperante supposito auxilio pręuenientis gratiæ. Vnde Diu. Aug. lib. de Bono perseuerantię cap. 8 inquit. *Non itaque in hominum, sed in Dei est potestate, ut habeant homines potestatem filios Dei fieri. Ab ipso quippe accipiunt eam, quidam cordi humano cogitationes pias, per*
quas

380 QVÆSTIO CXII.

quas habeat fidem, qua operetur per dilectionem.

Ad 3. respondetur negando sequelam; Deus enim omnibus hominibus tribuit auxilia sufficientia ad salutem, & quamvis faciendo quod in se est ex viribus naturæ homo non peccet, peccat tamen non bene utendo auxiliis sufficientibus.

Ad 4. respondetur: licet Deus non tribuat hominibus auxilia sufficientia, quia ad illa se disponant, ac præparent faciendo quod in se est ex viribus naturæ, omnibus tamen adultis tribuit auxilia sufficientia ad salutem, sicque omnes saluos fieri vult.

Ad 5. respondetur: etiam Deum reconciliari nobis, si nos velimus reconciliari Deo; hæc tamen velle, sicut oportet, non possumus ex viribus naturæ, sed ex auxilio gratiæ, alias enim sine dispositione supernaturali iustificaremur.

ARTICVLVS IV.

Vtrum gratia sit maior in uno, quam in alio.

Conclusio est affirmans.

ARTICVLVS V.

*Vtrum homo possit scire se habere
gratiam.*

Conclusio est negans.

T Ripliciter intelligi potest hominem scire se habere gratiam. Primo per reuelationem. Secundò per se ipsum, & hoc certitudinaliter. Tertio coniecturaliter per aliqua signa. Primo modo certum est, posse hominē scire se habere gratiam; id per reuelationem sciuisse Paulū colligit D. Tho. nam vt ipse refert 2 ad Corinth. 12. v 9. Dominus ei dixit: *Sufficit tibi gratia mea.* Tertio modo etiam asserit S. Doctor: *Aliquis cognoscere potest se habere gratiam in quantum sci. licet percipit se delectari in Deo, & contemnere res mundanas, & in quantum homo non est conscius sibi alicuius peccati mortalis.* Secundò autem modo negat conclusio posse hominem scire se habere gratiā. Quę probari posset multis Sac. ræ Scripturæ testimoniis. Sufficiant duo quę hic adducit D. Thom. Primum in argumento. *Sed contra.* Ex Ecclesiastes capit. 9. vers. 1. *Nescit homo vtrum amore, an odio dignus sit.* Vbi de amore, & odio Dei sermo est, & de homine iusto, vt colligitur ex præcedentibus, *Sunt iusti &c.* Peccatorem enim certo scire se esse in peccato, ac proinde odio dignum,

gnum, constat. Vnde D. Hieron. ait hunc esse sensum huius loci: *Etiam in hoc dedi cor meum, & scire volui, quos Deus diligeret, quos Deus odisset, & inueni iustorum quidam opera in manu Dei esse: & tamen utrum amentur à Deo an non, nunc eos scire non posse.* Secundum in corp. artic. ex 1. ad Corinth. 4. v. 4. *Sed neque me ipsum iudico. Nihil enim mihi conscius sum, sed non in hoc iustificatus sum: qui autem iudicat me Dominus est.* Ex hoc Pauli testimonio, præter hæreticos, quidam etiam catholici expositores D. Thom. existimant efficax argumentum desumi non posse ad probandum incertitudinem gratiæ: nam cum Paulus teste D. Tho. hic per reuelationem sciret se esse in gratia, non potuit de hoc formidare, vnde solum non audet affirmare se omnino immunem esse à peccatis venialibus. Sed falluntur: nam Concilium Trid. Sess. 6. cap. 16. ex hoc loco redarguit hæreticos se ipsos iustos iudicantes, & de sua gratia non formidantes, sed certo, & absq. vlla hæsitatione credentes peccata ipsis esse remissa, his verbis: *Vnusquisque sicut misericordiam, & bonitatem, ita seueritatem, & iudicium ante oculos habere debet, neque se ipsum aliquis, etiam si nihil sui conscius fuerit, iudicare: quoniam omnis hominem vita non humano iudicio examinanda, & iudicanda est, sed Dei.* An vero Paulus quando hæc verba protulit ià habuisset reuelationem suæ gratiæ, quâ D. Th. hic admittit, nonnulli dubitant, immo nondû habuisse putant, quibus fauet quod ait Diu. Hier.

ARTICVLVS V. 383

Hier lib. 2. aduersus Pelagianos sic Pauli testimonium explicans: *Mire, nec me ipsum iudico, nihil mihi conscius sum, nec tamen in hoc iustificatus sum. Qui hoc dicebat, nullius utique peccati sibi conscius erat. Sed quia legerat: Delicta quis intelligit? Et: Sunt viæ quæ videntur viro iustæ: nouissima autem earum respiciunt in profundum inferni. Et iterum omnis vir videtur sibi iustus, Deus autem corda hominum dirigit: idcirco temperabat sententiam, ne forte per ignorantiam deliquisset: maxime cum scriptura testetur: Est iustus, qui perit in iustitia sua, &c.* Alii admittentes tunc iam Paulum habuisse reuelationem suæ gratiæ, dicunt, illum non protulisse prædicta verba pro se ipso, sed communē hominum personam agente m. sicut & cū ad Rom. 7. vers. 14. dixit: *Lex spiritualis est: ego autem carnalis sum venundatus sub peccato, quod enim operor non intelligo, &c.* Vel si pro se ipso illa protulit verba, hoc fecit attendendo ad communem modum cognoscendi propriam iustitiam, præciso privilegio specialis reuelationis, quod habebat.

Certissima est ergo conclusio articuli quam confirmat doctrina Concilii Trid. sess. 6. cap. 9. dicentis. *Sicut nemo pius de Dei misericordia, de Christi merito, deque Sacramentorum virtute, & efficacia dubitare debet: sic quislibet, dum se ipsum, suamque propriam infirmitatem, & indispositionem respicit, de sua gratia formidare, & timere potest. cum nullus scire valeat certitudine fidei.*

cui

cui non potest subesse falsum, se gratiam Dei esse consequentum. Diffinitio etiam Can. 13. Si quis omni homini ad remissionem peccatorum assequendam necessarium esse, ut credat certo, & absque ulla hesitatione proprię infirmitatis, & dispositionis peccata sibi esse remissa anathema sit, Diffinitiones quoque can. 14. & 15. & 16.

Si quæras autem qua certitudine conclusio articuli certa sit? Catherinus in quodam opusculo de certitudine gratiæ existimat diffinitionem, & doctrinam Concilii Tridentini solum esse contra hæreticos asserentes ad remissionem peccatorum necessarium esse homini credere certo peccata sibi esse remissa, idque hominem scire posse certitudine fidei cui non potest subesse falsum: sicque, eum qui assereret cognitionem certam de remissione peccati non esse necessariam ad iustificationem, & hanc cognitionem non esse fidei cui non potest subesse falsum, qualis est fidei catholicæ, quæ innititur immediate diuinę reuelationi, nihil contra Concilii diffinitionem, aut doctrinam assereret; etiam si contra conclusionem huius articuli doceret, posse hominem certitudinaliter scire se gratiam habere, ut docet ipse Catherinus.

Asserendum tamen est dupliciter posse aliquid certitudinaliter sciri vel cognosci, dempta certitudine fidei diuinę: Primò certitudine infallibili, qualis est certitudo scientiæ Theologiæ, aut alterius naturalis.

Se.

secundò certitudine, quæ licet sit ex parte iudicii fallibilis, est tamen absque formidine, qualis est ea, qua credimus Romam esse. Si de prima certitudine loquatur Catherinus, eius sententia non solum, vt temeraria, sed etiam vt errori proxima damnatur. Tum quia certitudini infallibili non potest subesse falsum: negat autem Concilium Trident. Sess. 6. c. 9. posse certitudine, cui subesse falsum non potest, scire hominem, se gratiâ Dei esse consequutum. & can. 16. damnat eum, qui dixerit se donum perseverantiæ certo habiturum absoluta, & infallibili certitudine: eadem verò est ratio de eo, qui eadem certitudine dicit certo se habere gratiam. Tum etiam quia Innocentius Tertius de purgatione Canonica Cap. *Accepimus*, Contra Archiepiscopum Bisuntin. qui volebat iurare immunem esse à criminibus, de quibus fuerat infamatus, tanquam dimissis per poenitentiam, ait: *Sed hoc iuramentum non parua temeritatis existeret, eum B. Iob. dicat: Etiam si simplex fuero, hoc ipsum ignorat anima mea.* Si verò de secunda certitudine loquatur, cum tali certitudini possit subesse falsum, non esset eius sententia tam acri censura damnanda: nam, & hoc alii graues Doctores asserunt, inter quos citari solet M. Soto in Apologia contra Catherinum c. 2. quæ minus non clare loquatur. Mihi tamen certum videtur cognitionem, quam iustus habet de sua gratia non esse ita certam, vt excludat formidinem. Tum quia, vt ait

Concilium Tridentin. Sess. 6. capitul. 9.

Quilibet, dum se ipsum, suamque propriam infirmitatem, & indispositionem respicit, de sua gratia formidare, & timere potest. Tum etiā, quia iurare posset iustus se immunem esse à peccatis, & gratiam Dei esse consequutum, sicut abique temeritate iurare potest Romam esse, etiam qui eam non vidit, quod est contra verba citata Innocentii tertij. Tum denique nam id confirmat illud Iob. 9. ver. 28. Verebar omnia opera mea &c. Vade absolutè dicendum est, citra revelationem solum coniecturaliter posse hominem scire se habere gratiam, ut hic docet D. Thom. Quamvis enim de fide fit illum, qui sine obice, & cum dispositione debita accedit ad sacramentum gratiam suscipere, an tamen sine obice, & cum legitima dispositione accedat, solum coniecturaliter potest homo cognoscere.

Circa solutionem secundi aduertendum est, quod in ea dicitur. *De ratione scientia est, quod homo certitudinem habeat de his, quorum habet scientiam: & similiter de ratione fidei est, quod homo sit certus de his, quorum habet fidem, & hoc ideo quia certitudo pertinet ad perfectionem intellectus, in quo prædicta dona existunt, & ideo quicumque habet scientiam, & fidem, certus est se habere. A quibusdam exponi de certitudine infallibili, non tamen euidenti: nam licet possit aliquis euidenter cognoscere se habere aliquam fidem de mysteriis reuelatis: quia hoc experientia potest cognoscere; non*

ta.

tamen se habere fidem diuinam, quia cum sit supernaturale, non potest euidenter cognosci nisi per reuelationem. Rursus de certitudine infallibili, non per actum reflexum, quo quis credit se credere fide diuina: nam hic non est infallibilis, cum non sit scientificus, alias esset euidenter, nec fidei diuinæ, quia non est reuelatum me credere mysteriis reuelatis propter Deum dicentem, aut ut oportet ad iustificationem: sed per eundem actum quo credimus mysteria reuelata fide diuina, nihilque aliud esse dicere: quam cum actus scientiæ, & fidei sit certus, reddi subiectu certum, & in genere causæ formalis ab actu certificari de re certa aut credita tanquam de obiecto, & de ipsomet actu tanquam de via ad illud obiectum aut terminum.

Contra hanc tamen expositionem est: Tum quod dicitur 2. ad Corinth. 13. v. 5. *Vos metipsos tentate, si estis in fide: ipsi vos probate. An non cognoscitis vos metipsos, quia Christus Iesus in vobis est?* Quod explicans Diu. Thom. ibi lect. 2. ait: *Quod habitare Christum in nobis potest accipi dupliciter, vel quantum ad intellectum, vel quantum ad affectum. Si quantum ad intellectum, sic ipse habitat in nobis per fidem informem. Et hoc modo nihil prohibet nos per certitudinem scire quod Christus habitet in nobis, scilicet cum scimus nos tenere fidem, quam Ecclesia Catholica docet, & tenet. Quæ cognitionem certam, & euidentem etiam reflexam in-*

dicant, hac enim tenta: us si simus in fide, nosque probamus, & cognoscimus Christum Iesum in nobis esse per fidem, quamvis non formatam, scimus nos tenere fidem quam Ecclesia docet, & tenet. Tum etiam quod docet D. Aug. lib. 13. de Trinit. cap. 1. *Id quod credere iubemur, videre non possumus, ipsam tamen fidem, quando inest in nobis, videmus in nobis* Vbi de fide supernaturali, quæ definita est ad Hebræos 11. expresse loquitur, videre autem illam in nobis est euidenter cognoscere inesse nobis. Tum denique nam si quis etiam actu reflexo dubitaret, an sciret, & an fallatur in deducenda conclusione ex principiis, & non esset certus de bonitate consequentiarum, & se habere scientiā: non haberet scientiā, ergo similiter si dubitaret an crederet, & haberet fidem, & non esset de hoc certus, etiam actu reflexo nō haberet fidem: vnde D. Aug. Serm. 189. ait. *Sed dicit aliquis, quomodo Christianus sis, qui nescio quomodo Christianus sum? O christiane qui tibi videris nihil scire, si scias hoc: ipsum, quod nescias, uenue magis plus videris à ceteris scire? quasi dicat Christianus es, scis quomodo christianus sis, quia scis te nescire quod credis, & credere quod nescis.*

Alii D. Thom. exponunt de certitudine infallibili, & euidenti etiam per actum reflexum, sed dicunt cognitionem, qua fidem diuinam in nobis certo cognoscimus, esse experimentum, quo actum ipsum in nobis percipimus. Contra hoc tamen est. Tum quia

quia vt ait D. Aug. lib. 3. de Trinit. cap. 1. allegato : *Fidem ipsam, quam videt quisque in corde suo esse si credit, vel non esse si non credit aliter nouimus : non sicut corpora, qua videmus oculis corporeis, & per ipsorum imagines, quas memoria tenemus, etiam absentia cogitamus &c.* Non sic videtur fides in corde in quo est, ab eo cuius est, sed eam tenet certissima scientia. Ergo non experientia, nam vt ait : Arist. 2. Post. cap. vlt. *Ex sensu fit memoria: & memoria verò sepius eiusdem rei facta, experientia nascitur.* Tum etiam quia experientia est cognitio naturalis, fides verò diuina, quam habemus est supernaturalis, ergo cum nihil supernaturale possit naturali cognitione cognosci, cognitio qua fidem diuinam in nobis cognoscimus non erit experimentum quod : & expresse docet Caiet. hic, & alii discipuli D. Thom. recentiores.

Afferendum est igitur D. Th. loqui de certitudine infallibili, & euidenti, certitudinemque hanc, qua nos fidem habere ac mysteria fidei credere certo, ac euidenter cognoscimus, prouenire ab ipsa fide, quæ lumem est, obscure quidem ostendens mysteria credita, se ipsam tamen euidenter manifestans. Et licet mysteria credita, quæ fides obscure ostendit, debeant esse reuelata, quod tamen euidenter manifestat, vt me habere fidem, aut credere mysteria reuelata non opus est, vt sit a Deo reuelatū, cum in corde videatur, & certissima scientia hoc est cognitione euidenti teneatur,

390 QVÆSTIO CXII.

vt ait D. August. vbi supra. Nec est inconueniens ab eodem lumine fidei prouenire cognitionem obscuram mysteriorum creditorum, & cognitionem euidentem ipsius luminis fidei; sicut nec ab eadem opinione prouenire cognitionem probabilem & cum formidine rei, quam opinamur, & certam, & euidentem opinionis ipsius 2. 2. etiam quæst. 1. art. 4. dicemus euidentiam, vel cognitionem euidentem credibilitatis mysteriorum fidei præuenire ab ipsa fide à qua est cognitio obscura talium mysteriorum.

QVÆSTIO CXIII.

De effectibus gratia.

ARTICVLVS I.

Vrum iustificatio impij sit remissio peccatorum.

Conclusio est affirmans.



*Vtrum ad remissionem culpa, qua
est iustificatio impij, requira-
tur gratia infusio.*

Conclusio est affirmans.

*Dubium 1. An in iustificatione im-
pij verè peccata remittantur, &
gratia infundatur.*

PArtem negantem tenent heretici no-
stri temporis; afferunt enim, cum im-
pius iustificatur, peccata eius solum tegi,
aut radi, vel non imputari ad pœnam, non
autem vere remitti aut tolli, nec vere ab
illis peccatorem mundari; iustificationem
que fieri sola imputatione iustitiæ, ac me-
ritorum Christi absque vlla gratiæ infusio-
ne. Primum probant ex illo Psalmi 31. v. 1.
*Beati quorum remissa sunt iniquitates, & quo-
rum tecta sunt peccata.* Beatus vir cui non
imputauit Dominus peccatum. Ex illo etiam
Psalmi 84. v. 2. *Remissi sunt iniquitates plebis tue,
operuisti omnia peccata eorum.* Et ex illo Pro-
uerb. 10. v. 12. *Vniuersa delicta operis chari-
tatis:* quod, & habetur 1. Petri 4. v. 8. Et
ex illo Sapient. 11. v. 24. *Diffimulas pecca-
ta hominum propter penitentiam.* Hæc enim
omnia significant, peccata solum remitti

392 **QVAESTIO CXIII.**

extrinsecā condonationē Dei, aut non imputationē ad poenam, ipsaque non vere auferri, sed solum tegi, vere autem in homine iustificato manere, vnde Paulus ad Rom. 7. vers. 17. dixit: *Quod habitas in me peccatum.*

Secundū etiam probant: nam de Christo dicitur 1. ad Corinth. 1. versicul. 30. *Qui factus est nobis iustitia, & sanctificatio.* Et Ieremiæ 23. v. 6. *Hoc est nomen, quod vocabunt eum Dominus iustus noster*, pro quo in Hebræo est: *Dominus iustitia nostra*. Et ad Ephes. 4. v. 24. *Induite nouum hominem, qui secundum Deum creatus est in iustitia, & sanctitate veritatis.* Quibus videtur significari, iustitiam nostram non esse aliam, quam iustitiam Christi. Cui etiam videtur derogari, si ipsa non sufficit omnibus, & alia præter ipsam requiritur in singulis. Dicendum tamen est: certum esse secundum fidem, in iustificatione impij verè peccata illius remitti, & auferri, & gratiam illi inhærentē infundi. Probatur 1. ex Concilio Trid. Sess. 5. in Decret. de peccato orig. Et Sess. 6. cap. 7. expressè asseritur. Et can. 10. diffinitur his verbis: *Si quis dixerit, homines sine Christi iustitia, per quam nobis inuenit, iustificari, aut per eam ipsam formaliter iustos esse, anathema sit.* Et can. 11. *Si quis dixerit homines iustificari, vel sola imputatione iustitia Christi, vel sola peccatorum remissione exclusa gratia, & charitate, qua in cordibus eorum per Spiritum Sanctum diffunditur, atque illis inhaeret, aut etiam gratiam, qua iustifica-*
tur.

mur, esse tantum fauorem Dei, anathema sit.

Secundo probatur, ex Scriptura Sacra: Peccata enim in iustificatione verè auferri constat ex illo Ioan. 1. v. 29. *Qui tollit peccata mundi.* Deleri ex illo Psalm. 50. v. 3. *Dele iniquitatem meam.* Et v. 11. *Omnes iniquitates meas dele.* Et Isaię 43. v. 25. *Ego sum ipse, qui deleo iniquitates tuas.* Et c. 44. v. 22. *Deleui, vt nubem iniquitates tuas, & quasi nebulam peccata tua.* Ab illis hominem mundari, ex illo Ezech. 36 v. 25. *Et effundam super vos aquam mundam, & mundabimini ab omnibus inquinamentis vestris.* Et 1. Corinth. 6. v. 11. *Et hæc quidem fuistis, sed abluti estis &c.* Et 1. Ioan. 1. v. 7. *Sanguis Iesu Christi emundat vos ab omni peccato.* Et in iustificatis non manere, ex illo ad Rom. 8. v. 1. *Nihil damnationis est, ijs, qui sunt in Christo Iesu.* Iustificationem autem fieri per gratiam nobis infusam, & inhaerentem, patet ex illo ad Roman. 5. v. 5. *Charitas Dei diffusa est in cordibus nostris &c.* Et vers. 17. *Abundantiam gratia, & donationis, & iustitia accipientes.* Et 2. Petri 1. v. 4. *Maxima, & pretiosa nobis promissa donauit, vt per hæc efficiamini diuina consortes naturæ.* Et 1. Ioan. 3. v. 1. *Videte qualem charitatem dedit nobis Pater, vt filij Dei nominemur, & simus.*

Ad 1. vero respondetur: peccata esse re-
cta, idem esse, ac omnino non esse: nam
Deo, cuius oculis omnia nuda, & aperta
sunt, nihil potest esse reatum, nisi quod om-
nino non est: vnde ibidem ait D. August.

394 QVÆSTIO CXII.

Non sic intelligatis, quod dixit peccata cooperta sunt, quia ibi sunt, aut uiuant. Testa ergo peccata quare dixit? ut non viderentur. Sic de Elia dicitur Ecclesiast. 48. v. 13. In turbina reclusus est, vbi interlinearis: Ne videretur ab hominibus, reclusus scilicet in Paradisum, & vbi antea erat, & videri poterat, non existens. Et quamuis D. Aug. ibidem subdat: Hoc est Dei videre peccata, quod punire peccata. Ea tamen non punire asserit, quia ibi non sunt; si enim ibi essent, ea puniret, cum eius iustitia poscat, ut reddat unicuique iuxta opera sua, & odio fiat Deo impius, & impietas eius. Eodem modo dicitur Deus nō imputare peccatū homini, quia scilicet iam in eo non est, vnde subdit Dauid: Nec est in spiritu eius dolus. Similiter etiam peccata operiri dicuntur, metaphora sumpta ab eo, quod terra obruitur, vel in aqua submergitur, ut intereat, sicut de Ægyptiis dicitur Exodi 15. v. 10. Operuit eos mare. Vnde Michez 7. vers. 19. dicitur. Proiecit in profundum maris omnia peccata nostra, ut scilicet penitus pereant, & deleantur, & amplius non appareant, nec sint. Eodem pacto teste D. Thom. in 4. d. 22. q. 1. artic. 1. ad 2. Charitas dicitur operire peccata Deo, qui omnia videt, vnde oportet quod ea destruat non quidem faciens, ut actus non præcesserit, sed quod vim impediendi gratiam non habeant. Dici etiam potest, in locis illis non esse fermonem de peccatis propriis, sed de alienis, que charitas dicitur operire, quia non ea promulgat infamando peccatorem, vel
quia

quia condonat aliis omnia delicta. Denique Deus dissimulare dicitur peccata propter poenitentiam, aut quia ea, quæ sunt in peccatore nondum iustificato differt punire, ut poenitentiam agat, iuxta illud ad Roman. 2. v. 4. *Benignitas Dei ad poenitentiam te adducit*. Vel quia ea dimittit punire poena æterna, quia propter poenitentiam, quam fecit, iam non sunt in iustificato, & eodem modo se habet cum illo, ac si nunquam peccasset, quando per poenitentiam omnino etiam quantum ad quamcumque poenam deleta sunt. Diuus Paulus autem nomine peccati concupiscentiam intelligit, non quia verè, & proprè in renatis peccatum sit, sed quia ex peccato est ad peccatum inclinatus, ut explicat Concil. Trid. Sess. 5. in Decreto de peccato originali.

Ad 2. respondetur: verba quibus dicitur Christus iustitia nostra, facere sensum causalem, sicut & illa Ioan. 11. v. 25. *Ego sum resurrectio, & vita*. Item illa Psalm. 70. v. 5. *Quoniam tu es patientia mea*: Sensus enim est, Christum esse causam resurrectionis, & patientiæ, & iustitiæ nostræ. Per nouum autem hominem ad Ephes. 4. D. Chrysost. intelligit virtutem, Interlinearis Christi similitudinem. Si autem Christum intelligamus, præcipitur ibi, ut conformemur Christo, & eius sanctitatem imitemur, ac iustitiam, quæ, quia oratus quidam est animæ superadditus, indumentum dicitur, etiam si intrinsecè inhereat: non enim in

metaphoris querenda est omnimoda similitudo, & adaequatio. Doctrinam verò catholicam de iustificatione, quam hic defendimus, qui dixerit aliqua ex parte derogare gloriae Dei, vel meritis Iesu Christi, anathemate percutitur in Concil. Trid. Sess. 6. can. ult. Si iustitia Christi non est sufficiens in suo genere causae ad iustificandos omnes homines, ipsi derogaretur; quod verò non sit causa formalis, nihil derogatur perfectioni eius, quin potius esset indecens, & impossibile. Et si bene consideretur, maior dignitas, & excellentia meritorum Christi est, ut virtute illorum non solum peccata maneant, & non imputentur, sed potius deleantur verè, & dentur nobis tam praeclara dona, ut non tantum nominemur, sed verè simus filii Dei, & consortes divinae naturae.

Dubium 2. An sola gratia habitualis possit esse causa formalis iustificationis impij, & remissionis peccatorum.

PArtem affirmantem tenent multi asserentes actum dilectionis Dei, & contritionis, nec de potentia absoluta Dei posse esse formam iustificationis. Probat. 1. Ex Concil. Trident. Sess. 6. cap. 7. ubi dicitur, unicam esse causam formalem iustificationis, nempe iustitiam inhaerentem:

ergo cum hæc sit gratia habitualis, sola illa poterit esse causa formalis iustificationis, si enim aliquid aliud posset esse, non unica, sed multiplex esset causa formalis iustificationis. Confirmatur effectum formalem sola, vna forma potest præbere; ergo cū iustificatio sit effectus formalis gratiæ habitualis, sola hæc poterit esse causa formalis illius.

Secundo, de facto actus dilectionis Dei & contritionis est dispositio ad iustificationem impij, & ad remissionem peccatorum; ergo de potentia absoluta nequit esse forma. Probatur consequentia: Tum quia dispositio etiam de potentia absoluta non potest esse forma respectu illius effectus, cuius est dispositio, nequit enim calor, vt octo, qui est dispositio ad expellendam formam aquæ esse forma talis expulsionis, nam nequit esse formæ substantialis. Tum etiam, quia actus dilectionis, & contritionis ex sua natura, & non ex institutione aliqua habet esse dispositionem respectu iustificationis, ergo in ordine ad hunc effectum nequit esse nisi dispositio. Tū denique causa formalis nequit eleuari ad effectum excedentem propriam naturam, vnde in causis formalibus non datur causa instrumentalis, sicut in efficiētibus; ergo cum actus dilectionis, & contritionis non habeat ex sua natura esse causam formalem iustificationis, nec de potentia Dei absoluta poterit ad hoc eleuari.

Tertio, forma iustificationis ita destruit pec.

398 **QVAESTIO CXIII.**

Peccatum ex natura rei, vt non sit necessaria noua gratia, aut noua applicatio meritorum Christi ad delendum illud: sed posito actu dilectionis, & contritionis, necessaria est noua gratia, & noua applicatio meritorum Christi ad delendum peccatum; ergo nequit iste actus esse forma iustificationis nostrae.

Quartò, ab actu contritionis, & dilectionis non possunt praeitari sufficienter, & adaequate, quae ad remissionem peccati, & iustificationem requiruntur; ergo nequit talis actus esse formalis causa iustificationis. Antecedens probatur: ad remissionem peccati, & iustificationem animae necessarium est primo: vt auferatur macula per peccatum derelicta; secundo, vt satisfiat Deo offenso, & qui iniuria affectus est: & tertio, vt acquiratur forma, & donum, quo regeneramur in filios Dei: sed actus dilectionis, & contritionis non sufficit ad delendum maculam, quae est priuatio gratiae habitualis, illa enim tantum tollitur per formam oppositam; nec ad satisfaciendum adaequate pro iniuria, ita vt non sit necessaria liberalis, & gratuita Dei condonatio, & remissio iniuriae: nec vt sit forma, qua regeneremur in filios Dei: nam haec debet permanere ab instanti iustificationis, vsque ad nouum peccatum, quo solo perit iustitia, actus autem cum sit transiens, non potest iustificare nisi pro instanti quo durat. potest vero, aut homo rediret ad statum purae naturae, aut maneret iustus,

ARTICVLVS II. 399

sola extrinseca denominatione, vel relatione rationis ab actu præced. resultante, eo modo, quo in humanis manet vnus amicus alterius propter actum amoris præcedentem, quod non videntur sufficere, vt verè filius Dei nominetur, & sit; ergo, &c.

Dicendum tamen est: Licet actus contritionis, & dilectionis non possit esse causa formalis iustificationis perfectæ, qualis est, qua modo iustificantur impii; per absolutam tamen Dei potentiam posse esse causam formalem iustificationis, qua verè, & propriè, licet non ita perfectè, peccatum remittitur. Primam partem probant argumenta facta; talis enim actus est dispositio ad iustificationem, & remissionem peccatorum perfectam, ad hancque posito tali actu necessaria est noua gratia, & misericordia Dei, & talis actus non est sufficiens ad præstanda omnia, quæ ad perfectam iustificationem requiruntur. Confirmatur: vt impius perfectè iustificetur, opus est, vt hoc fiat per formam permanentem, qua intrinsecè iustus sit toto tempore, quo est sine peccato: sed actus dilectionis, & contritionis non est huiusmodi, sed cito transiens, quo transacto nihil eius manet, quo homo intrinsecè iustus sit; ergo non potest esse causa formalis perfectæ iustificationis.

Secunda pars probatur: de potentia Dei absoluta potest homo iustificari auferrique ab eo peccatum per actum contritionis.

400 **QVÆSTIO CXIII.**

tionis, aut dilectionis Dei sine gratia habituali: sed tunc talis actus esset forma iustificationis; ergo, &c. Minor patet, nam effectus formalis nequit esse sine causa formalis, tunc autē nō esset aliud quod posset esse causa formalis iustificationis, quam actus contritionis, aut dilectionis. Maior verò probatur: Tum quia posito in hominē actu cōtritionis, & dilectionis, potest Deus gratiam habitualement non infundere: ac tūc iustus esset, & absque peccato, nam vt dicitur 1. Ioan. 4 v. 7. *Omnis, qui diligit, ex Deo est*; ergo, &c. Tum etiam, si aliquis existens in peccato mortali raperetur ad divinam visionem absque infusione alicuius habitus, solo actu dilectionis, qui necessario consequitur visionem, iustus fieret, & sine peccato maneret, quia esse in peccato, & esse beatum implicat contradictionem: sed eiusdem naturæ, & efficaciz quo ad effectum iustificandi est dilectio patrie, & viæ; ergo, &c.

Tum deinde, quia vt ait D. Thom. q. 28. de Verit. art. 2. *Sunt tria ratione quorum sine gratia remissio peccatorum fieri non potest, scilicet auersio, offensa, & reatus*. Sed hæc tria auferri possunt per actum contritionis, & dilectionis, quem homo habet ex gratia actuali, seu motione diuini auxilii; ergo, & per illum potest homo iustificari, eique peccatum remitti, ab eoque auferri. Minor probatur: quo ad primum quidem, nam actus dilectionis est ipsa conuersio in Deum, & actus contritionis est detestatio obie-

obiecti, ad quod conuersus erat peccator; ergo per vtrumque auferitur auersio à Deo; hæc enim, & per conuersionem ad Deum, & per remotionem conuersionis ad creaturam auferitur. Quoad secundum etiam probatur: nam per actum dilectionis, & contritionis homo est Deo coniunctus; ergo iam non est dignus, vt odio habeatur à Deo, sed potius, vt ab eo diligatur, iuxta illud Ioan. 14. v. 21. *Qui diligit me, diligetur à Patre meo*, ac per consequens Deus non est illi offensus, sed pacatus. Quo ad tertium autem probatur: nam reatus sequitur auersionem, & offensam, & cum per actum contritionis, & dilectionis, vrpote meritum, homo sit dignus præmio vitæ æternæ, non potest in eo manere pœna æternæ reatus.

Aduertendum tamen est: sicut in numeris eadem vnitas, verbi gratia tertia, respectu quaternarii se habet materialiter, detracta autem quarta vnitate, & tertia manente vltima, hæc forma est ternarii: ita idem actus dilectionis, & contritionis, modo de facto materialiter se habet tanquam dispositio respectu iustificationis, & remissionis peccatorum perfectæ, quæ fit per gratiam habitualement; si tamen Deus, vt potest, posito actu contritionis, & dilectionis, gratiam habitualement non infunderet, & talis actus maneret, vt vltimum Dei beneficium, forma esset iustificationis, licet non ita perfectæ. Quamuis enim actus dilectionis, & con-

tritionis ex sua natura fit impossibilis cum peccato : vt tamen illud actu remittat, sicque fit forma iustificationis, requiritur, vt sit vltimum beneficiũ, post quod non sequitur beneficium infusionis gratiæ habitualis. Ratio huius duplex est. Prima, nam quando post actum dilectionis sequitur infusio gratiæ, licet talis actus præcedat in genere causæ materialis, sequitur tamen gratiam in genere causæ formalis, de motibus enim qui in ipsa iustificatione impij sunt quasi dispositio vltima ad gratiæ susceptionem, ait D. Thom. in 4. dist. 17. quæst. 1. art. 4. quæstiuncula 2. *Præcedunt quidem in via causæ materialis, sed sequuntur in via causæ formalis.* Vnde cum gratia habitualis sit prius in genere causæ formalis, ipsi tanquam causæ formali attribuitur modo de facto iustificatio impij, & remissio peccatorum, licet si gratia habitualis non adesset, hic effectus posset sequi ex actu dilectionis, & contritionis, nam vt ait D. Thom. loco proximè citato art. 3. quæstiun. 3. *Omne, quod natum est ex pluribus sequi, attribuitur ei, quod primum est, sicut vita attribuitur animæ nutritiue, quia ipsa est prior inter principia vitæ. in viventibus corporaliter. Similiter dicitur animal esse animal per sensum primum, qui est tactus, vt patet in 3. de Anima.*

Secunda ratio est: quia ad remissionem peccati etiam de facto præter gratiam, quæ ex sua natura expellit peccatum, requiritur acceptatio vel condonatio diuinæ

ARTICVLVS II. 403

voluntatis, qua velit remittere peccatum. Quæ cōdonatio, licet supposito peccato hominis iustificandi includatur in gratiæ infusione, non tamen absolutè, cum possit esse gratiæ infusio sine aliqua peccati condonatione, vt patet in iustificatione Christi, Adami, & Angelorum. Quia ergo actus dilectionis, & contritionis quando nō est vltimum beneficium, vt contingit modo de facto, est sine voluntate, qua Deus per illam velit remittere peccatum, remissio peccati non eius formalis effectus, sed respectu illius solum se habet, vt dispositio, & via. In casu tamen quo esset vltimum beneficium, ad quod non sequeretur infusio gratiæ habitualis, collatio gratiæ actualis, & motionis diuini auxilij voluntatem includeret condonandi peccati, & sicut implicaret, velle hominem peruenire ad aliquem locum, & vltius non progredi, & non velle ibi manere, ita implicatio esset in adiecto, Deum habere voluntatem donandi hoc auxillum, & gratiam actualem tanquam vltimum beneficium, & non remittendi peccatum, quia actus dilectionis, & contritionis ex sua natura habet posse peccatum auferre, & cum illo esse nequit, & tunc nō esset aliud, quo tolleretur. Vnde sicut de facto infusio gratiæ habitualis est causa formalis iustificationis, & remissionis peccati, vt tamē includit voluntatem illud remittendi: ita in casu prædicto actus contritionis, & di-

le.

404 **QVÆSTIO CXIII.**

lectionis causa formalis esset iustificationis, & remissionis peccati, quia collatio gratiæ actualis, & motionis diuini auxiliij ad talem actum etiam includeret voluntatem remittendi peccatum.

Ad 1. verò respondetur: Concilium ibi loqui de causa formali iustificationis perfectæ, qua de facto iustificatur impius per gratiam habitualement. Ad confirmationem dico, effectum formalem formæ esse duplicem: alterum primarium, & proprium qualis est albedinis facere album: alterum communem, & inadequatum, qualis est eiusdem albedinis facere coloratum. Licet ergo effectus primarius, & proprius alienius formæ non possit esse ab alia forma: effectum tamen communem, & inadequatum alia forma præbere potest, nigredo enim coloratum facit sicut albedo. Sicut autem auertere à Deo, & illum offendere est effectus communis omni peccato: ita remissio peccati, & iustificatio est effectus communis omni iustitiæ incompatibili cum peccato, non primarius, & proprius iustitiæ habitualis, nam effectus primarius, & proprius gratiæ habitualis solum est facere consortem diuinæ naturæ, vnde non mirum si non iniusta gratia habituali, & stante actu dilectionis, & contritionis, qui est iustitia actualis, hic causa formalis sit iustificationis, & remissionis peccatorum.

Ad 2. respondetur negando consequentiam,

tiam. Ad 1. probationem dico, actum dilectionis, & contritionis dispositionem esse respectu iustificationis perfecte, & huius nunquam esse causam formalem, sed iustificationis minus perfecte, vt dictum est: hoc autem non est impossibile, sicut nec actum scientiæ esse formalem, quia aliquid actu scimus, & dispositionem ad scientiam habitualem. Ad 2. probationem dico, actum dilectionis, & contritionis respectu iustificationis perfecte, in ordine ad quam est dispositio, nunquam esse nisi dispositionem, quia tamen per absolutam Dei potentiam potest iustificatio perfecta non esse, potest etiam talis actus non esse dispositio, sed causa formalis iustificationis minus perfecte. Ad 3. probationem dico, actum contritionis, & dilectionis ex sua natura habere esse causam formalem iustificationis minus perfecte; si tamen adsit diuina voluntas remittendi peccatum per illum, quæ tamen solum adest, quando talis actus est ultimum eius beneficium.

Ad 3. responderet distinguendo minorem: modo de facto concedo minorem: in casu quo talis actus esset ultimum beneficium, post quod non sequeretur gratiæ infusio nego illam: nam tunc, vt diximus, in voluntate conferendi gratiam actualem, & motionem diuini auxilij ad talem actum includeretur voluntas remittendi peccata per talem actum, sicut modo in voluntate infundendi gratiam impio pœ-

406 **QVAESTIO CXIII.**

nitiendi includitur voluntas remittendi eius peccatum, & non essendi illi offensum sed pacatum.

Ad 4 respondetur negando minorem: licet enim non ita perfecte præstet illa omnia actus contritionis, & dilectionis, sicut gratia habitualis; illa tamen præstat, quando est ultimum beneficium, quantum sufficit, ut peccatum verè, & propriè sit remissum. Ad probationem quidam respondent; priuationem gratiæ habitualis, in qua ratio maculæ consistit, non solum auferri per formam oppositam, sed etiam per æquivalentem, auferri enim potest per unionem hypostaticam, & actum dilectionis æquivalentem esse, & eiusdem virtutis, cum actus non sit minus perfectus, quam habitus. Nec obstat actum non esse aliquid permanens, nec principium sanctarum operationum, sicut est habitus, quod proprium est christianæ iustitiæ. Nam hoc solum obstat, ne actus sit formalis causa iustificationis perfectæ, sicut est habitualis gratia, non verò ut sit forma iustificationis minus perfectæ de potentia Dei absoluta. Sed melius respondetur: priuationem physicam gratiæ habitualis non tolli nisi per gratiam habitualement, sicut nec cæcitas tollitur nisi per potentiā visuam, priuationem tamen eius moralem, in qua consistit ratio maculæ, auferri posse per quodcumque auferatur ratio voluntarij, quod ex actu peccati in priuatione gratiæ relictum fuerat, qualis est actus dilectionis,

ARTICVLVS II. 407

nis, & contritionis, quo retractatur actus peccati præteritus, & homo conuertitur in Deum, à quo fuerat per peccatum auersus: vnde in casu, quo homo per actum dilectionis, & contritionis iustificaretur, esset quidē in eo prinitio gratiæ physica, non tamen moralis, & voluntaria, sicque nec macula peccati. Quod attinet ad satisfactionem iniuriæ Deo irrogatæ, patet ex dictis ad illam sufficere actum dilectionis, & contritionis, quando habet rationem vltimi beneficii, nam in collatione gratiæ actualis, & motionis diuini auxilii ad talem actum includitur liberalis, & gratuita condonatio, & remissio iniuriæ, sicut modo de facto includitur in infusione gratiæ habitualis. Posse autem talem actum esse formam, qua regeneremur in filios Dei, patet ex loco adducto 1. Ioann. 4. v. 7 *Omnis, qui diligit, ex Deo natus est*. Et licet quando iustificatio est perfecta forma debeat permanere; quando tamen non est ita perfecta, non opus est, vt sit permanens. Et non est inconueniens, in illo casu transacto actu dilectionis hominem manere iustum sola extrinseca denominatione ratione actus præteriti: nam idem dicunt multi de eo, qui fuit iustificatus per gratiam habitualement sine omni actu, vt puer per Baptismalem gratiam, si ab eo, talis gratia tolleretur sine vlla eius culpa iustum scilicet dici extrinsece ratione conuersionis habitualis in Deum, & iustificationis formalis præcedentis, si tamen simul

mul cum gratia habituali ab eo non auferretur acceptatio ad vitam æternam: nam si hæc etiam tolleretur, in puris naturalibus maneret.

Dubium 3. An saltem de potentia absoluta Dei possit homini remitti peccatum absque ulla gratia illi inbarente.

PArtem affirmantem tenent Scotus in 2, dist. 28 quæst. 1. & in 4 distin. 14 quæst. 1. & alii. Probantque 1. Peccatū, & gratia non opponitur immediate cum sit status medius inter statū gratiæ, & peccati; ergo potest peccatum remitti, & auferri sine gratia, sicut potest calor expelli quin introducatur frigiditas, & albedo quin nigredo introducatur, auferri potest quia non sunt opposita immediata. Confirmatur; gratia potest auferri sine peccato de potentia Dei absoluta; ergo & peccatum sine gratia.

Secundo, qualem Deus potest hominem producere, talem potest reparare; sed potest producere absque gratia, & peccato; ergo post peccatum, potest eum ad illum statum reducere. Confirmatur: potest Deus peccatorem annihilare & iterum illum reproducere sine gratiæ infusione: at tunc peccatum sine gratia esset destructum, ad destructionem scilicet subiecti, ergo &c.

Ter

ARTICVLVS II. 409

Tertiò, macula peccati potest absque gratia auferri; ergo & peccatù. Antecedens probatur; licet macula consistat in priuatione gratiæ, potest talis priuatio sine gratiæ alicuius acquisitione reduci in puram negationem, si Deus reuocet ordinationem hominis in finem supernaturalem, sicque homo fiat subiectum incapax gratiæ, illiusque non aptum susceptiuum; ergo & sine gratia auferri, pura enim negatio gratiæ non est macula.

Quartò, Deus potuit ab æterno legem statuere, vt si homines eleuati ad esse supernaturale gratiæ peccarent, in poenam peccati redirent ad statum naturæ conditæ in puris naturalibus, at tunc absque vlla gratia inhærente tolleretur eorum peccatum; ergo &c

Quinto, peccatum hominis constituti in puris naturalibus, furtum verbi gratia eiusdem esse rationis cum peccato furti, quod modo homines eleuati ad esse supernaturale committunt: sed illud sine gratia, aut vllò dono supernaturali auferri posset; ergo & hoc.

Dicendum tamen est: etiam de potentia Dei absoluta non posse homini peccatum absque aliqua gratia illi inhærente remitti, & auferri. Probatur 1. ex D. Th. hic, sic enim habet *Non potest intelligi remissio culpe, si non adesset infusio gratia*. At posset intelligi, si per absolutam Dei potentiã posset remitti peccatum absq. vlla gratia, vt patet, & hic docet Caietan. ergo &c.

410. **QVÆSTIO CXIII.**

Confirmatur : Hic ad 1. sic scribit D. Tho. *Licet homo antequam peccet, potuerit esse sine gratia, & sine culpa, tamen post peccatum non potest esse sine culpa, nisi gratiam habeat.*

Quod de habituali, vel actuali intelligendum est; ergo cum homo antequam peccet, solam per Dei potentiam absolutam, & non per ordinariam potuerit esse sine gratia, & sine culpa post peccatum, nec per Dei potentiam absolutam poterit esse sine culpa, nisi gratiam habeat habituales, vel actuales.

Secundo probatur ratione D. Tho. hic : Peccatum, cum sit Dei offensa, remitti non potest nobis, nisi Deus sit nobis pacatus : offensa enim non remittitur, quandiu animus offensus, non pacatur offendenti : sed nequit pacari nobis sine gratiæ infusione ; ergo sine hac non potest peccatum remitti : Minor probatur : Deum pacari nobis est diligere nos, non quacumque dilectione, sed ea cuius effectus est, qui tollitur per peccatum ; ergo cum hic effectus sit gratia, nequit Deus pacari nobis sine infusione gratiæ. Antecedens probatur : Tum, quia cum dilectio Dei quantum ex parte actus diuini sit æterna, & immutabilis, nequit per ipsam Deus pacari nobis, cum antea esset offensus ; nisi ratione alicuius effectus, quem nobis imprimat, & quo nos mutamur, alias enim mutatio esset in diuino actu : sed hic effectus non est alius, nisi qui per peccatum tollitur ; ergo &c.

Tum

ARTICULVS II. 411

Tum etiam, quia nisi Deus nos diligat ea dilectione, cuius effectus sit, qui tollitur per peccatum, ipsum peccatum manet, nam peccatum tollit hunc effectum sicut priuatio formam oppositam, priuatio autem semper manet, quandiu non restituitur forma opposita, sicut cecitas quandiu non restituitur potentia visiva; ergo etiam manet Deus offensus, & non pacatus. Si dicas, priuationem physicam, eius scilicet formæ, cuius subiectum naturaliter est capax, & ei naturaliter debetur, non posse auferri, nisi per formam oppositam; priuationem tamen moralem, quale est peccatum habituale, auferri posse sine formâ opposita, cuius est priuatio, nã talis forma non est debita homini ex natura rei, sed ex diuina ordinatione, & ideo absentia talis formæ solum est priuatio, quandiu durat ordinatio diuina: si autem Deus mutaret ordinationem, & decerneret nunquam dare homini talem formam, gratiam videlicet, defectus eius non esset priuatio, sed mera negatio. Contra hoc tamen est: Tum quia licet Deus decreuerit nunquam dare gratiam damnatis, manet in illis priuatio moralis gratiæ, quæ est macula, & peccatum habituale. ergo licet Deus decerneret peccatori nunquam deinceps dare gratiam, adhuc maneret in illo priuatio moralis gratiæ, quæ est macula, & peccatum habituale. Tum etiam nam Deus non potest ita mutare ordinationem, ut faciat eum, qui ordinatus in fi-

nem supernaturalem peccauit, nunquam fuisse in talem finem ordinatum, nam ad præteritum est potentia: sed vt maneat priuatio moralis sufficit, vt quando homo peccauit, talem ordinationem habuerit, sicut vt maneat priuatio conformitatis ad legem positiuam, quam quis transgressus est, sufficit, vt tempore transgressionis teneretur se tali legi conformare, etiam si postea, aut quia lex cessauit, aut quia ab ea exemptus est, non teneatur ei se conformare: ergo si homo quando peccauit, ordinatus erat in finem supernaturalem etiam si postea decernat Deus nunquam deinceps dare illi gratiam, defectus eius non erit mera negatio, sed priuatio moralis propriè, & strictè sumpta pro negatione boni debiti, quando oportet &c. vt hic §. *Ad euilentiam*, docet Caietanus. Tum denique, peccatum habituale, seu macula, vt patet ex dictis supra q. 86. art. 2. consistit in priuatione gratiæ in ordine ad suam causam, ratione cuius habet rationem moralis, & voluntarij, & à Deo auertere, esseque eius offensam; priuatio enim gratiæ, vt est à Deo physica est, non moralis, nec nobis voluntaria, cum sit poena, & non auertit à Deo, nec est eius offensam; ergo dum manet in priuatione gratiæ ratio moralis & voluntarij causata ab actu peccati, & ratio auersionis à Deo, & eius offensam, non potest non esse priuatio moralis, & peccatum habituale, sed hæc non auferuntur, quia Deus mutet ordinationem

nem

ARTICVLVS I. 413

nem, & decernat nunquam dare homini gratiam, sed per solam gratiam habitua-
lem, aut actualem, per quam homo con-
uertitur in Deum, & auertitur à creatura,
sicque voluntas præcedens retractatur, &
offensa Dei tollitur: ergo sine gratiâ habi-
tualis, aut actuali non potest auferri, aut re-
mitteri peccatum, etiam de potentia Dei
absoluta.

Contra hanc rationem obijci potest:
Homo potest alteri remittere offensam, &
esse illi pacatus per solam extrinsecam
cōdonationem, quin in illo aliquid produ-
cat, vel causet; ergo, & Deus; nam quid-
quid potest homo rectè velle, & facere
potest Deus. Respondetur negando con-
sequentiam: si enim aliquid valeret, se-
queretur etiam posse Deum remittere
offensam actualiter offendenti, cum id pos-
sit homo rectè. Differentia ergo est du-
plex. Prima ex parte dilectionis, qua
pacatus est homo alteri, & qua Deus di-
citur pacari; nam vt docet D. Thom supra
quæstione 110. art. 1. & 1. par. quæst. 20.
art. 2. *Amor noster non est causa bonitatis. Sed
amor Dei est infundens, & creans bonitatem
in rebus.* Secunda ex parte offensæ: nam
offensa hominis contra hominem nihil of-
fendenti aufert, cuius priuatione manente
non remittatur offensam, sicque, vt remit-
tatur non est necessarium aliquid inhæris
offendenti producere, sed sufficit extrin-
seca condonatio offensi. At offensam con-
tra Deum offendenti gratiam, conuersio-

nem ad Deum, & conformitatem ad rationem, & legem auferat, quarum privatio dum manet, non remittitur Dei offensæ, sicque necessarium est, ut aliquid reale, & inherens sit in homine, quo talis privatio auferatur.

Ad primum verò respondetur cum D. Thom. qu. 28. de Veritate artic. 2. ad 4. & hic ad 1. & Caiet. circa primi solutionem: gratiam, & peccatum, licet absolute loquendo non sint opposita immediata, respectu tamen hominis lapsi immediate opponi, ait namque Sanct. Doctor; *Nihil prohibet aliqua contraria esse mediate respectu alicuius subiecti simpliciter accepti, quæ sunt immediata quantum ad tempus determinatum sicut cæcus, & videns sunt mediate in cane, non tamen post nonum diem, & similiter, & homini respectu status natura condita gratia, & culpa comparantur, ut contraria mediate, sed post illud tempus, quo Adam gratiam accepit, vel accipere potuit, ita quod in omnes eius posteros transfiret, nullus caret gratia, nisi per culpam actuale, vel originale.* Ad confirmationem respondetur negando consequentiam, ratio discriminis est, quia gratia pendet a Deo in esse, fieri, & conservari, sicque Deus potest eam auferre sine hominis peccato, subtrahendo suum concursum, quo gratiam conservat. At peccatum non sic dependet à Deo, quia Deus non est causa peccati; & ideo non potest sola sua voluntate destruere peccatum, sed debet gratiam, quæ cum peccato

to repugnat, infundere.

Ad 2. respondetur negando maiorem: postquam enim homo peccauit, non potest reparari à Deo in eo statu, in quo potuit illum creare. Ad confirmationem dico, cum asserimus peccatum non posse destrui sine gratia, loquimur subiecto eius manente, ad subiecti enim destructionem posse destrui, non negamus. Si quæras autem, an si post annihilationem hominis in peccato mortali existentis, iterum homo reproduceretur a Deo, tunc peccatum rediret? Quidam affirmant, nec propterea (dicunt) attribueretur Deo, sed propriæ voluntati: sicut originale peccatum, quod contrahitur in instanti creationis anime, non refertur in Deum, sed in Adam, cuius voluntate omnes peccauimus. Alij negant, posse hominem illum reproduci in peccato, quia illud peccatum esset à Deo, sicut si Angelus peccaret in primo instanti, eius peccatum Deo tribueretur. Vnde si talem hominem reproduceret Deus, deberet reproducere, aut in puris naturalibus, aut in gratia:

Ad 3. respondetur negando antecedens. Ad probationem nego antecedens: licet enim Deus possit reuocare ordinationem hominis in finem supernaturalem, ita vt deinceps in talé finē nō sit ordinatus, nec sit capax gratiæ: implicat tamen contradictionem, vt postquam homo ordinatus in finem supernaturalem, & capax gratiæ peccauit, faciat Deus, vt ille homo non

habuerit talem ordinationem, & capacitatē, quando peccauit, nam ad præteritū non est potentia. Et hoc sufficit, vt diximus, vt maneat priuatio moralis gratiæ, & non reducatur in puram negationē, etiā si Deus reuocet prædictam ordinationem.

Ad 4. respondetur negando maiorem: ad statum enim naturæ conditæ in puris naturalibus nequit homo redire immediate ab statu peccati: nam vt hic ad 1. ait D. Thom. *Post peccatum non potest homo esse sine culpa nisi gratiam habeat.*

Ad 5: quidam respondent negando minorem: existimant enim peccatum hominis etiam conditi in puris naturalibus remitti non posse sine gratia, aut dono supernaturali, sine quo nequit auferri auersio à Deo sine supernaturali, quā peccatū ex se habet inducere. Sed opposita sententiæ communior, ac probabilior est. Tū quia si Deus vellet remittere peccatum hominis conditi in puris naturalibus, non necessitaretur ordinare hominem ad finem supernaturalem, qui prius non erat in talem finem ordinatus, Tum etiam, quia illud peccatum non esset priuatio gratiæ, aut rectitudinis supernaturalis, sed tantum conuersionis in Deum finem naturalem; ergo per huiusmodi conuersionem posset tolli sine gratia. Tum denique quia ille status haberet propria remedia ad sui reparationem; ergo peccatum, quod homo conditus in illo statu committeret, auferri posset dono aliquo ordinis naturæ, & dile.

dilectione Dei auctoris naturalis. Hoc supposito ad argumentum dico, non conuincere peccatum remitti posse per solam Dei extrinsecam condonationem sine aliquo intrinseco inhærente: nam licet peccatum hominis conditi in puris naturalibus remitteretur sine gratia; non tamen sine dono inhærente ordinis naturæ gratis dato. Deinde assero moralitatem actus esse in duplici differentia: aliam, quæ sumitur per ordinem ad legem naturalem præcisè alteram quæ sumitur in ordine ad legem supernaturalem, vel ad legem naturalem, vt subordinatam supernaturali: & si consideremus malitiā moralem furti primo modo esse eiusdem rationis in utroque statu; nō tamē si consideretur secundo modo; nam in hoc statu includit auersionem à Deo auctore gratiæ, quam non haberet in homine condito in puris naturalibus: propter quod modo nequit remitti peccatum furti sine gratia, aut dono supernaturali, quo aueratur auersio à Deo sine supernaturali.

Dubium 4. An per potentiam Dei absolutam possit esse infusio gratiæ absque remissione culpæ.

PArtem affirmantem tenent quidam & probant 1. Supponendo duplicem esse effectum gratiæ; alterum primarium, qui est facere hominem consortem diuinæ naturæ, & obiectum congruum diuinæ

tum fuerat ablata, potest adhuc manere offensa.

Quartò, ex actu peccati non cogitur Deus auferre gratiam, & concursum, quo eam liberè conseruabat, suspendere; ergo potest gratiam conseruare in homine, adhuc peccato mortali in eo existente. Cõfirmatur: gratia est habitus; ergo non repugnat esse cum actu contrario peccati, hic enim solum esse non potest cum actu contrario, nam habitus cum actu contrario esse potest, vt in homine iusto habitus vitiorum cum actu dilectionis Dei super omnia.

Dicendum tamen est: non posse etiam per absolutam Dei potentiam esse infusionem gratiæ sine remissione culpæ mortalis. Probatur 1. D. Aug. lib. 8. de Genesi ad litteram cap. 12. ait: *Homo Deo sibi presente illuminatur, absente autem continuo tenebratur, à quo non locorū interuallis, sed voluntatis auersione d sceditur.* Sed est impossibile ponere lumen in subiecto, quin tenebræ expellantur; ergo etiam erit impossibile, Deum esse præsentem homini per gratiam, quin tenebræ peccatorum expellantur: sicut enim tenebræ sunt priuatio lucis: ita peccatum habituale, seu macula est, vt docet D. Thom. supra q. 86. art. 2. ad 1. *Priuatio coniunctionis ad diuinum lumen.*

Secundò, contradictionem implicat, hominem simul esse conuersum in Deum, & auersum à Deo, consortem diuinæ naturæ sicque filium Dei adoptiuum dignum
vita

ARTICVLVS II. 421

vita æterna, & priuatum consortio diuinæ naturæ, ac filiationis Dei adoptiue, indignumque vita æterna, Dei amicum ab eo dilectum, & Dei inimicum ab eo odio habitum, sed qui est in gratia, est conuersus in Deum, & consors diuinæ naturæ, & filius Dei adoptiuus, & dignus vita æterna, & Dei amicus ab eo dilectus; qui verò est in peccato mortali, est auersus à Deo, & priuatus consortio diuinæ naturæ, ac filiationis Dei adoptiue, & indignus vita æterna, & Dei inimicus à Deo odio habitus; ergo contradictionem implicat simul esse in gratia, & in peccato mortali.

Tertiò, Gratia ex natura rei habet vim expellendi peccatum; ergo posita gratia miraculum esset, si non expelleretur peccatum, non minus quam si posito calore non expelleretur frigiditas: sed repugnat Deo facere tale miraculum, nam fieri non posset nisi Deo specialiter conseruante peccatum, sicut posito calore non posset conseruari frigiditas sine speciali Deo concursu terminato ad conseruationem frigiditatis, Deo autem repugnat peccatum conseruare, sicut, & producere; ergo, &c. Si dicas, miraculum consistere in conseruatione gratiæ cum suo effectu primario, destructo secundario; non verò in conseruatione peccati. Contra hoc est: non est minus supra naturam conseruari gratiam cum suo effectu primario, destructo secundario, quam destructo effectu secundario peccati conseruari peccatum cum suo primario effectu.

mul cum gratia habituali ab eo non auferretur acceptatio ad vitam æternam: nam si hæc etiam tolleretur, in puris naturalibus maneret.

Dubium 3. An saltem de potentia absoluta Dei possit homini remitti peccatum absque ulla gratia illi inbærente.

PArtem affirmantem tenent Scotus in 2, dist. 28 quæst. 1. & in 4 dist. 14 quæst. 1. & alii. Probantque 1. Peccatū, & gratia non opponitur immediatè cum sit status medius inter statū gratiæ, & peccatū; ergo potest peccatum remitti, & auferri sine gratia, sicut potest calor expelli quin introducatur frigiditas, & albedo quin nigredo introducatur, auferri potest quia non sunt opposita immediata. Confirmatur; gratia potest auferri sine peccato de potentia Dei absoluta; ergo & peccatum sine gratia:

Secundo, qualem Deus potest hominem producere, talem potest reparare; sed potest producere absque gratia, & peccato; ergo post peccatum, potest eum ad illum statum reducere. Confirmatur: potest Deus peccatorem annihilare & iterum illum reproducere sine gratiæ infusione: at tunc peccatum sine gratia esset destructum, ad destructionem scilicet subiecti; ergo &c.

Ter

ARTICVLVS II. 409

Tertiò, macula peccati potest absque gratia auferri; ergo & peccatù. Antecedens probatur; licet macula consistat in priuatione gratiæ. potest talis priuatio sine gratiæ alicuius acquisitione reduci in puram negationem, si Deus reuocet ordinationem hominis in finem supernaturalem, sicque homo fiat subiectum incapax gratiæ, illiusque non aptum susceptiuum; ergo & sine gratia auferri, pura enim negatio gratiæ non est macula.

Quartò, Deus potuit ab æterno legem statuere, vt si homines eleuati ad esse supernaturale gratiæ peccarent, in pœnam peccati redirent ad statum naturæ conditæ in puris naturalibus, at tunc absque vlla gratia inhærente tolleretur eorum peccatum; ergo &c

Quinto, peccatum hominis constituti in puris naturalibus, furtum verbi gratia eiusdem esse rationis cum peccato furti, quod modo homines eleuati ad esse supernaturale committunt: sed illud sine gratia, aut vllò dono supernaturali auferri posset; ergo & hoc.

Dicendum tamen est: etiam de potentia Dei absoluta non posse homini peccatum absque aliqua gratia illi inhærente remitti, & auferri. Probatur i. ex D. Tho. hic, sic enim habet *Non potest intelligi remissio culpe, si non adesset infusio gratia*. At posset intelligi, si per absolutam Dei potentiã posset remitti peccatum absq. vlla gratia, vt patet, & hic docet Caietan. ergo &c.

410. **QVÆSTIO CXIII.**

Confirmatur: Hic ad 1. sic scribit D. Tho.

Licet homo antequam peccet, potuerit esse sine gratia, & sine culpa, tamen post peccatum non potest esse sine culpa, nisi gratiam habeat.

Quod de habituali, vel actuali intelligendum est; ergo cum homo antequam peccet, solum per Dei potentiam absolutam, & non per ordinariam potuerit esse sine gratia, & sine culpa post peccatum, nec per Dei potentiam absolutam poterit esse sine culpa, nisi gratiam habeat habituales, vel actuales.

Secundo probatur ratione D. Tho. hic: Peccatum, cum sit Dei offensa, remitti non potest nobis, nisi Deus sit nobis pacatus: offensa enim non remittitur, quandiu animus offensus, non pacatur offendenti: sed nequit pacari nobis sine gratiæ infusione; ergo sine hac non potest peccatum remitti: Minor probatur: Deum pacari nobis est diligere nos, non quacumque dilectione, sed ea cuius effectus est, qui tollitur per peccatum; ergo cum hic effectus sit gratia, nequit Deus pacari nobis sine infusione gratiæ. Antecedens probatur: Tum, quia cum dilectio Dei quantum ex parte actus diuini sit æterna, & immutabilis, nequit per ipsam Deus pacari nobis, cum antea esset offensus; nisi ratione alicuius effectus, quem nobis imprimat, & quo nos mutamur, alias enim mutatio esset in diuino actu: sed hic effectus non est alius, nisi qui per peccatum tollitur; ergo &c.

Tum

ARTICVLVS II. 411

Tum etiam, quia nisi Deus nos diligat ea dilectione, cuius effectus sit, qui tollitur per peccatum, ipsum peccatum manet, nam peccatum tollit hunc effectum sicut priuatio formam oppositam, priuatio autem semper manet, quandiu non restituitur forma opposita, sicut cecitas quandiu non restituitur potentia visiva; ergo etiam manet Deus offensus, & non pacatus. Si dicas, priuationem physicam, eius scilicet formæ, cuius subiectum naturaliter est capax, & ei naturaliter debetur, non posse auferri, nisi per formam oppositam; priuationem tamen moralem, quale est peccatum habituale, auferri posse sine formâ opposita, cuius est priuatio, nã talis forma non est debita homini ex natura rei, sed ex diuina ordinatione, & ideo absentia talis formæ solum est priuatio, quandiu durat ordinatio diuina: si autem Deus mutaret ordinationem, & decerneret nunquam dare homini talem formam, gratiam videlicet, defectus eius non esset priuatio, sed mera negatio. Contra hoc tamen est: Tum quia licet Deus decreuerit nunquam dare gratiam damnatis, manet in illis priuatio moralis gratiæ, quæ est macula, & peccatum habituale. ergo licet Deus decerneret peccatori nunquam deinceps dare gratiam, adhuc maneret in illo priuatio moralis gratiæ, quæ est macula, & peccatum habituale. Tum etiam nam Deus non potest ita mutare ordinationem, ut faciat eum, qui ordinatus in fi-

nem supernaturalem peccauit, nunquam fuisse in talem finem ordinatum, nam ad præteritum est potentia: sed vt maneat priuatio moralis sufficit, vt quando homo peccauit, talem ordinationem habuerit, sicut vt maneat priuatio conformitatis ad legem positiuam, quam quis transgressus est, sufficit, vt tempore transgressionis teneretur se tali legi conformare, etiam si postea, aut quia lex cessauit, aut quia ab ea exemptus est, non teneatur ei se conformare: ergo si homo quando peccauit, ordinatus erat in finem supernaturalem etiam si postea decernat Deus nunquam deinceps dare illi gratiam, defectus eius non erit mera negatio, sed priuatio moralis propriè, & strictè sumpta pro negatione boni debiti, quando oportet &c. vt hic §. *Ad euidentiam*, docet Caietanus. Tum denique, peccatum habituale, seu macula, vt patet ex dictis supra q. 86. art. 2. consistit in priuatione gratiæ in ordine ad suam causam, ratione cuius habet rationem moralis, & voluntarij, & à Deo auertere, esseque eius offensam; priuatio enim gratiæ, vt est à Deo physica est, non moralis, nec nobis voluntaria, cum sit poena, & non auertit à Deo, nec est eius offensam; ergo dum manet in priuatione gratiæ ratio moralis & voluntarij causata ab actu peccati, & ratio auersionis à Deo, & eius offensam non potest non esse priuatio moralis, & peccatum habituale, sed hæc non auferuntur, quia Deus mutet ordinationem

ARTICVLVS I. 413

nem, & decernat nunquam dare homini gratiam, sed per solam gratiam habitua-
lem, aut actualem, per quam homo con-
uertitur in Deum, & auertitur à creatura,
sicque voluntas præcedens retractatur, &
offensa Dei tollitur: ergo sine gratiâ habi-
tualis, aut actuali non potest auferri, aut re-
mitteri peccatum, etiam de potentia Dei
absoluta.

Contra hanc rationem obijci potest:
Homo potest alteri remittere offensam, &
esse illi pacatus per solam extrinsecam
condonationem, quin in illo aliquid produ-
cat, vel causet; ergo, & Deus: nam quid-
quid potest homo rectè velle, & facere
potest Deus. Respondetur negando con-
sequentiam: si enim aliquid valeret, se-
queretur etiam posse Deum remittere
offensam actualiter offendenti, cum id pos-
sit homo rectè. Differentia ergo est du-
plex. Prima ex parte dilectionis, qua
pacatus est homo alteri, & qua Deus di-
citur pacari; nam vt docet D. Thom supra
quæstione 110. art. 1. & 1: par. quæst. 20.
art. 2. *Amor noster non est causa bonitatis. Sed
amor Dei est infundens, & creans bonitatem
in rebus.* Secunda ex parte offensæ: nam
offensa hominis contra hominem nihil of-
fendenti aufert, cuius priuatione manente
non remittatur offensam, sicque, vt remit-
tatur non est necessarium aliquid inhære
offendenti producere, sed sufficit extrin-
seca condonatio offensi. At offensam con-
tra Deum offendenti gratiam, conuersio-

nem ad Deum, & conformitatem ad rationem, & legem auferit, quarum priuatio, dum manet, non remittitur Dei offensae, sicque necessarium est, vt aliquid reale, & inhærens sit in homine, quo talis priuatio auferatur.

Ad primum verò respondetur cum D. Thom. qu. 28. de Veritate artic. 2. ad 4. & hic ad 1. & Caiet. circa primi solutionem: gratiam, & peccatum, licet absolutè loquendo non sint opposita immediata, respectu tamen hominis lapsi immediatè opponi, ait namque Sanct. Doctor; *Nihil prohibet aliqua contraria esse mediata respectu alicuius subiecti simpliciter accepti, quæ sunt immediata quantum ad tempus determinatum sicut cæcus, & videns sunt mediata in cane, non tamen post nonum diem, & similiter, & homini respectu status natura condita gratia, & culpa comparantur, vt contraria mediata, sed post illud tempus, quo Adam gratiam accepit, vel accipere potuit, ita quod in omnes eius posteros transfret, nullus caret gratia, nisi per culpam actuale, vel originale.* Ad confirmationem respondetur negando consequentiã, ratio discriminis est, quia gratia pendet a Deo in esse, fieri, & conseruari, sicque Deus potest eam auferre sine hominis peccato, subtrahendo suum concursum, quo gratiam conseruat. At peccatum non sic dependet à Deo, quia Deus non est causa peccati; & ideo non potest sola sua voluntate destruere peccatum, sed debet gratiam, quæ cum peccato

to repugnat, infundere.

Ad 2. respondetur negando maiorem: postquam enim homo peccauit, non potest reparari à Deo in eo statu, in quo potuit illum creare. Ad confirmationem dico, cum asserimus peccatum non posse destrui sine gratia, loquimur subiecto eius manente, ad subiecti enim destructionem posse destrui, non negamus. Si quæras autem, an si post annihilationem hominis in peccato mortali existentis, iterum homo reproduceretur a Deo, tunc peccatum rediret? Quidam affirmant, nec propterea (dicunt) attribueretur Deo, sed propriæ voluntati: sicut originale peccatum, quod contrahitur in instanti creationis anime, non refertur in Deum, sed in Adam, cuius voluntate omnes peccauimus. Alij negant, posse hominem illum reproduci in peccato, quia illud peccatum esset à Deo, sicut si Angelus peccaret in primo instanti, eius peccatum Deo tribueretur. Vnde si talem hominem reproduceret Deus, deberet reproducere, aut in puris naturalibus, aut in gratia:

Ad 3. respondetur negando antecedens. Ad probationem nego antecedens: licet enim Deus possit reuocare ordinationem hominis in finem supernaturalem, ita vt deinceps in talē finē nō sit ordinatus, nec sit capax gratiæ: implicat tamen contradictionem, vt postquam homo ordinatus in finem supernaturalem, & capax gratiæ peccauit, faciat Deus, vt ille homo non

habuerit talem ordinationem , & capacitatē , quando peccauit , nam ad præteritū non est potentia . Et hoc sufficit , vt diximus , vt maneat priuatio moralis gratiæ , & non reducat in puram negationē , etiā si Deus reuocet prædictam ordinationem .

Ad 4. respondetur negando maiorem : ad statum enim naturæ conditæ in puris naturalibus nequit homo redire immediate ab statu peccati : nam vt hic ad 1. ait D. Thom. *Post peccatum non potest homo esse sine culpa nisi gratiam habeat.*

Ad 5: quidam respondent negando minorem: existimant enim peccatum hominis etiā conditi in puris naturalibus remitti non posse sine gratia , aut dono supernaturali , sine quo nequit auferri auersio à Deo sine supernaturali , quā peccatū ex se habet inducere . Sed opposita sententia communior , ac probabilior est. Tū quia si Deus vellet remittere peccatum hominis conditi in puris naturalibus , non necessitaretur ordinare hominem ad finem supernaturalem , qui prius non erat in talem finem ordinatus , Tum etiam , quia illud peccatum non esset priuatio gratiæ , aut rectitudinis supernaturalis , sed tantum conuersionis in Deum finem naturalem ; ergo per huiusmodi conuersionem posset tolli sine gratia . Tum denique quia ille status haberet propria remedia ad sui reparationem ; ergo peccatum , quod homo conditus in illo statu committeret , auferri posset dono aliquo ordinis naturæ , & dile.

dilectione Dei auctoris naturalis. Hoc supposito ad argumentum dico, non conuincere peccatum remitti posse per solam Dei extrinsecam condonationem sine aliquo intrinseco inhaerente: nam licet peccatum hominis conditi in puris naturalibus remitteretur sine gratia; non tamen sine dono inhaerente ordinis naturæ gratis dato. Deinde assero moralitatem actus esse in duplici differentia: aliam, quæ sumitur per ordinem ad legem naturalem præcisè; alteram quæ sumitur in ordine ad legem supernaturalem, vel ad legem naturalem, ut subordinatam supernaturali: & si consideremus malitiā moralem furti primo modo esse eiusdem rationis in utroque statu; non tamen si consideretur secundo modo; nam in hoc statu includit auersionem à Deo auctore gratiæ, quam non haberet in homine condito in puris naturalibus; propter quod modo nequit remitti peccatum furti sine gratia, aut dono supernaturali, quo aueratur auersio à Deo sine supernaturali.

Dubium 4. An per potentiam Dei absolutam possit esse infusio gratiæ absque remissione culpæ.

PArtem affirmantem tenent quidam & probant 1. Supponendo duplicem esse effectum gratiæ; alterum primarium, qui est facere hominem consortem diuinæ naturæ, & obiectum congruum diuinæ

418 **QVAESTIO CXIII.**

dilectionis : alterum secundarium , scilicet reddere hominem acceptum ad vitam eternam , & Dei amicitiam , congruum enim est , ut eum , qui participat esse diuinum , acceptet Deus ad propriam amicitiam , & communicationem suae beatitudinis . Item duplicem esse effectum peccati : alterum primum , scilicet deordinare hominem a lege , & praecepto diuino , & facere illum inimicum Deo : alterum secundarium , nempe destruere in homine conjunctionem ad Deum , & participationem diuinæ naturæ . Ex quibus sequitur , effectum primum gratiæ non opponi effectui primario peccati , sed secundario , & effectum primum peccati opponi non primario gratiæ , sed secundario . Quo posito est argumentum : per absolutam Dei potentiam potest forma esse in subiecto cum solo effectui primario , & fine secundario , ut quantitas in corpore faciendo illud extensum in ordine ad totum , & non in ordine ad locum ; ergo cum effectus primarius gratiæ non tollat effectum primum peccati , sed secundarium , poterit gratia infundi homini , quin expellatur peccatum , sed hoc , & illa manentibus cum suis effectibus formalibus primariis sine secundariis ,

Secundo ; ut remittatur peccatum , præter infusionem gratiæ requiritur extrinseca Dei acceptatio , superadditusque fauor & Dei pactum , ergo cum hæc pendeant ex libera voluntate Dei , poterit Deus in

fun-

fundere gratiam, & non remittere culpam Antecedens probatur: peccatum, quia est contra Deum, habet quandam infinitatem in ratione offensæ; ergo, vt remittatur, præter infusionem gratiæ, requiritur Dei fauor & acceptatio, pactumque, quo statuit habenti gratiam remittere offensam, & iniuriam sibi illatam per peccatū, nam nihil creatum est sufficiens ad illam delendam. Confirmatur: potest Deus homini infundere gratiam, & tamen non acceptare illum ad gloriam; ergo, & non remittere culpam.

Tertio, gratia, & peccatum non opponuntur priuatiue, sed contrarie: at Deus potest duas formas contrarias simul in eodem subiecto conseruare, vt calorem, & frigus; ergo, & infundere gratiam, sine peccati expulsionem, & remissione. Maior probatur. potest homo priuari gratia absque peccato: ergo non opponuntur priuatiue, sicut nec ita opponerentur cæcitas, & visus, si posset homo priuari visu sine cæcitate. Confirmatur, probabile est peccatum habituale non consistere in priuatione gratiæ, sed in habituali deordinatione positua ad legem Dei, & licet consistat in priuatione morali gratiæ, per huius restitutionem potest tolli, quod in tali priuatione est physicum, non verò moralitas & offensæ, sicut potest, quod ablatum est per rapinam restitui manente offensa rapinæ; ergo, & restituta gratia, quæ per peccatum

tum fuerat ablata, potest adhuc manere offensa.

Quartò, ex actu peccati non cogitur Deus auferre gratiam, & concursum, quo eam liberè conseruabat, suspendere; ergo potest gratiam conseruare in homine, adhuc peccato mortali in eo existente. Cõfirmatur: gratia est habitus; ergo non repugnat esse cum actu contrario peccati, hic enim solum esse non potest cum actu contrario, nam habitus cum actu contrario esse potest, vt in homine iusto habitus vitiorum cum actu dilectionis Dei super omnia.

Dicendum tamen est: non posse etiam per absolutam Dei potentiam esse infusionem gratiæ sine remissione culpæ mortalis. Probatur 1. D. Aug. lib. 8. de Genesi ad litteram cap. 12. ait: *Homo Deo sibi presente illuminatur, absente autem continuo tenebratur, à quo non locorū interuallis, sed voluntatis auersione d. sceditur.* Sed est impossibile ponere lumen in subiecto, quin tenebræ expellantur; ergo etiam erit impossibile, Deum esse præsentem homini per gratiam, quia tenebræ peccatorum expellantur: sicut enim tenebræ sunt priuatio lucis: ita peccatum habituale, seu macula est, vt docet D. Thom. supra q. 86. art. 2. ad 1. *Priuatio coniunctionis ad diuinum lumen.*

Secundò, contradictionem implicat, hominem simul esse conuersum in Deum, & auersum à Deo. consortem diuinæ naturæ sicque filium Dei adoptiuum dignum
vita

ARTICVLVS II. 411

vita æterna, & priuatum consortio diuinæ naturæ, ac filiationis Dei adoptiue, indignumque vita æterna, Dei amicum ab eo dilectum, & Dei inimicum ab eo odio habitum, sed qui est in gratia, est conuersus in Deum, & consors diuinæ naturæ, & filius Dei adoptiuus, & dignus vita æterna, & Dei amicus ab eo dilectus; qui verò est in peccato mortali, est auersus à Deo, & priuatus consortio diuinæ naturæ, ac filiationis Dei adoptiue, & indignus vita æterna, & Dei inimicus à Deo odio habitus; ergo contradictionem implicat simul esse in gratia, & in peccato mortali.

Tertiò, Gratia ex natura rei habet vim expellendi peccatum; ergo posita gratia miraculum esset, si non expelleretur peccatum, non minus quam si posito calore non expelleretur frigiditas: sed repugnat Deo facere tale miraculum, nam fieri non posset nisi Deo specialiter conseruante peccatum, sicut posito calore non posset conseruari frigiditas sine speciali Deo concursu terminato ad conseruationem frigiditatis, Deo autem repugnat peccatum conseruare, sicut, & producere; ergo, &c. Si dicas, miraculum consistere in conseruatione gratiæ cum suo effectu primario, destructo secundario; non verò in conseruatione peccati. Contra hoc est: non est minus supra naturam conseruari gratiam cum suo effectu primario, destructo secundario, quam destructo effectu secundario peccati conseruari peccatum cum suo primario effectu.

422 *QVÆSTIO CXIII.*

Et : sed sicut peccatum destruit effectum secundarium gratiæ, ita gratia destruit effectum secundarium peccati, vt docent auctores, quos impugnamus; ergo sicut illud nequit esse sine miraculo, ita nec hoc. Si dicas ad hoc sufficere peccati permissionē. **Contra** : permissio non dat voluntati virtutem conseruatiuam peccati: sed voluntas creata non habet ex se virtutem conseruandi peccatum sine effectu secundario; ergo si conseruatur, hoc debet esse per virtutem Dei supernaturalem, & miraculosē. Vide quæ dicemus 2.2.q.24. art. 12. dubio vnico.

Ad 1. verò respondetur: non rectē assignari effectum primum, & secundariū peccati: nam vt ait D. Thom. q.28. de Veritate art.2. hæc tria, scilicet auersio, offensa, & reatus se se concomitantur, & consequuntur in peccato; auersionem enim sequitur offensa, & offensam reatus: cum autem ratione auersionis habeat peccatum destruere coniunctionem ad Deum, & participationem diuinę naturæ, non rectē hic assignatur, & dicitur effectus secundarius peccati, cum potius prior sit, quam facere hominem Deo inimicum, quod habet peccatum, quia est Dei offensa. destructio coniunctionis cum Deo, vel participationis diuinę naturę dupliciter considerari potest. Primo in ordine ad causam demeritoriam, quæ est voluntas humana, quæ eo ipso, ac adhæret rei temporali, demeretur coniunctionem cum Deo, & parti-

cipationem diuinæ naturæ, seu gratiam, quæ etiam humana voluntas est causa efficiens indirecta, quatenus ponit obstaculâ influxui Spiritus Sancti, vt docet D. Thom. 2.2. q. 24. a. 10. ad 12. Secundo in ordine ad causam efficientem directam, nempe Spiritum Sanctum, qui propter demeritum hominis, & impedimentum, quod apponit, subtrahit suum concursus, quo causabat, & conseruabat gratiam. Hoc secundo modo sumpta prædicta destructio, vel priuatio poenæ rationem habet, & vt sic, cum sit Dei effectus, non auertit à Deo. Primo verò modo cōsiderata intrinsecè auersione a Deo includit, & est ipsum peccatū habituale, quod effectus est actualis. Cum autem effectus formalis primarius formæ nihil aliud sit, quam forma, vt subiectum informans, illique dans suum esse, primarius effectus peccati habitualiserit destruere coniunctionem cum Deo auertendo ab illo. Cumque hic formalis effectus nullo modo esse possit simul cum formali effectui primario gratiæ, neque peccatum habituale ipsum poterit esse simul cum gratia in eodem homine. Præterea, etiam si verum esset, effectum formalem primariū peccati esse, facere hominem Deo inimicum, non obtineretur intentum argumenti, sed oppositum potius sequeretur: nam cum charitas sit essentialiter amicitia, vt docet D. Thom. 2.2. q. 23. art. 1. non posset ad eius effectum formalem primarium nō pertinere, facere Deo amicum; ergo cum
ipsa

ipsa non posset esse peccatum . Si autem cum charitate simul esse nequit , quomodo cum gratia esse poterit , quæ est etiam radicaliter amicitia ? Denique licet inter effectus gratiæ , & peccati sit aliquis ordo ; non tamen sunt ab inuicem separabiles , sicut nec entis proprietates ; nequit enim à consortio diuinæ naturæ separari amicitia cum Deo , & dignitas , & ius ad gloriam , nec ab auersione à Deo , offensa Dei , & reatus poenæ æternæ : nam sicut repugnat diuinæ bonitati mentiri : ita repugnat odio habere eum , qui consors est diuinæ naturæ , vel diligere eum , qui est in peccato . Et quamuis Deus possit extrinsecè non acceptare ad gloriam consortem diuinæ naturæ , & non ordinare ad poenam æternam hominem ab eo auersum ; nequit tamen ille non esse dignus gloria , & hic ea indignus , si de dignitate , vel indignitate intrinseca sit sermo . Si ergo isti effectus inseparabiles sunt , quomodo simul esse poterunt gratia , & peccatum in eodem homine .

Ad 2. respondetur negando antecedens : licet enim posita contritione , & dilectione Dei modo de facto ad remissionem peccati requiretur noua gratia , & applicatio meritorum Christi , vt diximus dubio. 2. posita tamen gratia habituali , & charitate infusa , non est necessarius nouus fauor , & applicatio Christi meritorum , sed voluntas remittendi peccatum in ipsa gratiæ , & charitatis infusione includitur . Vnde in

Con-

Concil. Trid. Sess. 6. capit. 7. dicitur: *Quamquam nemo possit esse iustus, nisi cui merita Passionis Domini nostri Iesu Christi communicantur; id tamen in hac impij iustificatione fit, dum eiusdem sanctissima Passionis merito per Spiritum Sanctum charitas Dei diffunditur in cordibus eorum, qui iustificantur.* Ex quo patet non esse nouam applicationem meritorum, Christi præter infusionem gratiæ, & charitatis in remissione peccatorum, ac proinde nec fauorem superadditum, Ad probationem neganda est consequentia; nam acceptatio Dei, quæ ad remissionem offensæ infinitæ requiritur in ipsa gratiæ habitualis infusione includitur, vt diximus dubio 2. implicat enim contradictionem, Deum esse nobis pacatum, atque amicum, & non remittere nobis iniuriam, pacatur autem nobisque amicus fit infundendo nobis gratiam habitualement. Si gratia per modum satisfactionis remitteret peccatum, præter ipsam necessaria esset noua Dei acceptatio: cum autem illud non sic remittat, sed per modum formæ impossibilis, præter eius infusionem non requiritur superadditus fauor, aut noua acceptatio, & voluntas remittendi: nam vel non remitteretur peccatum per formam aliquam inherenter, vel daretur processus in infinitum in formis inhaerentibus, qualibet enim posita requireretur Dei acceptatio, & fauor, non minus, quam gratia habituali infusa. Ad confirmationem patet ex dictis in solutione primi, licet enim Deus extrinsece, & non

attendendo merita, aut ius, quod existens in gratia habet ad gloriam, possit de sua potentia absoluta non acceptare ad gloriā; fieri tamen nequit, ut iustus non sit intrinsecè dignus vita æterna, & peccator non sit intrinsecè ea indignus.

Ad 3. respondetur negando antecedens. Ad probationem distinguo antecedens: priuatione non auersiva à Deo, quæ sit pœna, concedo antecedens: priuatione à Deo auersiva nego antecedens: peccatum autem habituale, ut diximus ad 1. priuatio est gratiæ à Deo auertens: *Vnde ad sanandam prædictam auersionem requiritur gratia, & charitatis infusio, sicut ad sanationem cæcitatis requiritur restitutio potentia visus.* Ut docet D. Thom. q. 28. de Verit. artic. 2. Ad confirmationem admissa illa sententia, non colligi peccatum posse esse simul cum gratia: nam positiva illa deordinatio saltem, ut modum intrinsecum includit auersionem a Deo, ac proinde priuationem gratiæ, ratione cuius cum gratia esse nequit, & non est eadem ratio de qualitatibus contrariis; nam hæ non includunt intrinsecè priuationem formæ contrariæ. Si verò peccatum habituale est priuatio moralis gratiæ, falsum est, per gratiam solum posse auferri, quod in tali priuatione physicum est, & non moralitatem, & offensam: nam gratia non solum habet entitatem physicam, sed etiam intrinsecam moralitatem, qualis est facere hominem dignum vita æterna, & obiectum congruum diuinæ dilectionis,
cuius

cuius est terminus per eam productus gratia . Sic in vnione Verbi incarnati non tantum communicatur naturæ humanæ phýsicè substantia , sed etiã dignitas moralis, ita vt sit diuina dilectione digna .

Ad 4 respondetur: Deum non cogi ad auferendam gratiam , vel peccatum ; ex suppositione tamen suæ gratuitæ voluntatis , qua vult communicare gratiam necessitate consequentiæ , sequi in effectu expelli peccatum . Similiter si homo peccat, sequitur necessario ex parte effectus non conseruari gratiam à Deo . Ad confirmationem respondet D. Thom. 2, 2 q 24. a. 12. habitus acquisitos ex virtute subiecti dependentes non tolli per vnum actum, quia actus non directe contrariatur habitui, sed actui . Gratia autem, & charitas, cum sint habitus infusi, dependent ex actione Dei infundentis, qui sic se habet in infusione, & conseruatione gratiæ, & charitatis, sicut sol in illuminatione aëris , & ideo sicut lumen statim cessaret in aëre , si aliquod obstaculum poneretur illuminationi solis: ita gratiæ , & charitatis habitus statim deficit esse in anima quolibet peccato mortali posito , quia per quodlibet peccatum mortale ponitur obstaculum infusioni eius .



ARTICVLVS III.

Vtrum ad iustificationem impij requiratur motus liberi arbitrij .

Conclusio est affirmans .

ARTICVLVS IV.

Vtrum ad iustificationem impij requiratur motus fidei :

Conclusio est affirmans.

ARTICVLVS V.

Vtrum ad iustificationem impij requiratur motus liberi arbitrij in peccatum .

Conclusio. est affirmans.

Dubium : An motus prædicti requiratur ad impij iustificationem, ut dispositiones ad illam.

Pars negans probatur 1. nam ad Rom. 9. v. 16. dicitur : *Igitur non volentis neque currentis, sed miserationis Dei.* Et ad Titum 3. v. 5. *Non ex operibus iustitiæ, quæ facimus nos, sed secundum suam misericordiam saluos nos fecit.* Sed his significatur motus, & opera nostra nihil cōferre ad iustificationem; ergo non requiruntur, ut dispositiones ad illam. Confirmatur 1. nam Isaïæ 45. vers. 9. & Ieremiæ 18. vers. 6. & ad Rom. 9. ver. 20. homo in sua iustificatione comparatur luto in manu figuli; ergo mere passivè se habet, & non requiritur, ut per aliquem motum liberi arbitrii ad iustificationem se disponat. Confirmatur 2. ex illo ad Rom. 3. v. 24. *Iustificati gratis per gratiam ipsius.* Ergo non requiritur, ut homo se bonis operibus ad iustificationem disponat.

Secundò, si prædicti motus liberi arbitrii requirerentur ad iustificationem, ut dispositiones, posset sine illis Deus iustificare impium, potest enim formam in materiam introducere absque præiis dispositionibus: sed hoc est falsum; ergo &c. Minor probatur: Tum quia peccatum habituale includit essentialiter auersionem liberam à Deo; ergo non potest remitti nisi per liberam conversionem, nam
vnum.

430 QVÆSTIO CXIII.

vnunquodque expellitur per formam sibi oppositam . Tum etiam , peccatum habituale nequit esse,quin præcedat actus liber ; ergo nec gratia habitualis . Tum deinde, vsque dum homo proprio actu detestatur peccatum , & retractat præcedentē voluntatem ., semper perseverat in habituali affectu ad peccatum,ergo non potest peccatum remitti sine proprio actu libero hominis, implicat enim remitti peccatum manente habituali affectu ad illud . Tum denique , nam aliās etiam actu nolens gratiam,& actu peccans posset homo iustificari,nō enim est maior ratio cur possit Deus conferre gratiam sine prædictis actibus , quam non habita ratione horum : sed hoc implicat contradictionem , quia tunc homo peccaret , & non peccaret, esset in peccato , & haberet remissum peccatum ; ergo &c.

Tertio probatur nō requiri ad iustificationem motum fidei , qui habeat Deum pro obiecto , & sit charitate informatus : sufficit sola fides sumpta pro fiducia , qua homo certo credat, & confidat sibi remissa esse peccata, ergo non requiritur prædictus motus fidei . Antecedens probatur : Tum quia solam fidem sufficere ad iustificationem deducitur ex Scriptura ad Rom. 3. vers. 28. dicente : *Arbitramur iustificari hominem per fidem sine operibus legis .* Et c. 4. v. 5. *Ei verò, qui non operatur , credenti autem in eum, qui iustificat impium, reputatur fides ad iustitiam .* Et Act. : 3. vers 39. *In hoc omnis,*
qui

ARTICVLVS V. 431

qui credit, iustificatur. Tum etiam quia hanc fidem non esse aliam quam fiduciam colligitur ex illo ad Roman. 4. vers. 20. *Non habuimus diffidentiam: sed confortati sumus in fide.* Vbi cum fides Abrahæ, quæ reputata est ei ad iustitiam, contraponatur diffidentia, nihil aliud quam fiduciam esse innuitur.

Quartò probatur, non requiri motum liberi arbitrii in peccatum, actum scilicet contritionis. Qui facta sufficienti diligentia nullius peccati mortalis à se commissi recordatur, si non habeat contritionis actum, sed dilectionis Dei iustificabitur: nam dilectio Dei efficax infallibiliter assequitur iustificationem. Similiter qui subito raperetur ad martyrium, ita ut moraliter non posset de suis peccatis cogitare iustificaretur absque contritione, ait namque D. Chrysostomus. *serm. de Poenitentia, post initium. Martyrium poenitentia præteriti non egere.* Ergo ad iustificationem non necessario requiritur motus liberi arbitrii in peccatum.

Dicendum tamen est: Ad iustificationem impii requiri tanquam dispositiones prædictos motus liberi arbitrii. Conclusio est contra Lutherum, qui teste Rosenfeldo art. 36. dixit: *Figmenta sunt omnia, quæ de præparatione liberi arbitrii ad gratiam tot libris tractata sunt.* Contra alios etiam hæreticos recentiores, qui licet dicant fideni requiri ad iustificationem, non tamen tanquam dispositionem, sed tanquam instrumentam, quod veluti manu apprehendi-

mus, & trahimus iustitiam Christi, & nostram saltem imputatiuè facimus, hancque fidem non esse eam, quæ est de mysteriis seu articulis fidei, quam ipsi dogmaticam appellant, aut historicam, nec verò eam, quæ fides miraculorum appellatur, sed fiduciam, qua quis certo credit Deum sibi remisisse peccata. Probaturn tamen ex Concil. Trident. Sess. 6. cap. 5. dicente: *Ipsius iustificationis exordium in adultis à Dei per Christum Iesum præueniente gratia sumendum esse &c. Ut qui per peccata à Deo auersi erant, per eius excitantem, atque adiuuantem gratiam ad conuertendum se ad suam ipsorum iustificationem, eidem gratia liberè assentiendo, & cooperando disponantur.* Et cap. 6. *Disponuntur autem ad ipsam iustitiam, dum excitati diuina gratia, & adiuti, & silenti ex auditu concipientes, liberè mouentur in Deum, credentes vera esse, quæ diuinitus reuelata, & promissa sunt &c. & dum peccatores se esse intelligentes, à diuina iustitia timere, quo utiliter concutiuntur, ad considerandam Dei misericordiam se conuertendo, in spem eriguntur, silentes Deum sibi propter Christum propitium fore, illumque tanquam omnis iustitiæ fontem diligere incipiunt, ac propterea mouetur aduersus peccata per odium aliquod, & detestationem.*

Ex quibus verbis colligitur 1. per motum liberi arbitrij, quem ad iustificationem requiri ostendit Diu. Thom. artic. 3., disponi hominem ad iustificationis gratiam obtinendam, quod, & Can. 4. eiusdem

dem Sess. 6. diffinit Concilium.

Secundò colligitur: motum fidei, quem art. 4. docet D. Thom. requiri ad iustificationem, dispositionem esse ad illam. Nò sola autem fide impium iustificari, diffinit Concilium vbi supra can. 9. Fidem verò hanc non esse fiduciam diffinit can. 12. & 13. & 14.

Tertio colligitur: motum liberi arbitrii in Deum, eiusque iustitiam per amorem, & motum liberi arbitrii in peccatum per eius detestationem, quæ est contritio, quos D. Thom. art. 5. docet requiri ad iustificationem impii, esse ad illam dispositiones. Specialiter autem de contritione ait Concil. Sess. 14. cap. 4 *Preparat ad remissionem peccatorum.*

Si quæras autem, an tres hæ dispositiones, actus scilicet fidei, charitatis, & poenitentiae, necessarium sit semper actu, & formaliter esse in ipso iustificationis instanti? Respondetur: actum fidei explicitum, & formalem necessarium esse in ipso iustificationis instanti, vt docet D. Thom. hic art. 4. ad 3. & quæst. 28. de Verit. art. 4. ad 9. Et patet nam, vt dicitur ad Hebræos 11. vers. 6. *Sine fide impossibile est placere Deo, credere enim oportet accedentem ad Deum.* Cum autem fides sit prima radix, & fundamentum iustificationis, eius actus non potest in alio virtualiter haberi; & ideo necessarium est explicitum, & formalem esse in ipso iustificationis instanti. Idem dico de actu dilectionis, cum

enim charitas sit prima, & perfectissima virtus superior, & excellentior omnia, eius actus in nullo alio virtualiter contineri potest: Vnde absque explicito charitatis actu nequit homo adultus extra Sacramentum iustificari: nam vt dicitur 1. Ioan. 3. v. 14. *Qui non diligit manet in morte.* De actu contritionis, qui est dolor de peccatis propter Deum summè dilectum, assero posse virtualiter contineri in actu dilectionis Dei, posseque hunc ab illo separari: habent enim se actus dilectionis, & contritionis, sicut actus volitionis finis, & medii, vel sicut actus amoris alicuius obiecti, & actus fugæ, & odii contrarii: nam dilectio fertur in Deum, & contritio in peccatum detestando ipsum propter Deum: vnde licet non possit esse actus contritionis absque actu dilectionis, actus tamen dilectionis à contritione separari potest, sicut volitio finis ab actu volitionis mediorum, quia prior est, & causa. Vnde quamuis per se, & ex natura rei ad iustificationem requiratur actus contritionis explicitus; per accidens tamen in aliquo casu suppleri potest per actum dilectionis, & sufficit contritio virtualis. Casus autem, in quo sola dilectio absque contritione explicita sufficeret, est, quando prorumpente homine in dilectionis actum, non occurreret memoria peccatorum, & propterea non haberet contritionem. Quod euenire potest, si verbi gratia excitatur amoris affectu propter considerationem diuinæ

bonitatis, & non vacat recogitare peccatum, vel quia subito rapitur ad martyrium, vel quia postquam actum dilectionis habuit, morte, aut egritudine intercipitur facultas procedendi ad detestationem peccatorum, vel quia subest inuincibilis ignorantia, aut obliuio peccati commissi, quæ non est impossibilis. In hoc casu (cum dilectio efficax infallibiliter assequatur iustificationem, & ab explicita contritione separata sit, eam tamen virtualiter cõtineat, quia amor principium est de se efficax producere odium obiecti contrarii, & ideo qui diligit, virtualiter odium, & detestationem peccati habet) solo dilectionis actu absque explicata pœnitentia potest iustificari homo per pœnitentiam virtualement in dilectione contentam. Vnde soli duo actus sunt, sine quibus explicitis nequit impius extra Sacramentum vllò in casu iustificari, nempe actus fidei, & dilectionis.

Ad primam verò respondetur. negando minorem: illis enim verbis solum significatur, Deum esse causam efficientem principalem nostræ iustificationis, & opera nostra sine Dei auxilio nõ conferre ad illam; non verò excluditur cooperatio, & concursus noster dispositivus ex auxilio Dei. Ad 1. confirmationem dico, hominem in ordine ad suam iustificationem comparari luto in manu figuli, quia non habet virtutem naturalem, qua illam assequi, aut ad illam possit se disponere, si tamen excitetur, & moueatur à Deo, cooperatur assentien-

do Deo excitanti atque vocanti, & ad obtinendam iustificationis gratiam se disponit, & non se habet velut inanime quoddam, ut dicitur in Concil. Trident. Sess. 6. can. 4. Ad 2. confirmationem nego consequentiam: nam ut dicitur in Concil. Trid. Sess. 6. c. 8. cum Apostolus dicit iustificari hominem gratis, ita intelligendum est: *Quia nihil eorum, quæ iustificationem præcedunt, siue fides, siue opera, ipsam iustificationis gratiam promeretur.* Ad illam tamen disponere possunt: quia liberalem, & gratuitam donationem non excludit præparatio, sed meritum.

Ad 2. responderetur negando minorem. Ad 1. probationem dico auersionem liberam auferri posse, non solum per conuersionem liberam, sed etiam per formam superiorem, qualis est gratia, quæ hominem conuertit in Deum, & consequenter tollit auersionem ab illo, nequit autem esse auersio libera, ubi non est auersio. Ad 2. probationem nego consequentiam: quia actus liber præcedens est causa peccati habitualis; causa verò gratiæ non est aliquis actus noster liber, nisi solum dispositiua, sine qua potest Deus gratiam producere. Ad 3. probationem nego antecedens: affectus enim habitualis ad peccatum sufficienter excluditur per conuersionem habitualement in Deum, quæ fit per gratiam. Ad 4. probationem nego maiorem: nam qui peccata actualiter, ponit obstaculum iustificationi, & infusioni luminis gratiæ, qui ve-

ro

rō absque peccato actuali non se disponit ad illam, nullum ponit obstaculum, sicque lidet actualiter peccanti nō possit dari gratia, quia est impossibilis cum peccato; bene tamen non se disponenti ad illam, nā solum ad legem Dei suauem, & ordinariam pertinet, vt. non detur gratia, nisi se ad illam disponenti.

Ad 3. respondetur negando antecedens. Ad 1. probationem dico cum Concil. Trid. Sess 6. c. 8. *Cum Apostolus dicit iustificari hominem per fidē; ea verba in eo sensu intelligenda sunt, quem perpetuus Ecclesia Catholica cōsensus tenuit, & expressit: vt scilicet per fidem ideo iustificari dicamur, quia fides est humana salutis initium, fundamentum, & radix omnis iustificationis, sine qua impossibile est placere Deo, & ad filiorum eius consortium peruenire.* Operibus autem negatur iustificatio, non quia requisita non sint, sed quia nō merentur iustificationem, & quia eis appositis adhuc gratis iustificamur. In loco ad Rom. 3. D. Hieron. ibi per opera legis intelligit circumcisionem, obseruationem sabbati, & alia huiusmodi, sine quibus, non tamen sine operibus iustitię, & gratiæ, ait Apostolus iustificari hominem per fidem, non quæ sine operibus gratiæ, & iustitię mortua est, sed viuam, & charitate formatam. Vnde inquit D. Hieron. *Abutuntur quidam hoc loco ad destructionem operum iustitiæ, solam fidem posse sufficere affirmantes: cum tamen alibi dicat Apostolus: se habuero omnem fidem, ita vt montes transferam: charitatem autem*

non habuero, nihil mihi prodest. Et de hac fide viua, & charitate formata intelligenda sunt alia loca. Ad 2. probationem dico, fidem ibi contraponi diffidentie, non quia hæc sit directe opposita fidei, sed quia ex ea infidelitas posset oriri, sensumque esse: non effecit diffidentia, ut in fide dubitaret.

Ad 4. patet ex dictis contritionem, vel motum liberi arbitrii in peccatum per se, & ex natura requiri ad iustificationem; per accidens tamen, & in aliquo casu non requiri, ut sit formalis, sed sufficere virtutalem in actu dilectionis contentam.

ARTICVLVS VI.

Vtrum remissio peccatorum debeat numerari inter ea, quæ requiruntur ad iustificationem impij.

Conclusio est affirmans.

Quatuor inquit D. Thom. numerari, quæ requiruntur ad iustificationem impij, scilicet gratiæ infusionem, motum liberi arbitrii in Deum per fidem, motum liberi arbitrii in peccatum, & remissionem culpæ, per hæc q. scilicet remissionem culpæ, importari consumationem siue peruationem ad terminum motus iustificationis

ARTICVLVS VI. 439

In hoc enim iustificatio consummatur. Quidam nomine gratiæ, cuius infusio numeratur primo loco, intelligunt non gratiam habitualement, sed auxilium speciale, quo Deus mouet liberum arbitrium in Deum, & in peccatum, vnde infusionem gratiæ motionem Dei mouentis appellat D. Thom. Sed falluntur: nam D. Tho. hic ad 2. ait gratiæ infusionem, & remissionem culpæ secundum ipsam substantiam actus idem esse: *Eodem enim actu Deus, & largitur gratiam, & remittit culpam.* Sed collatio prædicti auxilii specialis non est idem secundum substantiam actus cum remissione culpæ, cum remissio culpæ nouum, & distinctum beneficium sit à collatione prædicti auxilii specialis, & noua, & distincta actione fiat, gratiæ scilicet habitualis infusione, quæ est etiam motio Dei mouentis; ergo, &c.

Quomodo autem remissionem culpæ appellet D. Thom. consummationem, siue peruationem ad terminum motus iustificationis, non est difficile explicare, si aduerterimus, D. Thom. hic non loqui de remissione culpæ, quæ in motu iustificationis habet rationem recessus à termino à quo, & de infusione gratiæ, quæ habet rationem accessus ad terminum ad quem, quatenus considerantur ex parte mobilis, scilicet hominis iustificati: sic enim, vt docet D. Thom. hic art 8. ad 1. *Prius est ordine natura liberatio à culpa, quam consecutio gratiæ iustificantis.* Sicut & ex parte aeris prius

440 QVAESTIO CXIII.

est ordine naturę purgari à tenebris, quam consequi lumen: sicq. remissio culpę non est vltimum, quod in iustificatione inuenitur, nec consummatio eius, vel peruentio ad terminum illius. Loquitur ergo D. Th. hic de illis quatenus considerantur ex parte agentis Dei scilicet mouentis, & iustificantis, qua ratione, vt idem D. Thom. inquit art. 8. ad 1. *Ordine natura prior est gratia infusio, quam culpa remissio.* Sicut & ex parte solis prius est illuminare, quam tenebras remouere: sicque remissio culpę habet vltimi rationem, & est consummatio, & peruentio ad terminum, & in ea iustificatio impij consummatur, vt deducit Gaier. hic 9. *Ad hoc.*

Circa articulum 7. nihil se offert dicendum.

ARTICVLVS VIII.

Vtrum gratia infusio sit prima ordine natura inter ea, quę requiruntur ad iustificationem impij.

Conclusio est affirmans.

Dubium. An motus liberi arbitrij in Deum, & in peccatam, quatenus est ultima dispositio ad iustificationem impij, procedat efficienter à gratia habitualis infusione.

PArtem negantem quidam tenent, & probant 1. Nam Concil. Trid. Sess. 6. c. 5. & can. 3. & 4. dispositionem ad iustificationem refert in Dei motionem, & gratiam excitantem, atque adiuuantem, & præuenientem, tanquam in causam efficientem, ergo non procedit à gratiæ habitualis infusione, tanquam à causa efficiente: gratia enim excitans, & præueniens non est infusio gratiæ habitualis. Confirmatur: Nam ibidem cap 7. ait Concilium, unicuique dari iustitiam, & gratiam habitualement secundum propriam cuiusque dispositionem, & cooperationem: at si talis dispositio procederet à gratiæ habitualis infusione potius esse dicendum dispositionem esse iuxta proportionem gratiæ habitualis infusæ; ergo, &c.

Secundò, nam D. Thom. 1. p. q. 62. art. 2. ad 3. dicit: *Tertia conuersio est, per quam aliquis preparat se ad gratiam habendam. & ad hanc non exigitur aliqua habitualis gratia, sed operatio Dei ad se animam conuertentis.* Et hic q. 109. ar. 6. inquit: *Alio modo potest*

442 QVÆSTIO CXIII.

intelligi preparatio voluntatis humane ad consequendum ipsum gratia habitualis donum. Ad hoc autem quod prepararet se homo ad susceptionem huius doni, non oportet presupponere aliquod aliud donum habituale in anima: quia sic procederetur in infinitum. Sed oportet presupponi aliquod auxilium gratuitum Dei interiorius animam mouentis, siue inspirantis bonum propositum. Et q. 112. art. 2. ait: *Quæcumque preparatio in homine esse potest, est ex auxilio Dei mouentis animam ad bonum.* Et 3. p. q. 89. art. 1. ad 2. sic habet: *Actus primus pœnitentis se habet, ut ultima dispositio ad gratiam consequendam: alij verò sequentes actus pœnitentia procedunt iam ex gratia, & virtutibus.* Sentit ergo primam, qui est ultima dispositio, non procedere à gratiæ habitualis infusione, sed ab auxilio, seu gratia actuali.

Tertiò, nihil potest esse causa suæ causæ efficientis quantum ad esse: sed actus, qui est ultima dispositio ad gratiam, est causa gratiæ habitualis in genere causæ materialis; ergo non procedit ab illa tanquam à causa efficiente. Maior probatur: nihil potest habere esse ante esse suæ causæ efficientis, tale enim esse improductum esset: sed non potest esse causa, nisi habeat esse; ergo non potest esse causa suæ causæ efficientis. Confirmatur in illo priori causalitatis materialis, vel dispositiue; quo prædictus actus præcedit gratiam habitualement, adhuc non intelligitur gratia in anima, cum ad illius receptionem disponat; ergo,

nec

ARTICVLVS VIII. 443

nec intelligitur esse causa efficiens, à qua talis actus procedat, vt talis enim sit oportet esse in anima

Quartò, si actus charitatis, vt est dispositio ad gratiam procederet ab illa, esset meritorius non solum gloriæ, sed etiam ipsius primæ gratiæ: sed hoc est falsum; ergo, &c. Maior probatur: Tum quia talis actus esset bonus, & à gratia procedens; ergo nihil ei decisset, vt esset meritorius gratiæ.

Tum etiam, nam bona opera hominis iustificati, ac proinde à gratia procedentia, sunt meritoria augmenti gratiæ, vt docet Concil. Trid. Sess. 6. can. 32. etiam si gratiæ augmentum sit in eodem instanti; ergo si actus charitatis, vt est dispositio ad gratiā habitualement, procedit ab illa, erit meritorius illius, etiam si in eodem instanti sit.

Confirmatur. Sicut actus primus charitatis est dispositio ad primam gratiam, ita actus charitatis, vt octo, in habente charitatem, vt quatuor, est dispositio ad gratiam, vt octo: sed in habente gratiam, vt quatuor actus charitatis, vt octo, non procedit à gratia intensa, vt octo, sed ab auxilio Dei actuali; ergo neque primus actus charitatis, qui est dispositio ad primam gratiam, erit ab ipsa gratia habituali, vt à causa efficiente, sed ab auxilio Dei.

Quintò, quod efficienter producit ultimam dispositionem ad formam est causa efficiens formæ: sed gratia habitualis non est causa efficiens sui ipsius; ergo neque vltimæ dispositionis ad se ipsam. Confir-

inatur: Non est munus formę preparare sibi materiam, vel subiectum; ergo neque producere dispositionem, quę formam ipsam introducat.

Sexto, implicatio est contradictionis, ut aliquid detur nobis, quia operati sumus aliquid, & ut operemur illud: sed gratia habitualis datur nobis quia operati sumus actum, qui est vltima dispositio ad illam; ergo non datur nobis, ut operemur talem actum, sicque ab illa non procedit. Confirmatur; Deus infundit gratiam respiciens aliquo modo ad actum, qui est vltima dispositio ad illam; vel ergo respicit talem actum, ut iam elicitedum, vel ut statim eliciedum. Si primum, talis actus erit elicitedus ante infusionem gratię habitualis, & non nisi ab auxilio actuali. Si secundum, non infunderetur gratia habitualis propter illum, sed ut habeatur, seu eliciedatur talis actus, quod est falsum; ergo &c.

Dicendum tamen est: Motum liberi arbitrij in Deum, & in peccatum, etiam quatenus est vltima dispositio ad iustificationem procedere a gratię infusione, ut a principio efficiente. Probatur 1. *D. Thom.* hic docet ordinem naturę priorem esse gratię infusionem in iustificatione impij, & motum liberi arbitrij in Deum, & in peccatum posteriorem: sed hoc non esset, nisi talis motus a gratię infusione efficienter procederet: ergo &c. Loqui autem *D. Thom.* de gratia habituali; & de motu liberi arbitrij quatenus est dispositio, patet

ex eius ratione : *Quia in quolibet motu naturaliter , primum est motio ipsius mouentis , secundum autem est dispositio materiae , siue motus ipsius mobilis &c.* Ipsa igitur Dei mouentis motio est gratia infusio , ut dictum est supra motus autem , vel dispositio mobilis est duplex motus liberi arbitrij . Ex quibus vltimis verbis constat D. Thom. loqui de motu liberi arbitrij , ut est dispositio . Loqui etiam de gratia habituali indicat illud , ut dictum est supra . refert enim se ad art. 6. vbi de gratia habituali fuisse locutum , nos ibi ostendimus . Colligitur etiam ex argu. *Sed contra , quod est huiusmodi Causa est prior naturaliter suo effectui : sed gratia infusio causa est omnium aliorum , quae requiruntur ad iustificationem impij , ut supradictum est : ergo est naturaliter prior .* Refert autem se ad ar. 7. vbi de gratia habituali loqui patet , nam ait : *Tota iustificatio impij originaliter consistit in gratia infusione . Per eam enim , & liberum arbitrium mouetur , & culpa remittitur .* Ac culpa non remittitur per auxilium Dei actuale , sed per gratiam habitualement , ergo &c. Confirmatur , nam hic ad 2. sic habet D. Thom. *Dispositio subiecti praecedit susceptionem forma ordine natura , sequitur tamen actionem agentis , per quam etiam ipsum subiectum disponitur : & ideo motus liberi arbitrij natura ordine praecedit consequutionem gratiae , sequitur autem gratia infusionem .* Cum autem eadem gratia sit , quae nobis infunditur & quam consequimur , colligitur , motum liberi arbitrij quatenus est dispositio
effi.

efficienter procedere à gratiæ habitualis infusione, & non ab infusione alicuius gratiæ actualis, vel auxilii. Gratiam enim habitualement considerat D. Thom. dupliciter: primò vt infunditur, seu, vt est in fieri, & habet esse imperfecto modo quasi in via: & hoc modo idem est cum motione Dei mouentis, nam teste Arist.³ Physic. cap. 1. motus non est præter res, ad quas est motus. Secundò, vt eam consequimur, seu vt est in facto esse, & habet esse perfectum, & completum in subiecto, dans ei perfectè suum effectum formalem. Et hoc secundò modo de illa loquendo ait posteriorem esse motu liberi arbitrii, qui est dispositio: priori autem modo de illa loquendo ait, priorem esse tali dispositione hancque à gratia habituali seu eius infusione procedere tanquam à causa efficiente. Quod si alibi nempe q. 28. de Verit. a. 8, & in 4. d. 17. q. 1. ar. 4. quæstion. 2. gratiæ negat causalitatem efficientem respectu prædictæ dispositionis, & solum inquit gratiæ infusionem præcedere in genere causæ formalis, loquitur de gratia secundum esse perfectum, & de eius infusione, vt est in facto esse, non distinguens ibi gratiæ infusionem ab eius consequutione sicut hic.

Secundò probatur: in naturalibus, vt habet commune axioma, vltima dispositio ad formam est ab ipsa forma, verbi gratia, calor, vt octo, à forma ignis: non quidem. vt talis forma habet esse perfectum, & completum in subiecto, dans ei perfectè suum

ARTICVLVS VIII. 447

suum effectum formalem, nempe esse
 ignis, sic enim ignis genitus se ipsū efficeret,
 ideò nāq. equus efficienter generat equū,
 quia in virtute propriæ formæ causat vlti-
 mā dispositionē, sed vt habet esse imperfe-
 cto modo, & in via, estque in fieri, idēq.
 est cum generatione, quæ est actio gene-
 rantis, qua, & forma geniti producit, &
 dispositio ad ipsam, non enim sunt in in-
 stanti generationis duæ agentis actiones,
 sed vna, & eadem est, non solum inductiua
 formæ, sed etiam dispositiua; ergo idē
 dicendum est hic, vltimam scilicet dispo-
 sitionem ad gratiam esse ab ipsa grata,
 non quidem, vt habet esse perfectum, &
 completum in subiecto dans ei suum effe-
 ctum formalem perfectē, sed vt infunditur
 seu vt est in fieri, & habet esse imperfecto
 modo, & in via, estque idē cum ipsa
 eius infusione, quæ est motio quædam Dei
 mouentis eiusq. actio, qua non solum in-
 ducit gratiam, sed etiam ad eam subiectū
 disponit. Antecedens, vt est à nobis ex-
 plicatum videtur negare Caiet. hic §. *Ad*
hoc, licet admittat consequens; ait enim
 in naturalibus aliam esse actionem indu-
 ctiua formæ, & aliam dispositiua. Dñ.
 Tho. etiam in 4. d. 17. q. 1. ar. 4. questiu-
 z. idē videtur negare, nam inquit: *In ge-*
neratione naturali, quæ est terminus alteratio-
nis, in eodem instanti terminatur alteratio ad
dispositionem, & generatio ad formam. Sed
 si benè intelligatur S. Doctor nihil contra
 nos affirmat; non enim asserit in illo in-
 stan-

stanti esse alterationem, nam cum sit motus successiuus, in instanti esse non potest; sed solum ait, tunc alterationem terminari ad dispositionem, ratione scilicet generationis, quam esse terminum alterationis, ibi dixerat: generatio enim dupliciter considerari potest; nempe, ut est terminus alterationis, & ut generatio, seu actio quædam instantanea est. Hoc secundo modo terminatur ad formam; primò vero modo dispositionem ad formam producit; & quia talem dispositionem, ut terminus alterationis producit, ideo alteratio dicitur terminari ad dispositionem: propter quod, & Caietanus ait, aliam esse actionem dispositiuam, & aliam inductiuam formæ; hæc enim est generatio, illa alteratio, ut habet pro termino generationem, ratione cuius terminatur ad ultimam dispositionem. Explicemus hoc: Calor, ut octo secundum hunc gradum determinatum non producit per alterationis motum, sed produci debet, aut per mutatum esse, quod est indiuisibile quoddam motus alterationis, sicut, & per mutatum esse producit calor, ut sex secundum talem gradum terminatum: aut per aliquam mutationem instantaneam, quæ sit terminus saltem secundarius motus alterationis, sicut lux producit in aere per illuminationem, quæ est actio instantanea, & terminus secundarius motus localis corporis luminosi, de quo vide, quæ diximus 1. p. 4. 53, art. 3. dub. 2. ad 3. Si vera esset senten-

tia Scoti afferentis accidentia, quæ erant in corrupto, eadem numero manere in genito, calor vt octo, qui est vltima dispositio ad formam ignis, per mutatum esse motus alterationis produceretur sicut calor, vt sex. In sententia autem D. Thom. affirmantis omnia accidentia, quæ erant in corrupto, corrumpi cum eius forma, & formam substantialem recipi in materia nuda, dici non potest, gradum illum determinatum caloris, vt octo, produci per mutatum esse motus alterationis, sed per generationem, qua producitur forma substantialis ignis, produci omnia, quæ ad illam consequuntur, supposita determinatione, quam accidentia, quæ corrumpuntur, reliquerunt, sicque, & totam caloris latitudinem terminatam gradu illo octauo; alias enim mutatum esse motus alterationis prius produceret aliquod accidens geniti, quam generatio geniti ipsius substantiam. Cum ergo calor, vt octo, per generationem ipsam producat, sicut in calore, vt octo, sunt duæ rationes, nam est proprietas ignis, eiusque potentia naturalis, & est vltima dispositio ad formam ignis; ita in generatione duas debemus distinguere rationes, nempe actionis substantialis instantaneæ, & termini motus alterationi s. & productionem caloris, vt octo, quatenus est proprietas ignis, eiusque potentia naturalis. debemus tribuere generationi, vt est actio substantialis inductiua formæ cum omnibus

bus, quæ eam consequuntur: & productio, nem eiusdem caloris, vt octo, quatenus est dispositio vltima ad formam ignis, tribuere debemus generationi, quatenus est terminus motus alterationis. Et quamuis hæc productio sit prior illa in genere causæ materialis; cum tamen hæc prioritas non sit in qua, sed ex qua, non est dicendum, in illo priori ante formam substantialem habere esse vltimam dispositionem, sicut nec materia habet esse ante formam, substantialem, nec essentia, ante existentiam, de quo vide, quæ diximus 1. p. q. 3. art 4. In proposito, licet infusio gratiæ habitualis non habeat rationem termini alicuius motus sicut generatio: considerari tamen potest dupliciter, nempe, vt inductiua gratiæ, & vt dispositiua; & hoc secundo modo est ab illa efficienter motus liberi arbitrii, quatenus est dispositio vltima ad gratiam; priori vero modo ab illa est gratia, & quæ ad illam consequuntur, & motus liberi arbitrii, quatenus est quædam operatio meritoria non gratiæ, sed gloriæ, iuxta doctrinam D. Thom. supra q. 12. a. 2. ad 1. Sicque sicut forma ignis quatenus habet esse imperfectum, & in fieri, & in illo priori, quo consideratur, vt subest motioni generantis, causat calorem in ratione dispositionis; postmodum vero ad eandem formam, vt habet esse perfectum & in facto esse, suumque effectum formalem communicat, sequitur calor vt octo per modum proprietatis, & in ratione potentia

ARTICVLVS VIII. 451

tia naturalis ignis ad generandum alium ignem: ita gratia, quatenus habet effectum imperfectum & in fieri in ipsa eius infusione, causat motum liberi arbitrij in ratione vltimæ dispositionis; postea vero ad ipsam, vt iam habet effectum perfectum, & in facto esse, & subiecto perfecte communicat suum effectum formalem, sequitur talis motus liberi arbitrij, quatenus est quædam operatio meritoria.

Tertiò probatur: in instanti iustificationis impij motus liberi arbitrij in Deum, & motus liberi arbitrij in peccatum sunt efficienter ab habitibus charitatis, & poenitentiaë tanquam actus eorum, vt docet D. Thom. 3. par. quæst. 85. art. 6. ergo non sunt ab auxilio actuali. Probatur consequentia, nam vel essent simul ab his duobus principiis, habitu scilicet, & auxilio actuali, vel essent prius ab actuali auxilio, & postea ab habitu. Primum dici nequit, cum enim quodlibet ex his sit sufficiens principium, ab ambobus simul esse frustra asseritur. Secundum etiam falsum esse patet; nam cum causalitas influxus efficientis, qui est ab habitu, incipiat per primum sui esse, vel inter hoc instans, quod est primum esse influxus habitus, & instans, in quo erat influxus diuini auxilij, deberet esse tempus intermedium, in quo prædicti motus nec essent ab auxilio actuali, nec ab habitu: vel deberent esse duo instantia immediata, vtrumque autem est falsum; ergo &c.

Ad

452 **QVÆSTIO CXIII.**

Ad 1. verò respondetur negando consequentiam; gratia enim habitualis, vt infunditur, & est in fieri, præuenientis, & excitantis rationem habet, cum sit prior se ipsa, vt habet esse perfectum, & in facto esse, & eius infusionem sequatur motus liberi arbitrii, qui ordine naturæ præcedit consequutionem gratiæ; vt hic ad 2. docet D. Thom. Ad Confirmationem nego minorem: gratia enim habitualis, vt habet esse perfectum, & in facto esse, & perfecte communicat subiecto suum effectum formalem, datur iuxta vniuscuiusque dispositionem, quæ alias est iuxta perfectionem motionis diuinæ per gratiam habitualement, vt est in fieri, & habet esse imperfectum, & in via in ipsa eius infusione, quam Dei motionem esse diximus.

Ad 2. respondetur: D. Thom. cum ait ad conuersionem, per quam aliquis præparat se ad gratiam habendam, non exigit aliquam habitualement gratiam (si sermo sit de vltima dispositione) loqui de gratia, & virtutibus formaliter, vt perfecte dant subiecto effectum formalem, & illud constituunt in ratione principii operatiui: nomine autem operationis Dei ad se animam, mouentis intelligit ipsam infusionem gratiæ habitualis, vt est in fieri, quam etiam intelligit nomine auxilii gratuiti Dei interioris mouentis animam ad bonum, & inspirantis bonum propositum. Præterea gratia habitualis potest considerari dupliciter: Primò, vt est forma, qua Deus mouet libe-
rum

ARTICVLVS VIII. 453

rum arbitrium, & hoc modo considera-
tur, vt infunditur, & est in fieri, sicque
ad ipsam nulla requiritur dispositio, sed ip-
sa est, à qua efficienter procedit vltima
dispositio. Secundo vt est forma, qua libe-
rum arbitrium se mouet, & hoc modo cō-
sideratur, vt eam consequimur, & habet
esse perfectum, & completum in subiecto,
dans ei perfectè suum effectum formalem,
& sic ad ipsam requiritur dispositio, estque
ipsa, à qua procedit motus liber i arbitrii in
Deum, & in peccatum; quatenus est me-
ritorius vitæ æternæ.

Ad 3. respondetur distinguendo mino-
rem, vltima dispositio est causa gratiæ ha-
bitualis, vt eam consequimur, & habet
esse perfectum, & completum in subiecto,
estque forma, qua liberum arbitrium se
mouet, concedo minorem: vt infunditur,
& est in fieri, ac imperfecto modo, ratio-
nemque habet formæ, qua Deus mouet li-
berum arbitrium, nego minorem: nam vt
diximus, ad ipsam hoc modo non requiri-
tur, aut præsupponitur aliqua dispositio. Ad
confirmationem distinguo antecedens: ad-
huc non intelligitur gratia habitualis in
anima secundum esse perfectum, & com-
pletum, & vt perfectè dans suum effectum
formalem, aut vt forma, qua liberum arbi-
trium se mouet, concedo antecedens: se-
cundum modum imperfectum, & vt for-
ma, qua Deus mouet liberum arbitrium,
nego antecedens.

Ad 4. respondetur negando maiorem.

Ad

Ad 1. probationem dico, ad meritum nō sufficere, esse qualitercumque à gratia, & virtutibus infusis, sed requiri, vt sit ab illis; quatenus perfectē communicant suum effectum formalem, & anima per illas operatur, & se mouet. Ad 2. probationem nego consequentiam; in casu enim antecedentis præsупponitur ad bona opera gratia, vt perfectē communicans subiecto suum effectum formalem; non verò in casu consequentis. Ad confirmationem nego minorem; in ytroque enim casu proportionabiliter loquendum est: vnde licet actus charitatis, vt octo, non procedat à charitate, vt octo, quatenus perfectē dat subiecto suum effectum formalem secundum illum gradum intensiōis, procedit tamen à charitate, vt octo, vt est in fieri, & forma, qua Deus mouet liberum arbitrium.

Ad 5. suppositis his, quæ diximus supra quæst. 112. art. 2. dubio vnico ad 5. respondetur: nullum esse inconueniens, vt forma habens esse imperfecto modo sit causa efficiens sui ipsius secundum esse perfectum, tanquam virtus agentis extrinseci. Ad confirmationem dico, non esse contra rationem formæ, vt quatenus subest motioni generantis, & est in fieri, præparet materiam ad esse completum, & susceptionem sui ipsius.

Ad 6. respondetur: minorem solum esse veram de gratia habituali secundum suū esse perfectum, & in facto esse, & quate-
nus

Haec est forma, qua liberum arbitrium se mouet, si enim sit sermo de illa, ut est forma, qua Deus mouet liberum arbitrium, & habet esse imperfecto modo, & in fieri, non datur nobis, quia operati sumus actum, qui est vltima dispositio, sed ut per illam disponamur ad consequutionem eiusdem, & ut illam habeamus secundum esse perfectum. Ad confirmationem dico, Deum gratiam in esse perfecto infundere respiciendo ad actum, qui est vltima dispositio, ut iam elicitum, non quidem in ratione actus meritorii, sed in ratione actus dispositiui. Ex quo licet sequatur, talem actum sub ratione dispositiui esse elicitum ante gratiam habitualement in esse perfecto, non tamen in esse imperfecto, vnde ab hac, & non ab aliquo auxilio actuali efficienter procedit; & si de gratia in esse imperfecto sit sermo, admittendum est, non infundi propter actum sub ratione dispositiui, sed ut habeatur, & eliciatur talis actus sub hac dispositiui ratione.

Circa artic. 9. & 10. nihil se offert dicendum.



QVÆSTIO CXIV.

*De merito, quod est effectus gratiæ
cooperantis.*

ARTICVLVS I.

*Verum homo possit aliquid mereri
à Deo.*

Conclusio est affirmans.

*Dubium I. Quæ conditiones requi-
rantur, ut homo possit aliquid à
Deo mereri.*

Quatuor conditiones ad hoc meritū
requiri, communiter asseritur. Pri-
ma, ut sit actus liber. Secunda,
ut sit bonus. Tertia, ut sit viatoris. Quar-
ta, ut in obsequium Dei fiat.

Contra primam arguitur 1. Peccatum
aut demeritum potest esse absque omni
actu, ut patet ex dictis supra quæst. 71.
art. 5. de peccato omissionis; ergo, & me-
ritum. Confirmatur 1. Si Deus præcipiat
homini, ut cesset ab omni actu, obedi-
do homo merebitur; ergo sine omni actu
potest esse meritum. Confirmatur 2. Si
Deus

Deus homini dormienti, infundat gratiam, dignus erit vita eterna; ergo absque omni actu illam merebitur, meritum enim nihil aliud est, quam dignitas vitæ æternæ.

Secundò, si quis coactè soluat debitum aut luat pœnas, satisfacit debito iustitiæ, sicut, & qui coactè reddit præmium; & qui coactè aliquid agit, & non liberè, merebitur præmium, unde qui cogeret mercenarium ad laborandum in vinea sua, teneretur ei reddere mercedem, quod non esset, nisi mercenarius coactus meruisset. Confirmatur 1. Angelus in primo instanti meruit, qui tamen non erat perfectè liber: Christus etiam adimplendo præceptum, moriendi meruit, qui tamen non habebat libertatem ad non adimplendum, meruit quoque actum charitatis, qui erat beatificus, & necessarius; ergo non requiritur ad meritum libertas. Confirmatur 2. Potest Deus promittere aut pacisci dare vitam æternam propter actus non liberos præsertim ordinis supernaturalis; ergo non potest actus non liber esse meritorius.

Tertio, arguitur contra 2. conditionem: Plures homines meruerunt apud Deum actibus vitiosis præmium saltem temporale, ut patet in Nabucodonosore, & obstetricibus Hebræorum, & in Romanis, ergo nõ requiritur ad meritum, ut sit actus bonus.

Quartò, arguitur contra 3. conditionem: Animæ Sanctorum in Purgatorio, immò, & in patria aliquid merentur, saltem de co-

gruo, suis enim orationibus multa impetrant: & tamen non sunt viatores, ergo nõ requiritur ad meritum esse actum viatoris.

Quintò arguitur contra 4. conditionem: Omnis actio bona, & laudabilis, etiam si in nullius obsequium fiat, est laude digna, ergo, & meritoria. saltem laudis.

Dicendum tamen est: Prædictas quatuor conditiones ad meritum requiri. Prima colligitur ex D. Thom. hic: nam in fine corp. art. inquit: *Creatura rationalis se ipsam mouet ad agendum per liberum arbitriũ, unde sua actio habet rationem meriti, quod nõ est in alijs creaturis.* Et ad 1. ait: *Homo in quantum propria voluntate facit illud, quod debet, meretur.* Supra etiam quest. 21. art. 2. & 3. indica, meritum proprietatem esse actionis humanæ. Probatum etiam ex illo 1. ad Corinth. 9. vers. 17. *Si enim volens hoc ago, mercedem habeo.* Et Ecclesiastici 31. v. 10. *Qui potuit transgredi, & non est transgressus: facere mala, & non fecit: ideo stabilita sunt bona illius in Domino.* Ratione quoque: Meritum est causa moralis præmii, qua homo se rationaliter mouet per lib. arb. vt faciat sibi debitum præmium; ergo nequit esse sine actu libero.

Secunda conditio probatur ex illo ad Roman. 2. vers. 6. *Qui reddet unicuique secundum opera eius: ijs quidem, qui secundum patientiam boni operis, gloriam &c.* Ratione etiam; Opus meritorium debet esse gratum Deo, vnde 1. Ioan. 3. v. 22. dicitur:

Fidu-

Fiduciam habemus ad Deum, &c. & ea, que sunt placita coram eo, facimus. Sed opus, quod non est bonum, Deo gratum non est, ergo &c.

Tertia conditio colligitur ex D. Thom. 2. 2. quæst. 13. art. 4. ad 2. ubi sic habet: *Mereri, & demereri pertinent ad statum vite, &c.* Probaturque ex illo Ecclesiastes 9. v. 5. *Mortui nihil nouerunt amplius, nec habent ultra mercedem.* Vbi D. Hieron. ait: *Mortui nihil valent ad id adijcere, quod semel secum tulere de vita, &c. neque expectant aliquam retributionem, atque mercedem.* Ultra eam scilicet, quam hic, dum viuerent, meruerunt. Ratione etiam patet: nam meritum viam, atque tendentiam ad præmiũ, tanquam ad terminum dicit, ergo proprium est viatorum.

Quarta conditio manifesta est: cū enim meritum respiciat præmiũ, oportet, vt fiat in obsequium eius, qui præmiũ redditurus est, nullus enim petit aut expectat præmiũ ab eo, ad quem actio non pertinet, nec in eius obsequium cadit.

Ad 1. verò respondetur negando consequentiam: ad peccatum enim omissionis sufficit, vt sit indirectè voluntarium: meritum verò requirit, vt directè voluntariũ sit, & c. proinde actus liber; bonum enim ex integra causa, malum autem ex quocūque defectu. Ad 1. confirmationem dico, si Deus præciperet homini, vt cessaret ab omni actu, talem cessationem esse meritoriam propter actum interiorem, quo vult

460 **QVAESTIO CXIV.**

let obedire, & cessare ab omni actu. Ad
2. Confirmationem dico, meritum non
dicere quamcumque dignitatem, sed eam
solum, quam quis habet ex aliquo opere
exhibito in obsequium Dei: quam autem
haberet ille, cui dormienti Deus gratiam
infunderet, appellant Theologi dignitatem,
non meriti, sed filiationis adoptivæ: unde
vita æterna respectu illius non haberet ra-
tionem mercedis, sed hereditatis, quæ fi-
liis debita est:

Ad 2. respondetur negando consequen-
tiam: meritum enim est actus, quo homo
propria voluntate tendit ad præmiũ, quod
facit sibi ex iustitia debitum; punitio ve-
rò, & solutio debiti, & præmii solum re-
spicit medium rei, sicque constituta æqua-
litate rei ad rem sit iustum saltem materia-
liter, vt enim fiat iustum formaliter, etiã
actus voluntatis liberæ requiritur. Qui au-
tem cogeret mercenarium ad laborandum
in vinea sua teneretur reddere ei, non qui-
dem præmium, nam in eo, qui cogitur nõ
est meritum, sed quod alias esset acceptu-
rus in ratione præmii, si liberè operaretur
sicut, qui vi extrahit aliquid, debet illud
restituere non in ratione præmii, sed in ra-
tione debiti alia via. Ad 1. confirmatione
dico, Angelum in primo instanti habuisse
libertatem, quæ sufficit ad meritum, de
quo vide, quæ diximus 1. p. qu. 63. art. 5.
In Christo autem licet non fuerit libertas
ad nõ adimplendum præceptum sicut nec
ad peccandum; erat tamen libertas, etiam
in-

instante præcepto moriendi, ad non moriendum: non quidem in sensu composito, sed in sensu diuiso, & absolutè loquendo, & hoc sufficit, vt adimplendo præceptum moriendi meruerit, de quo tamen alibi. Ad 2. confirmationem dico: sicut si Deus promitteret dare vitam æternam homini elicienti actum omnino naturalem, talis actus non esset meritorius, quia non esset causa, sed conditio: ita si promitteret dare vitam æternam homini habenti actum supernaturalem non liberum, talis actus non esset meritorius, nec propriè propter illum daretur vita æterna, sed ad præsentiam illius, vel illo posito tanquam conditioe.

Ad 3. respondetur cum D. Th. inf. art. 10. *Quod illi retributiones dicuntur esse diuinitus factæ, secundum comparisonem ad diuinam motionem, non autem secundum respectum ad malitiam voluntatis.*

Ad 4. quidam distinguunt meritum etiam de congruo ab impetratione, (distincta enim esse indicat D. Thom. infra art. 6 ad 3.) nam quod acquiritur, merito aliquali percipitur in præmium, & remunerationem operis: impetratio autem orationis non est mereri præmium pro obsequio, sed rogando inclinare animum dantis, vt aliquid conferat. Sicque beatis concedunt impetrationem; absolutè tamen negant meritum (quæ & videtur esse doctrina D. Thom. in 3. dist. 18. qu. 1. art. 2. ad 2.) & idem dicunt de animabus in purgatorio existentibus. Alii meritum saltem

let obedire, & cessare ab omni actu. Ad 2. Confirmationem dico, meritum non dicere quamcumque dignitatem, sed eam solum quam quis habet ex aliquo opere exhibito in obsequium Dei: quam autem haberet ille, cui dormienti Deus gratiam infunderet, appellant Theologi dignitatem, non meriti, sed filiationis adoptivæ: unde vita æterna respectu illius non haberet rationem mercedis, sed hæreditatis, quæ filiis debita est:

Ad 2. respondetur negando consequentiam: meritum enim est actus, quo homo propria voluntate tendit ad præmiũ, quod facit sibi ex iustitia debitum; punitio vero, & solutio debiti, & præmii solum respicit medium rei, sicque constituta æqualitate rei ad rem facti iustum saltem materialiter, ut enim fiat iustum formaliter, etiã actus voluntatis liberæ requiritur. Qui autem cogeret mercenarium ad laborandum in vinea sua teneretur reddere ei, non quidem præmium, nam in eo, qui cogitur nõ est meritum, sed quod alias esset accepturus in ratione præmii, si liberè operaretur sicut, qui vi extrahit aliquid, debet illud restituere non in ratione præmii, sed in ratione debiti alia via. Ad 1. confirmatione dico, Angelum in primo instanti habuisse libertatem, quæ sufficit ad meritum, de quo vide, quæ diximus 1. p. qu. 63. art. 5. In Christo autem licet non fuerit libertas ad nõ adimplendum præceptum sicut nec ad peccandum; erat tamen libertas, etiam in-

instante præcepto moriendi, ad non moriendum: non quidem in sensu composito, sed in sensu diuiso, & absolutè loquendo, & hoc sufficit, vt adimplendo præceptum moriendi meruerit, de quo tamen alibi. Ad 2. confirmationem dico: sicut si Deus promitteret dare vitam æternam homini elicienti actum omnino naturalem, talis actus non esset meritorius, quia non esset causa, sed conditio: ita si promitteret dare vitam æternam homini habenti actum supernaturalem non liberum, talis actus non esset meritorius, nec propriè propter illum daretur vita æterna, sed ad præsentiam illius, vel illo posito tanquam conditioe.

Ad 3. respondetur cum D. Th. in 1. art. 10. *Quod ille retributiones dicuntur esse diuinitus factæ, secundum comparationem ad diuinam motionem, non autem secundum respectum ad malitiam voluntatis.*

Ad 4. quidam distinguunt meritum etiam de congruo ab impetratione, (distincta enim esse indicat D. Thom. infra art. 6 ad 3.) nam quod acquiritur, merito aliquali percipitur in præmium, & remunerationem operis: impetratio autem orationis non est mereri præmium pro obsequio, sed rogando inclinare animum dantis, vt aliquid conferat. Sicque beatis concedunt impetrationem; absolutè tamen negant meritum (quæ & videtur esse doctrina D. Thom. in 3. dist. 18. qu. 1. art. 2. ad 2.) & idem dicunt de animabus in purgatorio existentibus. Alii meritum saltem

de congruo respectu aliorum beatis concedunt, & dicunt conditionem tertiam solū requiri, vt quis sibi beatitudinem essentialē mereatur. Sunt etiam, qui dicunt, de potentia Dei absoluta, non quidem actu beatifico, sed aliis actibus liberis, & bonis, posse beatos mereri sibi augmentum beatitudinis.

Ad 5. respondetur: rationem laudabilis, & meriti se habere, vt inferius, & superius in actionibus humanis, quia actio laudabilis est eo solum, quod est imputabilis, & libera, & quatenus laudabilis nullum determinatē respicit: meritum autem ulterius habet ius ad præmium ultra laudem: nec enim, qui obsequium accipit ab aliquo sufficienter satisfacit sola laude, & commendatione operis, nisi fortē per accidens, quia laus eo quod publica fit, vergit in aliquam vtilitatem laudati.

Dubium 2. An meritum hominis apud Deum esse possit absque pacto, aut promissione Dei.

DVæ sunt de hac re extremæ recentiorum sententiæ. Prima est affirmans. Probaturque 1. ex D. Thom. supra enim q. 21. art. 4. docet actum humanum in quantum est bonus, vel malus habere rationem meriti, vel demeriti apud Deum: sed esse bonum habet absque pacto, & promissione Dei; ergo & esse meritorium. *Confirmat*

matur : vt actus malus sit dignus pœna, & supplicio, huiusque meritorius sit, non requiritur pactum, aut promissio, nec comminatio; ergo nec requiritur promissio, aut pactum, vt actus bonus sit dignus remuneratione. & præmio huiusque meritorius.

Secundo, opus esse meritoriū nihil aliud est, quam asse dignum mercede, aut præmio: sed ad dignitatem operis non requiritur pactum, aut promissio, nam promissio solum firmat certitudinem retributionis, dignitatem verò operis supponit, non confert; ergo, nec requiritur ad meritum, sed illud potius supponit.

Tertiò, ad meritum apud homines non requiritur pactum, conuentio, aut promissio; ergo neque ad meritum apud Deum. Antecedens patet: si quis enim laboret in vinea alterius, aut aliud obsequium præstet, absque vlllo pacto, & conuentione, domino tamen vineæ iubente, immo, & eo ignorante, dummodo non fiat eo rationaliter contradicente, & repugnante, meretur aliquam retributionem. Cōsequētia verò probatur; cur enim etiā qui in obsequium Dei bonum operatur, præsertim Deo iubente, vt iubet seruare suam legem, non merebitur apud ipsum aliquod præmium, etiam si non promiserit.

Quartò, ad meritum apud Deū si requireretur pactum, aut promissio, deberet hominibus innotescere, immo, & ab eis acceptari, quando enim exigitur pactum, vt in-

ducatur retributionis obligatio, est quidam contractus, in quo interuenire debet mutua notitia, & consensus: sed talis notitia, & acceptatio non est necessaria ad meritum apud Deum, multi enim iusti merentur vitam æternam, qui nihil de tali pacto, aut promissione nouerunt, vel audierunt; ergo, &c.

Secundâ sententia est negans. Probaturque. 1. ex Conciliis: In Trid. enim Sess. 6. c. 16. dicitur: *Bene operantibus &c. proponenda est vita æterna, & tanquam gratia filiis Dei per Christum Iesum misericorditer promissa, & tanquam merces ex ipsius Dei promissione bonis ipsorum operibus, & meritis fideliter reddenda.* Quibus verbis tria significantur. Primum, promissionem in ipso merito, & ratione mercedis inuolui, ac proinde sine ipsa non esse meritum vitæ æternæ. Secundû poromissionem esse causam adæquatam, quare reddatur præmium, ac proinde meritum complere. Tertium, vitam æternam esse gratiam, & misericordiam etiam filiis Dei, quo significatur, non tantû esse gratiam, quia gratis datur principium merendi, sed etiam quia habentibus gratiam, & filiis Dei gratis, & misericorditer vita æterna in præmium promittitur; post promissionem verò, exhibito opere, non est noua gratia donatio præmii. In Concilio etiam Sennonense sub Antonio Episcopo celebrato anno 1528. sic dicitur: *Faciet tandem misericordia locû unicuique iuxta meritum operum suorum, non absoluta* con-

condignitate quidem, sed gratuita, ac liberali promissione, qua conventionem facta de denario diurno misit operarios in vineam suam. Denique in Concilio Maguntino sub Sebastiano Archiepiscopo celebrato anno 1549 in methodo de doctrina Christiana dicitur: Ea que iustificati fecerint opera, tunc quia bene operantibus, & in ipso sperantibus mercedem misericorditer promissis, tum etiam quia eiusmodi iustificationum opera, que Dei effectus sunt, & mouente, & adiuvante Spiritu Sancto fiunt, verè bona, & Deo grata, ac remuneratione vitæ æternæ esse. Quibus significatur vtrumque requiri, ut bona opera sint meritoria, scilicet motionem Spiritus Sancti per gratiam, & promissionem mercedis.

Secundo, ad meritum operum Christi necessarium fuit pactum, & promissio Dei; ergo multo magis ad meritum operum nostrorum requiritur. Antecedens probatur: opera Christi habuerunt sufficientem valorem, & dignitatem ad satisfaciendum pro peccatis dæmonum, & merendum illis gratiam; & tamen ex defectu prædicti pacti, & promissionis, neque satisfacit Christus pro peccato dæmonum, neque meruit illis gratiam; ergo præter dignitatem, & valorem operum, requiritur ad meritum pactum, & promissio Dei.

Tertiò, opera bona, & libera facta ex gratia, & charitate à beatis, & animabus in purgatorio existentibus non habent minorem valorem, & dignitatem, quam ha-

bebant facta ab eisdem dū erant viatores: at non sunt meritoria ex defectu pacti, & promissionis Dei, qui solis viatoribus præmium promisit; ergo ad completam rationem meriti præter valorem, & dignitatem, pactum, & promissio Dei requiritur.

Quartò meritū non solū dicit respectū ad mercedem, sed etiam ad præmiantem, ad mercedem quidem, ut debitā ad præmiantem verò, ut debitorem, qui enim meretur habet ius non solum ad mercedē, sed etiam ad exigendum illam, apud quem meretur: sed Deus non est debitor, neque obligatur reddere mercedem nisi ex pacto, & promissione ait enim D. Aug. sem. 16 De verbis Apostoli: *Debitor factus est, non aliquid à nobis accipiendo, sed quod placuerit promittendo* &c. illo ergo modo possumus exigere dominum nostrum, ut dicamus, *redde quod promissisti, quia fecimus quod iussisti*. Ergo non est completa ratio meriti hominis ad Deū sine pacto, & promissione.

Dicendum est: Ad meritum apud Deum necessario requiri diuinam ordinationem operum bonorum ad præmium, quæ licet possit esse promissio; hanc tamen necessario non requiri, sed sufficere eam, quæ includitur in voluntate dandi, principium merendi, qualis est gratia non consummata collata viatori. Colligitur hoc ex Div. Thom. hic, sic enim habet: *Meritum hominis apud Deum esse non potest, nisi secundum præsuppositionem diuinæ ordinationis, ita scilicet, ut id homo consequatur à Deo per suam operā*.

perationem, quasi mercedem, ad quod Deus ei virtutem operandi deputauit: sicut etiam res naturales, hoc consequuntur per proprios motus, & operationes, ad quod à Deo sunt ordinatae.

Sentit ergo ad meritum hominis apud Deum requiri necessario diuinam ordinationem, cum sine hac esse non possit. Cum Deus possit hominis virtutem operandi deputare ad consequendum aliquid per suam operationem quasi mercedem sine pacto, & promissione, sicut, & sine pacto, & promissione deputat res naturales ad consequendum per proprios motus, & operationes id, ad quod sunt à Deo ordinate: sentit etiam non necessario requiri pactum, & promissionem, sed sufficere eam ordinationem, quæ includitur in voluntate dandi principium merendi.

Probemus deinde figillatim singulas conclusionis partes. Primâ probant argumenta secundæ sententiæ, præsertim tertium: opera enim bona, & libera beatorum, & animarum in Purgatorio existentium, non nisi ex defectu diuinæ ordinationis ad præmium non sunt meritoria. Si dicas non ex defectu diuinæ ordinationis id prouenire, sed ex defectu status viæ. Contra hoc argumentantur auctores secundæ sententiæ, Status viæ sola Dei ordinatione constat, qui voluit hoc tempore, & his actibus inesse meritum, & non illis; ergo terminus meriti sola Dei voluntate, & libera institutione, & ordinatione præfixus est, non ab ipsa rei natura, quasi desit quod beati me-

reriqueant; possent enim, si Deo placeret, & ulterioiorem beatitudinis gradum, & plura alia bona mereri, quæ non habent. Cōfirmatur, potest Deus pro suo beneplacito, aut in pœnam peccati commissi facere, ut gratia, quam communicat alicui in hac vita non sit principium meriti, sed eo modo se habeat quo gratia iustorum in purgatorio: at tunc opera procedentia à tali gratia non essent meritoria, & hoc solum ex defectu diuinæ ordinationis; ergo hæc ad meritum apud Deum necessario requiritur.

Secundam partem probant etiam argumenta secundæ sententiæ. Illam etiam colligo ex D Thom. in 2. dñt. 27. q. 1. art. 3. ad 4. etenim argumentum erat huiusmodi: *A quocumque quis meretur, ille debitor sibi efficitur, quia præmium merito debetur: sed Deus non potest effici debitor, ergo apud ipsum nihil ex condigno mereri possumus.* Ad quod respondet: *Quod Deus non efficitur debitor nobis, nisi forte ex promissione, quia ipse bonis operantibus præmium repromisit, & ideo non est inconueniens, si ab ipso quis mereri possit, ex quo aliquo modo debitor est.* Sentit ergo promissionem sufficere, ad meritum apud Deum, supposita scilicet dignitate operum, tanquam ordinationem contentam sub ea quæ requiritur ad tale meritum. Est enim promissio ordinatio quædam, ut docet D. Thom. 2. 2. q. 88. art. 1. promittereque operibus bonis præmium est illa ad præmium ordinare; cur ergo non erit sufficiens ad me-

meritum? Certè conuentione facta cum operariis, hi meruerunt mercedem denarij diurni apud Patrem familias Matth. 20. Si quis etiam rex strenuè certantibus promitteret aliquod præmium, hæc promissio esset sufficiens ordinatio ad meritum apud regem; ergo etiam promissio Dei erit sufficiens diuina ordinatio ad meritum hominis apud Deum; quæ si daretur, posset Christus mereri demonibus gratiam, & animæ in Purgatorio, & beati multa bona mereri possent, quæ modo ex defectu talis promissionis non merentur, vt dicitur in 2. & 3. arg. 2. sententiæ.

Tertiam partem probant argumenta primæ sententiæ. Illam etiam colligo ex Diu. Thom. in secunda dist. 27. quæstionel. artic. 3. ad 4. vbi ad argumentum secundò respondet: *Quod in iustitia commutativa ille, apud quem quis meretur efficitur debitor ei, qui meretur, ut patet in illis, qui operationes suas locant in seruitium aliorum, sed in iustitia distributiva non requiritur ratio debiti ex parte eius, qui distribuit, potest enim ex liberalitate aliqua distribuere.* Sentit ergo ad meritum, cui debetur præmium ex iustitia distributiva, quale est meritum hominis apud Deum, non requiri ex parte præmiantis promissionem, sicut nec requiritur ratio debiti, quam inducit promissio. Quod exemplo etiam patet: sicut enim, vt quis mereatur apud humanum Regem non necessario requiritur, vt rex præmium promittat, se ad illud dādum adstringendo, sed

sed sufficit, vt illud dare proponat, & apud se statuat: sic, vt homo mereatur apud Deū, sufficit, vt Deus decernat, ac proponat dare præmium, licet illud non promittat, & promissione sua se nobis debitorem efficiat. Confirmatur: si ad rationem meriti requireretur, Deum esse nobis debitorem, deberet Deus esse debitor ex iustitia distributiva, sicut merito ex iustitia debetur præmium; sed promissio non facit Deum debitorem ex iustitia, sed ex fidelitate, hoc enim solo modo seipsum debitorem efficit, promittendo remissionem culpæ verè poenitentibus: ergo non requiritur necessario ad meritum.

Quartā partem docet Caiet. hic §. *In eodem*, & art. 3. §. *Sed hac*, vbi ait: *Non per superadditam ordinationem (vt Scotus putauit.) Sed per ipsam gratiam eius actum esse meritorium ex hoc ipso solo, quod est à gratia.* Quibus verbis non negat Caiet. actum posse esse meritorium per superadditam ordinationem, quæ sit promissio, vel pactum, dicit namque ipse Tom. 3. Opuscul. Tractat. 11. capitul. 6. *Duplex ratio meriti potest inueniri in operibus nostris relatiue ad Deum vel secundum ius attenuatum, vel secundum ius fœderis. Se solum asserit, non opus esse talem ordinationem superaddere, sed sufficere eam solum, quæ sit per cōmunicationem principii operis meritorij, qualis est gratia non consummata collata viatori; in huius enim collatione diuinam ordinationem in vitam æternam*

ARTICVLVS I. 471

nam includi docet D. Thom. q. 27. de Verit. a. 1. immò & ait: *Ex hoc ipso quod Deus sua voluntate aliquem ordinat ad vitam æternam præstat ei aliquid, per quod sit dignus vita æterna.* Nempe gratiam gratum facientem: sicque huius collatio est ordinatio ad vitam æternam: vt hæreditatem quidem quatenus collatio est gratiæ absolutè, vt præmium vtò mercedem, & coronâ, quatenus est collatio gratiæ, vt principii merendi; quæ duæ rationes sic se habent, vt licet secunda non possit esse sine prima: hæc tamen sine secunda esse potest, si Deus scilicet pro suo beneplacito vellet, vt gratia, qua aliquem constituit filium suum adoptiuum, non esset principium meriti, sed eodem modo se haberet, quo gratia, quam habent animæ iustorum in Purgatorio. Vtraque autem ordinatio ad vitam æternam communicatur operibus bonis iustorum mediante gratia: sumpta quidem absolutè ordinatio ad vitam æternam, vt hæreditatē, quæ nihil aliud est quàm condignitas ipsorum operum; sumpta verò, vt est principium meriti, ordinatio ad vitam æternam, vt præmium, in qua ordinatione completur ratio meriti, quæ est in bonis operibus, vt procedunt à gratia. Cum autem hæc includatur in voluntate dandi principium merendi: ideo diximus ordinationem, quæ includitur in voluntate dandi principium merendi, sufficere.

Ad argumenta autem primæ sententiæ respondetur. Ad 1. actum humanum, in quan-

quantum est bonus, habere rationem meriti, si adsint reliquæ conditiones ad meritum requisite: sicut autem non est meritorius vitæ æternæ, nisi sit actus viatoris, ita nec si non sit à Deo ordinatus in illam, ut præmium. Ad confirmationem dico, etiam actum malum non esse demeritorium poenæ sine Dei ordinatione, quæ est in statu viæ, ob cuius defectum peccata in damnatis non sunt demeritoria, ut docet D. Thom. 2. 2, q. 13, art. 4. ad 2.

Ad 2. respondetur: meritum, ut docet D. Tho. q. 1. de Virtut. art. 1. ad 2. dupliciter accipi propriè scilicet, & impropriè. Licet autem dignitas, quæ est in opere bono, eo quod est à gratia absolutè sumpta, faciat illud meritorium vitæ æternæ impropriè, nam sicut dicimus speciem Præmii meruisse imperium, quia digna imperio fuit, ita dicere possumus actum bonum esse meritorium vitæ æternæ, quia, eo quod à gratia quomodocumque sumpta procedit, dignus est vita æterna: hæc tamen dignitas non sufficit ad rationem meriti propriè sumpti, cum eam habeant actus boni beatorum, & animarum purgatorii; sed præterea requiritur dignitas, quam habent à gratia, ut est principium merendi ad quam, ut diximus, licet non requiratur necessario pactum, aut promissio, requiritur tamen Dei ordinatio, non superaddita, sed in voluntate dandi gratiam: ut principium merendi inclusa.

Ad

Ad 3. respondent Auctores secundæ sententiæ negando consequentiam, rationemque differentiæ assignant : nam homo homini potest sola operis, & obsequii efficacia inducere obligationem retributionis; Deo autem non potest, nisi ipse Deus promissione sua se debitorem efficiat. Sed melius respondetur, in merito inducente debitum ex iustitiâ commutatiua, non solum pactum, & præmissionem non requiri, sed nec ordinationem; in merito tamen inducente debitum ex iustitia distributiua, etiâ apud homines requiri promissionem, aut saltem ordinationem eius, cuius sunt bona distribuenda, nisi enim hæc dare promittat, aut saltem proponat, nullus illa mereri poterit, nec ius aliquod ad ea exigenda acquirere.

Ad 4. respondetur: Quicquid sit de pacto, & promissione, diuinam tamen ordinationem, quæ ad meritum requiritur, non opus esse, vt innotescat.

Ad argumenta secundæ sententiæ respondetur. Ad 1. verbis Concilii Trident. significari, quod diximus in 2. parte conclusionis; non tamen promissionem propriè sumptam requiri necessario ad meritum apud Deum, ita vt hoc sine illa esse nequeat. Vnde significant quidem, promissionem inuolui in ratione mercedis, tanquam aliquid sufficiens, vt vita æterna sit merces, & præmium: non tamen, vt necessario requisitum. Non significant etiam esse totalem, & adæquatam causam, quare
red-

redditur præmium, sed esse sufficientem, ut reddatur. Denique licet significant vitam æternam esse gratiam, & misericordiam, etiam filijs Dei: non tamen habentibus gratiam, ut principium merendi; filii enim Dei constituuntur per gratiã absolute sumptam, sicut autem post promissionem donatio præmij non est noua gratia, ita nec post collationem gratiæ, ut est principium merendi, in cuius collatione ordinatio ad præmium includitur: unde verba Concilij solum significant, quod verba Glossæ, quæ exponit D. Th. hic ar. 3. ad 2. Verba etiam Concilij Senonensis solum significant, quod diximus in 2. parte conclusionis. Et idem dicimus de verbis Concilij Maguntini, unde ibi dicitur, duplici titulo opera iustorum esse digna remuneratione vitæ æternæ: nempe, quia illis Deus promisit hoc præmium, & quia fiunt Spiritu Sancto mouente per gratiam, non quia vtrumque necessario requiratur, sed quia quodlibet eorum sufficit.

Ad 2. respondetur: ad meritum Christi etiam sufficere Dei ordinationem, quamuis ei nulla esset facta promissio.

Ad 3. eodem modo respondetur: si enim opera illa ordinarentur a Deo ad præmiũ aliquod acquirendum, rationem meriti haberent, etiam si nulla esset promissio.

Ad 4. respondetur: argumentum illud a D. Thom. & propositum, & solutum esse in 2. d. 27. q. 1. art. 3. ad 4. cuius verba nos retulimus in 2. & 3. p. conclusionis. Admit-

ARTICVLVS I. 47

to præterea, meritum dicere respectum ad præmiantem, vt debitorem; non tamen esse necessarium, vt præmiâs sit debitor ei, qui meretur, sed satis esse, vt sit debitor sibi ipsi, qua ratione Deum sibi ipsi debitorem effici ex præsuppositione suæ ordinationis docet D. Thom. hic ad 3. Hoc autem modo Deum esse debitorem, sufficere ad rationem meriti apud ipsum, inde constat, nam tota ratio, ob quam oportet præmiantem esse debitorem, est, vt qui meretur infallibiliter consequatur præmium: ad hoc verò sufficit, vt Deus sit sibi debitor, nam vt dicitur 2. ad Timoth. 3. v. 13. *Negare se ipsum non potest.* Ius verò, quod habet homo ad exigendum retributionem à Deo, solum est attenuatum ex diuina ordinatione, sicque non sequitur Deum debere homini mercedem, quam meruit, sed soli sibi debere, vt impleat suam ordinationem, vt docet Caiet. Tom. 3. Opusc. Tract. 11. cap. 6.

Dubium 3. An redditio præmij pro meritis sit actus iustitiæ propriè sumpta.

PArtem negantem, quidam tenent. & probant 1. Merito non est debitum præmium ex iustitiâ; ergo reddito præmij non est actus iustitiæ. Antecedens probatur: Tum quia, quod est debitum ex iustitiâ, habet rationem pretij, quæ distincta est.

ad gratitudinem spectat meriti, vt meritum est, compensatio. Maior est, Diu. Thomæ 2. 2. quæstion. 106 articul. 5. & patet, quia in iustitia propria non consideratur, quo affectu, quis restituit, aut vendit, sed quantum restituit, & quo pretio vendit: gratitudo autem tanto plus excitatur, quanto affectus melior est, & magis voluntarius. Minor probatur: quia de ratione meriti est actio libera, & merita crescunt ex affectu, nam vidua illa euangelica plus misit in gazophilatium; hoc est plus est promerita, quia quamuis quantitate minus, affectu tamen magis prestitit, & solus affectus, si opus est impossibile, sufficit ad meritum, non contra; ergo &c.

Quarto, iustitia propria respicit debitum legale, vt loco proximè citato docet Diu. Thom. meritum autem potissimè, & proprie inducit debitum morale; ergo ad gratitudinem, & non ad veram iustitiam spectat: quia cum ratio meriti, & valor maximè in affectu, & libertate actionis consistat, non potest inducere legale debitum, quia libertas actionis, & gratiosa executio non est ciuili pretio estimabilis, nec habet adæquatam proportionem cum rebus in quibus iustitia versatur. Item quia meritum actionis potissimè consistit, in bonitate morali, debitum autem legale, non ex bonitate morali, quæ supra omne pretium ciuile est, sed ex valore ciuili rei, vel actionis confurgit. Denique meritum plu-

pluribus actionum generibus acquiritur; debitum autem legale, quod iustitia respicit, solum rebus, & actionibus circa bona exteriora corporis, vel fortunæ.

Quinto, Ad meritum requiritur, ut interueniat in obsequio aliquid gratiosum, saltem voluntas ipsa. nam ut dicit Sanctus Thom. hic in argumento primo, ubi obsequium præcisè debitum est, aut constituto pretio datur, non est meritum; si enim soluendo debita mereretur quis, mereretur quatenus prompta voluntate id facit: iustitia autem propria non respicit aliquid gratis collatum, sed nudam, & præcisam debiti rationem; ergo &c.

Dicendum tamen est: *Redditionem præmij pro meritis actum esse iustitiæ propriè sumptæ.* Probat^{ur} 1. ex illo 2. ad Timoth. 4. v. 8. *Reposita est mihi corona iustitiæ, quam reddet mihi Dominus in illa die iustus iudex.* Vbi D. Thom. lect. 2. inquit, *Corona iustitiæ dicitur, quam Deus ex sua iustitia reddit.* Et D. August. Tract. 3. in Ioan. locum hunc adducens ait: *Iam debitum flagitat, iam debitum exigit, ut ante susciperet gratiam, misericordem patrem opus habebat, ut præmiū gratiæ, iustum iudicem.* Quis autem dicat Deum iudicem iustum dici, quia reddit præmium ex gratitudine non ex iustitiā propria? aut Paulum debitum flagitare, & exigere, quod non erat ei reddendum ex iustitiā, sed ex gratitudine? aut coronam iustitiæ dici, quam Deus reddit ex sua iustitiā, hoc est gratitudine?

Secundo D. Thom. hic ita habet: *Meritum, & merces ad idem referuntur, id enim merces dicitur, quod alicui compensatur pro retributione operis, vel laboris, quasi quoddam præmium ipsius: unde sicut reddere iustum præmium pro re accepta ab aliquo est actus iustitiæ, ita etiam recompensare mercedem operis, vel laboris est actus iustitiæ. Vbi iustitiæ actum nõ sumi pro actu gratitudinis manifestum est, nam quod ex gratitudine datur, non datur vt merces, nec est quasi præmium.*

Tertio, licet id, quod est debitum merito possit reddi ex fidelitate, si sit promissum, aut ex gratitudine, quatenus habet rationem muneris, aut beneficii pro munere vel beneficio; quatenus tamen est debitum merito, vt sic, tanquam præmium scilicet, corona, & merces formaliter, non redditur ex fidelitate, aut gratitudine, neutra enim hanc rationem respicit formaliter, alias namque, si quod redditur ex fidelitate, aut gratitudine præmium esset, merces, aut corona, talis esset remissio peccatorum a Deo promissa, & concessa iis, qui ad ipsum conuertuntur, talia quoque essent munera, quæ nos in gratiarum actionem Deo offerimus; ergo quatenus præmium est debitum merito, non nisi ex iustitia redditur, nam vt ait D. Thom. supra q. 21. artic. 3. meritum, & demeritum dicuntur in ordine ad retributionem, quæ sit secundum iustitiam.

Cuius autem iustitiæ actus sit reddicio mercedis, aut præmii pro merito, colligitur

ex D. Th. hic, ait enim: *Iustitia equalitas quādam est. ut patet per Philosophum in 5. Ethic. Et ideo simpliciter est iustitia inter eos, quorum est simpliciter equalitas: eorum verò quorum non est simpliciter equalitas, non est simpliciter iustitia, sed quidam iustitia modus potest esse.* Quod de iustitia commutativa intelligendum est, nam ut ait S. Doctor in 4. d. 46. quæst. 1. artic. 1. quæstioncula 1. *Secundum quod constituitur equalitas inter dantem, & recipientem, ut scilicet accipiens tantum accipiat à dante, quantum accipere debet, in hoc consistit iustitia commutativa.* Unde inter eos quorum est simpliciter æqualitas, est simpliciter iustitia commutativa, & simpliciter ratio meriti, cui scilicet debetur merces propriè secundum iustitiam commutativam, & simpliciter ratio mercedis reddendæ ex iustitia commutativa, de cuius mercedis redditione loquens D. Tho. 2. 2. quæst. 108. art. 2. ad 1. admittit remunerationem bonorum pro his, quæ bene agūt esse actum commutativæ iustitiæ, qualis est ea, quæ fit ab homine. Inter eos verò, quorum non est simpliciter æqualitas non est simpliciter iustitia commutativa, nec ratio meriti cui debetur merces secundum iustitiam commutativam, nec mercedis redditæ ex iustitia commutativa, sed solum secundum quid, & aliquem modum. Cum autem inter Deum, & hominem sit maxima inæqualitas, inquit D. Th. hic: *Non potest hominis à Deo esse iustitia, secundum absolutam equalitatem.*

litatem, sed secundum proportionem. Quod idē est cum eo, quod in 4. dist. 46. quæstion. 1. artic. 1. quæstinacula 1. asserit: *Iustitia commutativa, per quam aequalitas constituitur inter Deum dantem, & creaturam recipientem Deo competere non potest secundum propriam acceptionem, quia beneficia Dei semper excēdunt meritum creatura: sed tamen seruatur etiam proportionis quādā aequalitas inter Deū dantem. & creaturam recipientem, in quantū scilicet ita se habet ad suam superabundantiam sicut creatura ad id quod competit ei secundum suam paruitatem. Et sic, & quidam modus commutativæ iustitiæ inuenitur in Deo respectu creatura. Propter quem modum 2. 2. qu. 61. art. 4. ad 1. docet in diuino iudicio esse iustitiam commutatiuam, ut ibi explicat Caiet. & nos diximus, 1. part. q. 11 ar. 1.*

De iustitia verò distributiva inquit idem Dia. Thom. loco citato ex 4. sent. Ratio distributivæ iustitiæ Deo propriè conuenire potest, in quantum scilicet aequalitatem proportionis seruat in communicatione bonorum suorum, dans unicuique proportionabiliter secundum suum modum. Et subdit inferius: In quantum reddit pro meritis, hoc ad iustitiam distributiuam pertinet, cuius est distribuere omnibus proportionabiliter secundum suam dignitatem. Idem docet in 3. d. 18. quæst. 1. artic. 2. ubi ait ad meritum requiri, ut equiparetur mercedi; non quidem secundum aequalitatem quantitatis, quia hoc requiritur in iustitia commutativa, quæ consistit in emptionibus, & venditionibus, sed secundum aequalitatem propor-

492 **QVAESTIO CXIV.**

tionis, quæ requiritur in iustitia distributiva, secundum quam Deus æterna præmia partitur. Et denique in 2. d. 27. q. 1. art. 3. inquit: In redditione præmij ad merita magis servatur forma distributionis, cum ipse unicuique secundum opera sua reddat, quam commutationis, cum Deus à nobis nihil accipiat, quamvis à sanctis quandoque inveniatur metaphorice dictum, quod bonis operibus regnum cælorum emitur, in quantum Deus accipit opera nostra, ut acceptans ea.

Ex quibus omnibus colligitur, redditionem præmij pro meritis in Deo actum esse iustitiæ propriè sumptæ: non quidem commutativæ, sed distributivæ; ad hanc enim non requiritur æqualitas absoluta, & simpliciter inter dantem, & recipientem, quin potius distribuens, ut sic superior est, sed sufficit æqualitas proportionis, in quantum scilicet uterque operatur secundum suum modum, & sicut se habet unus in sua dignitate, ita se habet alter in distributione. Non requiritur etiam æqualitas quantitatis inter id, quod distribuitur, & id, pro quo distribuitur, nam aliquando est maius, & aliquando minus unum alio, sed sufficit proportionis æqualitas, ita ut detur secundum proportionem. Non requiritur, denique æqualitas arithmetica inter rem, quæ datur uni, & rem, quæ datur alteri ita ut nullus sit quantitatis excessus inter illas, sed sufficit æqualitas geometrica, & proportionalis, ita ut unicuique detur secundum eius dignitatem. Unde licet verum sit

fit, quod ait D. Tho. hic : *Inter Deum, & hominem est maxima in qualitas*, Et in 2. dist. 27. quæst. 1. art. 3. *Non tantum bonum est in quantitate actus virtutis, quantum præmium gloria, quod est finis eius*. Et 1. par. quæst. 12 art. 6. *Videntium Deum per effectum unus alio perfectius videbit*. Hoc tamen non obstat, quo minus redditio præmii pro meritis non sit actus iustitiæ distributiue in Deo: nam inter hæc seruatur æqualitas proportionis, ita vt unicuique detur secundum suam dignitatem, quam habet ex meritis, & sicut homo operatur secundum modum suum, ita & Deus secundum modum suum tribuit. Nec tandem obstant alia, quæ in nostra iustitia distributua inueniuntur, & imperfectiones sunt, nam hæc non sunt, de ratione formali iustitiæ distributiue, vt diximus 1. par. q. 21. art. 1.

Ad 1. vero respondetur negando antecedens, si sermo sit de merito condigni de quo nos hic loquimur: nam vt ait D. Tho. hic art. 6. ad 2. *Meritum condigni innititur iustitia*, Quamuis enim non sit actus iustitiæ, nam vt ait S. Doctor hic art. 4. *Meritum vite eterne primo pertinet ad charitatem, ad alias autem virtutes secundario*. Tamen iustitiæ inniti dicitur, quatenus ei ex iustitia debitum est præmium. Ad 1. probationem dico, etiam præmium esse quasi quoddam pretium, vt hic ait D. Th. vnde D. Aug. Epist. 105. ait: *Sicut merito peccati tanquam stipendium retribuitur mors, ita merito iustitiæ tanquam stipendium vita eterna*. Li-

cet enim non omne pretium sit præmiū,
 ut patet in pretio, quod redditur pro labo-
 re animalium irrationalium; præmiū,
 tamen, quod redditur pro labore, & me-
 ritis hominum, etiam dicitur pretium, ut
 patet in denario, quod acceperunt labo-
 rantes in vinea, qui merces dicitur Matth.
 20. v. 8. & tamen etiam erat pretium.
 Ad 2. probationem nego antecedens: pec-
 cato enim debetur pœna, cuius inflictio
 quandoque est actus iustitiæ commutati-
 uę, quandoque autem ad virtutem vindi-
 cationis pertinet, ut docet D. Thom. 2. 2.
 q. 108. art. 2. ad 1. quandoque verò ad iu-
 stitiam distributivam, ut docet Caietan.
 2. 2. q. 61. art. 4. §. *Ad hoc*, & Ferrarie n-
 sis 1. Contra gentes capit. 93. §. *Dicitur se-*
cundò. Ad 3. probationem nego sequelam:
 nam sicut teste D. Th. 1. p. q. 21. artic. 1.
 ad 3. *Debitum est alicui rei creatæ, quod habent*
id, quod ad ipsam ordinatur, sicut homini, quod
habeat numerus; huius tamen debiti nullus
 est debitor: Ita potest aliquid esse debitum
 ex iustitia distributiva, quin sit aliquis, qui
 hoc debeat, sed satis est, ut sit, qui ex iu-
 stitia distributiva reddat, etiam si absque
 vlla obligatione, qua alteri astringatur. Vi-
 de etiam D. Th. in 4. d. 46. q. 1. ar. 2. quæ-
 stion. 1. ad 4.

Ad 2. patet ex dictis D. Tho. hic loqui
 de iustitia commutativa, & de merito, cui
 debetur merces secundum iustitiam com-
 mutativam; Si enim sit sermo de iustitia
 distributiva, & de merito, cui ex iustitia
 di-

distributiuā debetur merces. in nobis meritum simpliciter est, & in Deo iustitia distributiuā propriè, quæ non requirit absolutam æqualitatem, sed æqualitatem proportionis. Similiter 2. Contra gentes cap. 28. loquitur de iustitia commutatiua, quæ Deus debitor creaturis efficeretur, iustitiā enim distributiua in Deo esse docuerat lib. 1. cap. 93. vbi de Deo loquens concludit: *Non igitur sibi competit commutatiua iustitia, sed solum distributiua.*

Ad 3. respondetur: maiorem solum esse veram de iustitia commutatiua, de qua loquitur D. Tho., distributiua enim etiam potest considerare affectum, non quidem vt modum, quo beneficium tribuitur, vt illum considerat gratitudo, sed vt effectū, & id, quod fit, vel offertur: videmus namque in distributione beneficiorum Ecclesiasticorum præcipuè attendi bonitatem vitæ, ad quam affectus circa spiritualia maximè conducit. Et quamuis distributiua iustitia, quæ est in homine, non consideraret affectum; & D. Th. loqueretur de iustitia humana, vt abstrahit à commutatiua, & distributiua, posset iustitia distributiua Dei considerare affectum, quia iuxta doctrinam D. Th. adductam in Deo vniuersalioris extensionis est, quam in homine. & vt ait D. Chrysost. hom. 18. in Gen. *Deus neque vt bruta adducantur, neque terre fructus offerantur, sed tantum mentis affectum querit.* Vide D. Thom. 1. Contra gentes cap. 9. & 1. par. q. 21. art. 1. ad 1. & in 4.

dist. 46. quæst. 1. artic. 1. quæstiuncula
1. ad 1.

Ad 4. respondetur : si nomine debiti legalis intelligatur, quod ex valore civili rei, vel actionis consurgit, & solum rebus, & actionibus circa bona exteriora corporis, vel fortunæ acquiritur, & solum pretium civile respicit, quo valor civilis æstimatur; hoc debitum legale solum respicere iustitiam propriam humanam, de qua ibi loquitur D. Tho. Si autem de debito legali (quod D. Thom. 2. 2. quæst. 80. art. 1. definit, *Debitum legale est, ad quod reddendum aliquis lege astringitur*) vniuersalins loquamur ut se extendit ad id, ad quod reddendum Deus, non quidem lege aliqua civili astringitur, sed præsupposita sua ordinatione, quæ lex quædam est, necessitatur, & debitor sibi efficitur : hoc debitum legale diuina iustitia respicit, & meritum inducere potest.

Ad 5. respondetur: licet iustitia humana non respiciat, ut aliquid gratis, & voluntariè fiat; id tamen respicere iustitiam diuinam, quæ vniuersalioris extensionis est.



ARTICVLVS II.

*Vtrum aliquis sine gratia possit
mereri vitam æternam.*

Conclusio est negans.

SI sensus conclusionis sit, non posse
aliquem per pura naturalia sine ali-
quo dono supernaturali superaddito,
aut propria virtute sine auxilio gratiæ me-
reri vitam æternam, vt eam intelligit D.
Thom. in corp. & ad 1. certa est secundum
fidem, diffinita in Concil. Arausic. 2. can.
18. his verbis: *Debetur merces de bonis ope-
ribus, si fiant: sed gratia, que non debetur, præ-
cedit, vt fiant.* Et in Conc. Trid. Sess. 6. can.
2. *Si quis dixerit, ad hoc solum diuinam gratiã
per Christum Iesum dari, vt facilius homo in-
te viueret, ac vitam æternam promereri possit,
quasi per liberum arbitrium sine gratia vt rum-
que, sed egre tamen, & difficulter possit, a no-
them. sit.*

Si verò nomine gratiæ intelligatur gra-
tia remissionis peccatorum, & filiationis
Dei, vt etiam intelligit D. Th. conclusio-
nē negauit Michaël Baius. immò & dixit:
*Pelagij sententia est, opus bonum citra gratiam
adoptionis factum, non est regni cælestis meri-
torum.* Sed hæc eius propositio, quæ est
13. cum sequentibus vsque ad 19. quibus
etiam conclusionem negat, damnata est

488 QVÆSTIO CXIV.

in Bulla Pij V. & Greg. XIII. Aduersatur præterea Concilio Trident. Sess. 6. c. 16.

Si autē gratiæ nomine intelligatur gratia habitualis, vt Caiet. hic intelligit, eandem certitudinem habet conclusio, quam sententia quæ asserit, gratiam, & virtutes infusas esse habitus, & qualitates permanentes, de quo supra quæst. 51. art. 4. diximus.

ARTICVLVS III.

Vtrum homo in gnatia constitutus possit mereri vitam æternam ex condigno.

Conclusio est affirmans.

Dubium. An opera iustorum, quatenus procedunt à gratia, vt principio merendi, sint meritoria ex condigno vitæ æternæ.

PArtem negantem tenet Scotus in 1. d. 17. q. 1. art. 1. §. Hic potest dici, asserens nullum actum ex solis intrinsicis agenti habere rationem meriti de condigno respectu vitæ æternæ, sed præterea requiri gratuitam Dei acceptionem, & superadditam diuinæ voluntatis ordinationem. Probat. 1. Tunc enim Deus non posset

ei, qui sic operatus est, non tribuere beatitudinē, nam iniuste eam sibi subtraheret. Iniustum est namque priuare aliquem præmio, quod absque gratuita promittentis acceptatione ex condigno promeruit: sed hoc est falsum; ergo &c.

Secundò: Quia semper premium est maius bonum merito, & iustitia stricta non reddit melius pro minus bono, ideo bene dicitur, quod Deus semper premiat ultra condignum, vniuersaliter quidem ultra dignitatem actus, qui est meritum. Ergo actus meritorius non est dignus vitæ æternæ ex intrinseca bonitate, quam habet ex suis principijs.

Dicendum tamen est: Opera iustorum, quatenus procedunt à gratia, vt principio merendi, esse meritoria ex condigno vitæ æternæ. Probatur 1. ex D. Thom. hic sic enim habet: *Si loquamur de opere meritorio secundum quod procedit ex gratia Spiritus Sancti, sic est meritorium vitæ æternæ ex condigno.* Vbi de gratia loquitur S. Doctor non absolute, sed vt est principium merendi, sic enim ab illa procedit opus meritorium. Si quaeras autem, quid addat esse principium merendi, supra gratiam absolute sumptam? Respondetur ordinem ad vitam æternam, vt premium, & mercedem. Gratia enim absolute sumpta, licet dicat ordinem ad vitam æternam, vt hæreditatem, non tamen, vt premium, & mercedem: qui ordo aliquid intrinsecum est in ipsa gratia, quamuis ab ea separari possit. Sicut namque eo ipso, ac Deus ordinat aliquem ad

vitam æternam, præstat ei gratiam, qua fit dignus vita æterna, talisque diuinæ voluntatis ordinatio est effectrix gratiæ, vt docet D. Thom. q. 27. de Verit. art. 1. ita eo ipso, ac eundem ordinat ad vitam æternam, vt mercedem, et præmium, præstat eius gratiæ esse principium merendi, quod in ipsa gratia modus quidam est, transcendentalisque ordo effectus, & causatus ab ætterna voluntatis diuinæ ordinatione.

Secundo probatur ratione D. Thom. & Caietani hic: Opera bona filiorum si ordinantur ad paternam hereditatem, vt ad præmium, illam merentur ex condigno: sed opera iustorum, quatenus procedunt à gratia, vt principio merendi, sunt opera filiorum Dei ordinata ad vitæ æternæ hereditatem, vt ad præmium; ergo sunt meritoria illius ex condigno. Maior patet, eo enim ipso, ac sunt opera filiorum, habent sufficientem dignitatem ad paternam hereditatem, & eo ipso, ac ad illam, vt ad præmium ordinantur, sunt illius meritoria. Minor verò probatur: nam cum gratia constituat filium Dei adoptiuum, eo ipso, ac opera iustorum à gratia procedunt, sunt opera filiorum Dei, ac pròinde condignitatem habent ad vitæ æternæ hereditatem. Cum autem gratia habeat esse principium meriti ab ordinatione Dei, qua illam ordinat ad vitam æternam, vt ad præmium, vt patet ex dictis hic, & dubio 3. art. 1. eo ipso ac talia opera procedunt à gratia, vt principio merendi, ordinantur ad hereditatem vitæ

ARTICVLVS III. 491

vite æternæ, vt ad præmium.

Tertio, ad meritum de condigno, cuius præmii redditio pertinet ad iusticiam distributiuam, non requiritur æqualitas quantitatis, sed sufficit æqualitas proportionis inter meritum, & præmium: sed inter opera iustorum, vt procedunt a gratia, & vitam æternam, licet non sit æqualitas quantitatis, est tamen æqualitas proportionis; ergo cum redditio præmij vite æternæ pertineat ad iusticiam distributiuam, meritoria vite æternæ ex condigno erunt opera iustorum, vt procedunt a gratia, vt principio meritorio. Maior est D. Thom. in 2. d. 27. q. 1. art. 3. in corp. & ad 2 vbi sic habet: *Non requiritur ad condignitatem distributiuæ iustitiæ æqualitas quantitatum, sed proportionis tantum.* Minor verò est etiam D. Thom. Et quidem non esse æqualitatem quantitatis probat loco citato ex 2. sent. *Non enim tantum bonum est in quantitate actus virtutis, quantum præmium gloriæ, quod est finis eius.* Esse verò æqualitatem proportionis, quæ requiritur ad iusticiam distributiuam probatur cum eodem D. Th. hic ad 3. dicente: *Gratia Spiritus Sancti, quæ in presenti habemus, etsi non sit æqualis gloriæ in actu, est tamen æqualis in virtute: sicut semen arborum, in quo est virtus ad totam arbo-rem.* Semen licet secundum entitatem imperfectius sit fructu, illoque minus secundum quantitatem, est tamen æquale secundum virtutem, & proportionem, quantum enim quis seminat, tantum metit, non

quantitate, nam plus est quod metit, sed proportionem, nam magis, aut minus metit iuxta proportionem seminis iacti, unde 2. ad Corinth. 9. v. 6. dicitur: *Qui parce seminat, parce, & metet.* Ergo cum opera meritoria, & gratia à qua procedunt, appelleantur in Scriptura semen vitæ æternæ, vt loco proximè citato, & Ps. 125. v. 5. *Qui seminant in lacrymis, in exultatione metent.* Et 1. Ioan 3. v. 9. *Semen ipsius in eo manet.* Inter illa, & vitam æternam æqualitas secundum virtutem, & proportionem erit, sicque, & secundum rectam æstimationem, quæ ad meritum ex condigno requiritur, vt loco citato ex 2. sentent. docet D. Thom.

Quartò, Dei acceptatio, promissio, aut superaddita ordinatio non confert operibus iustorum condignitatem, vt inter illa, & vitam æternam, æqualitas, & iustitia seruari possit; ergo ante illam, vt procedunt à gratia, sufficientem habent condignitatem, vt meritoria ex condigno esse possint. Antecedens probatur: Tum quia acceptatio, & promissio non confert maiorem dignitatem, & valorem pretio, vel obsequio, quam antea habebat, qui enim promitteret regnum pro obsequio, aut pecunia exigui valoris, non propterea augeret prætium, aut valorem pecuniæ, vel obsequij. Tum etiam, nam quoque illam confert operibus peccatorum, quibus est promissa remissio peccatorum, sicque huius illa meritoria essent ex condigno. Tum denique, nam comminatio pænæ non confert

ARTICVLVS III. 493

fert peccato esse dignum tali poenæ ; ergo neque promissio gloriæ confert operi bono iusti condignitatem ad gloriam .

Ad 1. verò respondet Caietanus hic : *Quod iniuste subtraheretur merces tempore debito ei , qui operatus est ex gratia .* & Deus , qui est debitor sibi ipsi , qui ordinauit , non per *superadditam ordinationem* (ut Scotus putauit) sed per ipsam gratiam , eius actum esse meritum ex hoc ipso solo , quod est à gratia , quod est talis natura , sicut non potest contra se ipsum facere , ita nec potest subtrahere mercedem . Quæro ego ab Scoto , an post superadditam ordinationem , & gratuitam acceptationem posset Deus non tribuere beatitudinē operanti iusto ? Sicut ergo post hanc non potest , ita nec potest post ordinationem , quæ in collatione gratiæ , ut principij merendi includitur .

Ad 2. respondet Caiet. *Quod liberalitas diuina remunerans supra meritum , non adimit merito vim suam .* Ex hoc namque quod Deus actui merenti gloriam , ut unum , reddit gloriam , ut duo , non adimitur actui illi , quin meruerit secundum strictam iustitiam gloriam , ut unum . Unde ratio illa non probat , quod actus non sit meritorius : sed hoc quod non sit meritorius totius præmij , quod dat Deus supposita tali liberalitate . Sunt , qui proportionem hanc , Deus punit citra condignum , & præmiat ultra condignum , non admittant . Admittendam tamen esse patet ex communi consensu Scholasticorum cum Magistro in 4. d. 46. vbi D. Thom. q. 2. art. 2. eam expli.

explicat. Sensus tamen eius non est, quem
 Scotus insinuat, Deum præmiare ultra
 condignum, hoc est ultra dignitatē actus,
 quia eam non habet nisi ex diuina accepta
 tione: sed quem Caietanus indicat in ver
 bis citatis, Deum statuisse vltiorem gra
 dum gloriæ in remuneratione meritorum
 ultra eum, quo æqualiter, & sufficienter
 compensarentur, quod innuit illud Lucæ
 6.v.38. *Mensuram bonam, & confertam, &
 coagitatam, & superfluentem dabunt in sinum
 vestrum*. Vnde licet vita æterna sit corona
 iustitiæ sumpta in eo gradu, quo æqualiter
 respondet meritis de condigno; etiam di
 citur corona misericordiæ iuxta illud Psal.
 102.v.4. *Qui coronat te in misericordia*. Qua
 tenus vltiori gradu gloriæ Deus præmiat
 ultra condignum. Citra condignum etiam
 Deus dicitur punire, vt ait D. Thom. in 4.
 d. 46. q. 2. art. 2. ad 1. *Quia non tantum puni
 tur quis, quantum per culpam meruit*. Neque
 huic obstat illud Iacobi 2.v. 13. *Iudicium
 sine misericordia fiet*, &c. Et illud Matth. 5.
 v. 27. *Non exies, inde donec reddas nouissimum
 quadrantem*. Nam hæc intelligenda sunt
 supposita taxatione pœnæ in aliquo gradu
 citra condignum; hanc enim pœnam ci
 tra condignum taxatam soluent damnati
 vsque ad vltimum quadrantem, illiusque
 nihil eis remittetur, sicque eis iudicium si
 ne misericordia fiet.

*Vtrum gratia sit principium meriti
principalius per charitatem,
quam per alias vir-
tutes.*

Conclusio est affirmans.

*Dubium 1. An meritum sit actus ali-
cuius virtutis specialis.*

PArtem affirmantem quidam tenent, & probant 1. Satisfactio, quæ fit Deo pro offensa est actus specialis virtutis, quæ est pars potentialis iustitiæ, vt patet ex D. Th. 3. p. q. 85. art. 2 & 3. ergo, & meritum apud Deum. Probatur consequentia: Tum quia satisfactio est quoddam meritum veniæ, & reconciliationis, nam vt docet D. Th. 1. p. q. 61. art. 4. omnis operatio tendens in aliquem finem, vel est factiua finis, vel est meritoria finis: satisfactio autem non est actiua veniæ, & reconciliatio- nis, ad quam tendit, ergo illius meritoria. Tum quia etiam meritum habet æqualitatem cum præmio, & est ad alterum, nullius enim meretur à se; ergo non minus, quam satisfactio est actus alicuius virtutis specialis, quæ sit pars potentialis iustitiæ, nõ quidem pœnitentiæ, cuius actus est satisfactio.

etio, sed pietatis, vel religionis. Confirmatur: omnia merita sunt eiusdem rationis respectu præmii essentialis, ergo omnia debent elici ab vna virtute speciali.

Secundo, Præmium essentialis vitæ æternæ solum respondet actui charitatis; ergo cum respondeat merito, hoc actus charitatis erit. Antecedens probatur: Tum ex illo Ioan. 14. v. 21. *Qui diligit me &c. manifestabo ei me ipsum.* Tum etiam ex D. Aug. Tract. 68. in Ioan. dicente: *Desiderium dilectionis, preparatio est mansionis.* Tum denique ex D. Th. q. 16. de Verit. art. 6. ad 8. *Præmium essentialis respondet radici charitatis, accidentale verò generi actus.* Quod & docet 1. p. q. 95. ar. 4.

Dicendum tamen est: meritum non esse actum alicuius virtutis specialis, sed principaliter pertinere ad charitatem, secundario vero ad alias virtutes, vt imperatur a charitate, tanquam perfectionem, & dignitatem actuum illorum. Prima pars probatur: non enim esse actum fidei, vel spei patet: nam in Christo fuit verum meritum, in quo tamen non fuit fides, neq. spes. Non esse quoque actum iustitiæ, aut religionis, aut pietatis, aut alterius distinctæ a charitate probatur: Tum quia nullius illarum actus opponitur omni actui, malo & demeritorio, cui tamen opponitur meritum. Tum etiam, quia nulla illarum est à qua ceteræ participant, vt sui actus sint meritorii, alias enim esset aliarum, vt sunt meritorie forma, & charitas non à se, sed

ab

ARTICVLVS IV. 497

ab extrinseco haberet rationem meritorii . Tum deniq. quia alias sine gratia, & charitate posset esse meritum vite æternæ ; posset enim talis virtus suum actum , qui est meritum, habere, sicut , & sine charitate fides, spes , & aliæ virtutes possunt habere proprios actus : consequens autem falsum esse constat ex ar. 2. ergo &c.

Secunda pars est expressa D.Thom. hic, nam ait : *Meritum vite æternæ primo pertinet ad charitatem . Et probat quia : Motus humane mentis ad fruitionem diuini boni est proprius actus charitatis .* Quod de fruitione ex parte obiecti, vt simul cum bono diuino, seu Deo reputatur, vt vnicus finis, intelligendum est, ita vt sensus sit motus humane mentis in diuinum bonum, seu Deū, quo fruimur in vita æterna , est actus proprius charitatis: nam in fruitionem Dei ex parte subiecti, vt est accidens, & perfectio creaturæ, solum fertur charitas secundario, quatenus habet rationem amoris concupiscentiæ . Licet autem in Deum, quo fruimur in vita æterna, etiam ferantur fides, & spes ; diuerso tamen modo, ac charitas : nam teste D.Thom. 2. 2. q. 17. art. 6. *Charitas facit hominem inherere Deo propter ipsum, mentem uniens Deo per affectum amoris . Spes autem & fides faciunt hominem inherere Deo, sicut quidam principio, ex quo aliqua nobis proveniunt .* Cum autem ratio meriti apud aliquem requirat, vt aliquid exhibeatur, & fiat propter illum, nam vt ait idem S. Doctor 1. 2. quæst 21. art. 3. *Meritum, & de-*

498 QVÆSTIO CXIV.

meritum dicuntur in ordine ad retributionem ; qua fit secundum iustitiam ; retributio autem secundum iustitiam fit alicui eo, quod agit in profectum, vel nocumentum alterius . Sequitur meritum vitę æternę primo pertinere ad charitatem . Confirmatur : charitas non est meritoria ab extrinseco, sed à se, & sine charitate nullius alterius virtutis opus est meritorium, vt patet ex art. 2. opponitur etiam charitas omni demerito peccati mortalis ; ergo est principale meriti principium, hoc enim omni demerito debet opponi saltem radicaliter, ab illoque debet prouenire omnis ratio meriti in cæteris virtutibus.

Tertia pars est D. Thom. hic dicentis . Meritum vitę æternę primo pertinet ad charitatem , ad alias autem virtutes secundario, secundum quod earum actus à charitate imperantur . Et 2. 2. q. 83. art. 15. vbi ait : Oratio sicut , & quilibet alius actus virtutis habet efficaciam merendi, in quantum procedit ex radice charitatis , cuius proprium obiectum est bonum æternum, cuius fruitionem meremur . Et in 3. dist. 18. q. 1. art. 5. ad 5. vbi sic habet : Quamuis meritum sit in charitate sicut in radice ; non tamen meremur sola charitate , sed etiam alijs virtutibus in quantum earum actus sunt à charitate imperati.

Probatum etiam ex illo Matth. 25. v. 34. Possidete paratum vobis regnum à constitutione mundi : esuriui enim , & dedistis mihi manducare &c. Et ex illo ad Hebræos 13. v. 16. Beneficentia , & communionis nolite obliuisci tali-

ARTICVLVS IV. 499

talibus enim hostijs promeretur Deus. Et ex aliis Scripturæ testimonijs in quibus bonis operibus vita æterna repromittitur,

Denique probatur : Quælibet virtus , vt imperata a charitate, elicit actum in obsequium Dei , seu propter Deum ; ergo est principium meriti . Consequentia patet , quia nihil aliud ei deest , vt patebit discurrenti per omnes conditiones ad meritum requisitas . Antecedens verò docet Caiet. in secunda secundæ q. 124. art. 3. §. *Ad primum* , dicens : *Fortitudo impetrata à charitate elicit martirium integraliter . ita quod elicit tollerare mortem , & propter bonum fortitudinis ex propria virtute , & propter bonum fidei , & charitatis , vt imperata .* Idem docet D. Thom. in 3. d. 27. q. 2. art. 4. quæstion. 3. ad 3. dicens : *Temperantia in suo actu ponit modum proprium , & prudentia , & charitatis .* Et probatur : modus charitatis , qui est vt actus virtutis fiat in obsequium Dei , seu propter Deum , debet habere aliquam causam realem proximam , per cuius actionem producat : sed non semper existente tali modo actus charitatis existit formaliter , nam actus meritorius esse potest absque actu formali charitatis ; ergo causa illius proxima erit ipsa met virtus imperata , quæ actum elicit , quatenus in illa virtualiter existit perfectio charitatis , inferiora enim ex coniunctione ad superiora perficiuntur , vt possint elicere in suis actibus aliquem modum , quem secundum se non poterant causare , vt patet in cogitatione

tua

500 **QVABSTIO CXIV.**

tiua coniuncta intellectui. Confirmatur: si enim ratio meriti a sola charitate penderet, eiusque principium non essent etiam alię virtutes, vt imperatę a charitate, sequeretur non esse maioris meriti ex æquali charitate dare obolum in eleemosynam, quam omnes facultates quantumvis magnas, aut pati leuissimam percussione, quam grauissimos martyrii cruciatus: consequens est falsum, ergo &c.

Quarta pars patet: licet enim sæpe meritum accipiatur pro eius materiali, actu scilicet meritorio, & merita dicantur bona opera; formaliter tamen ratio meriti aliquid superadditum est ipsi actui, perfectioneque eius, ac dignitas, quę non semper, & in omni statu ei conuenit, cum constet actum charitatis in via meritorium esse non in patria.

Ad 1. vero respondetur negando consequentiam: satisfactio enim ex parte satisficientis tendit per se primo ad faciendum æqualitatem pro iniuria, quod est opus iustitię; meritum verò ex parte merentis non tendit ad faciendam istam æqualitatem, nec respicit aliquod speciale obiectum, cum sit in ordine ad obiecta quarumcumque virtutum, & eius quantitas crescit ex perfectione præstiti a qualibet virtute; & ideo nec est actus iustitię, nec alterius virtutis specialis. Ad 1. probationem nego antecedens: nam inter meritum, & satisfactionem hæc est inter alias differentia; meritum enim supponit amicitiam

ARTICVLVS IV. 501

citiam perfectam cum Deo, satisfactio verò non supponit illam, sed tendit ad completam, & perfectam amicitiam cum Deo faciendam: licet namq. supponat gratiam & charitatem, non tamen, vt quiescentem in Deo, & complacentem sibi in illo, sed vt mouentem, & imperantem ad tollendam offensam Dei, & reddendum illi quantum potest pro iniuria illata. Vnde negandum est, satisfactionem non esse actiuam veniæ, & reconciliationis perfectæ, ad quam tendit; satisfactio enim per se ipsam formaliter; effectiue verò per virtutē pœnitentiæ, à qua elicitur, ponit æqualitatem iustitiæ pro iniuria illata Deo, in quo consistit remissio iniuriæ, vt est contra iustitiā, vt colligitur ex D. Thom. in 4. d. 14, qu. 2, ar. 4. Vel si de veniæ, & reconciliatione, quæ fit per gratiam, remissione scilicet peccatorum, sit sermo, D. Thom. intelligendus est, de operatione, quæ sine noua gratia efficax, vel condigna est finis, aut termini, ad quem tendit: satisfactio autem non est huiusmodi, vt patet ex dictis supra qu. 13. art. 2, dub. 2. Vndè non est veniæ, & remissionis peccati meritoria; sed dispositio ad illam. Ad 2. probationem respondetur: meritum de condigno, licet habeat in se ius ad præmium, & æqualitatem cum illo; hoc tamen ius, & hanc æqualitatem, non respicit, vt obiectum, sed hoc modo respicit, qui reddit præmium; vnde redditio præmii est actus iustitiæ, non verò meritum, etiam si erga alterum sit, nam ad actum

502 QVAESTIO CXIV.

actum iustitię requiritur, vt habeat pro obiecto ius alienum, & æqualitatem faciat debitum alteri reddendo. Ad confirmationem respondetur negando consequentiam: satis enim est si eliciantur, vel imperentur ab vna virtute speciali, quia omnia opera virtutum, vt imperata à charitate sub eadem ratione ordinantur in Deum, & exhibentur illi, quę est principalis radix meriti.

Ad 2. respondetur negando antecedens. Ad 1. & 2. probationem dico: illis verbis significari, præmium vitę æternæ respondere actui charitatis, & ad meritum illius necessariam esse charitatis relationem, & imperium, non tamen soli actui charitatis respondere, solumq; illum esse talis præmii meritorium. Ad 3. probationem dico: quandocumq; D. Tho. ait; vitam æternam solum deberi actui charitatis, loquitur non solum de actu charitatis elicitō, sed etiam de imperato, qualis est actus cuiuscumque virtutis, vt imperatur à charitate, vnde exhibitio operis probatio dilectionis dicitur à D. Greg. hom. 30. in Evangelia. Quando verò asserit actibus aliarum virtutum solum respondere præmium accidentale, loquitur, vel de actu exteriori, quatenus est consummatio & perfectio actus interioris: vel quantum ad difficultatem, non tamen quantum ad bonitatem, quam habent ex obiectu actus aliarum virtutum, nam vt ait idem D. Thom. in 2. d. 29. q. 1. art. 4. efficacia meren-

merendi non solum mensuratur ex charitate, sed etiam ex obiecto, non tamen ex difficultate. *Non enim arduum opus arguet rationem meriti, nisi ratione bonitatis, & non ratione difficultatis, nisi per accidens, &c.* Sed de hoc latius 2.2.q.24.art.6.

Dubium 2. *An in homine iusto omne opus bonum sit meritorium, & ordinatum in Deum finem, & obiectum charitatis.*

Patrem negantem quidam tenent, & probant 1. ex illo Matth. 5. v. 46. *Si diligitis eos, qui vos diligunt, quam mercedem habebitis:* quasi dicat nullam; ergo cum hæc dilectio sit bonum opus, aliquod iustorum (quales erant Christi discipuli) opus bonum non erit meritorium.

Secundo, vt omne opus bonum sit in homine iusto meritorium, & ordinatum in Deum, opus est imperari à charitate per actum, aut actu existentem cum ipso opere bono simul, aut præcedentem, sed non omne opus bonum iusti hoc modo imperatur; ergo &c. Minor probatur: & quidem non imperari per actum simul cum opere bono existentem manifestum est, impossibile, vt quoties iustus bene operatur, de Deo cogitet, & actu eum diligat. Neque etiã imperari per actum præcedentem probatur: nam talis actus deberet præcedere in principio vitæ, aut iustificatio-

nis,

504 *QVAESTIO CXIV.*

his; alias enim si post iustificationem bonum aliquod opus iustus efficeret, antequam actum charitatis haberet tale opus non esset meritorium: sed non semper hoc modo ad omnia bona opera moralia antecedit, ut patet si homo iustificetur per Sacramentum cum sola attritione, quæ nec actum charitatis, nec propositum faciendi omnia propter Deum includit, hoc enim est proprium contritionis: ergo &c.

Tertio, quamvis iustus in principio vitæ, aut iustificationis habuerit actum charitatis, quo se, & omnia sua retulit in Deum, hoc non sufficit, ut omnes opus bonum, quod postea efficit, imperetur à charitate, & induat relationem ad charitatis obiectum; ergo nec, ut sit meritorium. Antecedens probatur: Tum quia alias non posset esse in tali iusto actus otiosus, quia nullus actus debito fine careret: Tum etiam, nam quamvis idolatra habuerit actum, quo se & omnia sua retulit in idolum, hic actus non sufficit, ut omnes sequentes sint ab illo imperati, ac proinde demeritorij, & peccata: ergo nec in homine iusto prædictus actus sufficit, ut omnia bona opera sequentia sint à charitate imperata, & vitæ æternæ meritoria.

Dicendum tamen est 1. In homine iusto omne opus bonum esse vitæ æternæ meritorium. Docet hoc D. Thom. q. 2. de Malo ar. 5. ad 7. ait: *Habentibus charitatem omnis actus est meritorius, vel demeritorius.*

Cum;

ARTICVLVS IV. 505

Cumque actus bonus nullus sit demeritorius, omnis meritorius erit in hominē iusto. Et in 2. dist. 40. q. 1. ar. 5 sic habet: *Actus benivole civili perfectus non est susceptibilis efficacia merendi, nisi in eo, qui gratiam habet. Et ideo in eo, qui caret gratia, indifferens est ad meritum, & demeritum: sed in illo, qui gratiam habet, oportet, vel meritorium, vel demeritorium esse, quia sicut malus erit demeritorius, sic etiam bonus erit meritorius &c.* Et sic comedere, & bibere servato modo temperantia, & ludere ad recreationem servato modo eutropelie, quæ medium tenet in ludis, ut dicitur in 11. Ethic. meritorium erit in eo, qui charitatem habet, quam Deum ultimum finem vite sue constituit.

Secundò probatur ex Concil. Trid. Sess 6 cap. 16. dicit namque: *Iustificatis hominibus proponenda sunt Apostoli verba: Abundate in omni opere bono, scientes, quod labor vester non est inanis in Domino.* Cur autem proponenda sunt, nisi ut intelligant omnia opera bona eorum esse vitæ æternæ meritoria? Inferius etiam ibidem subdit: *Neque verò illud omittendum est, quod licet bonis operibus in sacris litteris usque adeo tribuatur, ut etiam qui uni ex minimis suis potum aque frigida dedit, promittat Christus eum non esse sua mercede cariturum &c.* Quibus verbis significat nulla esse bona opera iustorum, quantumvis minima, quæ non sint vitæ æternæ meritoria.

Tertiò probatur ex Script. Tum ex illo Isaïæ 3. vers. 10. *Dicite iusto quoniam bene,*
r j . quo

*quoniam fructum adinventionum suarum com-
 det. Vbi concisio illa: Quoniam bene, non
 minimam emphasim habet, significat enim
 in omnibus, quæ rectè faciat, bene sibi so-
 re; nam mercedem vitæ æternæ (hanc e-
 nim per fructum D. Th. ibi intelligit) per-
 cipiet pro quolibet bono opere, vel vt
 Chaldeus transfert: Quia fructus operum
 suorum retribuetur eis. Tum etiam ex illo 1.
 ad Corinth. 3. v. 12. Si quis superadificat su-
 per fundamentum hoc, aurum, argentum, la-
 pides pretiosos, ligna, fœnum, stipulam unius-
 cuiusque opus manifestum erit &c. Si cuius opus
 manserit, quod superadificauit, mercedem acci-
 piet. Vbi sicut docet D. Thom. supra q. 89.
 art. 2. per fundamentum intelligitur fides
 formata charitate. per aurum, argentum,
 & lapides pretiosos significantur omnia bo-
 na opera iustorum, qui fidem formatam
 charitate habent, per lignum, fœnum,
 & stipulam designantur omnia peccata
 venialia, quæ iusti committunt. Cum ergo
 iola peccata venialia sint, quæ comprehē-
 duntur sub opere, de quo ibidem subditur:
 Si cuius opus arserit, detrimentum patietur: nā
 sola illa sunt reprehensibilia, quod est arde-
 re igne diuini iudicii, vt Caiet. exponit, &
 sola ipsa sunt, quæ permanere non possunt
 in ciuibz cœlestis Ierusalem, in quam nō
 intrabit aliquod coinquinatum, sola pec-
 cata venialia erunt, ob quæ iusti non acci-
 pient mercedem, sed detrimentum pa-
 tientur, ac punientur in Purgatorio. Propter
 opera vero bona quæcumque illa sint, cū
 nulla*

nulla sint reprehensibilia, sed maneant in diuina acceptatione, mercedem accipiet, sicque omnia meritoria erunt.

Dicendum est 2. vt actus aliarum virtutum sint meritorii vitæ æternæ, non sufficere concomitantiam habitus charitatis; bene tamen, ea supposito, quamcūque virtutalem ordinationem talium actuum in Deum, charitatis obiectum, & finem. Docet hoc D. Thom. q. 2. de Malo art. 1. ad 7. & ad 11. concedens quod in argumeto dicitur, & in 2. d. 38. q. 1. art. 1. ad 4. & d. 40. qu. 5. art. 5. ad 3. & ad 6. vbi sic habet: *Non sufficit omnino habitualis ordinatio actus in Deum, quia ex hoc quod est in habitu, nullus meretur, sed ex hoc, quod actu operatur: nec tamen oportet, quod intentio actualis ordinans in finem ultimum sit semper coniuncta cuiuslibet actioni, qua dirigitur in aliquem finem proximum. Sed sufficit, quod aliquando actualiter omnes illi fines in finem ultimum referantur, sicut fit, quando aliquis cogitat se totum ad Dei dilectionem dirigere: tunc enim quicquid ad se ipsum ordinat, in Deum ordinatum erit. Et si queratur, quando oporteat actum referre in ultimum finem: hoc nihil aliud est, quam querere, quando oportet habitum charitatis exire in actum, quia quandocumque habitus charitatis in actum exit, fit ordinatio totius hominis in finem ultimum, & per consequens omnium eorum, quæ in ipsum ordinantur, vt bona sibi.*

Probantur deinde singulæ conclusionis partes. Prima quidem, nam in Bulla Pii V. & Greg. XIII. hæc propositio Bani quæ

508 **QVAESTIO CXIV.**

est 14. damnatur: Opera bona à filijs adoptionis facta non accipiunt rationem meriti, ex eo quod sunt per spiritum adoptionis inhabitantem corda filiorum Dei, sed ex eo quod sunt conformia legi. Censent ergo Pontifices ad rationem meriti in bonis operibus non sufficere concomitantiam charitatis, & gratiae, per quam homines filii adoptionis sūt, sed etiā requiri, vt fiant per spiritum adoptionis, & ex charitate, & gratia sint, ita vt hæc in illa influat.

Secundò, infidelitas, vel status peccati mortalis concomitans bona opera, non vitiat illa, nec facit ea demeritoria, nisi aliquo modo informet ea referendo in finem malum; ergo nec gratia, & charitas concomitans opera bona dignificabit illa, & faciet meritoria vitæ æternæ, nisi ea informet per virtualement saltem relationem, ad Deum vltimum finem. Ratio est Durandi in 2. d. 40. q. 2. n. 11.

Tertiò, concomitantia gratiae, & charitatis non sufficit, vt actus virtutum acquirarum sint aliquo modo supernaturales; ergo nec vt sint de condigno meritorij vitæ æternæ. Consequentia patet; nam actus omnino naturales sunt inferioris ordinis, & improporionati, ac inæquales cum præmio supernaturali vitæ æternæ. Antecedens probatur: actus virtutum acquirarum solum possunt esse supernaturales secundum modum: sed hunc modum non habent à charitate, nisi quatenus eos imperat, & in
finem

ARTICVLVS IV. 50

finem supernaturalem ordinat, sicque a
ea aliquo modo procedunt; ergo conco-
mitantia charitatis non sufficit, vt aliquam
supernaturalitatem habeant, alias enim il-
lam haberent, etiam si propter malum fi-
nem inanis gloriæ fierent.

Quartò, vt actus sit meritorius requiri-
tur, vt fiat perfecte in obsequium Dei; sed
hoc nullius virtutis actui potest conuenire
sine influxu charitatis, nam est respicere
Deum, vt vltimum finem propter se ama-
tum, quod proprium est charitatis, & sine
eius influxu nulli alteri conuenit; ergo nul-
lius alterius virtutis actus potest esse vitæ
eternæ meritorius sine charitatis influxu;
sicque non sufficit sola charitatis conco-
mitantia.

Secundam partem, vt explicemus sup-
ponendum est: triplicem distingui posse
relationem, vel ordinationem actuum alia-
rum virtutum in finem, & obiectum cha-
ritatis: nempe habitualement, quæ reuera
in actu non est, sed in subiecto, & actum
solum comitatur: actuale, quæ scilicet a-
ctus expresse in Deum ordinatur, de quo
homo cogitat, & propter illum, actum
virtutis elicit, & virtuale, quæ scilicet
licet homo de Deo non cogitet, actus vir-
tutis in illum ordinatur virtute actus cha-
ritatis præcedentis, aut alius participati-
onis eius, quam in se habet. Habitualement
ordinationem non sufficere ostensum est in
1. p. conclusionis, estque optima ratio quæ
D. Thom. insinuat in 2. d. 40. q. 1. art. 3.

510 QVAESTIO CXIV.

ad 6. *Quia ex hoc quod est in habitu nullus meretur, sed ex hoc quod actu operatur.* Relatio autem habitualis non est in actu, sed in habitu, & eius subiecto. Actualem relationem non necessario requiri certum est; Tum quia, ut actus, vel medium ordinetur in finem, non est necessaria actualis finis intentio, sed sufficit virtualis, nam causa, non solum, quando est actu, sed etiam quando permanet, virtualiter censetur influere. Tum etiam quia moraliter loquendo impossibile est hominem semper, quando bona operatur, intendere in finem charitatis. Tum denique quia, ut aliquis mereatur apud humanum regem, non est necessarium, ut semper actu intendat obsequium illius, cur ergo, ut mereatur apud Deum? Dicimus ergo sufficere virtualem relationem. Cum autem ut diximus supra q. 1. a. 6. duplex possit esse relatio virtualis in ultimum finem. Prima quia aliquid refertur in illi virtute alicuius actualis intentionis praecedentis. Secunda quae in illam suapte natura ordinatur tanquam eius participatio. Rursus cum prima virtualis relatio possit esse, aut virtute alicuius proximae praecedentis intentionis aut virtute intentionis remotae praecedentis, quae scilicet fuit in principio vite, vel iustificationis: quamcumque harum relationum virtualium dicimus sufficere ad meritum in actibus aliarum virtutum.

Primo sufficere eam relationem, quae aliquid suapte natura ordinatur in finem
tan-

ARTICVLVS IV. 511

tanquam illius participatio, etiam si eius intentio actualis non præcesserit, verum est in sententia asserentium actus virtutū infusarum, etiam si nunquam præcesserit actus charitatis ordinantis illos in proprium finē, esse meritorios vitæ æternæ in homine existente in gratia: tales etiam esse actus virtutum acquisitarum, vt imperantur ab aliqua virtute infusa. Iuxta hanc enim sententiam solum hoc modo potest esse in his actibus relatio virtualis in Deum finem vltimum, qui est obiectum charitatis: quia scilicet perfectio supernaturalis, quam habent actus virtutum infusarum, & quam causant in actibus virtutum acquisitarum, quos imperant, suapte natura ordinatur in finem vltimum supernaturalem, ac proinde eo ipso ac homo in gratia existens vult actum virtutis infusæ elicitum aut imperatum, virtualiter vult illum propter Deum vltimum finem.

Secundò sufficere ad meritum relationem virtualem, quæ sit virtute intentionis præcedentis, non solum proximè, sed etiam remotè, qualis est quæ fuit in principio vitæ, vel iustificationis, licet nonnulli recentiores propter tertium argumentum factum in principio negent, asserentes, vt actus censeantur virtualiter à charitate procedere, opus esse, vt habeant aliquam connexionem mediatam, vel immediatam cum actu ipsius, ita vt primus immediatè cum ipso actu charitatis connectatur, & ceteri inter se, hocque in vniuersum re-

quiri, ut actus, vel medium in aliquem finem virtualiter referantur; qui enim statuit proficisci Romam, censetur hunc finem intendere, & in ipsum referre actus, qui hanc connexionem habent, verbi gratia, præparare equum, & alia ad vitam necessaria, i. e. facere &c. Si vero aliquid aliud agat absque hac connexionem, non procedit virtualiter ab illa intentione, ut comedere, loqui cum amico, &c. & quia non omnes actus virtutum hominis existentis in gratia habent huiusmodi connexionem cum actu, quo in principio, vitæ, aut iustificationis se, & omnia sua retulit in Deum, ideo hunc actum non sufficere ad imprimendam virtuale relationem ad obiectum, & finem charitatis in omnibus alijs bonis sequentibus. Communis tamen discipulorum D. Thom. sententia est, hunc actum sufficere. Docent id Capreolus in 2. d. 40. q. 1. art. 3. ad 3. contra 2. & alij. Probaturque nam ut ait D. Dh. in 2. d. 38. q. 1. a. 1. ad 4. *Ad hoc quod alicuius actionis finis sit Deus vel charitas, non oportet, quod agendo illam actionem aliquis de Deo, vel charitate cogitet; nec iterum sufficit, quod aliquis in habitu tantum Deum, & charitatem habeat, quia sic etiam actum venialis peccati aliquis in Deum ordinaret, quod falsum est: sed oportet, quod prius fuerit cogitatio de fine, qui est charitas, vel Deus, & quod ratio actiones sequentes in hunc finem ordinaverit, ita quod rectitudo illius ordinationis in actionibus sequentibus saluetur, ut patet in exemplo, quod Avicenna po-*

nit de arte fice, qui, si dum opus suum exercet, semper de regula artis cogitaret, multum in opere impediretur: sed sicut prius excogitavit per regulas artis: ita postmodum operatur; & sic in opere eius rectitudo artis saluatur. Ex quo patet, vt finis intentio virtualiter maneat, sufficere, vt id quod cogitauerat, & proposuerat homo facere propter aliquem finem, executioni mandetur: nec oportet, vt quæ propter talem finem facere proponit, inter se connexionem aliquam habeant: nec requiritur aliquod determinatum tempus, vt talis intentio maneat, sed nisi reuocetur, toto tempore manet, quo executioni mandatur, quod propter talem finem fieri erat excogitatum, & propositum. Si quis enim semel statuit propter Deum peregrinari toto vitæ suæ tempore, toto illo, dum executioni mandatur peregrinatio, manet talis intentio, etiam si actu de Deo non cogitet. Similiter qui in principio iustificationis aut vitæ venit quotidie per totam vitam ieiunare, & eleemosynam dare, licet hec duo connexionem inter se non habeant, quia tamen sunt executio cogitationis ac propositi voto firmati, manet in illis virtualiter intentio, qua in finem religionis, qui est obiectum voti, ordinati sunt, & bonitatem habent non solum temperantiæ, & misericordiæ, sed etiam religionis ex præcedente intentione quamuis antiqua, & tempore remota: & si non fiant, contra religionem peccatur. Idem patet in eo, qui in principio iustifica-

514 QVAESTIO CXIV.

tionis proponit singulis diebus rosarium dicere, quod in poenitentiam ei confessor imposuit. Cum ergo bonorum actuum operatio per totum vite tempus sit executio cogitationis, & propositi, quo iustus in principio vite, vel iustificationis voluit omnia facere propter Deum, cum se, & omnia sua in illum retulit; in cuiuslibet actus boni operatione, etiam si in fine vite fiat, & multo tempore distet à prædicta cogitatione, & proposito, virtualiter manebit prima intentio, cum nunquam per actum contrarium peccati mortalis fuerit renocata, & actus ille bonus virtualiter erit propter Deum ex præcedente intentione, sicque meritorius erit.

Ad 1. verò respondetur: sensum illorum verborum esse: si tantum diligitis eos, qui vos diligunt, inimicos verò odio habetis, quam mercedem habebitis? Unde si ita facerent, non iusti, sed similes ethnicis, & publicanis essent.

Ad 2. respondetur ex dictis: ut in iusto habente gratiam sit opus bonum meritorium, non necessario requiri, esse à charitate imperatum; si enim sit actus virtutis infusæ, etiam si per actum charitatis non imperetur, meritorius erit, & dignitatem operis meritorij habebit ex gratia, & charitate, non ut imperante proprie, sed ut principio, & radice, unde virtutes omnes infusæ procedunt. Non nego actus virtutum infusarum moralium includere imperium charitatis, & sine illo non esse; id enim

ARTICVLVS IV. 515

enim multi colligunt ex D. Thom. supra q. 65. art. 2. vbi ait, omnes virtutes morales infusæ esse connexas charitati, sicut acquisite sunt annexæ prudentiæ; ergo, sicut nullus est actus virtutis acquisite, qui non inuoluat, aut includat iudicium prudentiale; ita nullus est actus virtutis moralis infusæ, qui non inuoluat, aut includat imperium charitatis, sicut illud includit contritio, quæ est actus poenitentiae infusæ, & martyrium, vt est actus fortitudinis infusæ; propter quod D. Th. 2. 2. q. 124. art. 2. ad 2. ait: *Martyrium est actus charitatis, vt imperantis, fortitudinis autem, vt elicientis*. Et idem dicendum videtur de actibus fidei, & spei formatis, est enim teste D. Th. 2. 2. qu. 1. art. 9. ad 3. actus fidei formatæ credere in Deum, qui vt ibidem q. 2. art. 1. §. *Ad hoc*, docet Caietan. est à charitate imperatus. Afferro tamen, etiam si per possibile, vel impossibile, aut cogitatione secludas imperium charitatis ab actibus virtutum infusarum, fore meritorios, dum sunt in iusto viatore. Addo: actus virtutum acquisite, etiam si non impetentur a charitate per actum presentem, aut præcedentem; si tamen impetentur ab aliqua virtute infusa, esse meritorios in iusto viatore. Immo, & addo, meritorios esse, si impetentur ab actu supernaturali attritionis, qui iustificacionem per Sacramentum, vt dispositio præcedit, & virtute perseverans in instanti susceptionis Sacramenti formatur per habitus infusos. Cum enim attritio illa inclu-

516 *QVÆSTIO CXIV.*

dat detestationem præteritæ vitæ, & propositum nouę in obsequium Dei; illa, vt formata per charitatem tota vita subsequens refertur in Deum quātum ad actiones referibiles in ipsam: & hoc sufficit, vt omnes actus boni subsequentes sint in iustificatio vitæ æternæ de condigno meritorij. Sunt etiam, qui argumento respondent: non esse admittendum, aliquem habere gratiam, & charitatem, & supernaturaliter viuere, quin exeat in actum dilectionis Dei: quia gratia est fons aquæ salientis in vitam æternam, & charitas non est ociosa. Quod si non fecerit peccabit: nam si est verum præceptum charitatis obligare ad cultum ad Deum super omnia diligendum, quando recipit ab eo aliquod singulare beneficium, nullum aliud est maius iustificatione. Vnde in eo, qui habet gratiam, si opera bona non referantur à charitate per actū dilectionis actualiter, aut virtualiter in Deum vltimum finem, ex defectu huius relationis sunt peccata, sicut, & si ob inanem gloriam fierent. Nam vt ait D. Th. in 2 d 40 q. 1. art. 5. ad 7. quod dicitur 1. ad Corinth. 10. v. 31. *Omnia in gloriam Dei facite*, præceptum est, si intelligatur negatiue, vt sensus sit: nihil contra Deum faciatis: Si autem intelligatur affirmatiue, ita quod actualis relatio in Deum sit cōiuncta cuilibet actioni nostræ, non quidem in actu. sed in virtute, secundum quod virtus primæ ordinationis manet in omnibus actionibus sequentibus, sicut virtus finis vltimi manet in omni.

ARTICVLVS IV. 51

*omnibus finibus ad ipsam ordinatis . Et sic a-
huc est praeceptum , & contingit omissionem eiu
esse venialem , vel mortalem . Quod praece-
ptum , vt colligitur ex eodem D. Thom. hic
q. 100 art. 10 Non obligat ad semper , sed pro
illo tempore , quo aliquis habet charitatem , de quo
vide Capreolum in 2. d. 40. q. 1. art. 3. ad 5.
contra 2. Sed in hac solutione multa in-
cluduntur difficilia , vnde prima tenenda
est .*

*Ad 3. respondetur negando antecedens .
Ad 1. probationem nego sequelam : nam
factum , aut verbum ociosum non attendi-
tur ex fine ultimo , sed ex fine proximo , &
particulari : eo autem ipso , ac ociosi actus
non habent finem proximum bonum ,
non sunt ordinabiles in Deum , sicque vir-
tute illius primæ intentionis in illum non
ordinantur , nam iustus illa intentione so-
lum ordinat in Deum , quæ sunt ordinabi-
lia in illum . Ad 2 probationem nego con-
sequentiam : omnia enim bona sunt in
Deum finem charitatis ordinabilia , non
tamen omnes actus idolatræ sunt ordina-
biles in idolum , non solum boni moraliter ,
sed etiam , quam plures mali , vt patet de
furto , fornicatione , & mendacio , quæ etiam
in idolatra malitiam idolatriæ nõ habent .
Vnde de his eadem est ratio , ac de pecca-
tis venialibus in iusto ; sicut enim hæc in
iusto ex vi primi illius actus , & intentionis
non referuntur virtualiter in Deum , quia
non sunt in eum referibilia : ita nec in ido-
latra actus boni , & quam plures mali refe-
run.*

iustificamur; hocque non operibus studio-
fis naturalibus, sed operibus supernaturali-
bus, quę vt dispositiones præcedunt iusti-
ficationem. Probantque nonnullis SS. Patrum
auctoritatibus præsertim D. Aug. Epist. 105.
dicentis: *Nec ipsarem sso peccatorum sine
al quo merito est, si fides hanc impetrat, nec
enim nullum est meritum fidei.*

Alijs videtur, nec etiam de congruo
posse hominem mereri primam gratiam
habitualement formaliter iustificantem. Exi-
stimantque hanc esse sententiam D. Th. hic,
quia absolute negat meritum primę gratiæ,
non distinguens condignum, vel congruum,
sicut distinguit art. seq. asserens hominem
posse alteri mereri primam gratiam non
de condigno, sed de congruo.

Sed item hanc ex doctrina D. Thom.
componere possumus; ait namque in 2.
dist. 27. q. 1. art. 4. ad 4. hominem actibus
quibus disponitur ad gratiam: *Quodammodo
ex congruo gratiam mereri, Et art. 5. Acti-
bus talibus non meretur quis gratiam sibi ex
condigno, sed solum ex congruo. Et inferius
Christo excepto inquit: Nullus alius alteri
ex condigno meretur, sed solum ex congruo, ita
tamen, quod est hic plus de ratione meriti, quā
quando aliquis dicitur sibi mereri gratiam ex
congruo. Ex quibus patet, hominem posse
sibi mereri primam gratiam quodammodo
de congruo, & hoc dicunt auctores
primę sententię, indicantque verba
Diu. Augustini. Non tamen ita perfecte
sicut potest alteri mereri primam gratiam
quod*

quod est mereri illam strictè, & propriè de congruo, ita vt congruentia se teneat etiam ex parte personæ, & prima gratia respondeat merito, vt præmium, & hoc asserunt auctores secundæ sententiæ. Vtrâque autem sententiam sic explicatam veram esse patet. Primam quidem: nam homo adultus consequitur gratiam habituales per opera, quibus disponitur ad illam; ergo quodammodo, & impropriè illam de congruo mereri dici potest; opera enim merita dicuntur, vt patet ex Diu. Thom. hic dicente; *Omne meritum repugnat gratiæ: quia vt ad Rom. 2. Apostolus dicit, Si ex operibus, iam non ex gratia.* Secundam; nam meritum quodcumque, etiam congruum, propriè, & strictè sumptum relationem dicit ad præmium. & qui tenetur alicui ad satisfactionem pro iniuria, & est illius inimicus, nullo modo potest ab eo aliquid mereri; ergo cum peccator sit Dei inimicus, cui tenetur pro iniuria satisfacere, & cum iustificatur, remissio peccatorum non detur ei vt præmium, non dicetur propriè, & strictè mereri de congruo sibi primam gratiam, sed solum latè, & impropriè meritum vocando impetrationem, qua orationibus, & operibus misericordiæ gratia iustificationis impetratur, aut quod est dispositio media, qua congruenter datur prima gratia habitualis. Si verò sit sermo de merito de condigno, certissimum est, non posse hominem mereri gratiam primam, non solum

solum actuale, sed etiam habituale, qua iustificamur: dicitur namque in Concilio Trid. Sess. 6, cap. 8. *Gratis autem iustificari ideo dicamur, quia nihil eorum quae iustificationem praecedunt, siue fides, siue opera ipsam iustificationis gratia promeretur*: Si dicas: homo meretur primam gloriam per actus charitatis, & poenitentiae, quibus se disponit ad gratiam, quatenus isti actus sunt formati in primo instanti iustificationis; ergo etiam meretur primam gratiam, Probatur consequentia: mereri primam gloriam est mereri primum ius ad gloriam: ergo cum primum ius ad gloriam sit per gratiam, qui meretur primam gloriam, etiam meretur primam gratiam. Respondetur negando consequentiam: nam ut ait D. Thom. supra q. 112 art. 2. ad 1. *Talis operatio est quidem meritorie: sed non gratia quae iam habetur, sed gloria, quae nondum habetur*. Ad probationem dico, ius ad gloriam, ut haereditatem, esse formaliter per gratiam habituale, ius tamen ad gloriam, ut mercedem, seu praemium non nisi per meritum, unde licet hoc acquiritur ius ad primam gloriam, non sequitur illo acquiri gratiam primam. Si quaeras autem, an idem gradus gloriae, qui respondet gratiae habituali, correspondeat actui charitatis, vel contritionis, ut formato gratia? Respondetur: eundem utrique respondere: diuersa tamen ratione: ut haereditatem quidem gratiae habituali: ut mercedem vero, seu praemium actui meritorio: sicque

que talis gradus primę glorię duplici titulo habetur,

Queri hic solet an de potentia Dei absoluta possit homo mereri primam gratiam habitualement? Ad quod breuiter respondeo: Si homo iustificetur per actum charitatis iuxta ea, quę diximus supra q. 113. artic. 1. dub. 2. posse per opera sequentia talem iustificationem, & antecedentia habitum gratię, non solum mereri gloriam vt diximus hic art. 2. sed etiam habitum gratię. In hoc enim nulla apparet implicatio contradictionis: esset namque ille homo iustus, & Deo gratus, & ex auxilio supernaturali posset diligere Deum super omnia; cur ergo non posset Deus efficere, vt hac supernaturali dilectione mereretur habitum gratię, quem nondum haberet? Per opera tamen, gratiam habitualement sequentia non posset illam mereri: non potest enim principium meriti cadere sub merito, nam respectu eiusdem meriti principium esset, & terminus, quod implicat contradictionem. Pręterea meritum cum sit via ad pręmium, aliquo modo debet pręcedere pręmium, sitem secundum ordinem diuinę pręscientię: sed opera sequentia nullo modo pręcedunt gratiam, etiam secundum ordinem diuinę pręscientię, cum scientia meritorum sequentium pręsupponat voluntatem dandi gratiam, vt causam illorum: ergo per opera sequentia non potest homo mereri gratiam; sicut nec potest mereri suum esse & suam

crea-

ARTICVLVS VI. 523

creationem, nec gratiam excitantem, & praeuenientem primae vocationis.

ARTICVLVS VI.

Utrum homo possit alteri mereri primam gratiam.

Conclusio est negans.

Potest quidem iustus alteri primam gratiam mereri de congruo; non tamen de condigno: nam licet opera iusti ex gratia, & charitate habeant valorem, & condignitatem sufficientem, non sunt de condigno meritoria gratiae alterius: quia nullus, Christo excepto, qui est caput Ecclesiae, mouetur, & ordinatur à Deo per donum gratiae, nisi ut ipse ad vitam eternam perueniat, sicque ex defectu diuinae ordinationis ad gratiam alterius opera iusti non possunt esse illius de condigno meritoria.

ARTICVLVS VII.

Utrum homo possit sibi mereri reparationem post lapsum.

Conclusio est negans.

Vtrumque meritum, tam scilicet de condigno, quam de congruo negat D. Thom. respectu reparationis post lapsum. De merito condigni certissimum est.

Fun.

Fundamentum huius (præter testimonia Scripturæ, & Conciliorum quibus docemur iustificationem impij fieri omnino gratis, & rationem D. Thom. hic) est : Meritum de condigno non potest esse eius præmii, ad cuius consequutionem per se, & necessario præsupponitur interruptio diuinæ motionis, quodque non potest nisi indigno exhiberi, sed reparatio post lapsum non potest exhiberi nisi indigno, peccatori scilicet, & Dei inimico, & ad eius consequutionem per se, & necessario præsupponitur interruptio diuinæ motionis ; ergo, &c. Minor probatur : quo ad primam quidem partem, nam cum meritum pendeat ex motione diuinæ gratiæ, non potest esse eius, ad quod motio diuinæ gratiæ, qua fit meritum, non potest se extendere, quale est illud ad cuius consequutionem per se & necessario præsupponitur interruptio diuinæ motionis. Quo ad 2. etiam partem : quia nulla potest esse iustitia, ut exhibeatur aliquid indigno ; ergo cum exhibitio præmii pro merito de condigno pertineat ad iustitiam, non potest tale meritum esse, eius, quod non potest nisi indigno exhiberi. Hinc patet, cur iustus possit sibi mereri gloriam de condigno, etiam si non sit in gratia perseveraturus ; non verò reparationem post lapsum, meritum enim gloriæ non terminatur ad aliquid, ad cuius consequutionem per se, & necessario præsupponatur interruptio diuinæ motionis, nam interruptio in eo, qui non

ARTICVLVS VII. 525

non est perseueraturus, omnino se habet per accidens, & consequutio gloriæ non per se, & necessario requirit motionis diuinę gratiæ interruptionem, sicut eam per se, & necessario præsupponit reparatio post lapsum. Deinde meritum glorię non terminatur ad eius collationem in statu indignitatis, sicut meritum reparationis post lapsum. Si dicas: Christus de condigno meruit nobis reparationē post lapsum, ac proinde aliquid conferendum indignis; ergo quod reparatio post lapsum sit indigno conferenda, non obstat, vt eam iustus sibi mereatur. Respondetur reparationem post lapsum, quam ob merita Christi assequuntur peccatores posse dupliciter considerari. Primo in ordine ad peccatores, respectu quorum nullo modo habet rationem præmij, sed doni omnino gratis collati. Secundo in ordine ad Christum, qui meruit illam, respectu cuius habet rationem præmij. Quamuis autem vt donum possit conferri indignis, non tamen vt præmium. Si quis autem sibi reparationem post lapsum mereretur, hæc sibi vt præmium esset conferenda.

De merito congrui non est ita certum, non posse hominem sibi mereri reparationem post lapsum: oppositum enim eius docent nonnulli cum Dio. Bonauentura in secundo distin. 28. in expositione litterę, quod, & docere videtur D. Th. ad Hebræos 6. lect. 3. vbi dubio quo concludit: *Ergo cadit sub merito, quod resurgat à peccato,*

& sic

Et sic meretur gratiam Respondet: Dicendum quod duplex est meritum, unum quod innititur iustitiæ, & istud est meritum condigni. Aliud quod soli misericordiæ innititur, quod dicitur meritum congrui, & de isto dicit, quod iustum est, id est congruum, quod homo, qui multa bona facit, mereatur. Ista enim misericordia est adiuncta quodammodo iustitiæ plusquam in illo, qui nunquam aliud facit. Et isto modo non obliuiscitur Deus operis, & dilectionis. Sed ne cogamur asserere Sanct. Doctorem sibi esse contrarium, cum hic dicat: Nullus potest sibi mereri reparationem post lapsum futurum, neque merito condigni, neque merito congrui: aut illam sententiam hic retractasse; iuxta ea, quæ diximus ar. 5. ipsum explicare possumus: scilicet, loquutum fuisse ibi de merito congrui latè, & improprie sumpto, hic verò de eo proprie, & strictè accepto. Est enim aliqua cōgruitas, ut Deus illum conuertat, qui antequam peccaret, multa bona fecerat; non est tamen proprie ratio meriti de congruo: quia eius efficacia impeditur per peccatum sequens, & cum respiciat præmiū, non potest esse eius, quod non potest nisi indigno exhiberi.

Circa a. 8. vide quæ dicemus 2. 2. q. 24. a. 6.



ARTICVLVS IX.

*Vt am homo possit perseverantiam
mereri.*

Conclusio est negans.

QUæ certa est secundum fidem, si de merito condigni intelligatur, vt debet intelligi. Colligitur ex Concil. Trid, Sess. 6. c. 13. vbi de perseverantiæ munere dicitur: *Quod quidem aliunde haberi non potest, nisi ab eo, qui potens est, eum, qui stat statuere, vt perseveranter stet, & eum, qui cadit, restituere.* Posset autem aliud haberi, si ex merito haberi posset; ergo &c. Probatur etiam ratione D. Tho. hic Perseverantia dependet solum ex motione diuina, quæ est principium omnis meriti, ergo cum principium meriti non cadat sub merito, perseverantiæ bonum nullus meretur, sed Deus illud gratis largitur. Vide Caiet. hic vbi optimè rationem hanc explicat.

Neque huic obstat, quod ait D. August. lib. de Bono perseverantiæ c. 6. *Hoc Dei donum suppliciter emereri potest, sed eum datum fuerit, amitti contumaciter non potest.* Respondetur enim D. August. ibi loqui de merito latè sumpto pro impetratione, perseverantiæ enim donum posse à Deo impetrari, illud à Deo petendo, docet D. Ang. ibi c. 1. & 7. & D. Th. hic a. 1. quæ impetratio licet non sit meritum de condigno, immo, nec de congruo, propriè, & strictè sumptum, latè
tamen

tamen, & aliquo modo meritum de congruo dici potest.

ARTICVLVS X.

Vtrum temporalia bona cadant sub merito.

Conclusio est negans..

DVpliciter bona temporalia considerari possunt, nempe, aut secundum se, aut vt conducunt ad vitam æternam: licet autem hoc secundo modo directe, & simpliciter cadant sub merito, sicq; ea mereantur, non quidem peccatores, sed iusti de cōdigno, sicut, & merentur augmentum gratiæ; si tamen primo modo sumantur nō simpliciter cadunt sub merito, sed secundum quid. Sic ea de congruo merentur etiā peccatores per bona opera, quæ faciunt: Vnde D. Th. in 2. d. 27. q. 1. a. 4. inquit: *Frequenter et Greg. dicit Deus in hoc mundo remunerat eum, qui premium futura glorie non meretur, ut sic nullum bonum irremuneratum inueniatur.* Et lib. 3. de regimine Principum c. 4. & 5. & 6. cum D. Aug. in lib. de Ciu Dei ostendit Romanos mundum subiugasse & dominium, ac imperium meruisse ob amorem patriæ, zelum iustitiæ: & singularem pietatem, ac civilem beneuolentiam.

L A V S D E O.

I N-



I N D E X

R E R V M

NOTABILIVM.

A



BBATISSÆ, & Priorissa, præcepta
spiritualia ponendi potestatem non
habent. pag. 11.

Acceptatio populi, an sit necessaria,
ut lex obliget. 46. Si est dubium, an lex sit ac-
ceptata, an presumendum sit acceptam esse.
pag. 52

Actus pure interni non potest lex humana
præcipere. 65. Bene tamen internos, ut
coniunguntur cum exterioribus. 67

Auxilium generale, & speciale gratia. 221. Si-
ne auxilio speciali gratia potest homo aliquas
veritates naturales cognoscere. 199. Aliqua
opera bona moraliter facere. 214. Non ta-
men omnia in natura lapsa. 234. Neque in
puris naturalibus. 236. Sicque neque dilige-

U j

re

Index rerum notabilium.

Deum super omnia, etiam dilectione naturali. 248

B

B *Eati, an possint aliquid mereri sibi, vel alijs, saltem de congruo.* 461

Bonitas requiritur ad merium. 458

C

C *Ærimonia veteris legis, quando cessauerint.* 192

Capitula Ecclesiarum quomodo leges condere possint. 10

Carthusianus in extrema necessitate agnitionis potest licite vesci carnibus, sed non tenetur. pag 118

Christus non habet successorem, sed Vicarium. 8.

Ut homo non est causa principalis physica gratia. 358. *Quomodo dicatur iustitia nostra.* 395

Confiscatio lege statuta non obligat transgredientem bona sua fisco tradere ante sententiam. pag. 102

Congregatio Cardinalium, an possit leges condere. 9

D

D *Electio Dei super omnia naturalis, & supernaturalis.* 246. *Naturalis affectiva.* 247. *Ad utramque indiget homo lapsus auxilio gratia.* 248

Di-

Index rerum notabilium.

Dispensatio in legibus humanis fieri potest. **163.**
Qua requirantur, ut valida sit, & recte fiat.
163. & seq. An peccet utens dispensatione
sine causa. **170**

Dispositio ad gratiam non est sine auxilio gra-
tie. **278.** Per vires naturæ non potest homo
se ad gratiam disponere. **280.** Actus liberi
arbitrii moti à Deo dispositiones physicae sunt
ad gratiam. **364.** Cur illarum causa physica
principalis non sit homo, & huius ratio. **368.**
Ut ultima dispositiones ad iustificationem
precedunt à gratie infusione efficienter.
pag. 444

E

Ecclesiastici, an aliquomodo subijciantur
legibus Principum secularium. **125**

Epicheia quid sit, & an ad ipsam spectet preter
verba legis agere. **145**

Episcopi leges condere possunt in suis Diocesi-
bus. **9**

Excommunicatio. An quod precipitur sub pœ-
na excommunicationis non late, sed feren-
da, obliget sub mortali peccato. **89**

F

Faciendi, quod in se est Deus non denogat
gratiam, explicatur. **375**

Festa, qua observare teneantur Peregrini.

129. Qui ignorans esse diem festum missam
audivit, an satisfaciat obligationi. **187**

~~Index rerum notabilium.~~

~~Fidem habere, quomodo sit homo certus 386
& seq.~~

G

Gratia operans, & cooperans. 346. Praeueniens, & subsequens. 351. Habituallis realiter distinguitur à charitate. 340. Est in essentia anima. 344. Sine illa homo non potest diu noua peccata vitare. 300. Illam se habere, non potest homo per se ipsum certo scire. 381. Infunditur in iustificatione. 391. An sola ipsa sit causa formalis iustificationis. 396. Non potest esse simul cum peccato mortali. 420.

H

Homo in quinque statibus considerari potest. 204. In puris naturalibus, & in natura lapsa, sicut nudus, & nudatus. pag. 205

I

Imperator in Regnis imperio non subiectis non potest leges condere. II
Intentio implendi praeceptum, an requiratur ad eius impletionem. 187
Ius gentium, an sit naturale, vel humanum positium. 53.
Iusti etiam legibus humanis subiiciuntur. pag. 121
Iustificatio impij est remissio peccatorum. 390.
In

Index rerum notabilium.

In ea verè auferuntur peccata. 392. Causa
formalis eius potest de potentia Dei absolutæ
esse actus contritionis, vel dilectionis. Dei.
399. Absq. aliqua gratia inherente non po-
test homini auferri peccatum. 409. Nec po-
test esse gratia infusio sine remissione culpæ
mortalis. 420

L

L Ex quid sit. 2. Qui condere leges possint. 7.
& seq. Promulgatio est de ratione legis.

13. An ad legem humanam sufficiat pro-
mulgatio in curia. 18. Ad rescindentem
contractus. 20. Ad reuocantem privilegia. 21.
Ad quamcūq. aliam. 23. Si per amici litteras
quis certus sit de promulgatione legis in cu-
ria, an teneatur illam observare. 58

Lex æterna verè, & propriè est lex. 30. Quid
sit. 31. Quando, & quomodo fuerit promul-
gata. 34

Lex naturalis non est ipsa natura rationalis. 35.
Quid sit. 36

Lex humana ex naturali derivatur. 38. Potest
aliquid precipere, quod non est diuina, aut
naturalis lege preceptum. 39. Conditiones,
quas debet habere. 42. Immodica. legum
multitudo reprehensibilis. 45. Populi con-
sensus, an ad eam requiratur. 47. Quomodo
differat à privilegio, sententia, & precepto.
53. & seq. Non potest omnes omnium vir-
tutum actus precipere; maxime internos,
nisi ut coniunguntur cum exterioribus. 63.
& seq. Potest ad culpam obligare. 71. Quæ-

Index rerum notabilium.

- nam ad mortalem, & quinam ad venia-
lem obliget. **81.** Ad solam pœnam obligat
purè pœnalis. **86.** Mixta ad culpam obligat.
88. An ad mortalem, quæ aliquid præcipit
sub pœna excommunicationis non lata, sed
ferende sententiæ. **89.** An quæ pœnam mor-
tis imponit. **91.** Lex pœnalis ante senten-
tiam non obligat ad pœnam, cuius executio
requirit aliquam actionem. **102.** An, &
ad pœnam, cuius executio nullam actionem
requirit. **104.** Leges iniuste, an aliquando
obligent. **111.**
- Leges iuste, an sint seruandæ cum dispendio vi-
ta. **116.** Qui subijciantur legibus. **120.** &
seq. Quando eis liceat præter verba legis
agere. **136.** & seq.
- Lex consuetudine aboleri potest. **148.** Et etiam
consuetudine constitui potest. **147.** Ut con-
suetudo vim legis habeat requirit consensum
Principis. **150.** Præter consensum Principis re-
quiritur consuetudinem inductam fuisse à
multitudine in vi præcepti cù intentione se ob-
ligandi. **153.** Præterea requiritur consuetu-
dinem rationabilem esse, & legitime præscri-
ptam. **155.** Quid sit huiusmodi legitima
præscriptio. **157.** Quot actus, & quantum
tempus requiratur ad constituendum con-
suetudinem, quæ vim legis habeat. **157.** &
seq.
- Legem dispensatio. Vide **L.** dispensatio.
- Lex vetus data fuit per Angelos. **173.** Eius
ceremonia cessauerunt in aduentu Christi.
191. Quando. **192.** Post Christi passionem
vsque ad diuulgationem Euangelij mortua
fuit

Index Rerum notabilium.

fuit, sed non mortifera. 191. An tunc fuerit inutilis. 196

Liberum arbitrium post Ada peccatum nō fuit extinctum. 217. Sed attenuatum. 248

M

Meritum quas conditiones requirat. 456.

An possit esse absque pacto, aut promissioni Dei. 462. & seq. sine gratia nullus mereri

potest vitam eternam. 487. Cum gratia

potest homo mereri vitam eternam de con-

digno. 489. Meritum non est actus alicuius

virtutis specialis. 496. In homine iusto om-

ne opus bonum est vita eterna meritorium.

504. Ad quod non sufficit concomitantia

habitus charitatis, sed requiritur saltem vir-

tualis ordinatio illorum in Deum. 607 Quis

sit huiusmodi ordinatio requisita. 509. & seq.

An aliquo modo possit homo sibi mereri primam

gratiam de congruo. 523. Reparationem post

lapsum non potest homo sibi mereri. ibidem.

Nec perseverantiam. 527. Quomodo bona

temporalia cadant sub merito. 528

Modus virtutis, an cadat sub precepto legis.

185 & seq.

N

Natura in quot statibus considerari possit.

pag 204

Natura status differentia. 208

Index rerum notabilium.

P

- P**eregrini tenentur legibus locorum in quibus
reperiuntur, 129.
- Perseuerantia donum auxilium est speciale di-
stinctum ab eo, quod requiritur ad diu per-
manendum in bono, & à dono confirmationis
in gratia, 329. An Deus sit paratus illud
omnibus conferre, 335.
- Pœnalis lex qua sit, & an ad culpam obliget,
Vide lex.
- Pœnitentia actus est dispositio ad iustificationem
431. An aliquando sufficiat virtualis, 433.
- Præceptum quomodo differat à lege, 59.
- Præceptorum adimpletio an possit fieri ab homine
sine gratia. Vide gratia.
- Præcepta Decalogi non possunt dispensari à Deo,
si sermo sit de dispensatione propriè, & strictè
sumpta, 178.
- Premij redditio pro meritis actus est iustitia pro-
priè sumpta, 478.
- Præparare se ad gratiam potest homo non tamè
per seipsum sine auxilio gratia, 278.
- Præsumptio in qua lex fundatur, si fallit, lex
non obligat in conscientia, 144.
- Principes qui leges condere possint, 12. Quomo-
do suis legibus subiciantur, 122. An si absq.
iusta causa illas non seruent peccent morta-
liter, 124. Possunt in suis legibus dispensare,
162. Eorum consensus requiritur, ut vel
consuetudo vim legis habeat, vel ut eam
aboleat, 150.
- Privilegium quomodo à lege differat, 58.

Pro-

Index rerum notabilium.

Promulgatio ad legem requiritur, 16.

Pueri quando perueniunt ad annos discretionis tenentur legibus humanis, 131. Qua aetas requiratur ad incurrendas censuras, 134.

Si ante septennium aliquem occidant; etiamsi plenum rationis usum habeant; non incurrunt irregularitatem, 135.

R

Ratione totali legē cessante, legis obligatio cessat, 140.

Regina si sit haeres regni, ipsa potest, quam marito competit legum institutio, 12.

Religionum Praelati potestatem habent ferendi leges, & praecepta 10. An ordinariam, ibid.

Remissio peccatorum numeratur inter ea, quae requiruntur ad iustificationem impij, 438. Sine illa non est infusio gratiae, 429.

Rescripta Principum, an vim legis obtineant, 61.

S

Sententia à lege quomodo differat, 59.

Subditus legi si lex defuerit contrariè potest prae ter verba legis agere, 138. An etiam si solum deficiat negative, 140.

Subornatores in aliquibus vniuersitatibus ante condemnationem priuati sint voce eligendi, 107.

Index rerum notabilium.

T

- T**estatio quid sit, 293. Quotuplex ibidem.
Aliquam superate sine auxilio gratia pos-
sumus, ibid.
Testamentum minus solemne quando sit nulla
145.
Tributorum leges obligare ad mortale, 92.

V

- V**iator debet esse, ut possit aliquis mergi;
459.



ERRATA.

Pag. 40. l. 1. quā pluribus quam pluribus
Pag. 391. l. 14. iuficationem iustifica
tionem, Pag. 521. l. 6. gratia gratiam.

FINIS.

tamen, & aliquo modo meritum de congruo dici potest.

ARTICVLVS X.

Vtrum temporalia bona cadant sub merito.

Conclusio est negans..

DVpliciter bona temporalia considerari possunt, nempe, aut secundum se, aut vt conducunt ad vitam æternam: licet autem hoc secundo modo directe, & simpliciter cadant sub merito, sicq; ea mereantur, non quidem peccatores, sed iusti de cōdigno, sicut, & merentur augmentum gratiæ, si tamen primo modo sumantur nō simpliciter cadunt sub merito, sed secundum quid. Sic ea de congruo merentur etiā peccatores per bona opera, quæ faciunt: Vnde D. Th. in 2. d. 27. q. 1. a. 4. inquit: *Frequenter vt Greg. dicit Deus in hoc mundo remunerat eum, qui præmium futura gloriæ non meretur, vt sic nullum bonum irremuneratum inueniatur.* Et lib. 3. de regimine Principum c. 4. & 5. & 6. cum D. Aug. in lib. de Ciui Dei ostendit Romanos mundum subiugasse & dominium, ac imperium meruisse ob amorem patriæ, zelum iustitiæ: & singularem pietatem, ac ciuilem beneuolentiam.

L A V S D E O.

I N-



I N D E X

R E R V M

NOTABILIVM.

A



BBATISSÆ, & Priorissæ, præcepta
spiritualia ponendi potestatem non
habent pag. 11.

Acceptatio populi, an sit necessaria,
ut lex obliget. 46. Si est dubium, an lex sit ac-
ceptata, an presumendum sit acceptatam esse.
pag. 52

Actus purè internos non potest lex humana
præcipere. 65. Bene tamen internos, ut
coniunguntur cum exterioribus. 67

Auxilium generale, & speciale gratiæ. 221. Si-
ne auxilio speciali gratiæ potest homo aliquas
veritates naturales cognoscere. 199. Aliqua
opera bona moraliter facere. 214. Non ta-
men omnia in natura lapsa. 234. Neque in
puris naturalibus. 236. Sicque neque dilige-

U j

re

Index rerum notabilium.

De Deum super omnia, etiam dilectione naturali. [248](#)

B

Beatitudo, an possint aliquid mereri sibi, vel alijs, saltem de congruo. [461](#)
Bonitas requiritur ad meritum. [458](#)

C

Cerimonia veteris legis, quando, cessauerint. [192](#)
Capitula Ecclesiarum quomodo leges condere possint. [10](#)
Cathusianus in extrema necessitate agitur diuini potest licite vesci carnibus, sed non tenetur. pag. [118](#)
Christus non habet successorem, sed Vicarium. [8.](#)
Ut homo non est causa principalis physicae gratiae. [358.](#) Quomodo dicatur iustitia nostra. [395](#)
Confiscatio lege statuta non obligat transgredientem bona sua fisco tradere ante sententiam. pag. [102](#)
Congregatio Cardinalium, an possit leges condere. [9](#)

D

Dilectio Dei super omnia naturalis, & supernaturalis. [246.](#) Naturalis affectiva. [247.](#) Ad utramque indiget homo lapsus auxilio gratiae. [248](#)

Di-

Index rerum notabilium.

Dispensatio in legibus humanis fieri potest. 162.

Qua requirantur, ut valida sit, & rectè fiat.

163. & seq. An peccet utens dispensatione sine causa. 170

Dispositio ad gratiam non est sine auxilio gratie. 278. Per vires naturæ non potest homo

se ad gratiam disponere. **280.** Actus liberi

arbitrii moti à Deo dispositiones physicae sunt ad gratiam. **364.** Cur illarum causa physica

principalis non sit homo, & huius ratio. **368.**

Ut ultima dispositiones ad iustificationem, procedunt à gratiæ infusione efficienter.

pag. 444

E

Ecclesiastici, an aliquomodo subijciantur legibus Principum secularium. 125

Epicheta quid sit, & an ad ipsam spectet præter verba legis agere. 145

Episcopi leges condere possunt in suis Diocesium. 9

Excommunicatio. An quod præcipitur sub poena excommunicationis non lata, sed ferenda, obliget sub mortali peccato. 89

F

Faciendi, quod in se est Deus non denegat gratiam, explicatur. 375

Festa, qua observare teneantur Peregrini.

129. Qui ignorans esse diem festum missam audivit, an satisfaciat obligationi. **187.**

~~Index rerum notabilium.~~

~~Fidem habere, quomodo sit homo certus 386
& seq.~~

G

Gratia operans, & cooperans, 346. Praeueniens, & subsequens. 351. Habitualis realiter distinguitur à charitate. 340. Est in essentia anima. 344. Sine illa homo non potest diu noua peccata vitare. 300. Illam se habere, non potest homo per se ipsum certo scire. 381. Infunditur in iustificatione. 391. An sola ipsa sit causa formalis iustificationis. 396. Non potest esse simul cum peccato mortali. 420.

H

Homo in quinque statibus Considerari potest. 204. In puris naturalibus, & in natura lapsa, sicut nudus, & nudatus. pag. 205

I

Imperator in Regnis imperio non subiectis non potest leges condere. 11

Intentio implendi praeceptum, an requiratur ad eius impletionem. 187

Ius gentium, an sit naturale, vel humanum positium. 53.

Iusti etiam legibus humanis subijciuntur. pag. 121

Iustificatio impij est remissio peccatorum. 390.
In

Index rerum notabilium.

In ea verè auferuntur peccata. 392. Causa formalis eius potest de potentia Dei absoluta esse actus contritionis, vel dilectionis Dei. 399. Absq. aliqua gratia inherente non potest homini auferri peccatum. 409. Nec potest esse gratia infusio sine remissione culpa mortalis. 420

L

L Ex quid sit. 2. Qui condere leges possint. 7. & seq. Promulgatio est de ratione legis.

13. An ad legem humanam sufficiat promulgatio in curia. 18. Ad rescindentem contractus. 20. Ad reuocantem privilegia. 21. Ad quamcūq. aliam. 23. Si per amici litteras quis certus sit de promulgatione legis in curia, an teneatur illam observare. 58

Lex aeterna verè, & propriè est lex. 30. Quid sit. 31. Quando, & quomodo fuerit promulgata. 34

Lex naturalis non est ipsa natura rationalis. 35. Quid sit. 36

Lex humana ex naturali derivatur. 38. Potest aliquid precipere, quod non est diuina, aut naturali lege praeceptum. 39. Conditiones, quas debet habere. 42. Immodica legum multitudo reprehensibilis. 45. Populi consensus, an ad eam requiratur. 47. Quomodo differat à privilegio, sententia, & praecepto. 53. & seq. Non potest omnes omnium virtutum actus precipere; maxime internos, nisi ut coniunguntur cum exterioribus. 63. & seq. Potest ad culpam obligare. 71. Quomodo

Index rerum notabilium .

- nam ad mortalem . & quinam ad venia-
lem obliget . 81. Ad solam poenam obligat
purè poenalis . 86. Mixta ad culpam obligat .
88. An ad mortalem , quæ aliquid præcipit
sub poena excommunicationis non lata , sed
ferende sententiæ . 89. An quæ poenam mor-
tis imponit . 91. Lex poenalis ante senten-
tiam non obligat ad poenam , cuius executio
requirit aliquam actionem . 102. An , &
ad poenam , cuius executio nullam actionem
requirit . 104. Leges iniuste , an aliquando
obligent . 111.
Leges iuste , an sint servandæ cum dispendio vi-
tæ . 116. Qui subijciantur legibus . 120. &
seq. Quando eis liceat præter verba legis
agere . 136. & seq.
Lex consuetudine aboleri potest . 148. Et etiam
consuetudine constitui potest . 147. Ut con-
suetudo vim legis habeat requirit consensum
Principis . 150. Præter consensum Principis re-
quiritur consuetudinem inductam fuisse à
multitudine in vi præcepti cù intentione se ob-
ligandi . 153. Præterea requiritur consuetu-
dinem rationabilem esse , & legitime præscri-
ptam . 155. Quid sit huiusmodi legitima
præscriptio . 157. Quot actus , & quantum
tempus requiratur ad constituendum con-
suetudinem , quæ vim legis habeat . 157. &
seq.
Legum dispensatio . Vide l. dispensatio .
Lex vetus data fuit per Angelos . 173. Eius
ceremonia cessauerunt in aduentu Christi .
191. Quando . 192. Post Christi passionem
usque ad divulgationem Evangelij mortua
fuit

Index rerum notabilium.

fuit, sed non mortifera. 191. An tunc fuerit inutilis. 196

Liberum arbitrium post Ada peccatum non fuit extinctum. 217. Sed attenuatum. 248

M

Meritum quas condiciones requirat. 456.

An possit esse absque pacto, aut promissioni Dei. 462. & seq. sine gratia nullus mereri potest vitam eternam. 487. Cum gratia

potest homo mereri vitam eternam de condigno. 489. Meritum non est actus alicuius virtutis specialis. 496. In homine iusto omne opus bonum est vita eterna meritorium.

504. Ad quod non sufficit concomitantia habitus charitatis, sed requiritur saltem virtualis ordinatio illorum in Deum. 607 Quis

sit huiusmodi ordinatio requisita. 509. & seq. An aliquo modo possit homo sibi mereri primam gratiam de congruo. 523. Reparationem post

lapsum non potest homo sibi mereri. ibidem. Nec perseverantiam. 527. Quomodo bona

temporalia cadant sub merito. 528

Modus virtutis, an cadat sub precepto legis. 185 & seq.

N

Natura in quot statibus considerari possit. pag 204

Natura statuum differentia. 208

Index rerum notabilium.

P

Peregrini tenentur legibus locorum in quibus
reperiuntur, 129.

Perseuerantia donum auxilium est speciale di-
stinctum ab eo, quod requiritur ad diu per-
manendum in bono, & à dono confirmationis
in gratia, 329. An Deus sit paratus illud
omnibus conferre, 335.

Pœnalis lex qua sit, & an ad culpam obliget,
Vide lex.

Pœnitentia actus est d'spositio ad iustificationem
431. An aliquando sufficiat virtualis, 433.

Præceptum quomodo differat à lege, 59.

Præceptorum adimpletio an possit fieri ab homine
sine gratia. Vide gratia.

Præcepta Decalogi non possunt dispensari à Deo,
si sermo sit de dispensatione propriè, & strictè
sumpta, 178.

Premij redditio pro meritis actus est iustitia pro-
priè sumpta, 478.

Præparare se ad gratiam potest homo non tamè
per seipsum sine auxilio gratia, 278.

Præsumptio in qua lex fundatur, si fallit, lex
non obligat in conscientia, 144.

Principes qui leges condere possint, 12. Quomo-
do suis legibus subſciantur, 122. An si absq.
iusta causa illas non seruent peccent morta-
liter, 124. Possunt in suis legibus dispensare,
162. Eorum consensus requiritur, ut vel
consuetudo vim legis habeat, vel ut eam
aboleat, 150.

Privilegium quomodo à lege differat, 58.

Pro-

Index rerum notabilium.

Promulgatio ad legem requiritur, **16.**

Pueri quando perueniunt ad annos discretionis tenentur legibus humanis, **131.** Quae aetas requiratur ad incurrendas censuras, **134.**

Si ante septennium aliquem occidunt, etiamsi plenum rationis usum habeant, non incurrunt irregularitatem. **135.**

R

Ratione totali legē cessante, legis obligatio cessat, **140.**

~~Regina si sit haeres regis, ipsa potest, quam in a-~~
rito competit legum institutio, **12.**

Religionum Praelati potestatem habent ferendi leges, & praecepta **10.** An ordinariam, *ibid.*

Remissio peccatorum numeratur inter ea, quae requiruntur ad iustificationem impij, **438.**

Sine illa non est infusio gratiae, **429.**

Rescripta Principum an vim legis obtineant, **61.**

S

Sententia à lege quomodo differat, **59.**

Subditus legi si lex deficit contrariè potest praeferre verba legis agere, **138.** An etiam si solum deficiat negative, **140.**

Subornatores in aliquibus universitatibus an ante condemnationem privati sint voce eligendi, **107.**

T

Tentatio quid sit, 293. Quotuplex ibidem.
Aliquam superata sine auxilio gratia pos-
sumus, ibid.

Testamentum minus solemne quando sit nullum
145.

Tributorum leges obligant ad mortalia, 92.

V

Viator debes esse, ut possis aliquis mergi;
459.



ERRATA.

Pag. 40. l. 1. quā pluribus quam pluribus
Pag. 391. l. 14. iuficationem iustifica
tionem, Pag. 521. l. 6. gratia gratiam.

FINIS.

1902

1902

1902

